

საქართველოს  
საზოგადოებრივი  
საბუნებისმეტყველო

საზოგადოებრივი  
საბუნებისმეტყველო  
საბუნებისმეტყველო  
საბუნებისმეტყველო



4

თბილისი

1986

P



შიდასაეკლესიო მოხმარებისათვის

სრულიად საქართველოს საპატრიარქო

ს ა დ ვ თ ი ს მ ე ტ ყ ვ ე ლ ო

კ რ ე ბ უ ლ ი

№ 4

უწმიდესისა და უნეტარესის სრულიად საქართველოს კათოლიკოს-პატრიარქის ილია II-ის დგაწლითა და ლოცვა-კურთხევით

თ ბ ი ლ ის ი

1986



ს უ ლ თ ა გ ა მ ო ც ხ ა დ ე ბ ა ნ ი ლ ა ს ბ ი -  
რ ი ტ ი ზ მ ი წ მ . მ ა რ თ ლ მ ა დ ი დ ე ბ ლ უ რ ი  
რ წ მ ე ნ ი ს შ უ ქ ზ ე  
წინასიტყვაობა

ჩვენი მოსახლეობის გარკვეულ ნაწილში ბოლო დროს საგანგაშო მოვლენებმა იჩინეს თავი: ნაცვლად ჭეშმარიტი რწმენისა, რომელსაც ქადაგებს ჩვენი დედა-ეკლესია, მოსახლეობის ერთი ნაწილი გატაცებულია სხვა, «მოდური» რელიგიებით (ხშირად მათი დამახინჯებული ფორმით) და სხვადასხვაგვარი ცრურწმენებით. თბილისურ ინტელიგენციასში ესაა გატაცება ინდუიზმით, ნეობუდიზმით, სპირიტუიზმით და სხვა «იზმებით». სამწუხაროდ, პირადად შეცხვედრივარ ქართველ კაცს, რომელიც ერთხანს «სატანისტური» სექტის წევრი იყო.

F13904

რაც შეეხება ჩვენს რაიონებს, იქაც ამ მხრივ სავალალო მდგომარეობაა. კულტურის სამინისტროში მუშაობის უამს, ვეცნობოდით რა საქართველოს კულტურის ძეგლებს, ჩვენი თვალით ვნახეთ, მაგ., კახეთში, გურჯაანთან მდებარე «ყველაწმინდას» გაუქმებული ეკლესიის ეზოში, როგორ ლოცულობდნენ ქალები «იავენანაზე» (ე.ი. ქრისტიანული ღმრთის ადგილი მათთან დაიკავა «იავენანას» ჰანგმა და სიტყვებმა). დასავლეთ საქართველოში, ზუგდიდთან მდებარე «ყულის»

X ამ დროს ეს რელიგია უარყოფს იმას, რასაც მოხუცი კანტი ყველა რელიგიის კუთვნილებად მიიჩნევდა და ურომლისოდაც მას ვერ წარმოედგინა შექმნილიყო მოძღვრება ზნეობის შესახებ. ესენია: ღვთის არსებობა, სულის უკვდავება და ნებისყოფის თავისუფლება. ინდუიზმით გატაცებულ ერთ ებრაელს ვკითხე, სინაგოგაში თუ დადიხართ-მეთქი. -რასაკვირველიაო, მიპასუხა, მე რამდენი წიგნიც მომეწონება, იმდენჯერ მამა-ბაბათა რწმენა თუ უარცყავი, რაღა გვეშველებათ! ჩვენში კი, სამწუხაროდ, ბევრს არა აქვს ასეთი შეგნება.



გაუქმებულ ეკლესიაში ვიხილეთ: «მლოცველ» სოფლებს შესაწირა-  
ვი ღორი დაებათ ეკლესიაში, კანკელის ახლოს.

წინამდებარე წერილი მიმართულია სპირიტუიზმით გატაცებულთა გა-  
საფრთხილებლად. მისგან საბოლოო თავის დადწევა მოხდება წმ.მარ-  
თლმადიდებლური რწმენის აღიარებით.

თ ა ვ ი ბ ი რ ვ ე ლ ი

რამდენიმე მოსაზრება სულის უკვდავებასთან დაკავშირებით

---

მწამს, მარად მიწამებია

მუდმივ სიცოცხლე სულისა.

ვაჟა-ფშაველა

მე ეჭვი არ მეპარება ჩვენი არსებო-  
ბის გაგრძელებაში. ყოველი ენტიდექია  
ზიარებულია მარადისობას, და ის რამდე-  
ნიმე წელი, რომლის მანძილზეც იგი დაკავ-  
შირებულია მიწიერ სხეულთან, მას არ აბე-  
რებს.

გოეთე

ბევრ ცნობარსა თუ ენციკლოპედიაში სულის არსებობაზე და მისი  
უკვდავების რწმენის ჩასახვაზე დამკვიდრებულია ჯერ კიდევ  
ლ უ კ რ ე ც ი უ ს ი დ ა ნ მომდინარე ა ზ რ ი, რომელიც ახალ  
დროში განავითარეს ე.ტეილორმა და მ.სპენსერმა და რომელიც ცნო-  
ბილია ა ნ ი მ ი ზ მ ი ს სახელწოდებით. ანიმიზმის მიხედვით

ყოველი რელიგიური წარმოდგენა და იდეა მომდინარეობს ს უ ლ ი ს არსებობის რწმენიდან. ეს რწმენა, თავის მხრივ, ჩნდება ა ნ - თ რ თ პ ო - ბ ი ო ლ ო გ ი უ რ მოვლენათაგან (სიზმარი, ჰალიუციონაცია, ლეტარგია, საკუთარი და სხვისი ჩრდილის ხილება და სხვ.). პირველყოფილი ადამიანი ხედავდა სიზმრებს: მაშინ, როცა მისი სხეული ერთ ადგილას განისვენებდა, მეორე მისი «მე» სხვაგან იყო - ნადირობდა, ლაპარაკობდა და სხვა. ამგვარმა წარმოდგენებმა პირველყოფილ ადამიანს გამოუმუშავა შეხედულება მისი «მე»-ს ორადობაზე, რომელთაგანაც შემდგომ ერთ-ერთმა «მე»-მ ს უ ლ ი ს სახელწოდება მიიღო. სიკვდილის შემდეგ ეს სული ტოვებდა სხეულს და აგრძელებდა სიცოცხლეს. ასეთი სულების კრებული შემდეგ ქმნიდა სულთა სამეფოს, საიდანაც სულებს შეეძლოთ სხვა საგნებში განსხეულება. აქედან წარმოდგება რწმენა მთელი სამყაროს გასულიერებისა და აქედანვე მომდინარეობს თაყვანისცემა ცალკეული საგნებისა (ფეტისიზმი) და ბუნების მოვლენებისა (ნატურიზმი). შემდგომ ამავდენიად წარმოიშვა რწმენა ღმერთებზე, ღმერთზე და რელიგიის მთელ ძირითად სისტემებზე.

ანიმიზმის ამ შეხედულებამ, სხვათა შორის, მძაფრი კრიტიკოსი პოვა ემილ დიურკჰეიმში<sup>X</sup>. მას მიაჩნია, რომ ს უ ლ ზ ე წარმოდგენათა აღმოცენება ისეთი მოვლენებიდან, როგორცაა ს ი ზ მ ა - რი და სხვა, არც ისე ბუნებრივია და ნათელი, როგორც ეს ერთი შეხედვით ჩანს. მართლაც, იმის მაგივრად, რომ შეექმნა წარმოდგენა «ორეულზე», პირველყოფილი ადამიანი ამ შემთხვევაში უმაღლესი შეიქმნიდა წარმოდგენას, რომ მას ძილის დროს ძალუძს შორი მან-

<sup>X</sup> - E. Durkheim, *Les formes élémentaires de la vie religieuse*, Paris. Alcan. 1912. №. П. А. Сорокин (Pitirim Sorokin), *Эмиль Дюркгейм о религии*, „Нав. и ден в соц.“ №. 4, СПб 1914, стр. 62-65.

ძიებების ჭვრეტა. ამავდროულად, როგორც ვიცით, სიზმრებში ხშირად ჩვენი წარსული აღდგება ხოლმე და წარმოდგენა «ორეულზე» ვერაფრით ვერ ხსნის ასეთ სიზმართა იდუმალებას. მაგრამ, ამის გარდა ანიმისტური თვალსაზრისის სრულიად აუხსნელს ტოვებს თვით პრობლემის არსს: რატომ სურდა პირველყოფილ ადამიანს ისეთი ფაქტების ახსნა, როგორცაა სიზმარი? ჩვენს ირგვლივ ბევრი ისეთი ფაქტი ხდება, რომელიც არ აღძრავს ჩვენს ცნობისმოყვარეობას და მით უფრო საკვირველია, რომ პირველყოფილ ადამიანი, რომელსაც სავსებით არ გააჩნია სპეკულატური მოთხოვნილებანი, ასე უეცრად და ერთბაშად დაინტერესდა სიზმრით და მასში გარკვევა მოინდომა. რას წარმოადგენს სიზმარი ჩვენს ცხოვრებაში? განა უფრო სარწმუნო არაა, რომ პირველყოფილ ადამიანი უფრო სიცოცხლის გარკვევას მოინდომებდა, ვიდრე სიკვდილისას? მისთვის უფრო მნიშვნელოვანი არ იყო ფიზიკური მდგომარეობა, ვიდრე ძილი? ამიტომ, სულზე წარმოდგენათა აღმოცენება წმინდა ბიოლოგიურ მოვლენათაგან (სიზმრიდან, ლეტარგიიდან და ა.შ.) უარყოფილ უნდა იქნეს. სულზე წარმოდგენის გაჩენა მათგან შეუძლებელია. მხოლოდ იქ, განაგრძობს ე.დ.იურკვიმი, სადაც უკვე არსებობს სულზე წარმოდგენები, სიზმარს შეუძლია ესა თუ ის როლი ითამაშოს, მაგრამ თავად იგი არაა საკმარისი სულზე წარმოდგენის აღმოცენებისათვის.

დაახლოებით ამასვე ამტკიცებს ცნობილი რუსი ფილოსოფოსი სერგეი ტრუბეცკოი, როცა ამბობს, რომ «ჩვენ ვერ ვხედავთ უბრალო სიზმრებში ის უღთა ან უხორცო აჩრდილთა რეალური ასებობის რწმენის არა მხოლოდ ლოგიკურ, არამედ ფსიქოლოგიურ ახსნასაც კი. ვისაც ეს სწამს, მისთვის განსხვავება გარდაცვლილთა აჩრდილებსა და უბრალო სიზმრებს შორის სწორედ იმაში მდგომარეობს, რომ აჩრდილები არ წარმოადგენენ უბრალო სიზმრებს,

რომ ისინი ცხადლიც გვეცხადებიან და მაშინაც კი, როცა სულები სიზმარში გვევლინებიან, ისინი ტოვებენ შთაბეჭდილებას რაღაც რეალური ფსიქიკური ძალისას, ადამიანისაგან განსხვავებულისას, რომელიც ურთიერთობას ამყარებს მასთან<sup>X</sup>.

ამგვარად, აზრთა ამ მსგეველობებიდან ლოგიკურად ის გამომდინარეობს, რომ პირველყოფილი ადამიანი რეალურად მ ო რ ვ ე ნ ე ბ ა ს იქ ხედავდა, სადაც იგი მას ე რ ვ ე ნ ე ბ ო ლ ა. ყველაზე მარტივი და ბუნებრივი «ახსნა» ამ ფენომენისა მხოლოდ ასე შეიძლება. რაც შეეხება ამ მოვლენის «ჭეშმარიტებას», ამაზე ქვემოთ გვექნება საუბარი.

ზემოთქმულს კვლავ ემილ დიურკჰეიმის აზრი გვინდა დავუმატოვ: ანიმიზმის კონსტრუქციის მიხედვით, გამოუცნობ ამოცანად რჩება რელიგიურ მოვლენათა ფაქტი ყველგან და ყველა დროში. ანიმისტური თვალსაზრისის მიხედვით რელიგია წარმოადგენს მხოლოდ ჰალუცინაციითა, ილუზიითა და შეცდომათა ერთობლიობას, რომელსაც არ გააჩნია არავითარი საზოგადო ფასეულობა. მაშინ, როგორდა აცხსნათ ის გარემოებებ, რომ ამ ამკარად ფუჭმა და უნაყოფო მოვლენამ ასე დიხანს გაძლო და ასეთი უზარმაზარი როლი ითამაშა კაცობრიობის ისტორიაში? ნუთუ ბუნებრივმა შერჩევამ ამ ხნის მანძილზე ვერ ჩამოიშორა სიცრუის, შეცდომათა და ილუზიათა ეს სისტემა? რასაცკირველია, ანიმიზმი ამ კითხვებს უპასუხოდ ტოვებს; მაგრამ პასუხი ამ კითხვებზე ყველა ობიექტური მკითხველისათვის აუცილებელია.

-----

<sup>X</sup> Собр. соч. Кн. Сергея Николаевича Трубецкого, т. II, Философские статьи, Москва 1908, стр. 351, 358.



თუკი სიზმარი და ჰალუცინაცია არაფერ შუაშია სულის უკვდავების რწმენის წარმოშობასთან, მაშინ იქნებ ადამიანში დაბუდებული ეგოიზმის გრძნობა ამ რწმენის წყარო, იქნებ საკუთარი მეობის არდაკარგვის დაუძლეველმა ეგოისტურმა სურვილმა აღმოაცენა მითი სულის უკვდავებაზე, როგორც ამას ამტკიცებენ სკეპტიკოსები და ათეისტები?! მაგრამ ეს რომ ასე არაა, ჩანს უძველესი ანტიკური მითიდან ორფეოსის შესახებ. გავიხსენოთ ეს იდუმალებითა და მშვენიერებით აღსავსე თქმულება:

ორფეოსი, შვილი ეაგრიასა და მუზა კალიოპასი, ჯადოსნური მომღერალია. არა მარტო ველურ მხეცებს აჯაღობს მისი სიმღერა, არამედ მცენარეებსა და ხეებსაც დაუტოვებიათ თავიანთი ადგილსამყოფელი და თან მიჰყოლიან ორფეოსს მისი სიმღერის დროს. თავისი სიმღერით იგი დაიბყრობს ნიმფა ევრიდიკეს გულსაც, მაგრამ ქორწილის უამს ევრიდიკეს გველი დაგესლავს და იგი გარდაიცვლება. უზარმაზარია ორფეოსის სევდა და წუხილი, და ბოლოს, თავისი ჩანჯით იგი ჩაეშვება ქვესკნელში, რათა იქაურ მბრძანებელს შეეყვარებულის სული გამოსთხოვოს. ქვესკნელის მცველი და ერინიები, მისი სიმღერით მოხიბლულნი, დაუბრკოლებლად ატარებენ მას. ქვესკნელის მბრძანებელთა - აიდისა და პერსეფონეს გულიც გაღდვება მისი ჰანგების მოსმენისას და ისინი უფლებას აძლევენ ევრიდიკეს სულს, რათა გაჰყვეს თავის შეყვარებულს სამზეოზე.

ასეთია ნაწილი ორფეოსის მითისა. იგი ბევრი რამის მაუწყებელია. ერთი მხრივ მისი სახელის ფუძე ბრყ (აქედან ბრყყუ - «წყვდიადი») ადასტურებს ორფეოსის ნათესაობას ქვესკნელთან და





მის საიდუმლოებებთან<sup>X</sup>. მეორე მხრივ, ამ მითხით ნათლად ჩანს მაღალი ხელოვნების ძალა, როგორც გზა მიღმურთან თანაზიარობისა; მაგრამ ძირითადი და მთავარი ამ მითისა მაინც ის არის, რომ მამოძრავებელ გრძნობად სულის უკვდავების აღიარებისა აქ პიროვნული არსებობის გახანგრძლივებისადმი სწრაფვა კი არაა, არამედ ს ი ყ ვ ა რ უ ლ ი და წყურვილი საყვარელ არსებობასთან გაერთიანებისა სიკვდილის მიჯნის მიღმა. ეს ანიჭებს ამ მითს განსაკუთრებულ მნიშვნელობას და ხდის მას ანტიკური რელიგიის ყველაზე წმინდა მითად. მითის ეს მნიშვნელობა გვაფიქრებინებს, რომ იდეური იგივეობა არსებობს ორფეოსს, როგორც მითიურ გმირსა და ორფეოსს, როგორც ორფიზმის დამაარსებელს შორის<sup>XX</sup>. ამგვარად, სიყვარულია აქ ის ძირითადი, რაც გადალახავს და ამსხვრევს სიკვდილის საზღვრებს<sup>XXX</sup>.

X - იხ. - *Нов. Энцикл. Словарь* », XXIX т., П. 1916, стр. 729.

XX - იქვე, გვ. 729.

XXX - თქმულებას ორფეოსზე ამ მხრივ არ უპირისპირდება გილგამეშის ეპოსი. მართალია, ზოგიერთი ამ ეპოსში ხედავს ადამიანის ყოფიერების იმ დრამატიზმის წარმოჩენას, რომელიც განსაზღვრულია სიკვდილის გარდუვალობით (ასეთია, მაგ., ი. დიაკონოვის აზრი. იხ. *Эпос о Гильгамеше, пер. И. Д. Дьяконова, М. 1961*). მაგრამ ეს უძველესი ეპოსი ზუსტად ასევე გვიჩვენებს, რომ გარკვეულ არსებებს ღმერთების დახმარების გარეშე ძალუძთ უკვდავების მიღწევა იმ პირობით, თუ ისინი ძლევაშოსილად დაძლევენ ინიციაციის გამოცდათა რიგს. აქედან დანახული გილგამეშის ეპოსი უფრო დრამატიზმით აღსავსე ისტორიად მარცხით დამთავრებული ინიციაციისა... იხ. *M. Eliade, Histoire des croyances et des idées religieuses I. De l'age de la pierre aux mystères d'Eleusis, Paris 1976.*



მითი ორფეოსზე საუკუნეთა მანძილზე არ ასვენებდა და აღძრავ-  
და ხელოვანთ მის უკვდავსაყოფად. მის ასახვას ვხვდებით პლასტი-  
კაში: უძველესი რელიეფიდან (მე-5 ს. ქრისტემდე) მოყოლებული  
ოგიუსტ როდენის ჩათვლით; მხატვრობაში: ტინტორეტო, ბრეიგელი (უფ-  
როსი), რუბენსი, ტიეპოლო და სხვები; მუსიკაში: სხვა მრავალთა-  
გან მონტვერდი, გლუკი (რომელმაც განსაკუთრებულ მომჯადოებელ  
ჰანგებში გადმოსცა ეს მომხიბლავი მითოსი), ჰაიდნი, სტრავენსკი;  
პოეზიაში, მრავალთაგან რილკეს ხსენებაც საკმარისია, რომელმაც  
თავისი სონეტების ცენტრში ჩააყენა მითიური ორფეოსი. რილკეს ერ-  
თი კომენტატორის თქმით, «მსგავსად ვირგილიუსისა, რომელიც დან-  
ტეს აცილებს ჯოჯოხეთიდან სამოთხემდე, ასევე თან მიჰყვება ღვთა-  
ებრივი მომღერალი პოეტს სიცოცხლის ფართო სამეფოში იქამდე, სა-  
დაც სიცოცხლე სიკვდილსა და გარდაცვალებაში გადადის»<sup>X</sup>.

ორფეოსის მითი გვაუწყებს, რომ სწორედ ხელოვნება და სიყვარუ-  
ლია ის ხიდი, რომელიც იმქვეყნიურთან გვაკავშირებს; რომ მხოლოდ  
ს ი ყ ვ ა რ უ ლ ს ძალუძს გაგვაბედინოს ქვესკნელში ჩასვლა საყ-  
ვარელ სულთან. და პირიქით: სიყვარულია ის ძალა, რომელიც სასურ-  
ველ სულებს მოგვაახლოვებს ჩვენ საიქიოდან. პოეტური გენია და ინ-  
ტუიცია კარგად გრძნობს იდუმალ კავშირს სიყვარულსა და სიკვდილს  
შორის. დიდი გერმანელი პოეტი ფრიდრიხ შებბელი (1813-1863) მძაფ-  
რად განიცდის ამას თავის «რექვიემში»:

<sup>X</sup> Rainer Maria Rilke, Die Sonette an Orpheus, Mit  
erläuterungen von Katharina Kippenberg, Zürich  
1951, s. 259.



«სულო, ნუ დაივიწყებ,

ნუ დაივიწყებ გარდაცვალებულთ!

ო, ვით გელტვიან ისინი,

ათრთოლებულნი, მიტოვებულნი,

წმიდათაწმიდა მხურვალეებაში,

რომელთაც ბედშავთ სიყვარული აღუვლენს,

თბებიან ისინი და იშვებენ

და განიცდიან უკანასკნელად

სიტკბოს მიმქრალი ცხოვრებისას.

სულო, ნუ დაივიწყებ,

ნუ დაივიწყებ გარდაცვალებულთ!

ო, ვით გელტვიან ისინი,

ათრთოლებულნი, მიტოვებულნი,

და თუ შენ გულის გამყინვარებით,

მიუკარები, მათ ზურგს შეაქცევ,

ძრწოლა აიტანს მათ ზარდამცემი.

და წარიტაცებს გრიგალი ღამის,

უსიყვარულოდ შთენილ-განწირულთ,

და გააქროლებს უსასტიკეს თავდავიწყებით

მათ უსასრულო უდაბნოსაკენ,

სად აღარ სუფივს სიცოცხლე და ოდენ ბრძოლაა

აწყვეტილ ძალთა

განახლებულ არსობისათვის.

სულო, ნუ დაივიწყებ!

გარდაცვალებულთ ნუ დაივიწყებ!»

ყველაზე საინტერესო ისაა, რომ ორფეოსის გამოსახულებას ვხვდებით გვიანდელ რომაულ მოზაიკებში, ქრისტიანული კატაკომბების მხატვრობაში<sup>X</sup>. აქ ორფეოსი გამოსახულია მხეცებს შორის, რომელთაც იგი თავისი ჯადოსნური სიმღერით ატყვევებს. ხშირად ამ სურათებში მხეცები შეცვლილია კრავებით, რის შედეგადაც ორფეოსის ტიპი მიახლოებულია «კეთილი მწყემსის» ტიპთან. თუ რატომ ჩარიცხა ქრისტიანობამ ორფეოსი თავის სიმბოლოთა რიგში, ამბობს ანტიკური რელიგიის მკვლევარი ფ. ზელინსკი, ამაზე შეიძლება მხოლოდ ვარაუდები წამოვყენოთ<sup>XX</sup>. თავი რომ დავანებოთ გნოსტიკურ მოძღვრებებს, რომელთაც ამ ფაქტის ასახსნელად გვთავაზობს აღნიშნული მკვლევარი, აქ ერთი პარალელი ივლება ორფეოსის შიშა და ჩვენი რელიგიის დამაარსებელს შორის. ისევე როგორც ს ი ყ - ვ ა რ უ ლ მ ა ჩაიყვანა ორფეოსი ქვესკნელში, ასევე ს ი ყ - ვ ა რ უ ლ ი ა ის განმსაზღვრელი, რამაც მაცხოვარი, უკვე მთელი კაცობრიობის სახსნელად, ღვთაებრივი ნათელის სიკაშკაშით დაინათა და დემონთა შორის» (ქრ. მორგენშტერნი)<sup>XXX</sup>. ეს იყო ვიეებერთელა მსხვერპლი, განუმეორებელი, უცხო ყველა სხვა რელიგიათათვის, სიყვარულით გაღებულნი. და ეს ჩვენთვის

X Фараар, Жизнь и труды свв. отцов и учителей Церкви, СПб 1890, стр. 12.

XX „Нов. Энци. Словарь“, т. XXIX, II. 1916, стр. 730.

XXX რამდენადაც ვიცი, დიდ მწერალთაგან მხოლოდ კალდერონის პოეტურმა გენიამ გააიგივა ორფეოსი ქრისტესთან თავის აუტოში - *«El divino Orfeo»*.

აღარც უნდა იყოს გასაკვირი იოანე მახარობლის სიტყვების შემდეგ, რომელიც გვაუწყებს, რომ ღმერთი თავად სიყვარულია:

რომელსა არა უყუარდეს, მან არა იცის ღმერთი, რამეთუ ღმერთი სიყვარული არს. ამით გამოცხადანა სიყვარული ღმერთისაჲ ჩუენ შორის, რამეთუ ძე თჳსი მხოლოდ შობილი მოავლინა ღმერთმან სოფლად, რაჲთა ვცხოვნდეთ მის მიერ. და ესე არს სიყვარული, არა რამეთუ ჩუენ შევიყვარეთ ღმერთი, არამედ რამეთუ მან ჩუენ შემოყუარანა და მოავლინა ძე თჳსი მღვინებელად ცოდვათა ჩუენთა. საყუარელნო, უკუეთუ ღმერთმან ესრეთ შემოყუარანა, ჩუენცა თანა-გუაყურთიერთას სიყვარული. ღმერთი არასადა ვის უხილავს. უკუეთუ ვიყუარებოდით ურთიერთას, ღმერთი ჩუენ შორის ჰგვიეს და სიყვარული მისი ჩუენ შორის აღსრულებულ არს. ამით უწყით, რამეთუ მის თანა ვჰვიეთ და იგი ჩუენ შორის, რამეთუ სულისა მისისაგან მომცა ჩუენ. და ჩუენ ვიხილეთ და ვწამებთ, რამეთუ მამამან მოავლინა ძე მაცხოვრად სოფლისა ... და ჩუენ ვცანთ და გუწმენა სიყვარული, რომელი აქუს ღმერთსა ჩუენდა მომართ. ღმერთი სიყვარული არს და რომელი ეგოს სიყვარულსა ზედა, ღმერთი მის თანა ჰვიეს და იგი ღმერთისა თანა» (I იოანე 4,8-14,16).

სიყვარულია ის ძალა, რომელიც სიკვდილს გადალახავს და ქვესკნელის შიშს უკუაგდებს: «შიში არა არს სიყვარულსა თანა, არამედ სრულმან სიყვარულმან გარე განდევნის შიში» (I იოანე,4,18). იესო ქრისტე ღვთის სიყვარულის მაუწყებელია კაცთადმი და ამანვე დროს იგი საუკუნო ს ი ც ო ც ხ ღ ი ს მაუწყებელიცაა, მ ა ც - ხ ო ვ ა რ ი ა. «რამეთუ ესრეთ შეიყუარა ღმერთმან სოფელი ესე, ვითარმედ ძეცა თჳსი მხოლოდ შობილი მოსცა მას, რაჲთა ყოველსა რომელსა ჰრწმენეს იგი, არა წარწყმდეს, არამედ აქუნდეს ცხოვრებაჲ საუკუნოა» (იოანე 3,16).



ძნელია სხვაგან მოიძებნოს ისეთი განდიდება სიყვარულისა, რომელიც საუკუნო ცხოვრების საწინდარია, როგორც ეს ქრისტიანობაშია.

ენათა-და თუ კაცთასა და ანგელოზთასა ვიტყოდი, ხოლო სიყუარული არა მაქუნდეს, ვიქმენ მე, ვითარცა რვალი, რომელი ოხრინ, გინა წინწილანი, რომელნი კმობედ. და მაქუნდეს დათუ წინასწარმეტყულებბაა და უწყოდი ყოველი საიდუმლოა და ყოველი მეცნიერებაა, მაქუნდეს დათუ ყოველივე სარწმუნოებაა ვიდრე მთათაცა ცვალებადმდე და სიყუარული თუ არა მაქუნდეს, არავე რაა ვარ. და შე-დათუ-განჯამო ყოველი მონაგები ჩემი და მივსცნე კორცნი ჩემნი დასაწუ-ველად და სიყუარული არა მაქუნდეს, არარაავე სარგებელ არს ჩემდა. სიყუარული სულ-გრძელ არს და ტკბილ; სიყუარულსა არა ჰშურნ, სიყუარული არა მალლოინ, არა განლაღნის, არა სარცხვენელ იქმნის, არა ეძიებნ თავისასა, არა განრისხნის, არად შეჰრაცხის ბოროტი, არა უხარინ სიცრუესა ზედა, არამედ უხარინ ჭეშმარიტებასა ზედა. ყოველსა თავს-იდებნ, ყოველი ჰრწამნ, ყოველსა ესაგნ, ყოველსა მოითმენნ. სიყუარული არასადა დავარდების, გინათუ წინასწარმეტყულებბანი განქარდენ, ანუ თუ ენანი და-გე-სცხრენ, გინათუ მეცნიერებანი განქარდენ ... ხოლო აწ ესერა ჰგიეს: სარწმუნოებაა, სასოებაა და სიყუარული, სამი ესე; ხოლო უფროჲს ამათსა სიყუარული არს» (Iკორინთელთა მიმართ 13,1-8, 13).

ჩვენში ურუმრად ღვივის რწმენა უკვდავებისა, რის გამოც ასე ვეგუებით ს ა ყ ვ ა რ ე ლ არსებათა სიკვდილს . ამ რწმენის გარეშე სიცოცხლე დაკარგავდა ყოველგვარ ზნეობრივ ფასეულობას.



X X  
X

პიროვნული უკვდავების იდეა მჭიდროდაა დაკავშირებული სულის უკვდავების იდეასთან. დღევანდელი საზოგადოების გარკვეულ ნაწილში როგორც სულის უკვდავების იდეა, ისე თვითონ სულის ცნებაც საკმაოდ მიჩქმალულია და ეს იმიტაცაა გამოწვეული, რომ «სულის» ადგილი ადამიანთა ცნობიერებაში დაიკავა ფსიქოლოგიის სახელმძღვანელოდან ზერელედ ამოკითხულმა «ფსიქიკურმა პროცესებმა», ცნებამ, რომელსაც სავსებით კანონიერი ადგილი უჭირავს ექსპერიმენტულ ფსიქოლოგიაში და რომელიც გულისხმობს, რომ ექსპერიმენტის საგანი შეიძლება გახდეს სულიერი პროცესი და მისი სხეულებრივი გარეგანოვლენა, მაგრამ არა სული, რომლის გაზომვა და გამოთვლა საერთოდ შეუძლებელია.

ექსპერიმენტული ფსიქოლოგიის აღმოცენებას უდიდესი მნიშვნელობა ჰქონდა. დაგროვილ იქნა უამრავი ფაქტი, გამოვლინდა სულიერი ცხოვრების უამრავი თავისებურება, მიკვლეულ იქნა ამ ცხოვრების ერთგვარი მართვის გზებიც კი და ამას ხშირად იმას უმაღლოდ ნენ, რომ ფსიქოლოგიამ თავიდან მოიშორა «სულის» არამეცნიერული და მეტაფიზიკური ცნება. ასე იქცა ფსიქოლოგია, მეცნიერება «სულის შესახებ», ფრ. ა. ლანგეს (1828-1875) ცნობილი გამოთქმით, «უსულო ფსიქოლოგიადა» («*Psychologie ohne Seele*»).

ახლა ისმის კითხვა, თუ რამდენად სამართლიანია ასეთი მიდგომა სულის მიმართ? რამდენად «მეცნიერულია» იგი? ჯერ კიდევ გასულ საუკუნეში, 1872 წ., ქ. ლაიფციგში, ბუნებისმეტყველთა და ექიმთა კრების წინაშე, თავის სიტყვაში «ბუნების შემეცნების საზღვართა შესახებ», სახელგანთქმულმა გერმანელმა ფიზიოლოგმა ემილ დიუბუა-რეიმონმა ზღვარდ დაუდო ადამიანის შემეცნების



უნარს ორ უმთავრეს საკითხში: რა არის ცნობიერება? რას წარმოადგენს მატერიის არსი? მან თავისი გამოსვლა დაამთავრა ლათინური სიტყვით *Ignorabimus!* ე.ი. ჩვენ არა მარტო ახლა არ გვესმის აღნიშნული საიდუმლოებანი, არამედ მათ ვერც ვერასოდეს გავიგებთ *Ignoramus et ignorabimus!* დიუბუა-რეიმონის ამ სიტყვამ დიდი გამოხმაურება გამოიწვია მაშინ. მატერიალიზმის მოღიბით გამსჭვალულ წრეებში მას ფანატიზმი და ობსკურანტიზმიც დასწამეს, მაგრამ ამას არ დაუშლია იმისათვის, რომ დიუბუა-რეიმონის დასკვნა დღესაც ურყევ ჭეშმარიტებად დარჩენილიყო<sup>X</sup>. განვიხილოთ მოკლედ დიუბუა-რეიმონის მოსაზრებანი ცნობიერების შესახებ<sup>XX</sup>. წარმოვიდგინოთ, ამბობს დიუბუა, რომ ჩვენ გავგაჩნია აბსოლუტური ცოდნა თავის ტვინის შესახებ, რომ ჩვენ ვიცით მისი მატერიის უმცირესი ნაწილების ურთიერთდამოკიდებულება და მათი განლაგება; რომ ჩვენ შეგვიძლია მათი მოძრაობის დაყვანა მათემატიკურ ფორმულამდე და ჩვენი ცოდნა ისევე ზუსტია მის მიმართ, როგორც ასტრონომისა პლანეტების სისტემათა მიმართ. ასეთი ცოდნა ფიზიოლოგიური პროცესებისა ნერვებისა და ტვინში იქნებოდა უდიდესი მეცნიერული მონაპოვარი, მეცნიერების ტრიუმფი, მაგრამ თვით ასეთი ცოდნაც უმწეო აღმოჩნდებოდა იმ საკითხის წინაშე, თუ როგორ გარდაიქმნება ნერვული პროცესი ჩვენში შეგრძნებად? რა გარდაქმნის გარკვეულ ფიზიოლოგიურ პროცესს, ტვინში და ნერვებში ატომთა გადანაცვლებას, სიამოვნებისა და ტკივილის შეგრძნებად? უარყოფდა რა ცნობიერების ამ ელემენტარული ფაქტების შემეცნების შესაძლებლობას, დიუბუა-

X E. Du Bois Reymond, *Ueber die Grenzen des Naturerkennens*, 3 Aufl.

ამ საკითხის ირგვლივ არსებობს ზღვა ლიტერატურა, იხ. მათგან მაგ. Ф.А.Ланге, *История материализма*, Т.2. Киев 1900, стр. 87-105. B. Bavinck, *Ergebnisse u. Probl. der Naturwiss.*, 1949 s. 280 u. f.; E. Schrödinger, *Meine Weltansicht*, Hamburg 1963, s. 73 u. f. etc.

XX რაც შეეხება დიუბუას მიერ წამოჭრილ მეორე საკითხს, თუ რას წარმოადგენს მატერიის არსი, იხ. ამაზე ჩვენი შრომა «რწმენის



რეიმონი მით უფრო შეუძლებლად თვლიდა ფსიქიკის უმაღლესი პროცესების - აზროვნების, მეხსიერების, წარმოსახვის და ა.შ. ტვინისა და ნერვების მექანიზმიდან გაგებას<sup>X</sup>. ეს საკითხი, დიუბუას თქმით, ტრანსცენდენტურია, ე.ი. აღემატება გონების უნარს საერთოდ და მას ვერასოდეს შევიმეცნებთ. ჩვენ ვერასოდეს გავიგებთ, თუ რად იწვევს ტვინში და ნერვებში მიმდინარე პროცესები მათგან თვისობრივად მთლიანად განსხვავებულ შეგრძნებებს. აქ ჩვენ ვღაბავართ ფსიქოფიზიკური პრობლემის წინაშე - სულიერი პროცესების სრული შეუღარებლობა ფიზიოლოგიურთან.

დიუბუა-რეიმონის სიტყვის სენსაციურობა გასაგები იყო იმ დროს, რადგან მის გამოსვლამდე, გასული საუკუნის 50-იან და 60-იან წლებში, თუ არ ჩავთვლით შოპენჰაუერის ფილოსოფიას, მომძლავრებული იყო ე.წ. «ვეულგარული მატერიალიზმი» ფოგტის, ბიუხნერისა და მო-

F13904

წინამძღვრები». ნაწ. I - «ქრისტიანობა და ბუნების მეცნიერება» (საღვთისმეტყველო კრებული №2, თბ., 1985წ.)

X არსებითად დიუბუა-რეიმონის აზრები ახალს არაფერს შეიცავდნენ, რაც ცნობილი არ იყო უკვე ფილოსოფიაში. ჯერ კიდევ დიდი ლაიბნიცი აღნიშნავდა: «თუ ჩვენ წარმოვისახავთ ისეთ მანქანას, რომლის შენობა იწვევს აზროვნებას, გრძნობას, პერცეპციასა და კონებას, ჩვენ შეგვეძლოს წარმოგვედგინა, რომ ეს მანქანა იმავე პროპორციის შენარჩუნებით გაედიდებინათ ისე, რომ შესაძლებელი გამხდარიყო შიგ შესვლა, როგორც წისქვილში. ეს რომ დაშვებული იქნეს, ჩვენ, როდესაც შევიდოდით ასეთ მანქანაში, ვიპოვიდით შიგ მხოლოდ მანქანის ნაწილებს, რომლებიც ერთიმეორეს ბიძგს აძლევენ და ვერასოდეს ვერ ვიპოვიდით იმას, რითაც შეიძლებოდა პერცეპცია აგვეხსნა». (იხ. ლაიბნიცი, მონადოლოგია, §17, თარგმ.ს. დანელიასი, თბილისი, 1940, გვ. 25-26).



ღეშოტის სახით. კულმინაცია ამ შეხედულებისა გამოიხატა კარლ ფოგტის სიტყვებში, რომელმაც ფსიქიკური მხარე მატერიალურ-ნივთიერთან გააიგივა და განაცხადა, რომ ტვინი იმდაგვარივე წესით წარმოშობს აზრებს, მისწრაფებებსა და გრძნობებს, როგორადაც თირკმელი გამოყოფს შარდს<sup>X</sup>! ცხადია, ამაზე უკვე მაშინ ღრმააზროვანმა ლოტცემ აუღელვებლად გასცა მას პასუხი: თუკი სულიერი ისეთი რამაა, რაც ტვინისაგან გამოიყოფა, მაშინ აშკარაა, იგი იქნებოდა ჯერ კიდევ იქ, სანამ გამოიყოფოდა. თუკი იგი იქ უკვე ფსიქიკური ბუნებისა იყო, მაშინ იგი მხოლოდ გამოყოფით ვერ წარმოიშობოდა, ხოლო თუ იგი ფიზიკური ბუნებისა გახლდათ, მაშინ გაუგებარია, როგორ იქცა იგი გამოყოფის პროცესით ფსიქიკური.<sup>XX</sup>

მაგრამ ფსიქიკური ბუნების ახსნაში, ცნობიერების არსებობასა და მის აღმოცენებასთან დაკავშირებით, ვერც ის მოსაზრება აღწევს მიზანს, რომლის მიხედვითაც «რაოდენობრიობა თვისობრიობაში» გადადის, ე.წ. «დიალექტიკური ნახტომით». მაგ. წყლის გაცხელება 100<sup>0</sup>-ზე იწვევს მის ორთქლად გადაქცევას და ამგვარად, მატერიალურ სიდიდეთა გარკვეული მატებითა და კომპლიკაციით, თითქოსდა ნახტომისებურად აღმოცენდება ახალი თვისობრიობა.

ეს მოსაზრება, რომელიც ამ მაგალითის მიხედვით მატერიის

X K. Vogt, Physiolog. Briefe für Gebildete aller Stände. Gießen 1847, s. 206. Köhlerglaube u. Wissenschaft, 3. Aufl. S. 32

XX R. H. Lotze, Medizinische Psychologie, Leipzig 1852, s. 44.



განვითარების დროს უეცრად აღმოცენებულ «სიცოცხლისა» და «ცნობიერების» თვისობრიობას განმარტავს როგორც «რაოდენობრივობიდან თვისობრიობაში გადასვლას», შეცდომას ემყარება. ამ მოსაზრებათა შეცდომა იმაში მდგომარეობს, რომ რაოდენობრივი და თვისობრივი დაკვირვების არე ერთმანეთში ირევა. წყლის დულილის დროს რაოდენობრივის მხრიდან არაფრით შემთხვევაში არ ხდება ნახტომი ახალი თვისობრიობისაკენ, არამედ ხდება მხოლოდ სხვანაირი რაოდენობრივი განაწილება ნაწილაკთა: მათი სიმკვრივე სიგრძეში იცვლება. მაგრამ თვისობრიობის მხრიდან კი, კერძოდ, ცნობიერების მხრიდან რომელიც ამ პროცესს აღიქვამს, ეს სახეცვლილი სიმკვრივე ჩანს როგორც ორთქლი. ადრე უფრო დიდი სიმკვრივე ჩანდა როგორც სითხე. «თვისობრიობა», გრძნობადი მოვლენის სახე, რომლითაც ჩვენნი ცნობიერება წყლის მდგომარეობას განიცდის, არის თუმცა ამ მდგომარეობით ნაკარნახევი, მაგრამ საბოლოო ჯამში იგი თვით ცნობიერების პროდუქტს წარმოადგენს. ცნობიერება არის, მაშასადამე, წინაპირობა, რომლის შემწეობითაც მატერიის სხვადასხვა რაოდენობრივი მდგომარეობა სხვადასხვა თვისობრივი მოვლენის სახეს ღებულობს. ამიტომ არ შეიძლება ვთქვათ, რომ თ ვ ი თ რაოდენობრივი მდგომარეობანი თვისობრივში გადადიან: რაოდენობრივობა იქცევა სხვა რაოდენობრივობად ობიექტში, თვისობრივობა იქცევა სხვა თვისობრივობად სუბიექტში. მაშასადამე, ცნობიერების აღმოცენება როგორც «ახალი თვისობრიობისა» ამით და მსგავსი მაგალითებით არ აიხსნება. აქ ჩვენ საქმე გვაქვს აზრობრივ შეცდომასთან *petitio principii*, რომლის დროსაც ამხსნელი ღებულება, რასაც არგუმენტი ემყარება, თვით თხოულობს ახსნას<sup>X</sup>.

X A. Neuhäusler, Grundbegriffe der philosophischen Sprache, München 1963, S. 130-131



არსებობს აგრეთვე სხვა მოსაზრება, რომელსაც ფსიქიკური სურს ახსნას როგორც მდგომარეობა, რომელშიაც აღმოჩნდება ხოლმე მატერია დრო-დადრო. მაგრამ ასეთი ახსნა სულიერს ჩააყენებდა ისეთ მოვლენათა რიგში, როგორცაა სითბო, ელექტრობა, მოძრაობა, რომელნიც მატერიას არა ყოველთვის, არამედ გარკვეულ პირობებში ახასიათებს. მაგრამ ამის საპასუხოდ უნდა ითქვას, რომ აღნიშნული მოვლენები ისევ და ისევ მატერიის მოვლენებია, ასე რომ ფსიქიკურსა და მათ შორის ვერავითარი ანალოგია ვერ გაივლება. მითუმეტეს წარმოუდგენელი იქნება, აზროვნებას მოძრაობა ვუწოდოთ, რადგან მოძრაობა ისევ და ისევ მატერიის განსაზღვრულობაა. «აზროვნება არის მოძრაობა» - ეს იგივეა, რომ ვთქვათ «ხის რკინა», რაც აშკარა *Contradictio in adjecto*-ს წარმოადგენს<sup>X</sup>.

ეს ფაქტი - სრული სხვაობა ფსიქიკურ, სულიერ ბუნებასა და მატერიას შორის, მათი ა ბ ს ო ლ უ ტ უ რ ი თ ვ ი ს ო ბ რ ი ვი განსხვავება, საცხებით უგულვებელყოფილია ევოლუციის თეორიაშიც. სწორედ სულიერის თვისობრივი სხვაობაა მატერიისაგან, რაც განაპირობებს მის ევოლუციისაგან დამოუკიდებლობას. თანამედროვე ბუნებისმეტყველის სიტყვებით თუ ვიტყვით, ეს გარემოება ჯერონად «არ ფასდება, როდესაც ადამიანს, როგორც მთლიანობას, ბუნებისმეტყველება განვითარების საფეხურზე აყენებს<sup>XX</sup>.

ამ წინააღმდეგობებსა და ჩავარდნებს ითვალისწინებს დღევანდელი ფილოსოფიური აზრი. «ფიზიკალიზმი» ორ პრობლემასთან დაკავშირებით აწყდება გადაულახავ წინააღმდეგობებს: პირველი არის პრობლემა ორგანული სიცოცხლისა, ეგრეთწოდებული აპორია ვი-

X L. Busse, *Geist und Körper, Seele und Leib*, Leipzig 1903, s. 26.  
 XX M. Grison, *Geheimnis der Schöpfung*, München 1960, s. 166-167.  
 20

ტალიზმისა და მექანიციზმისა. მეორე პრობლემა, რასაც ვერ წყვეტს ფიზიკალიზმი ესაა ადამიანი, და აქ მისი უმწეობა თავს იჩენს ორ საკითხში: პირველ ყოვლისა, ცნობიერების მიმართ, რომელიც ფიზიკალურად არასოდეს აიხსნება; მეორე რიგში, თავისუფლებაა ის გადაულახავი ჯებირი, რომელსაც ვერასოდეს ახსნის ფიზიკალური კვლევა<sup>X</sup>. ამგვარად, ჩვენი საუკუნის ბუნების ფილოსოფოს ბავინკთან ერთად შეგვიძლია დაბეჭდებით განვაცხადოთ, რომ «დუალიზმი მატერიალურ და სულიერ ცხოვრებას შორის დღესაც ისევე გადაულახავია, როგორც წინათ<sup>XX</sup>».

როცა ვლაპარაკობ ფსიქო-ფიზიკურ დუალიზმზე, ჩვენ არ გვავიწყდება ის ფაქტები, რომლებიც დადგენილია მედიცინური კვლევის შედეგად, პირველ ყოვლისა ფიზიოლოგიის, ფსიქიატრიისა და ფარმაკოლოგიის მონაცემები. დადგენილია, რომ I. როდესაც ტვინი სხვადასხვა მიზეზის გამო არ ფუნქციონირებს, მაშინ ყოველგვარი ცნობიერი ფსიქიკური ხდომილებაც წყდება; 2. გარკვეული ფსიქიკური უნარები (მხედველობა, სმენა და სხვა) ტვინის გარკვეულ სფეროებთან არიან დაკავშირებული; 3. ფსიქიკური განვითარება ძირითადად შეესაბამება ტვინის განვითარებას. ვიმეორებთ, ყოველივე ეს საკმაოდ ცნობილი ფაქტებია, მაგრამ როდესაც ვსაუბრობთ ფსიქო-ფიზიკურ დუალიზმზე, შეიძლება ჩავთვალოთ, რომ სული იყენებს სხეულს

-----  
 X Hans-Dieter Klein, *Vernunft und Wirklichkeit*, Bd. 1, München 1973, s. 14. სიტყვა «ფიზიკალიზმი», ავტორის გამოთქმით ე.წ. «მე-ტაფიზიკური ფიზიკალიზმი», აქ იხმარება მატერიალიზმის მნიშვნელობით.

XX B. Bavink, *Ergebnisse und Probleme der Naturwissenschaft* 1949, s. 284.

როგორც ინსტრუმენტს, და რაც უფრო სრულყოფილია ეს  
უკანასკნელი, მით უფრო სრულყოფილად მელაგნდება პირველი. თუმცა  
აქვე აღიძვრის პრობლემა: ფსიქიკურისა და ფიზიკურის თვისობრივი  
განსხვავებისას, როდესაც ფსიქიკური აბსოლუტურად ვერ დაიყვანე-  
ბა მატერიალურ ფაქტორზე, ფიზიკურ სხეულზე, როგორ ძალუძს მას  
ზემეოქმედება ამ უკანასკნელზე? მაგრამ იმასაც რომ  
თავი დაგანებოთ, რომ ტვინის ყველა პროცესს თან არ ახლავს ცნობი-  
ერება<sup>X</sup>, ერთი რამ მაინც უდავოა: სხეულე ბრძოლა  
ფსიქიკური ბრძოლის იპულსად განსხვავ-  
ებულნი არიან. მატერიალურის სფეროში ვერსად ვპო-  
ვებთ იმას, რაც ფსიქიკურთან ოდნავ მსგავსებას მაინც გამოამე-  
ლანებდა: ატომებსა და მოლეკულებს ტვინში შეუძლიათ ურთულესი  
მოძრაობანი შეასრულონ, მაგრამ არასოდეს მოხდება, რომ ატომს უხა-  
როდეს ან მოლეკულა დამწუხრებული იყოს აარავითარი მატერია არ აზ-  
როვნებს და სურვილით არაა შეპყრობილი, იგი არაფერს არ გრძნობს  
და არ გააჩნია მეხსიერება. მკითხველის ტვინი კი არ კითხულობს  
ამ სტრიქონებს და აღიქვამს დაწერილი სიტყვების აზრს, არამედ  
მკითხველი, როგორც მთლიანი ცოცხალი ადამიანი; არა მისი განგლი-  
ის უჯრედები არიან დარწმუნებულნი ამა თუ იმ აზრის სისწორეში,  
არამედ თვით იგი. არსად მატერიაში არ მოიპოვება ისეთი მოვლენები  
ჩვენში რომ ვპოულობთ, როგორც ფსიქიკურ ხდომილებას, ანუ,

როგორც ცნობიერ განცდას. საიდან ვიცით ჩვენი მატე-  
რიალური მხარის, ჩვენი სხეულის შესახებ? მხოლოდ და მხოლოდ ფსი-  
ქიკურ ხდომილებათაგან, კერძოდ, ჩვენი აღქმებისაგან: ჩვენ ვხე-  
დავთ სხეულს, ჩვენ შეგვიძლია მას ხელი მოვაგვლოთ და შევიგრძნოთ,

X E. Schrödinger, Meine Weltansicht, Hamburg 1963, s. 68.

რომ იგი ან რბილია და ან მაგარი, თბილი ან ცივი. ეს ძალაშია არა მარტო ჩვენს ირგვლივ მყოფ სხეულთა მიმართ, არამედ თვით ჩვენი საკუთარი სხეულის მიმართ - ჩვენი ფეხები და ხელები, ჩვენი გამოსახულება სარკეში აღმოცენდება მხოლოდ და მხოლოდ ჩვენი ფსიქიკური პროცესების შედეგად, ჩვენი მხედველობით, შეხებისა და შეგრძნების გზით. და თვითონ ადამიანის ტვინის შესწავლაც

ისევე და ისევე ფსიქიკური პროცესის მეშვეობით ხორციელდება. თვით საკუთარი ტვინის აღქმა (რენტგენის სურათის მეშვეობით) ასევე ფსიქიკურ პროცესს წარმოადგენს. როდესაც ვაკვირდებით ჩვენი აღქმის ორგანოებს, ურთულეს ნერვულ წნულებსა და უჯრედთა სისტემებს, ბუნებრივად აღიძვრის კითხვა: საიდან ვიცით, რომ ჩვენს გარეთ მყოფი საგნები მართლაც ისეთები არიან, როგორადაც ჩვენ მათ ვხედავთ? სინამდვილეში განა მათ არ შეუძლიათ სულ სხვაგვარად ყოფნა და განა არ შეიძლება, რომ ისინი ჩვენ გვეგლინებოდნენ ასეთად მხოლოდ იმიტომ, რომ ჩვენ მათ აღვიქვამთ მხოლოდ და მხოლოდ ჩვენი გრძნობათა ორგანოების ორგანიზაციის წყალობით? საგნებით შესაძლებელია, რომ ჩვენგან დამოუკიდებელი სინამდვილე სულ სხვაგვარადაა მოწყობილი, ვიდრე ამას ჩვენ ჩვენი გრძნობათა ორგანოებით აღვიქვამთ. მაგრამ მაშინ შესაძლებელია დავსვათ კითხვა, რომ ის, რასაც ჩვენ «მატერიალ» ვუწოდებთ, ნამდვილად მატერიაა თუ არა? აქედან კი ერთი ნაბიჯია დაშვებამდე: რაც ჩვენ «მატერიალ» გვეგლინება, არის მხოლოდ მ ო ვ ლ ე ნ ა და სახელდობრ რაღაც სულიერის, არამატერიალურის მოვლენა, რის შესახებაც ჩვენ უშუალოდ ჩვენი შინაგანი გამოცდილებიდან მტკიცე ცოდნა გაგვაჩნია. რამდენადაც ცხადია, რომ ჩვენ ვგრძნობთ, ვესურს და ვაზროვნებთ, ე.ი. რამდენადაც ცხადია ჩვენი ფსიქიკური მხარე ჩვენთვის, ამდენადვე გაურკვეველია, სწორედ ისეთია თუ არა ჩვენი სხეული, როგორადაც ჩვენ მას ვხედავთ და შე-



ვიგრძნობთ? შესაძლებელია, იგი წარმოადგენს მხოლოდ ჩვენი გრძნობათა ორგანოებთან განპირობებულ მოვლენას ჩვენი მშვენიერი-სულიერი არსებისას. ამ პრობლემის წამოყენებით ჩვენ შევედით შემეცნების თეორიის (გნოსეოლოგიის) სფეროში<sup>X</sup>.

რაც ამ სფეროში მატერიალიზმს უპირისპირდება, არის ფუნდამენტალური პრინციპი ი დ ე ა ლ ი ზ მ ი ს ა: მატერია ჩვენთვის არსებობს მხოლოდ როგორც ჩვენი ცნობიერების შინაარსი, იგი ჩვენი ცნობიერებისათვის მოცემულია მხოლოდ როგორც მოვლენა, მაშასადამე, იგი წინასწარვე ვარაუდობს ცნობიერების არსებობას. აქ სწორედ კანტის ფილოსოფია, მისი ტრანსცენდენტალური იდეალიზმი «ქმნის იმ კლდეს, რომელზედაც იმსხვრევა მატერიალიზმის ტალღები»<sup>XX</sup>. სწორედ კანტზე დაყრდნობით ახორციელებს შოპენჰაუერი მატერიალიზმის ცნობილ კრიტიკას, რომლიდანაც ჩვენ, მისი რელიეფრობის გამო, რამდენიმე ციტატას მოვიყვანთ. შოპენჰაუერი წარმოგვიდგენს დიალოგს მატერიასა და სუბიექტს (სულს) შორის. მატერია აცხადებს: «მე ვარსებობ და ჩემს იქით არაფერი არ არის, რადგან სამყარო ჩემი წარმავალი ფორმაა. შენ ( აქ მატერია მიმართავს სუბიექტს- სულს ანუ ცნობიერებას. ვ. რ.) ამ ფორმის ნაწილის მხოლოდ შედეგი ხარ და სავსებით შემთხვევითი». ამაზე სუბიექტი პასუხობს: «უჩემოდ არც შენ და არც შენი ფორმა არ იქნებოდა...: თქვენ ჩემითა ხართ განპირობებული ... თ ქ ვ ე ნ ა რ ს ე ბ ო ბ თ - ეს მხოლოდ იმას ნიშნავს, რომ თქვენ - ჩემი წარმოდგენა ხართ. ჩემი წარმოდგენა არის თქვენი არსებობის ადგილსამყოფელი<sup>XXX</sup>». სხვა ადგილას შოპენჰაუერი ამბობს, რომ მატერიალიზ-

X H. Rohrer, Einführung in die Psychologie, Wien 1958, s. 16-17.  
 XX L. Busse, Geist und Körper, Seele und Leib, Leipzig 1903, s. 15.  
 XXX Arthur Schopenhauer, Die Welt als Wille und Vorstellung, zweiter Band, Leipzig 1892, s. 26.





მი «ცდილობს აღმოაჩინოს პირველადი, უბრალო მდგომარეობა მატერი-  
ისა და შემდგომ მისგან განავითაროს ყველა დანარჩენი აღმავალი  
გზით უბრალო მექანიზმიდან ქიმიზმისაკენ, პლარულობისაკენ, ვე-  
გეტაციურობისაკენ, ანიმალურობისაკენ: თუ დავუშვებთ, რომ ეს გა-  
მოვიდა, მაშინ ჯაჭვის ბოლო რგოლი იქნებოდა ცხოველური მგრძნობე-  
ლობა, შ ე მ ე ც ნ ე ბ ა, რომელიც ამგვარად იქნებოდა მხოლოდ  
სახეცვლილება მატერიისა, კაუზალობით გამოწვეული მატერიის მდგო-  
მარეობა. თუ ამდაგვარად გავყვებით ჩვენ მატერიალიზმის მსჯე-  
ლობას, მაშინ მივალწევდით რა მის საბოლოო წერტილს; უცერად  
ვიგრძნობდით ოლიმპიური სიცილის დაუოკებელ მოძალებას, აღმოვა-  
ჩენდით რა თითქოს ძილისაგან გამოფხიზლებულნი, რომ მატერიალიზ-  
მის მიერ ასე ძნელად მოპოვებული რეზულტატი შ ე მ ე ც ნ ე ბ ა,  
უკვე ნავარაუდები იყო, როგორც აუცილებელი პირობა სულ თავდაპირ-  
ველ ამოსავალ წერტილში უბრალო მატერიისთან. და ბუნება ჩვენ მას-  
თან ერთად წარმოგვედგინა, რომ ვიზრებდით მატერიას, მაგრამ სი-  
ნამდვილეში ვგულისხმობდით სხვას არაფერს, თუ არა მატერიის წარ-  
მომდგენ სუბიექტს, თვალს, რომელიც მას ხედავს, ხელს, რომელიც  
მას შეიგრძნობს, განსჯას, რომელიც მას შეიმეცნებს. ამგვარად,  
მოულოდნელად გადაიხსნებოდა ვეებერთელა *petitio principii*:  
რადგან უკანასკნელი რგოლი უცერად აღმოჩნდებოდა იმ საყრდენ წერ-  
ტილად, რომელზედაც უკვე დაკიდებული იყო პირველი, და ამგვარად,  
ჯაჭვი გადაიქცეოდა წრედ; და მატერიალისტი დემისგავსებოდა ბარონ  
მიუნჰაუზენს, რომელიც ცხენზე ამხედრებული მიცურავს რა წყალში,  
ცხენს ფეხებს მოუჭერს, საკუთარ წინგადმოგდებულ ნაწნავს ხელს  
ჩასჭიდებს და ასწევს თავისთავს ცხენიანად ზევით<sup>X</sup>.

X *ibidem*, Bd. I, s. 62.



ამით შობენჰაუერს იმის თქმა სურს, რომ როგორც კი მატერიალის-  
ტი აღიარებს მატერიის არსებობასა და მის პირველადობას, იქვე  
იგი ძალაუნებურად უშვებს ს უ ლ ი ს არსებობასაც, ურომლისო-  
დაც ვერ იარსებებს მატერია, რადგან ეს უკანასკნელი მხოლოდ სუ-  
ბიექტის წ ა რ მ ო დ გ ე ნ ა შ ი ა და ამით მის არსებობასაც  
განაპირობებს.

იდეალიზმის ზემოთმოყვანილი მსჯელობა, რითაც იგი მატერიალიზმს  
უპირისპირდება, არაა ერთადერთი გზა ამ უკანასკნელის უარსაყო-  
ფად. თანაც იგი ჩვეულებრივ მკითხველს ნაკლებად არწმუნებს, რად-  
გან მისი გაგებისა და გამოყენებისათვის მოითხოვება საკმაო ფი-  
ლოსოფიური დონე და გნოსეოლოგიური განსჯის უნარი. როგორც არაერთ-  
გზის აღუნიშნავთ<sup>X</sup>, ზემოთმოყვანილი არგუმენტები ჩვეულებრივ  
მკითხველს და აგრეთვე იმ ბუნებისმეტყველს, რომელიც არაა მიჩვე-  
ული ფილოსოფიურ აზროვნებას, მხოლოდ მცირე ხნით აფიქრებენ ან  
აჯერებენ. არ ძალუძს რა ზემოთმოყვანილი არგუმენტები ლოგიკურად  
უკუაგდოს, შეშფოთებული მათი პარადოქსულობით, ასეთი მკითხველი  
გაოცებული კითხულობს: როგორ, განა შეიძლება, პალეონტოლოგიური,  
გეოლოგიური და ასტრონომიული კვლევა-ძიება კითხვის ნიშნის ქვეშ  
დავაყენოთ? როგორ შეიძლება, სამყარო მხოლოდ ჩემი წარმოდგენა  
იყოს? რა თქმა უნდა, ასეთი და მსგავსი შეპასუხებანი კრიტიკას  
ვერ უძლებენ და იდეალისტურ ფილოსოფიას გააჩნია საშუალებანი,  
რომ ასეთ დასმულ კითხვებს სრულყოფილად უპასუხოს და ეს ორი და-  
პირისპირებულობა (ჩემს გარეთ არსებული სამყარო და სამყარო -  
ჩემი წარმოდგენა) გააერთიანოს, მაგრამ საამისოდ, როგორც აღვნიშ-  
ნეთ, მოითხოვება საკმაოდ რთული მსჯელობა, რაც ერთგვარი სისუს-

<sup>X</sup> Fr. Paulsen, *Einleitung in die Philosophie*, 1907, s. 79; L. Busse, *Geist u. Körper, Seele u. Leib*, Leipzig 1903, s. 18.





ტეა ამგვარი არგუმენტისა<sup>X</sup>. ამიტომ, დროებით თავი დავანებოთ შე-  
მცნების თეორიას და ისევ დავუბრუნდეთ მეტაფიზიკურ-ფსიქოლოგიურ

X *L. Busse*, გვ. 19-20; ჯერ კიდევ 1829 წელს გოეთეს ისე ბუნებ-  
რივად ეჩვენებოდა მატერიალიზმისა და ათეიზმის სრული უსაფუძვ-  
ლობა, რომ როდესაც ეკერმანმა ამცნო მას ჰეგელის ლექციების  
შესახებ ღვთის არსებობის მტკიცებებზე, მან ჩათვალა, რომ ასე-  
თი ლექციები «არათანადროულია», რადგან «ეჭვის პერიოდმა ჩაია-  
რა. ახლანდელ დროში ისევე ნაკლებად ეპარებათ ეჭვი საკუთარ არ-  
სებობაში, როგორც ღვთის არსებობაში». - იხ. *J. P. Eckermann, Gespräch-  
e mit Goethe, Leipzig* ; მაგრამ, როგორც ჩვენი აწმყო გვიმტკიცებს,  
1863, S. 336  
მატერიალიზმი არათუ არ გამქრალა, არამედ შეტევაზეცაა გადმოსუ-  
ლი. მატერიალიზმის წარუვალობის ერთ-ერთ მიზეზად მიიჩნევენ  
იმას, რომ იგი, როგორც კვლევის პრინციპი, აუცილებელია ბუნე-  
ბისმცენიერებისათვის; ხოლო მატერიალისტური კვლევის პრინციპი  
უკვე ლატენტურად შეიცავს მატერიალისტურ მსოფლმხედველობასაც.  
(იხ. *L. Busse*, დასახ. ნაშრომი, გვ. 60-61); მაგრამ უკვე ბოლო-  
დროინდელი ბუნებისმცენიერება (მისი დიდი წარმომადგენლები:  
ჰაიზენბერგი, შრედინგერი, ჯორდანი და სხვები) თავისი დასკვნე-  
ბით თეიზმის პოზიციებზე გადმოვიდა და ბ. ბავინკის თქმით «ბუ-  
ნებისმეტყველება რელიგიისაკენ მიემართება». (იხ. ამ საკითხებ-  
ზე ჩვენი შრომა «რწმენის წანამძღვრები»: ნაწ. I - «ქრისტიანობა  
და ბუნებისმცენიერება», საღვთისმეტყველო კრებული №2, თბ.,  
1985 წ.). აქ არ შეიძლება არ გავიხსენოთ ლოტცეს ის დაუფიქსა-  
რი სიტყვები, რომელიც მან მატერიალიზმის აბსურდულობის შესა-  
ხებ განაცხადა: «ადამიანური სულის ყველა ცდომილებათაგან ის  
მეჩვენება ყველაზე უცნაურად, რომ მას შეეძლო იქამდის მისული-



გზას, რომელსაც ამ თავის დასაწყისში მივმართეთ. აქ ჩვენ გვინდა აღვნიშნოთ ერთი გარემოება, რომელიც თავისთავად საკმარისია, რომ შეუძლებელი გახადოს ყოველგვარი მატერიალიზმი. საქმე ეხება ცნობიერების ერთიანობის ფაქტს. რა გვემის ცნობიერების ერთიანობაში? თუკი ჩვენ, მაგალითად, ერთმანეთს ვადარებთ ორ წარმოდგენას, *A*-სა და *B*-ს, მაშინ ცნობიერებაში ერთდროულად უნდა გვექონდეს მოცემული ორივე ეს წარმოდგენა. სხვაგვარად შედარება არ განხორციელდება. მაშასადამე, უნდა იყოს რაღაც ისეთი, რაც აერთიანებს ამ წარმოდგენებს ერთ მთლიანობაში. ეს რაღაც, ერთ მთლიანობაში გამაერთიანებელი, არის სული. შედარების პროცესის დროს ხომ საჭიროა, რომ ორივე წარმოდგენა ერთდროულად იაზრებოდეს, რომ ორივე ერთდროულად იმყოფებოდეს ჩვენს ცნობიერებაში. აი, ეს მაკომბინირებელი არის სწორედ ის, რასაც ფილოსოფოსები სულს უწოდებენ<sup>X</sup>. ამგვარად, ცნობიერების ერთიანობა წარმოადგენს ჩვენი სულის დამახასიათებელ მიღწევას<sup>XX</sup>, ჩვენი შინაგანი გამოცდილების დადგენილ ფაქტს. ახლა

-----

ყო, რომ საკუთარი არსება, ერთადერთი, რომელსაც იგი უშუალოდ განიცდის, ეჭვქვეშ დაეყენებინა, ანდა იგი, როგორც ქმნილება, გარებუნების საჩუქრად ჩაეთვალა, მაშინ, როცა ჩვენ მას მხოლოდ მეორე ხელიდან მხოლოდ იმ სულის შუამავალი ცოდნით ვიცნობთ, რომელსაც ჩვენ უარყოფდით». (იხ. მისი *Mikrokosmos Bd. I, 3 Aufl., S. 296*).

X Г. Челпанов, *Мозг и душа, Москва 1918, стр. 302-303*.

XX სწორედ რომ მიღწევას, რადგან სული არა ყოველთვის და არა ერთნაირ ხარისხში ახორციელებს მას. მაგ. ქვეცნობიერი ფსიქიკური პროცესების დროს სულს აკლია ცნობიერებასთან ერთად, ცხადია, მისი ერთიანობის ნიშანიც (თუმცა ზოგიერთი ფსიქოლოგი, იხ. მაგ., *Rohrachen*, დასახ. ნაშრომი, გვ. 6, ქვეცნობიერს შიშობს -

ახლა საკითხავია, თუ ჩვენი ტვინის რომელ ნაწილთა ურთიერთქმედების შედეგადაა აღმოცენებული ცნობიერების ერთიანობა? უკვე ასეთი კითხვაც აბსურდული გვეჩვენება და მასზე მართლაც რომ შეუძლებელია პასუხის გაცემა. ჩვენი ცნობიერების ერთიანობა წარმოადგენს სწორედ იმ სპეციფიკურ თავისებურებას, რითაც ჩვენი სულიერი არსება ასე მკვეთრად განსხვავდება ყოველი სხეულმშობლისაგან, ნივთიერისაგან. ასე რომ, შეუძლებელია იგი აღმოცენდეს მატერიის ნებისმიერი კომბინირების შედეგად. პერმან ლოტცე, ღრმააზროვანი ფილოსოფოსი, ბრწყინვალედ ავითარებს ზემოთმოყვანილ აზრებს ცნობიერების ერთიანობის შესახებ თავის „მიკროკოსმოსში“<sup>X</sup>. ის ცნობიერების ერთიანობას უკავშირებს სულის სუბსტანციულობას და აღიარებს, რომ პირველის არსებობის ფაქტი უკვე აღმნიშვნელია სუბსტანციის არსებობის ფაქტისა. მისი აზრით, სუბსტანცია არის ის, რასაც შეუძლია მოქმედება, ძალუძს განიცადოს რაიმეს ზემოქმედება, განიცადოს სხვადასხვაგვარი მდგომარეობანი და მათ ცვალებადობაში შეინარჩუნოს ერთიანობა. ყოველივე ეს კი ესადაგება სულს. ლოტცეს განსაზღვრებით, სული არის ის, რითაც იგი ვლინდება: ერთიანობა, რომელიც ცოცხლობს გარკვეულ გრძნობებსა და მისწრაფებებში<sup>XX</sup>.

ცნობიერების ერთიანობის ფაქტიდან შორს არაა „მე“-ს, პიროვნების იგივეობის ფაქტი. მართლაც, ვიხსენებ რა ჩემს ბავშვობას, მე მესმის, რომ მას შემდეგ ბევრმა წყალმა ჩაიარა და ბევრი რამ

თ ე ზ ა თ ა რ ი გ შ ი ა თ ა ვ ს ე ბ ს .

<sup>X</sup> H. Lotze, *Medicinische Psychologie oder Psychologie der Seele* 1852; *System der Philosophie* 1884, § 233. იხ. Чепанов, დასახ. ნაშრომი, გვ. 316.

<sup>XX</sup> H. Lotze, *Mikrokosmos*, Bd. I, 3 Aufl., s. 170 f.



შეიცვალა, გარდა ერთისა: ჩემი ამჟამინდელი «მე» ი გ ი ვ ე ა, რაც ჩემი წარსულის «მე», ჩემი ახლანდელი «პიროვნება» იდენტურია ჩემი წარსული «პიროვნებისა». ამიტომაც, რომ ჩვენ პასუხს ვაგებთ ჩვენი წარსული მოქმედებების გამო. ამგვარად, ჩვენი «მე» არის ის სუბიექტი, რასაც ჩვენ ჩვენი ცნობიერი სულიერი ცხოვრების მრავალგვაროვან და მრავალფეროვან შინაარსებს ვუკავშირებთ, სწორედ «მე» არის ის, რომელმაც უწყის ამ შინაარსების შესახებ და მათ ერთმანეთს უკავშირებს. ამიტომაც, რომ «მე»-ს განიხილავენ სულად, სულიერ სუბსტანციად. ზედმეტია იმის აღნიშვნა, რომ ზემო-ხსენებული ფაქტები შეუძლებელს ხდიან სულიერი აგვხსნათ როგორც მატერიალური პროცესებიდან მიღებული შედეგი. მაგრამ, ამავდროულად, ს უ ლ ი ე რ ი სუბსტანცია არ იგივედება ჩვენს სულიერ მდგომარეობებთან, ჩვენს გრძნობებთან, სურვილებთან, აზრებთან. იგი დგას მათ მიღმა და მათ ერთ მთლიანობად აკავშირებს.

დ.იუმიდან (1711-1776) მოყოლებული «მე»-ს ასეთ გაგებას ეწინააღმდეგება ის აზრი, რომელიც განიხილავს მას როგორც წარმოდგენათა და იდეათა ერთობლიობას, რომელიც «მე»-ს აიგივებს «წარმოდგენათა კონასთან», უარყოფს რა მათ მიღმა მყოფ ყოველგვარ სუბსტანციალობას. ასევე «მე»-სა და პიროვნების ერთიანობას ეწინააღმდეგება ის ფაქტი, რაც ფსიქიატრიაში ცნობილია «პიროვნების გაორების» სახელით. რაც შეეხება ამ უკანასკნელს, პიროვნების გაორებას, თვით სულის სუბსტანციალობის არმცნობი, ცნობილი ვ.ჯემსი ადასტურებს: «ამგვარ შემთხვევებში (საუბარია პიროვნების გაორებაზე, ვ.ჭ.), როგორც ჩანს, «მე» რჩება უცვლელი: იცვლება მხოლოდ პიროვნება, სხვა სიტყვებით, პაციენტი აწმყოში მოიცავს მართლდენ აზრით როგორც უწინდელ, ასევე ახლანდელ პიროვნებას, რამდენადაც



მას არ დაღატობს მეხსიერება»<sup>X</sup>. «მე»ს სუბსტანციალობის უარყოფასთან დაკავშირებით კი საკმარისია ვახსენოთ თვით იუმის მიმდევარი ინგლისური ფილოსოფიის კლასიკური ემპირიზმის გამგრძელებელი, გასული საუკუნის ცნობილი ფილოსოფოსი და ფსიქოლოგი ჯონ სტიუარტ მილი, რომელიც აცხადებდა, რომ შეუძლებელია სულის დაყვანა სულიერ მდგომარეობათა უბრალო ერთობლიობაზე, რომ სული არის რაღაც აუხსნელი, რომელიც ამ მდგომარეობათა მიღმა დგას. «როგორც ნივთიერებაა ს ა ი დ უ მ ლ ო რ ა დ ა ც - ამბობს მილი - ასევე სული არის საიდუმლო რაღაც, რომელიც გრძნობს და ფიქრობს ... არსებობს რ ა დ ა ც, რასაც მე ვუწოდებ ჩემს «მეს», ან, სხვა სიტყვებით, ჩემს სულს, და რასაც მე ვაღიარებ ამ შეგრძნებათა, აზრთა და სხვათაგან განსხვავებულად, რაღაც, რასაც მე ვაღიარებ არა აზრებად, არამედ ა რ ს ე ბ ა დ, რომელსაც გააჩნია ეს აზრები, და რომელიც შემიძლია წარმოვიდგინო მარად არსებულად მშვიდ მდგომარეობაში, ყოველგვარი აზრების გარეშე ... სული შეიძლება ვაღიაროთ ყველა გრძნობის შემგრძნებელ სუბიექტად, იმად, რასაც გააჩნია ეს გრძნობები და რაც მათ განიცდის». სხვა ადგილას მილი განაგრძობს: «თქვენ დაგყავთ «მე» ცნობიერების რიგ მდგომარეობებამდე, მაგრამ აუცილებელია, რომ მათ ერთმანეთს შორის რაღაც აკავშირებდეთ. თუ თქვენ გამოაძრობთ ძაფს თქვენი მარგალიტის ყელსაბამიდან, რა დარჩება? ცალკეული მარგალიტები, მაგრამ არა ყელსაბამი»<sup>XX</sup>.

X У.Джемс, Психология, пер. с англ., П. 1916, стр.174

ზოგ შემთხვევაში «პიროვნების გაორებას» შეიძლება სულ სხვა სფეროდან მივუდგეთ, კერძოდ, ეგზორციზმის პრაქტიკიდან, რაზედაც ქვემოთ კიდევ გვექნება საუბარი.

XX Милль, "Система логики", Кн. I, гл. 3, § 8, "Исследование



ასეთივე აზრისაა ცნობილი ინგლისელი ფილოსოფოსი ჰერბერტ სპენ-  
სერი, რომელიც ამბობს: «თუმცა თითოეული ცალკე შთაბეჭდილება ან  
იდეა შეიძლება სახეზე არ იმყოფებოდეს, მაგრამ ის, რაც აკავში-  
რებს ერთად შთაბეჭდილებებსა და იდეებს, ყოველთვის სახეზეა, და  
მის განუწყვეტელ სახეზე ყოფნას თავის აუცილებელ შედეგად ახლავს  
ან სულაც თავისი თავით უბრალოდ შეადგენს ჩვენს ცნებას რომელი-  
ღაც აქ მყოფ განუწყვეტელ არსებობაზე, ან რეალობაზე. არსებობა  
სხვას არაფერს ნიშნავს, თუ არა სახეზე ყოფნას და ყოფნის გაგრძე-  
ლებას, და ამიტომ ის, რაც სულში განაგრძობს ყოფნას, ყოველგვარ  
ცვლილებათა მიუხედავად, და ინარჩუნებს აგრეგატის ერთიანობას,  
წინააღმდეგ მისი გაყოფის ყველა ცდისა, არის ის, რისი  
ა რ ს ე. ბ ო ბ ა ც შ ე ს ა ძ ლ ე ბ ე ლ ი ა მ ტ კ ი ც დ ე-  
ბ ო დ ე ს ა მ ს ი ტ ყ ვ ი ს ს რ უ ლ ი გ ა გ ე ბ ო თ,  
და რასაც ჩვენ უნდა ვუწოდოთ სულის სუბსტანცია, განსხვავებით  
მრავალგვაროვან ფორმათაგან, რომელსაც იგი ღებულობს»<sup>X</sup>.

რაც შეეხება ცნობილ ფ ე ხ ნ ე რ ს (ჩვენს ფსიქოლოგიის სა-  
ხელმძღვანელოებში «ვებერ-ფენხერის კანონით» ცნობილს), მას მი-  
აჩნია, რომ რადგან ინდივიდუალურ ცნობიერებაში ცალკეული გამოც-  
დილებანი არ ქრებიან, არამედ როგორც ყოველდღიური დაკვირვება  
გვიჩვენებს, მათ კვლავდარუნება ძალუძთ, ამიტომ ინდივიდუალური  
სულისთვისაც უნდა არსებობდეს უკვდავება<sup>XX</sup>.

„Философии Гамильтона“, гл. XII ციტირებულია : Челпанов,

დასახ. ნაშრომი, გვ. 311.

X Г. Спенсер, Основания псих. §59; Основания Науч. §20 ,  
ციტირებულია : Челпанов, დასახ. ნაშრომი, გვ. 311-312

XX G. T. Fechner, Vom Leben nach dem Tode, 5. Aufl., 1903.



ამ მოკლე მიმოხილვის შემდეგ გვსურს გადავიდეთ იმ არგუმენტებზე, რომლებიც მოჰყავს ბერგსონს სულის უკვდავების სასარგებლოდ. ამ მიზნით კი დავესტესხებით ფრანკ გრანჟანს, რომლის წიგნშიც რეზიუმირებულია ბერგსონის ფილოსოფია და რომლის გადმოცემის მანერამაც თვით ბერგსონის მოწონება დაიმსახურა<sup>X</sup>.

«სხეულისა და სულის დამოკიდებულების ანტიკური პრობლემის გადასაწყვეტად» - ამბობს ფ. გრანჟანი - «ბერგსონმა საფუძვლიანად შეისწავლა მეხსიერების ფუნქცია და ბუნება. მართლაც, მეხსიერების შესწავლამ შეიძლება ყველაზე უკეთ გააშუქოს საკითხი სხეულისა და სამშვიინგელის, ნივთიერებისა და სულის ურთიერთდაკეიმდება-რებულების შესახებ. გონების ყველა უნართაგან, ყოველთვის მხოლოდ მეხსიერება იყო ტვინში ლოკალიზებული და განიხილებოდა როგორც ისეთი რამ, რაც სრულ დამოკიდებულებაში იმყოფებოდა ტვინის ნივთიერებისაგან. მეხსიერება ყოველთვის ითვლებოდა გონების ყველაზე უფრო მატერიალურ უნარად. თუ მოხერხდებოდა იმის დამტკიცება, რომ მეხსიერება არაა დამოკიდებული ტვინზე, რომ იგი მისგან სავსებით გამოყოფადია, მაშინ საკითხი სამშვიინგელისა და სხეულის, ნივთიერებისა და სულის შესახებ გადაწყდებოდა სპირიტუალიზმის სულისკვეთებით». და აი, ბერგსონი დებულობს ამ გამოწვევას და შეუპოვრად იღწვის დაამტკიცოს სულის სრული დამოუკიდებლობა ტვინისაგან, კერძოდ, დაამტკიცოს მეხსიერების, როგორც ყველაზე უფრო ლოკალიზირე-

X Франк Гранжан, Революция в философии (Учение Анри Бергсона), перев. с франц., Москва 1913, стр.77-82.

ბულის, სრული დამოუკიდებლობა ტვინის ნივთიერებისაგან. «რომ ეს მტკიცება საცსებით სარწმუნო ყოფილიყო» განაგრძობს ფრ. გრანუანი, «უნდა შესწავლილიყო მეხსიერება მის ყველაზე უფრო ლოკალიზირებულ ქმედებაში, სიტყვების დამახსოვრებაში, ან, უფრო ზუსტად, სიტყვათა ბგერების დამახსოვრებაში. ამასთანავე, საჭირო გახდა მეხსიერების შესწავლა თვით მის პათოლოგიურ გამოვლინებებში, რომელთა მეშვეობითაცაა მხოლოდ შესაძლებელი რომელიმე უნარის ქმედების განხილვა მთელი სიგრძე-სიგანით. ამიტომ ბერგსონი შეუდგა იმ ავადმყოფობის კეთილსინდისიერ შესწავლას, რომელიც ცნობილია აფაზიის (*aphasie*) სახელწოდებით და ხუთ წელიწადში განიხილა ამ საკითხთან დაკავშირებული მთელი არსებული სამედიცინო ლიტერატურა». შემდეგ გრანუანს მოჰყავს ის ციტატა ბერგსონიდან, სადაც ამ კვლევა-ძიების შედეგია წარმოდგენილი<sup>X</sup>. «დამახსოვრებანი - ამბობს ბერგსონი - ნამდვილად ტვინში რომ ყოფილიყვნენ განლაგებულნი, მაშინ სრულ დავიწყებებს შეესაბამებოდა ტვინის დამახსიანათებელი დაზიანებები. სინამდვილეში კი, ამნეზიის დროს, როდესაც, მაგალითად, ჩვენი არსებობის მთელი წარსული პერიოდი მკვეთრად და რადიკალურადაა ამოგლეჯილი მეხსიერებიდან, არ შეიმჩნევა ტვინის გარკვეული დაზიანება; და პირიქით, მეხსიერების დაბნელებისას, რომლის დროსაც ტვინისმიერი ლოკალიზირება აშკარაა და უეჭველი, ე.ი. მხედველობითი და სმენითი ცნობების სხვადასხვაგვარ აფაზიათა და ავადმყოფობათა დროს, არა ესა თუ ის გარკვეული მოგონებები არიან თითქოსდა ამოგლეჯილნი მათზე მიწერილი ადგილიდან, არამედ, პირიქით, მთელი გამომხმობი უნარი მეტად თუნაკლებად დასუსტებულია თავის ცხოველუნარიანობაში, თითქოს სუბიექტს მეტად თუ ნაკლებად გაუჭირდა თავისი მოგონებების დაკავ-

X «*Materie et Memoire*» (მატერია და მეხსიერება). დასკვნა, გვ. 265.



შირება ახლანდელ მდგომარეობასთან». მაშინ რა როლი განეკუთვნება ტვინს მეხსიერების ქმედებაში? «ტვინი - აგრძელებს ფრ. გრანუანი ბერგსონის აზრს - მოქმედების იარაღია. მეხსიერების მოქმედებისას მისი როლი დაიყვანება დამახსოვრებულის გა ნ ა ხ ლ ე - ბ ა ზ ე , მის მოქმედებად, მოძრაობად გარდაქმნაზე. ისევე, როგორადაც იგი გარეშე აღქმებს გადაამუშავებს რეაქციის მოქმედებაში, იგი ასევე გარდაქმნის მოკონებებს სასარგებლო მოქმედებებში». სხვათა შორის, ბერგსონის მიხედვით, ამას ამტკიცებს ის ფაქტი «პროგრესული აფაზიის დროს პირველ ყოვლისა იკარგება საკუთარი სახელები, შემდეგ საზოგადო სახელები, ზედსართავები, და ბოლოს ზმნები»<sup>X</sup>. «ზმნათა დამახსოვრების გამძლეობა აიხსნება იმით, - განაგრძობს ფრ. გრანუანი - რომ ზმნები გამოსატყვევნი მოქმედებებს და რომ ტვინში მათი წარმოდგენა დაუყოვნებლივ იწვევს მოძრაობის ცდას». ბერგსონის აზრით, ტვინი არის მოძრაობის ორგანო, «ორგანო პანტომიმისა»<sup>XX</sup>. «მისი როლი დაიყვანება - ამბობს იგი - სულის სიცოცხლის მიმირებაზე, გარეშე მდგომარეობათა აქტიურ ასახვაზე, რომელთაც სული უნდა შეეგუოს. ის, რაც ტვინში ხდება, ეხება ცნობიერი სიცოცხლის ერთობლიობას ისე, როგორც დირიჟორის ჯოხი - სიმფონიას. სიმფონია ყოველმხრივ მეტია მისი მმართველი ჯოხის მოძრაობებზე; სულის სიცოცხლე ამდაგვარადვე სცილდება ტვინის სიცოცხლეს»<sup>XXX</sup>. მაგრამ ტვინი, სწორედ იმიტომ, რომ მოქმედების იარაღია, შუამავალია მოძრაობისა და აზრთა აღმძვრელია, სწორედ იმიტომ, რომ იგი სულიდან მოიპოვებს ყოველივე იმას, რასაც იგი შეიცავს «გამომსახველობითს», «განმასხეულებელს» და გამოცხატებელს, - «წარმოადგენს წერტილს სულის დამკვიდრებისას მატერი-

X Henri Bergson, *L'Âme et le Corps*, „Foi et Vie“, 5. 1. 1913.  
 XX *Ibid.* 20. XII. 1912.  
 XXX *Ibid.* 5. 1. 1913.



აში, აგუებს სულს გარემოებებს და მხარს უჭერს მის შეხებას სი-  
 ნამდვილესთან. მაშასადამე, ტვინი არ წარმოადგენს აზრის, <sup>XXI</sup>  
 ბისა და ცნობიერების ორგანოს, არამედ იგი არის ის, რაც ცნობი-  
 ერებას, გრძნობასა და აზრს აჯაჭვებს ნამდვილ სიცოცხლეს, აიძუ-  
 ლებს მათ ყური დაუგდონ უშუალო გაჭირვებებს და ხდის მათ უნარი-  
 ანად სასარგებლო ქმედებისადმი. ტვინი საკუთრივ არის ორგანო ყუ-  
 რადღებისა სიცოცხლისადმი, სინამდვილესთან შემგუებლობისადმი <sup>X</sup>.  
 ამ დებულებას ადასტურებს შეშლილობის ფაქტი. «რა არის შეშლილ-  
 ბა - კითხულობს გრანუანი ბერგსონის კვალდაკვალ - თუ არ განსჯა  
 და განაზრება სინამდვილის ირგვლივ, მაგრამ ამ სინამდვილის გა-  
 რეთ? შეშლილობა აღმოცენდება ტვინის ნივთიერების მოწამვლისაგან.  
 ხოლო შხამი ხომ არ ეძებს განსჯას ტვინის ამა თუ იმ უჯრედში.  
 მთელი ტვინია დაზიანებული. ტვინის მთელი ნივთიერების ცვლილება  
 იმის მიზეზი, რომ გონება წყვეტს შეხებას მატერიალური ნივთების  
 ერთობლიობასთან, გრძნობს, თუ როგორ უსხლტება მას ხელიდან სი-  
 ნამდვილე, ირყევა და თავბრუ ესხმის» <sup>XX</sup>. შეშლილობა იწყება თავ-  
 ბრუდახვევიდან. «ავადმყოფი დაბნეულია. ნივთებმა მისთვის დაკარ-  
 გეს უწინდელი მდგრადობა, რელიეფი, რეალობა» <sup>XXX</sup>. რეალობის გრძ-  
 ნობის ეს დაკარგვა, დაკარგვა აწმყოსი, ამუამინდელობისა, რითაც  
 ხასიათდება შეშლილობა, სავსებით ამტკიცებს, რომ ტ ვ ი ნ ი ს  
 ფ უ ნ ქ ც ი ა ა ზ რ ი კ ი ა რ ა ა , ა რ ა მ ე დ - ა ზ -  
 რ ი ს დ ა ნ ე რ გ ვ ა ს ი ნ ა მ დ ვ ი ლ ე შ ი . მაგრამ  
 თუ ტვინი აზრის ორგანო არაა, თუკი იგი მისი მხოლოდ საშუალებაა

X Henri Bergson, *L'Ame et le Corps*, *Foi et Vie*, 5.XI. 1912.

XX *Ibid.*, 5. 1. 1913.

XXX დასახ. ნაშრომი, 5. I. 1913.

მოძრაობისა და იარაღის გამოორკვევისა, მაშინ , განა არ უნდა დავასკვნათ, რომ სული ტვინის ნივთიერების ზღვრებს შორს სცილდება, რომ «იგი მას ჭადალახავს ყოველმხრივ» და რომ «ტვინისმიერი მოღვაწეობა შეესაბამება მხოლოდ უმნიშვნელო ნაწილს სულიერი მოღვაწეობისას»<sup>X</sup> და რომ, განსაკუთრებით «სულის სიცოცხლე არ შეიძლება წარმოადგენდეს სხეულის სიცოცხლის პროდუქტს, რომ, პირიქით, ყველაფერი ისე ხდება, თითქოს სხეული უბრალოდ გამოიყენება სულის მიერ და რომ ამიერიდან ჩვენ არ უნდა გაგვაცინდეს საფუძველი იმ ვარაუდისათვის, რომლის მიხედვითაც სხეული და სული განუყრელადაა დაკავშირებული ერთერთთან? მაგრამ თუკი სულიერი სიცოცხლე გადალახავს ტვინისმიერი სიცოცხლის ზღვრებს, თუკი ტვინი იფარგლება მოძრაობებში გადაცემით იმის ნაწილისა, რაც ხდება ცნობიერებაში, მაშინ სიიქო ცხოვრება ხდება იმდენად შესაძლებელი, რომ მისი დამტკიცება ეკისრება მას, ვინც მას უარყოფს და არა იმას, ვინც მას ადასტურებს»<sup>XX</sup>.

ამგვარად, სულის უკვდავება ბერგსონის მიერ გამოიყვანება შემდეგი დასკვნებიდან: სული გაცილებით ფართოა ტვინზე; ტვინისმიერი სიცოცხლე განეკუთვნება ფსიქიკურს ისე, როგორც ნაწილი - მთელს და მაშასადამე, ტვინი კი არ შეიცავს სულს, არამედ, პირიქით, სული შეიცავს ტვინს. აზროვნებასა და ტვინს შორის ვერ დაისმება იგივეობის ნიშანი. ვით შორის არსებობს მხოლოდ სოლიდარობა - რობა. იმ ფაქტიდან, რომ გონებასა და ტვინს შორის არსებობს სოლიდარობა, არ შეიძლება დავასკვნათ, რომ ყოველი ნაწილი თითო-

X დასახ.ნაშრომი, 5.1.1913

XX დასახ.ნაშრომი, 1-1913



ეულისა ემთხვევა გარკვეულ ნაწილს მეორისას. ხრახნიც სოლიდარუ-  
ლია მანქანასთან, მაგრამ აქედან ვერ დავასკვნით, რომ ხრახნი  
მანქანის ექვივალენტურია<sup>X</sup>.

X Henri Bergson, *La Paralogisme psychophysique*.  
*Revue de Metaphysique et de Morale*, 1904, T. 12, p. 280.

ციტირებულია: Ф. Гранжан, დასახ. ნაშრომი, გვ. 86.

დაინტერესებულ მკითხველს გარდა ჩვენს ტექსტში ციტირებული  
შრომებისა შეუძლია აგრეთვე რუსულ ენაზე იხილოს ცნობილი ფილოსო-  
ფოსის ნ. ლოსკის სტატია აღნიშნულ საკითხთან დაკავშირებით, რო-  
მელსაც იგი შემეცნების თეორიის მხრიდან განიხილავს (იხ. "Идея  
бессмертия души, как проблема теории знания". კრებულში: Основ-  
ные вопросы гносеологии, Петроград, 1919);

ხოლო კანტიანელებისა და კანტის მოყვარულთა საყურადღებოდ გვინ-  
და განვაცხადოთ, რომ არსებობს კანტის სიკვდილის შემდეგ გამოცე-  
მული (მის კ რ ი ტ ი კ უ ლ პერიოდში შექმნილი!) ძალზე ნაკლებ-  
ბად ცნობილი ლექციები, სადაც კენიგსბერგელი ფილოსოფოსი ყოველ-  
გვარი ეჭვის გარეშე აყენებს სულთა უკვდავების ფაქტს. აზრი,  
რომ სიკვდილი «ადამიანის აღსასრულია და არა სულის სიცოცხლისა»

წითელი ზოლივით გასდევს ამ ლექციებს (იხ. *Immanuel Kants  
Vorlesungen über die Metaphysik, herausg. von K. H. L. Poelitz,  
Erfurt 1824; Kants Vorlesungen über Psychologie, hrsg. von Du Prel, 1883.*

რაც შეეხება იმ უცნაურობას, რამაც გამოიწვია აღნიშნული ლექს-  
ციების არშეტანა ფილოსოფოსის თხზულებათა კრებულში, იხ. მათი  
გამომცემლის ნაშრომი: *Karl Du Prel, Das Rätsel des Men-  
schen, Leipzig 1892, s. 54-55.*

სულის უკვდავებასთან დაკავშირებულ მოსაზრებათა განხილვის შემდეგ, მოგვყავს ნიმუში თანამედროვე ფილოსოფიიდან. მხედველობაში გვყავს, კერძოდ, თეისტური ფილოსოფიის წარმომადგენელი ა. ბრუნერი, რომლის წიგნი «ფილოსოფიის ძირითადი საკითხები» გამოვიდა ფრაიბურგში 1956 წელს<sup>X</sup>.

§ I. სამშვინველ-სულიერი სუბსტანცია. სიმარტივე და სუბსტანციალობა. ადამიანი სულისა და სხეულის ორი განსხვავებული არსებითი ელემენტისაგან შედგება. შევეცადოთ მათი ბუნების უფრო ახლო აღწერას. სულს ჩვენ განვიცდით აზროვნებასა და ნდომაში. ამ აქტებს, სხეულის საპირისპიროდ, არავითარი განფენილობა ან ფორმა არ გააჩნიათ. ამავდროს, აზრობრივი აქტის არც სიდიდესა და სიმძიმეზე შეიძლება ნამდვილი ვაგებობა საუბარი. უკვე ამით შეიძლება ამ აქტების დაზნისათება როგორც მატერიისაგან შინაგანად განსხვავებული ყოფიერების სახისა. აზროვნებაში, განსაკუთრებით შედარებით მსჯელობებში, ერთსა და იმავე ცნობიერებისათვის განსხვავებული საგნები უნდა იყვნენ სახეზე. ამ ცნობიერებას განფენილობა რომ გააჩნდეს, მაშინ მისი ერთი ნაწილი აღარ იქნებოდა მეორე; რაც ერთ ნაწილს ეცოდინებოდა, იგი მეორისათვის უცნობი დარჩებოდა. წერტილის ფორმის მქონე განფენილობა რეალობას აუქმებს, რადგან განფენილობის არმქონე წერტილის არსებობა, როგორც ასეთის, არ შეიძლება, იგი მხოლოდ ზღვრადი ცნებაა. ამგვარად, რჩება მხოლოდ ის, რომ განმსჯელი პრინციპი, «მე», რომელიც განუფენელ აქ-

X A. Brunner, Die Grundfragen der Philosophie, Freiburg 1956, S. 114 - 124.



ტებს ასრულებს, თვითონაც მუშაობდა, ნაწილთაგან არ შედეგება და აგრეთვე არც წერტილის ფორმა აქვს, არამედ მატერიის ყოფიერების განფენილური საშუალების ტრანსცენდენტურია თავისი ყოფიერების სიმარტივით. ამით იგი წარმოადგენს ყოფიერების საშუალებას, რომელიც ნებას იძლევა მთლიანად ყველგან ყოფნისას და არა ცალკეული ნაწილებით განსხვავებულ ადგილებზე ყოფნას. ხოლო, რასაც ნაწილები არ გააჩნია, იგი განუყოფელია და ამიტომ მარტივი. ამიტომ შეუძლებელია ნაწილებად დაშლით მისი განადგურება, არამედ მხოლოდ თვით მისი არსებობის გაუქმებით, მოსპობით.

სულის ამ სიმარტივიდან აიხსნება აგრეთვე ისიც, რომ ადამიანში მთლიანობას «მე»-საგან გააჩნია თავისი მთლიანობა. ყოველივე გაცნობიერებული ერთიადიმიცე «მე»-საგანაა განმსჭვალული და ერთ მთლიანობად გაერთიანებული. მაშინ, როდესაც არაორგანულში არის მხოლოდ თანაარსებობა, აქ სულიერი ურთიერთშიმყოფობა არსებობს, რომელიც თვითშეგნების საფუძველს წარმოადგენს.

აქ, რომ საქმე ეხება სუბსტანციას, უკვე ადრევე იქნა განმარტებული. ნებისყოფის თავისუფლებაში სულიერი «მეს» თვითმყოფობა გასაგებად გვევლინება. ეს «მე» არის მოქმედების საბოლოო პრინციპი; აქტები მისგან მომდინარეობენ და მასვე განეკუთვნებიან მთელი თავიანთი ყოფიერებით. მაგრამ თვით «მე» თავის თავში ღვას, არავის განეკუთვნება, არ წარმოადგენს გამოხატულებას რომელიმე შიოს, მის მიღმა მდგომი ყოფიერებისას, რომლისადმიც იგი იქნებოდა განკუთვნილი. როგორც სუბიექტი, იგი ყველა სხვათა საპირისპიროდ ღვას. ამგვარად, იგი არის მარტივი, არაგანფენილი, მატერიისაგან განსხვავებული და არასაგნობრივი სუბსტანცია.

ა რ ა მ ა ტ ე რ ი ა ლ უ რ ო ბ ა. შემდგომ, მეტყველებისაგან ვდებულობთ, რომ ჩვენი აზროვნება თუმცა სხეულებრივზეა დაკავშირ-



ბული, მაგრამ ეს დაკავშირება არაა ცხადად დეტერმინირებული, სხეულებრივი კომპონენტი ერთსა და იმავე შინაარსთან ძალზე განსხვავებული შეიძლება იყოს: სურათი, მოძრაობა, შეხების გრძნობა, ბგერა, ბეჭდური განმოსახულება. ამასთანავე მოცემულია, რომ ეს სხეულებრივი კომპონენტი გააზრებულის შინაარსს არ ამოწურავს, არამედ მხოლოდ მიანიშნებს. აზრი კონსტიტუირდება და განისაზღვრება სულიერი აქტისაგან. სხეულებრივი კომპონენტი არ შედის, როგორც არსის შემადგენელი ნაწილი, აზროვნების შინაარსში. ეს იმიტომაც შეუძლებელი, რომ სხეულებრივ კომპონენტს ყოველთვის გარკვეული ფორმა გააჩნია, ხოლო ამდგავარი რამ აკლიათ ზოგად ცნებებს; ისინი აბსტრაქტიზირებენ საბოლოო კონკრეტული განსაზღვრულობიდან. სხეულებრივი კომპონენტი აზროვნებაში რომ შედიოდეს როგორც შინაგანი ნაწილი, მაშინ ყოველი ცნება სავსებით გარკვეულ ფორმასთან დარჩებოდა მჭიდროდ დაკავშირებული და ადარ იქნებოდა არავითარი ზოგადი ცნებები. ამგვარად, სხეულებრივი კომპონენტი შეიძლება იყოს მხოლოდ გარეგანი პირობა სულიერის ფუნქციონირებისა. თავის აქტებში სული დამოუკიდებელია მატერიისაგან; მაგრამ რაკი მოქმედება ყოფიერებას შეესაბამება და მას ააშკარავებს, ამიტომ სულის ყოფიერება სხეულისაგან შინაგანად დამოუკიდებელია. ამდაგვარ მარტივ, განუყოფელ, მატერიისაგან დამოუკიდებელ სუბსტანციას ჩვენ სულს ვუწოდებთ. ადამიანურ ურთიერთობაში ჩვენ უშუალოდ ვგებულობთ, რომ არსებობს ყოფიერების ამდაგვარი სახეობა.

სხვადასხვა გამოხატულება სულიერი სუბსტანციისათვის. მატერიალიზმი. შეიძლება თვალში საცემი იყოს ის გარემოება, რომ ჩვენ სულს ნეგატიური გამოთქმებით ვახასიათებთ : განუყოფელი, არაგანფენილი, მატერიაზე არადამოკიდებული. ეს ჩვეულებრივ არ

ხდება. იქ, სადაც უშუალო მოცემულობაა სახეზე. მაგ., ჩვენ არასოდეს არ ვლაპარაკობთ ფერებზე, როგორც არაბგერებზე. ეს ნეგატიური, მატერიისაგან გადმოღებული გამოთქმის მანერა, შეიძლება აგრეთვე ერთ-ერთი მიზეზი იყოს იმისა, თუ საერთოდ რატომ შეიძლება და ვინმეს მისაღებად მოსჩვენებოდა მატერიალისტური შეხედულება, რომელიც ასკვნის, რომ სამშენიველი არის მარტოდენ სხეულის, მატერიის თანამდევნი მოვლენა და სული - მხოლოდ ილუზია. უკვე ის გარემოება, რომ მატერიალისტურ სისტემას წამოაყენებენ, ნამდვილი დაცინვაა ამ თეორიისა. არსებობს მატერია და სხვა არაფერი. მაგრამ სადაც სისტემებს წამოაყენებენ, სადაც წარმოადგენენ მატერიალიზმს, როგორც დოქტრინას, არსებობს თვითშეგნება, რომელსაც თავის თავში გარკვევა სურს და ამგვარად, აღარ შეუძლია იყოს მატერია მის ყრუ მყოფობაში. აგრეთვე მატერიის თანამდევნი მოვლენას არ შეიძლება გააჩნდეს თვისებანი, რომელნიც მატერიის პირდაპირ საწინააღმდეგონი იქნებოდნენ: თვისებანი ყოველთვის შეესაბამებიან თავიანთ სუბსტანციას. მატერიალიზმი, როგორც ფილოსოფია, წარმოადგენს უცნაურ ცდას, რომ სულის დახმარებით სულის არარსებობა დაამტკიცონ.

საფუძველი იმისა, რომ სულიერი სუბსტანციის აღწერილობა უნდა დაკმაყოფილდეს სხეულებრივი და მატერიალური თვისებების უარყოფით, არის ის, რომ ეს სუბსტანცია სულიერ აქტებში ყოველთვის განიცდება მხოლოდ როგორც მათი სუბიექტი. არასოდეს არ იქცევა იგი პირდაპირ საგნად. გააზრებისას აქტი საგანი კი არაა, არამედ - გახსენება, რომელიც უწინარეს ყოვლისა მისდევს თავის კონკრეტულ შინაარსს, იმანენტურ ობიექტს. მეტყველების ყველა გამოხატულება კი აღებულია საგნობრივი სამყაროდან, მაშასადამე, სხეულებრივი და ნივთიერი სამყაროდან. აქტებში, რომელნიც სამყაროზე არიან მიმართულნი (და რომლის ნივთები არა მარტო ერთის-

თვის, არამედ ბევრისთვის განსახილველ საგნად შეიძლება იქცეს), სულიერი განიცდება სწორედ მხოლოდ სუბიექტად. სულიერის პირდაპირ გამოთქმა კი მას გაასაგნობრივებდა, ისე, რომ იგი შეწყვეტდა სულიერად ყოფნას; რადგან რაიმეს უწყებას, როგორც მთლიანი ადამიანის ქმედებას, აუცილებლად გააჩნია სხეულპერივი ელემენტი, ამიტომ იგი ძვეს ზღვარზე სულიერის არასაგნობრიობისა და ნივთთა საგნობრიობას შორის. ამიტომ სულიერი მასში არაპირდაპირაა მოცემული როგორც მნიშვნელობა მეტყველების ბგერებში, რომლის გაგება მხოლოდ მათ თანაგანხორციელებაში ხდება. როგორც დამწერლობას, აგრეთვე ნივთებსაც შეუძლიათ აიღონ ეს შუამავლობა თავიანთ თავზე სხეულის მეშვეობით. ამ გზით სულიერი უშუალოდ, მაგრამ არაპირდაპირ გაიგება იმად, რაც უწყებაში და ადამიანის მიერ შექმნილ კულტურის საგნებში არანივთიერია და არასაგნობრივი; მაშასადამე, ეს გაგება ხდება უარყოფითი გზით. ამ დროს აღქმული შინაარსი კი, ამის საპირისპიროდ, არის რაღაც მთლიანად პოზიტიური და ცნობიერ მოღვაწეობაში ხანიერად განცდილი.

ადამიანის სუბსტანციალური ერთიანობა. ადამიანი შედგება ორი ძირითადი ელემენტისაგან: სულისა და სხეულისაგან. სული რომ სულიერი სუბსტანციაა, უკვე იქნა ნაჩვენები. მატერია, რომლისაგანაც სხეული შედგება, სუბსტანციათა სიმრავლეს რომ წარმოადგენს, ისედაც ცხადია. აღიძვრის კითხვა, თუ როგორ ურთიერთმიმართებაში არიან ეს ელემენტები. ამ კითხვის პირველი პასუხია ფსიქოფიზიკური პარალელიზმი.

ფსიქოფიზიკური პარალელიზმი ამოდიხს, რა თქმა უნდა, სხვა დამშვებებიდან, ვიდრე ჩვენ. იგი უარყოფს სულის სუბსტანციალობას;



იგი ცნობიერებაში ხედავს მხოლოდ აქტების თანამიმდევრობას; რომ ისინი მათი შემნახველი «მეს» ცნობიერებით ერთიანობად არიან გადაჯაჭვულნი, იგი ამას ვერ ამჩნევს. სხეულებრივისა და სულიერის დამოკიდებულებას იგი ხსნის ისეთი მსგავსი ერთად ყოფნიდან, პარალელური მსგეღობიდან, როგორც არსებობს ცარიელი სფეროს ჩაზნექილსა და ამოზნექილ გვერდს შორის. თუ ერთი მხარე ჩაზნექილია, მაშინ მეორე ამოზნექილი იქნება. ასევე, სულიერი და სხეულებრივი პროცესები იქნებოდა მხოლოდ ორი მხარე ერთი და იმავე რეალობისა, ფსიქიკური და ფიზიკური – მხოლოდ პარალელური მოვლენები. ამასთან დაკავშირებით უნდა აღინიშნოს, რომ ამ თეორიას ფენომენთა ახსნის ნაცვლად მხოლოდ უცხო სიტყვა შემოაქვს; რადგან, ორივე მომენტი რომ ყოველთვის ერთად არის, ეს უკვე დადგენილი ფაქტია, რომელიც სწორად ახსნას მოითხოვს. ან: ამ თეორიის აზრი იმაში მდგომარეობს, რომ იგი უარყოფს ყოფიერებით სხვაობას სულიერსა და სხეულებრივს შორის. მაშინ მიდიან მეტაფიზიკურად შეუძლებელ დამყვნებამდე – ან მატერიალიზმამდე, ან იდეალიზმამდე. თითოეულ შემთხვევაში უნდა იქნას დაშვებული, რომ ერთსა და იმავე სუბსტანციას არსობრივად განსხვავებული აქტიდენციები გააჩნია. გარდა ამისა, სხეულებრივ კომპონენტთა გამოცვლას, როგორც ეს ხდება რამდენიმე წლის განმავლობაში ნივთიერებათა ცვლით, აგრეთვე სულიერის შეცვლაც უნდა მოჰყვეს შედეგად, რადგან ორივენი იდენტურნი არიან; ამით იდენტურობის შეგნება დროთა განმავლობაში უნდა გამჭრადიყო.

მარტოოდენ გარეგნული ერთიანობა. სხვა თეორიები, ისევე როგორც ჩვენ, ორ სუბსტანციალურ ელემენტს უშვებენ. მაგრამ მათ დამოკიდებულებას ისინი ხსნიან სივრცული ურთიერთობის ანალოგიით. სული, მათიმიხედვით, სხეულში ცხოვრობს, როგორც სახლში ან

როგორც ციხეში; იგი იმყოფება გემზე, როგორც შესაჭვე. პლატონი და მისი სკოლა ამ თვალსაზრისს იზიარებდნენ; ახალ დროში კი, სხვა გზით, ამავდეს ამტკიცებს დეკარტი. ჩვეულებიანამებრ, ამ თვალსაზრისს საფუძვლად უდევს შეხედულება მატერიის არსის შესახებ, რომელიც მას აუფასურებს, ხდის მას ბოროტებად, ან, ყოველ შემთხვევაში, სულისადმი დაპირისპირებულობად, მის წინააღმდეგობად (დეკარტი). ამგვარად, სივრცულ სურათს, რომელიც აქ გამოიყენება, მაინც არ ძალუძს ფაქტებს ჯეროვანი მიუზღოს. მარტოოდენ სივრცულ იმანენტურობას შედეგად არ ახლავს არავითარი ერთიანობა, როგორც ეს ადამიანებშია სახეზე. სული და სხეული, ამ თეორიის თანახმად, რჩება ორ დამოუკიდებელ არსებად მარტოოდენ გარეგნული ურთიერთობით. ამიტომ ეს ახსნა არ შეიძლება ჩაითვალოს დამაკმაყოფილებლად.

სუბსტანციალური ერთიანობა. თვალში საცემია სწორედ ის გარემოება, რომ ადამიანი, პირველ ყოვლისა, არის ერთეული. ეს გარემოება ყოველთვის იყო ცნობილი, მაშინ როდესაც სულია და სხეულის განსხვავება ყოველთვის არ იყო ასე ცხადი. ადამიანი მოქმედებს როგორც ერთეული და როგორც მთლიანი. თუკი იგი მოქმედებს როგორც ადამიანი და მას წმინდა პასიურად არ განვიხილავთ მხოლოდ როგორც მატერიას, მაშინ შეუძლებელია, რომ მან, მხოლოდ როგორც სულმა, უფრო ნაკლებად კი, მხოლოდ როგორც სხეულმა, იმოქმედოს. მაშასადამე, საქმე იმდაგვარადაა მოწყობილი, რომ ორივე ნაწილი ერთურთს უკავშირდება, და ამ შეკავშირების შედეგად ადამიანი ხდება არსება, ადამიანური სუბსტანცია. ამგვარად, იგი ხდება არა გარეგნული, აქციდენციური ერთიანობა, არამედ ერთიანობა სუბსტანციალურში, *unio substantialis*. ეს ნიშნავს, რომ სული და სხეული



არა მხოლოდ გარეგნულად ქმედობენ ყოველთვის ერთად და პარალელურად მიდიან, არამედ ისინი, უკვე როგორც მოქმედების პრინციპი, ერთნი არიან. შემდეგ, აქედან უშუალოდ გამომდინარეობს, რომ ყოველი ადამიანური, სწორედ ადამიანური, ყოველთვის არის ერთიანობა ორადობიდან, რომ ყოველი კონკრეტული აქტი უკვე ყოველთვისაა სამშვინველ-სხეულებრივი, სულიერ-გრძნობადი. სულიერობა და გრძნობადობა რეალურად განსხვავებულნი არიან, მაგრამ არასოდეს არ არიან ისინი დაცილებულნი. აქტი ერთდროულადაა სულიერი და გრძნობადი, იგი ადამიანურია. ასევე შემეცნებაც ყოველთვის სულიერია და გრძნობადი. წმინდა გრძნობადი შემეცნებანი ადამიანში არ არსებობს; გრძნობადობა თანამდევნი მოვლენაა შემეცნების სულიერი აქტისათვის თავად.

ეს შემდგომ ნიშნავს იმას, რომ სხეულსა და სულს შორის არ არსებობს კაუზალური დამოკიდებულება, როგორც ეს არის ორ საგანს შორის; სხეულში უკვე ყოველთვის აწყდებიან სულს, რადგან, სადაც სხეულია, იქ სულიცაა. სულის ცვლილებები აგრეთვე სხეულის ცვლილებებიცაა, როგორც ეს აშკარად ჩანს ზოგიერთი დაავადების შემთხვევაში. ადამიანი იცვლება. სხეულებრივ ან სულიერ ცვლილებებად მიჩნეულია ცვლილებანი ან იმის მიხედვით, რაც პირველადად განიცდის ამას: სხეული ფიზიკური ზემოქმედების შედეგად, სული იმმატერიალურის; ან იმის მიხედვით, რაც უფრო ძლიერ ჩანს: სხეულებრივი კომპონენტები თუ სულიერნი.

მაგრამ ამ ერთიანობაში სულია ის, რაც სიცოცხლეს იძლევა, რაც ადამიანს ადამიანად ხდის, რაც გადამწყვეტია და უპირატესად განმსაზღვრელი. ეს, უწინარეს ყოვლისა, ჩანს სიკვდილის ფაქტში და გვამზე. ამიტომ, აქ არ არის თანასწორი წყობა, არამედ - იერარქიული. სულია უმაღლესი ყოფიერება და თვით მატერიისათვის წყარო



უფრო მაღალი ყოფიერების საშუალებისა, რომელიც სიცოცხლესთან კავშირში მიიღება.

ეს ერთიანობა ადამიანზე დგინდება. იგი შესაძლებლობას არ იძლევა მისი რაიმესთან ადეკვატური შედარებისას, რასაც არსებულ ურთიერთობებზე აღმოვაჩინებ გარე სამყაროში. ამიტომ ყველა ცდა წარუმატებლად უნდა დამთავრებულიყო, რომელიც მის ახსნას ამდაგვარი ურთიერთობებიდან აღებული სურათებით ცდილობდა. ასევე, ცხოველურ და მცენარეულ სამყაროში ნამდვილად არსებობს ფენომენები, რომელნიც მეტაფიზიკურად ძნელად აიხსნებიან სხვაგვარად, თუ არ მატერიასა და სხვა სუბსტანციურ პრინციპს შორის ისეთივე დამოკიდებულებით, როგორც არსებობს სხეულსა და სულს შორის.

სამშვინველ-სული, როგორც სხეულებრივი სიცოცხლის პრინციპი.

ცნობიერ სიცოცხლეს რომ მხოლოდ ერთი პრინციპი უნდა გააჩნდეს, სწორედ ახლა იქნა ნაჩვენები. სხვაგვარად სულიერი სიცოცხლე დაიშლებოდა ურთიერთმიმართ უცხო, ერთმანეთის გვერდით მიმდინარე პროცესებად. სხვანაირადაა საქმე სხეულებრივი სიცოცხლის შეუწყობელ პროცესებთან. მათ თუ იგივე სულიერი სამშვინველი გააჩნიათ პრინციპად, ეს პირდაპირ ცხადი არაა. ყოველ სიცოცხლეს მატერიის გვერდით მასზე ზეადმატებული პრინციპი რომ უნდა გააჩნდეს, ამ სიცოცხლის გამოკვლევებიდან მიიღება. გარკვეულ დროს იყვნენ ფილოსოფოსნი, რომელნიც ადამიანში პრინციპთა სიმრავლეს ვარაუდობდნენ: შესაბამისად სამსაფეხურიანი სიცოცხლისას სამს - ვეგეტატიურს, ვიტალურსა და სულიერს, ან ორს - სხეულებრივი და სულიერი სიცოცხლისათვის. მაგრამ სავსებით სხვა მნიშვნელობა გააჩნია იმას, როდესაც პრიმიტიული ხალხები სულთა სიმრავლეს (შვიდამდე)

უმებენ. სულს ამ ცნებას ჩვენს ცნებასთან ცოტა რაზა აქვს სა-  
ერთო; იგი წარმოადგენს გამომხატველობის უმწეო სახეობას ცალკეულ  
ორგანოთა უნარებისა და ძალათვის, რომელნიც თავისუფალი ნებისა-  
გან გარკვეული დამოუკიდებლობით ქმედობენ და არავითარ შემთხვევა-  
ში არ გამოხატავენ და არ განმარტავენ ფაქტებს, რომელთაც ჩვენ  
სიტყვა «სული» აღვნიშნავთ.

ადამიანში სულიერ პრინციპთა სიმრავლის ამ ჰიპოთეზის საწი-  
ნაადმდეგოდ ლაპარაკობს მაინც ის ფაქტი, რომ ცალკეული შრეები  
ერთიმეორეზე ძლიერ ზემოქმედობენ. დროდადრო სულიერი მოღვაწეობა  
ქანცავს და აფერხებს ბიოლოგიურ სიცოცხლეს. ცუდად ყოფნა ან სხე-  
ულეზბრივი დაღლა აძნელებს სულიერ მოღვაწეობას ან სავსებით შეუძ-  
ლებელს ხდის მას. სულიერი დარღვევები, უწინარეს ყოვლისა, ამგვა-  
რად იძლევიან შესაძლებლობას, რომ ძალდაუტანებლად ავხსნათ ისინი  
როგორც სხეულეზბრივი დაავადებანი. სულს, როგორც სუბსტანციას,  
ნამდვილი გაგებით დაავადება არ შეუძლია, რადგან ავადმყოფობა  
აღმნიშვნელია ცალკეულ ნაწილთა ისეთი ცვლილებისა, რომ მისგან  
მთლიანობა თავის ფუნქციებში ბრკოლდება. სული შეიძლება ცდებოდეს  
და ტყუვდებოდეს, მაგრამ მასში ფიზიკური პროცესები შეუძლებელია.  
ამის საპირისპიროდ, სავსებით გასაგებია, რომ იგი სხეულეზბრივი  
მდგომარეობათაგან თავის ფუნქციაში ფერხდება, სახელდობრ, თუკი  
ნაწილნი - რომელნიც, როგორც სხეულეზბრივი სუბსტრატნი, სულიერ აქ-  
ტთა განხორციელებისათვის აუცილებელნი არიან - ავადმყოფობისაგან  
შეიცვალენ. მაგრამ ამით არ უნდა უარვყოთ შესაძლებლობა, რომ  
ავადმყოფური სხეულეზბრივი ცვლილებანი სულისაგან არიან გამოწვე-  
ულნი (სევდისაგან, საზრუნავისაგან და სხვ.), რომ სულიერი დაავა-  
დება, ამგვარად, ფსიქოგენური ხასიათისაა. მაგრამ ასევე არ შეი-  
ძლება გამოვრიცხოთ საპირისპირო შესაძლებლობა, რომ პირველადნი

არჩან სხეულეზრვი ავადმყოფური ცვლილებანი. ამის გადაწყვეტა ცალკეული შემთხვევის მიმართ ხშირად შეუძლებელია. სახეზე რომ რამდენიმე პრინციპი იყოს, მაშინ ვერ გავიგებდით, თუ რატომ არ შეეძლებოდათ ცალკეულ შრეებს ერთმანეთისაგან დამოუკიდებელი ფუნქციონირება. სხვა მხრივ არავითარი შეუძლებლობა არაა იმაში, რომ უმაღლესი პრინციპი თან აგრეთვე დაბალის ფუნქციებს ლეზულობს თავის თავზე. მაშასადამე, ერთი მხრივ ერთიანობას არაფერი არ უღვას წინ, მეორე მხრივ, ფაქტებით, არა სიმრავლე, არამედ ერთიანობა მოითხოვება. ამგვარად, ადამიანში სულიერ პრინციპთა სიმრავლის დაშვება თვითნებური იქნებოდა.

სულის უკვდავება. კაცობრიობაში ოდითგანვე არსებობს რწმენა, რომ ადამიანი სიკვდილის შემდეგ არ წყვეტს არსებობას, რომ იგი როგორც კვლავ აგრძელებს სიცოცხლეს. რაც უფრო მეტად იქნა შეგნებული განსხვავება სხეულსა და სულს შორის, მით უფრო მტკიცე გახდა ეს რწმენა, მით უფრო მეტად იქცა იგი მარადიული უკვდავების რწმენად. შესაძლებელია ფილოსოფიურად ამ საკითხის მოგვარება?

ნაწილებად დაშლის შეუძლებლობა. უკვდავების სასარგებლოდ ლაპარაკობს, უწინარეს ყოვლისა, სულის სიმარტივე. ყოველი გაქრობა, როგორც ცნობილია, არის ნაწილებად დაშლა; თვით ნაწილები არსებობას განაგრძობენ და ახალ შენაერთებში შედიან. მაგრამ ამგვარი დაშლით სულს არ შეუძლია თავისი არსებობის შეწყვეტა, რადგან, როგორც მარტივს, მას არ გააჩნია ნაწილები, რომლებდაც მას დაშლა შეეძლებოდა. მაშასადამე, მას უბრალოდ უნდა შეეწყვიტა არსებობა,

თვით მის ეგზისტენციას უნდა შეხებოდა განადგურება. მაგრამ ეს რომ შეუძლებელია, რა თქმა უნდა, პირდაპირ ცხადი არაა: ეს შეუძლებელი იქნებოდა მხოლოდ მაშინ, თუ სული აბსოლუტური ყოფიერება იქნებოდა.

სხეული - სულის ერთიანობა სპიროსპირო არგუმენტს არ წარმოადგენს. უკვდავების საწინააღმდეგოდ ლაპარაკობს ის გარემოება, რომ სული თავის მოქმედებაში სხეულზეა მიჯაჭვული. სხეულის მონაწილეობის გარეშე სულს არავითარი აქტის განხორციელება არ შეუძლია. ეს აუცილებლობა თვით სულის არსში რომ ყოფილიყო დაფუძნებული, მაშინ იგი სხეულის გარეშე სრული უმოქმედობისათვის იქნებოდა "განწირული და ამგვარ მყოფობას არავითარი აზრი არ ექნებოდა. მაგრამ, როგორც უკვე იქნა დადგენილი, ადამიანში უფრო მეტად ქმედითაა პიროვნება, სულიერი-ის, რასაც თავისი თავიდან ახალი საწყისის დაფუძნება, ინიციატივის ხელში აღება ძალუძს. მის საპირისპიროდ სხეული უფრო პასიურია; თავის სპონტანურ მოძრაობათა სტიმულებს იგი სულიერიდან ღებულობს, ხოლო დანარჩენი სხეულგებრივი ხდომილება ბუნებრივ მსვლელობას წარმოადგენს. გარდა ამისა, უკვე გარკვეულ იქნა გრძნობისმიერი განსხვავება და შინაგანი დამოუკიდებლობა სულისა სხეულისაგან. ცხენს, რომელიც მაგრადაა ეტლზე მიბმული, ისე არ შეუძლია გადაადგილდეს, რომ ეტლიც თან არ წაიყოლოს. თუ ეტლი სადმე გაეჩხირა, ადარც ცხენს შეუძლია ადგილიდან დაძვრას. აქედან არავინ დაასკვნის, რომ მოძრაობის დასასრული ეტლზეა დამოჭიდებული და რომ ცხენს ვეღარ იმოძრაებდა ისე, თუ იგი ეტლში არ იქნებოდა შებმული. ცხადია, სულსა და სხეულს შორის კავშირი უფრო მჭიდროა და უფრო ყოველმხრივი, ვიდრე ცხენსა და ეტლს შორის. ამიტომაც, სწამს ისინი შეკავშირებულნი არი-

ან, არ არსებობს არავითარი ადამიანური მოქმედება, რომელშიაც ორივე არ მონაწილეობდეს. მაგრამ აქედან არ გამომდინარეობს, რომ სული, სხეულისაგან ერთხელ ჩამოშორებული, მოკლებულია მოქმედების ყოველგვარ უნარს. მას არ ძალუძს იმოქმედოს მხოლოდ ამქვეყნიურ საგნებზე, რადგან მოქმედება სხეულის მეშვეობით ხდება. მაგრამ რჩება შესაძლებლობა წმინდა სულიერი მოღვაწეობისა. ამიტომ, თუ სხვა მოსაზრებებით სულის უკვდავება დამტკიცდება, მაშინ ეს სიძნელე მისთვის არ არსებობს.

მტკიცება ზნეობრივი პასუხისმგებლობიდან. ხოლო ეს სხვა მოსაზრებანი ეხება პიროვნული, ზნეობრივი პასუხისმგებლობის ბუნებას. მორალურ კანონს ის თავისებურება გააჩნია, რომ მისი ვალდებულება გარკვეულ აუცილებლობას შეიცავს: იგი დაცული უნდა იყოს თვით საკუთარი სიცოცხლის ფასად. თუ უკვდავება არ არსებობს, მაშინ პიროვნება, რომელიც მორალური კანონის აღსრულებისას იღუპება, მართოდენ საშუალებად იქცევა; ეს კი ეწინააღმდეგება მორალის ყოფიერებას. სამყაროში თუ გონიერება სუფევს, ანუ, რაც იგივეა - თუ არსებობს პიროვნული ღმერთი, მაშინ ამდაგვარი რამ შეუძლებელია. ამგვარად, შესაძლებელი უნდა იყოს სულის უკვდავება. სულის შემდგომი სიცოცხლის პირობებს, მაშასადამე, ღმერთი განახორციელებს და მხოლოდ მას შეეძლებოდა მისი მოსპობა, რადგან მხოლოდ მას ძალუძს მისი შექმნა.

სიკვდილის შემდგომი სიცოცხლისა და ღვთის წარმოდგენის ურთიერთშესაბამისობა. უნდა ვადიაროთ, რომ პიროვნული ღმერთის რწმენის გარეშე პიროვნული უკვდავების რწმენის დაცვა ძალზე ძნელია ან სულაც არ შეიძლება. თუკი აბსოლუტური ყოფიერება უპიროვნოა,



მაშინ მასთან შეკავშირება შეიძლება მხოლოდ გაუპიროვნების, მათ შინადათვე, სწორედ ინდივიდუალური სულის დასასარულის ადმინიშენელი იყოს. სინამდვილეში პიროვნული ღმერთის მყოფობისა და პიროვნების უკვდავების რწმენა ისტორიულადაც პარალელურად არსებობენ, რაც მათ ურთიერთდამოკიდებულებაზე მიანიშნებს. ვინაიდან უკვდავების რწმენა სულის ყოფიერებას შეესაბამება, ამიტომ იქ, სადაც მას უარყოფენ, იგი სახეს იცვლის და გამოხატულებას პოულობს რწმენის სუროგატში, როგორცაა მაგ. სიცოცხლის განგრძობა დიდებასა და სახელში, ან შთამომავლობასა და ქმნილებებში. ყოველივე ეს, თითოეულ შემთხვევაში, ბუნებრივია, ილუზიას წარმოადგენს, იმის მიუხედავად, იქნება სული უკვდავი თუ არა. რა მნიშვნელობა უნდა მქონდეს ბაბილონელისათვის იმას, რომ დღეს ჩვენ მასზე ვსაუბრობთ, თუ მისგან აღარაფერი დარჩა ისეთი, რაც ამ საუბარს გაიგებდა და მით გაიხარებდა? ყოველთვის მაინც უკვდავებაზე, პიროვნულ უკვდავებაზე ფიქრობენ, როდესაც ყალბ უკვდავებაზე ლაპარაკობენ.

ნათქვამიდან ცხადად გამომდინარეობს, თუ რა ცოტა რამეს ნიშნავს უკვდავების რწმენის ახსნა ადამიანის სიამაყით ან მისი ნატვრით. ადამიანის ზნეობრივ წესრიგთან და მისი ქცევის პიროვნულ პასუხისმგებლობასთან დაკავშირებული უკვდავება წარმოადგენს არა ორაზროვან სიკეთეს, არამედ იგი არის უმაღლესი ადამიანური სიკეთე ან უცუდესი ბოროტება იმის მიხედვით, თუ რას წარმოადგენს თვით ადამიანი. ხოლო ზნეობრივი სიკეთის ბუნება გამორიცხავს იმას, რომ ადამიანმა სიამაყისა და კადნიერების გამო პრეტენზია განაცხადოს იმ მდგომარეობაზე, რომელშიაც უკვდავება სიკეთეს უიგივდება. უკვდავება შეიძლება ფგრეთვე ისეთი მტანჯველი, შემამოშფოთებელი ფენომენი იყოს, რომლის სინამდვილისადმი არავითარ სურვილს არ განიცდიან; მაგრამ ამგვარ სურვილთა გამო სინამდვი-



ლე არ იცვლება. უკვდავება არსებობს - არსებობს მაშინაც კი, როცა ადამიანი მისი თავიდან აცილების მოსურნეა, რადგან ყოველი კაცი, როგორც კეთილი, ასევე ბოროტი, ზნეობრივადაა პასუხისმგებელი.

§2. ქრისტიანული დოგმატი სულის უკვდავების შესახებ. ქრისტიანული დოგმატის თანახმად «სიკვდილი წარმოადგენს სულის დაშორებას სხეულისაგან», რის მიერვე სული აგრძელებს სიცოცხლეს, ხოლო სხეული იშლება და იხრწნება. ამის დამადასტურებელი ადგილები მრავლადაა როგორც ძველ აღთქმაში, ისე ახალში. მაგ., ეკლესიასტე (12,7) ამბობს: «მიიქცეს მიწა ქუეყანასა შინა ვითარცა იყო და სული მიიქცეს ღუთისა მიმართ, რომელმან მისცა იგი». ძველი აღთქმიდანვე ღმერთი უცხადებს ადამიანებს, რომ იგი არის «ღმერთი აბრაამისა, ისააკისა და იაკობისა», ხოლო ასეთი განცხადება უაზრო იქნებოდა, თუ იგი იგულისხმებდა აბრაამის, ისააკის და იაკობის მხოლოდ ფერფლსა და ნეშტს. ამიტომ გვაუწყებს ახალი აღთქმა: «არა არს ღმერთი მკულართაი, არამედ ღმერთი ცხოველთა» . ხოლო თქუენ ჭრიად სცთებით» (მარკოზ 12,27). როგორც ძველ, ისე ახალ აღთქმაში სიცოცხლის პრინციპად მიჩნეულია ღვთისაგან ნაბოძები სული (იხ. გამოცხადება იოანესი II, 11; 13, 15; შდრ.საქმე წმ.მოციქულთ 17,25). მკვდარ სხეულს სული თუ დაუბრუნდება, იგი კვლავ იცოცხლებს (ლუკა 8,55). სულის გარეშე სხეული მკვდარია (იაკობ 2,26; შდრ.მათე 2,20; 16,25; 20,28; მარკოზ 3,4; იოანე 10,11; 15,17; 13,37; I იოანე 3,16 და სხვა). სხეულისა და სულის გამოჯენაა მაცხოვრის ამ ნათქვამშიც: «ნუ გეშინინ მათგან, რომელთა მოწყვდნენ კორცნი, ხოლო სულისა ვერ ბელ-

ეწიფების მოკლევად» (მათე, 10, 28).

ამგვარად, სული უკვდავია და სხეულის სიკვდილის შემდეგ იგი ინარჩუნებს თავის ცნობიერებასა და პიროვნულობას. იმქვეყნიური სიცოცხლე წარმოადგენს ამქვეყნიურის გაგრძელებას, მაგრამ ახალ პირობებში. ასე გაგრძელება მანამ, სანამ არ დადგება ქრისტეს მეორედ მოსვლის უამი და საშინელი სამსჯავრო (ამაზე იხ. ქვემოთ).

ადამიანის აგებულება წმ. მართლმადიდებლური რწმენის მოძღვრების მიხედვით<sup>X</sup>. ქრისტიანულ-მართლმადიდებლური მოძღვრების მიხედვით ადამიანი შედგება მატერიალური სხეულისაგან და არამატერიალური, გონიერი სულისაგან. თავის მხრივ, ეს უკანასკნელი იყოფა ორად: ს ა მ შ ვ ი ნ ვ ე ლ ა დ (რუს. Душа, ბერძნ. Ψυχή, ლათ. Anima, გერმ. Seele) და ს უ ლ ა დ (რუს. Дух, ბერძნ. Πνεῦμα, ლათ. Spiritus, გერმ. Geist). ადამიანის არამატერიალური ნაწილის სამშვინველად და სულად დაყოფას ბიბლიის მრავალი ადგილი ადასტურებს. მაგ., «რამეთუ ცხოველ არს სიტყუაჲ ღმრთისაჲ და ძლიერ, და უმკუთებლეს უფროჲს ყოვლისა მახვილისა ორპირისა: და მისწუთების იგივე განსაყოფელამდე სამშვინველისა და სულისა» (ებრაელთა 4, 12). არსებობს კიდევ მეოთხე ელემენტი ადამიანის შემადგენელ ნაწილთა შორის. იგი წარმოადგენს ო რ გ ა ნ უ ლ ა ნ უ ს ი ც ო ც ხ ლ ი ს ე უ ლ ს ა წ ყ ი ს ს, რომელიც ვლინდება ადამიანის სხეულში სავსებით დამოუკიდებლად სამშვინველ-სულისაგან. სხეულისაგან დამოუკიდებელი არამატერიალური ნაწილი ადამიანისა მარტივი, თავისუფალი და უკვდავია. სულის გამოკლებით (რომელიც ადამიანის არამატერიალური

X იხ. ვ. რცხილაძე, დემერთი, ადამიანი და სულიერი სამყარო. წმ. მართლმადიდებლური რწმენის მოძღვრების მიხედვით, «სადვთის-მეტყველო კრებულის», №4, თბ., 1984; აქვეა მოყვანილი შესაბამ.

ნაწილის უმაღლესი, გონიერი ნაწილია), ცხოველებს ყველა ეს ნაწი-  
 ლი გააჩნიათ სამშვინველის ჩათვლით (იხ. ლევიტ. 17, 10-14), რომელიც  
 წარმოადგენს ქვენა, სხეულბრივი ნდომიდან ამოსულ გრძნობათა და  
 აზრთა ორგანოს. ამიტომ, ადამიანის მიზანს უნდა შეადგენდეს სამ-  
 შვინველზე სულის გაბატონება, რათა ამ უკანასკნელში დამკვიდრდეს  
 სულიწმიდას მადლი.

თ ა ვ ი მ ე ო რ ე

ბარაფსიქოლოგია, სპირიტუზმი და თანამედროვე  
სტატისტიკა სულთა გამოცხადებების შესახებ

სულთა სამეუფო არ არის კარდახშული ...

გ ო ე თ ე

დავიწყით თანამედროვე სტატისტიკით. ჩვენს ხელთაა მასალა, რომელიც 1957 წელს შეკრიბა შვეიცარიის ჟურნალმა «Schweizerischer Beobachter»-მა და რომელიც წარმოადგენს შვეიცარიის მოსახლეობიდან მიღებულ პასუხებს ჟურნალში გამოქვეყნებულ ანკეტიბზე. ჟურნალი თხოვნით მიმართავდა მოსახლეობას აღწერათ პირადად განცდილი ფაქტები «ოკულტური» სფეროდან, როგორცაა წინასწარმეტყველური ნიშნები და სულთა გამოცხადებების ხილვა. ჟურნალმა მიიღო დაახლოებით 1200 წერილობითი პასუხი გერმანულ და ფრანგულ ენებზე, სადაც ასეთი ფაქტების 1500 შემთხვევაა აღწერილი. მთელი ეს მასა-

მისი ბიბლიოგრაფია.



ლა უურნაღმა გაუგზავნა საქვეყნოდ აღიარებულ მეცნიერს, ფსიქიატრსა და ფსიქოთერაპევტს კარლ გუსტავ იუნგს, რომელმაც მასალის წანხილვაში ჩართო თავისი ასისტენტი ანიელა იაფფე. 1958 წელს გამოვიდა წიგნი ა.იაფფეს ავტორობითა და კ.გ. იუნგის წინასიტყვაობით<sup>X</sup>, სადაც ამ ფაქტების ფსიქოლოგიური ახსნის ცდაა მოცემული, როგორც იუნგი აღნიშნავს, მსგავსი მოვლენები უხვადაა დადასტურებული არა მარტო შვეიცარიაში, არამედ მაგ., ინგლისსა და ირლანდიაშიც. (ჩვენი აზრით, ამ მხრივ არც საქართველო წარმოადგენს გამონაკლისს, ოღონდ ესაა, რომ ჩვენში ამდაგვარი ფაქტების სტატისტიკური შესწავლა არასოდეს ჩატარებულა). ვფიქრობთ, მკითხველისათვის არ იქნება ინტერესს მოკლებული დასახელებულ წიგნში მოტანილი მასალის ჭაცნობა.

როგორც ამ წერილებიდან ირკვევა, ავტორებს ეძინებოდათ მათი გამოგზავნა, ჭადგან შიშობდნენ, არ შერქმეოდათ «ფანტასტიკა» და «მატყუარას» სახელი. ამიტომ ხშირია თხოვნა, რომ წერილის გამოქვეყნებისას ავტორის სახელი არ გამჟღავნდეს. ამავდროს, წერილებში იგრძნობა ერთგვარი რიდი და მოწიწება განცდილი «ოკულტური» ფაქტისადმი. ამით აიხსნება, ალბათ, ის გარემოება, რომ წერილთა ავტორები თვით ახლობლებსაც არაფერს ეუბნებოდნენ ამ ფაქტებზე და უფრო ხშირად მიმართავდნენ მღვდელს, რაც იმის დადასტურებად უნდა ჩაითვალოს, რომ ისინი «ოკულტურ» განცდებს რელიგიურის სფეროს უკავშირებენ. წერილები მიღებულია მოსახლეობის ყველა ფენიდან:

X. Aniela Jaffé, Geistererscheinungen und Vorzeichen, (Eine psychologische Deutung), Mit einem Vorwort von C. G. Jung, Zürich und Stuttgart, 1958.

კლებების, მუშების, მოსამსახურეთაგან. როგორც ა. იაფფეს მიაჩნია თავისი უშუალოდ და განცდილის ბუნებრივობით სწორედ «ხალხიდან» მიღებული წერილები გამოირჩევა და არა «ინტელექტუალებისა», რომელნიც ხშირად საკუთარ განცდილს ზაფიანთივე კრიტიკული მსჯელობით აბუნდოვანებენ.

რაც შეეხება ამ წერილების შინაარსის ჭეშმარიტებას, აქ უნდა განვაცხადოთ შემდეგი. ვინც მცირეოდენად მაინც იცნობს ლიტერატურას ოკულტურ ფენომენებზე, მისთვის ეს წერილები ახალს არაფერს შეიცავენ. ისეთი მოვლენები, როგორცაა სულთა გამოცხადებები ან მათ მიერ გამოწვეული კაკუნი, ნაბიჯების ხმა და სხვა ამგვარი, აგრეთვე წინასწარმეტყველური სიზმრები და სხვადასხვაგვარი ნათელ-ხილვანი, აღწერილია უძველეს გადმოცემებში და გავრცელებულია ყველ-ლა ხალხში და ყველა დროში. სწორედ ამ ფაქტიდან ამოდიოდა თავის დროზე შოპენჰაუერი, რომელიც სულთა გამოცხადებებზე უწყებებს არ მიიჩნევდა გამოგონილად მათი «სრული ურთიერთმსგავსების» გამო<sup>X</sup>. ასეთივე აზრისაა ანრი ბერგსონიც. იგი აცხადებს: «... თუკი გავით-ვალისწინებ შემთხვევათა უზარმაზარ რიცხვს და განსაკუთრებით მათ ურთიერთმსგავსებას, მათ ნათესაურ მსგავსებას, შესატყვისობას ასე მრავალ ერთმანეთისაგან სრულიად დამოუკიდებელ მოწმობებისას, რომლებიც ყველა გაანალიზებული, შემოწმებული და გარჩეულია, მა-შინ მე ჩემი მხრივ ვთვლი, რომ უნდა მჯეროდეს ტელეპათიისა ისევე, როგორც, მაგ., მჯერა უძლეველი არმადის დამარცხება. რასაც ვირვე-ლია, ეს არაა ისეთივე მათემატიკური უეჭველობა, როგორსაც მე მა-ნიჭებს პითაგორას თეორემის დამტკიცება; ეს არ არის აგრეთვე ფი-ზიკალური სახის უეჭველობა, რასაც მე მაძლევს გალილეის კანონ-ების შემოწმება. მაგრამ ეს მაინც უეჭველობაა, რომელიც შეიძლება

X იხ. დასახ. ნაშრომი, გვ. 21



გვექონდეს ისტორიისა ან იურისდიქციის სფეროში... X

საინტერესოა ამ მხრივ თვით იუნგის აზრი. მისთვის ეს ფენომენები პირველყოვლისა წარმოადგენენ ფსიქიკურ ფაქტებს. მათი ჭეშმარიტების პრობლემა, ე.ი. ის, თუ რამდენად შეესაბამება ეს ფაქტები ფსიქიკისაგან დამოუკიდებელ მოვლენას, მისთვის უკანა პლანზე დგას; იუნგს აინტერესებს კითხვები: ვინ განიცდის მოჩვენებას, რა ფსიქიკურ პირობებში განიცდის, რისი ადმინისტრაციული იგი, თუკი მას შინაარსობრივად, ე.ი. როგორც სიმბოლო განვიხილავთ. ამადვე დროს, თვითონ ამ ფაქტების არსებობის ჭეშმარიტებაში მას მცირეოდენი ეჭვიც არ შეაქვს და მიაჩნია, რომ ასეთი ფენომენები დამტკიცებულა ერთმანეთისაგან სრულიად დამოუკიდებელი პარალელური მონაცემებით<sup>XX</sup>. ამიტომ, მისი აზრით, ვინმე ტყუილი ინფორმაციის მოწოდება რომ განიზრახოს, ეს ძნელად შეგაბოუდება, რადგან ერთმანეთისაგან დამოუკიდებლად მოთხრობილი ამ ისტორიებმა შექმნეს ერთი ტიპი, და შეატყუარა უკვე უნდა იცოდეს ამის შესახებ, რათა თავისი მონაცელი მას შეუსაბამოს. საბოლოოდ, იუნგი ცდილობს ამ ყველა დროიდან და ყველა ხალხიდან მომდინარე შესატყვისობას მიუსადაგოს თავისი ცნობილი ფაქტები ის თეორია.

საინტერესოა თვითონ წიგნის ავტორის ა.ი.აფდეს პოზიცია ზემოთქმულთან დაკავშირებით. ის ერთი მხრივ აღიარებს იუნგის არქეტიპის

X H. Bergson, *Die seelische Energie*, Jena 1928; რაც შეეხება კერძოდ ტელეპათიას, მკითხველს შესაძლებლობა აქვს იხილოს ამისი ჩინებული დემონსტრირება ბ-ნ ა. ლემსაძის საჯარო გამოსვლებზე.  
XX იხ. იუნგის წინასიტყვაობა დასახ. ნაშრომში, გვ. 10.





თეორიას და მეორე მხრივ შეუძლებლად მიიჩნევს ცნობილი პ.დრიშის მოთხოვნას, მეცნიერულად ყოფილიყო ვერიფიცირებული ყველა პარაფსიქოლოგიური ფენომენი (წინათგარძნობა, ნათელხილვა, წინასწარმეტყველური სიზმრები და სხვა); რისთვისაც იგი აუცილებლად თვლიდა ამ განცდათა წერილობით ფიქსირებას. ა.იაფფეს მიხედვით, ასეთი მოთხოვნა შეუსრულებადია: თავი რომ დავანებოთ იმას, რომ იმ დროს ის, ვინც ამ მოჩვენებებს განიცდის, გარკვეულ კრიზისულ მდგომარეობაში იმყოფება (შიში, ცნობიერების დაბინდულობა, სიკვდილის წინა განცდები და სხვ.). აღსანიშნავია ასევე ისიც, რომ წერილის ავტორთაგან თითქმის არცერთი საგანგებოდ არ «იწვევდა» სულებს (ვთქვათ, სპირიტისტულ სეანსზე) და ამიტომ, სუპრანატურალური პოზიციიდან თუ ვიტყვი, ამ სულთა გამოცხადება უმეტეს შემთხვევაში სპონტანური ხასიათისაა, ე.ი. როგორც ჩანს, ეს გამოცხადებები თვით ამ უკანასკნელთა ნება-სურვილზეა დამოკიდებული.

რაც შეეხება ა.იაფფეს პოზიციას სულთა «გეშმარტების» საკითხში, იგი, ჩვენი აზრით, საკმაოდ უცნაური და ორჭოფული ხასიათისაა და აიხსნება იმით, რომ მის ერთი მხრივ არ სურს დათმოს ე.წ. ან ი მ ი ს ტ უ რ ი თ ე ო რ ი ა, რომლის მიხედვითაც სულთა გამოცხადებები სხვა არა არის რა, თუ არა ხილვადად ქვეული ჩვენი ფსიქიკის შინაარსის პროეცირება ფსიქიკის გარეთ, ე.ი. პალუცინაცია. მეორე მხრივ, ამ უზარმაზარი ფაქტობრივი მასალის წინაშე განიარაღებული (სხვათაშორის, არცერთი წერილის ავტორს სულთა კონკრეტულ რეალობაში ეჭვი არ შეექვს), ა.იაფფე აღიარებს სპირიტისტულ თეორიას, რომლის მიხედვითაც სულები წარმოადგენენ თავისთავად და ადამიანის ფსიქიკის გარეშე მყოფ

X H. Driesch, Parapsychologie, die Wissenschaft von den „okkulten“ Erscheinungen. Methodik und Theorie, 3 Aufl. Zürich 1952.



არსებებს. მისი აზრით, აქ საქმე უნდა ეხებოდეს იმ «ზღვრულ სფეროს», რომელშიაც ფენომენები, როგორც თანამედროვე მეცნიერებამ დაადგინა, აღარ ექვემდებარებიან ერთმნიშვნელოვან ახსნას. ეს ძალაშია როგორც უსასრულოდ მცირეს, ატომის სამყაროს, ზღვრული სფეროსათვის, ასევე, უსასრულოდ დიდის სამყაროსათვის, კოსმოსისათვის. აუცილებელი ორმხრივი ახსნის უბრალო და ცნობილ მაგალითს წარმოადგენს სინათლის ბუნება, რომელიც ერთხელ შეიძლება აიხსნას როგორც ნაწილაკი, ხოლო მეორედ როგორც ტალღა. ორივე შეხედულება სწორია, ორივე გამოირიცხავს ერთუროს და ორივე ავსებს ერთმანეთს გატკეპული აზრით. დამკვირვებელი თავისუფალია: მას შეუძლია ექსპერიმენტით როგორც ერთი, ისე მეორე მხრივ წარმართოს. მაგრამ მან უნდა უწყოდეს, რომ ერთი გზის არჩევით იგი, იმავე დროს, მეორეს გამოირიცხავს და «სპობს». ასეთივე ზღვრულ სფეროდ შეგვიძლია აღვიქვათ პარაფსიქოლოგიაც. მასში ისევე როგორც ატომურ სიდიდეთა სფეროში, არ ხორციელდება დროის, სივრცისა და კაუზალობის კანონები. არსებობს იმის შესაძლებლობა, რომ ასევე პარაფსიქოლოგიური მოვლენებისათვისაც არასაკმარისი აღმოჩნდება ერთმნიშვნელოვანი ახსნები. რა თქმა უნდა, თეორიის შექმნის სიძნელე იმაშია, რომ ჩვენ საქმე გვაქვს ახალ მეცნიერებასთან, რომლის კანონზომიერებანი და ფენომენები ჯერ კიდევ იმ სრულყოფილებით არ არიან გამოკვდილი, როგორც ფიზიკისა ან ასტრონომიისა, მაგრამ ერთ მშვენიერ დღეს შეიძლება გამოაშკარავდეს, რომ ორივე თეორია და ახსნის შესაძლებლობა ერთმანეთს ზუსტად ისევე ავსებს (და ერთმანეთს ისევე გამოირიცხავს), როგორც სინათლის ტალღური და ნაწილაკური ბუნება<sup>X</sup>.

პარაფსიქოლოგიური ლიტერატურა ჩვენში ძალზე დარბია<sup>XX</sup>. ერთი-

X იხ. დასახ. ნაშრომი, გვ. 94.

XX ვგულისხმობთ ლიტერატურას რუსულ ენაზე, თორემ ქართულად ამდა-

ორი ბროშურის გარდა არსებობს მხოლოდ ბოლო დროს თარგმნილი ამერიკელი ავტორის შედარებით სქელტანიანი წიგნი ამ თემაზე<sup>X</sup>, რომლის მეცნიერული ღირებულება ძალზე დაბალია, რადგან იგი გამოირჩევა წარმოუდგენელი ტენდენციურობით. უკვე წიგნის შესავალიდანვე (გვ. 7) «დადგენილად ცხადდება, რომ მეცნიერების წინსვლა «ყოველთვის» გამოიწვევს «პარა-მეცნიერების» ჩავარდნებს, და რომ მთელი ეს წიგნი ემსახურება ერთადერთ მიზანს - გადმოსცეს ექსტრასენსორულ აღქმათა (ესა) ჩ ა ვ ა რ დ ე ბ ი ს ისტორია. ასეთი ნეგატიური მიმართება ხასიათდება გარკვეული ნეგატიური აზროვნებით, რომელიც სხვა ადგილას ასე მოსწრებულად დაახასიათა კ.გ. იუნგმა: «მისი *habitus* - ი (აქ: თავისებურება. ვ. რ.) ყველაზე უკეთ ხასიათდება სიტყვებით «სხვა არაფერი თუ არა». გ ო ე თ ე მ ეს აზროვნება მეფისტოფელის სახეში განასახიერა. პირველ ყოვლისა იგი ავლენს ტენდენციას დაიყვანოს მსჯელობის საგანი რომელიმე უხამსობამდე და ჩამოართვას მას საკუთარი თავისთავადი მნიშვნელობა. ეს ხდება იმის წყალობით, რომ მას გამოსახავენ როგორც დამოკიდებულს მეორე ბანალობაზე. მაგ., თუ ორ მამაკაცს შორის კონფლიქტი წარმოიშვა, რომელიც, როგორც ჩანს, ობიექტური ხასიათისაა, მაშინ ნეგატიური აზროვნება ამბობს: «*Cherchez la femme*» (ეძებეთ ქალი»). თუ ვინმე იცავს ან ავრცელებს რაიმე ფაქტს, მაშინ ნეგატიური აზროვნება კითხულობს არა ამ ფაქტის მნიშვნელობის შესახებ, არამედ - «რამდენს უხდის მას ამისათვის». მ ო ლ ე მ ო ტისადმი მიწერილი სიტყვები: «აღამიანი არის ის, რასაც იგი ჭამს», ისევე განეკუთვნება ამ ჯგუფს, როგორც სხვა ბევრი განონათქვამი და შეხედულება, რომელთა სიტყვა-სიტყვით მოყვა-

გვარი რამ, რამდენადაც ვიცით, საერთოდ არ გამოქვეყნებულა.

X Ч. Хензел, Парапсихология, пер. с англ., М., 1970.



ნა არაბა აუცილებელი»<sup>X</sup>.

გაცილებით წინ გადადგმული ნაბიჯია ამერიკელი ავტორის წიგნ-  
თან შედარებით დიდი საბჭოთა ენციკლოპედიის (მე-3 გამოცემა) პო-  
ზიცია ამ საკითხში. მის მე-19 ტომში<sup>XX</sup>, სტატიის «პარაფსიქოლო-  
გია» ავტორები მოკლედ გადმოსცემენ ამ მეცნიერების არსსა და ის-  
ტორიას და აღნიშნავენ, რომ 1970 წლისათვის მსოფლიოს 30 ქვეყანა-  
ში არსებობდა 240 პარაფსიქოლოგიური ლაბორატორია და საზოგადოება.  
სტატიის დასასრულს ისინი ასხვავებენ პარაფსიქოლოგიაში არსებულ  
ყალბ ფენომენებს იმ «მოვლენებიდან, რომლებიც მასში რეალურად  
არსებობენ» და რომლებიც ელოდებიან თავიანთ მეცნიერულ ახსნას.

ჩვენი თხრობა, ცხადია, ეხება მხოლოდ იმ ფაქტებს, რომლებიც  
ბრალსადებს არაბის არ უმხელია როგორც სიყალბე<sup>XXX</sup>. შემოხსენებული  
წერილების კლასიფიცირება ეყრდნობოდა მათ სტერეოტიპულ მონაცემებს.  
ესენია: სულები, რომლებიც სინათლეს ასხივებენ, სულები, რომლე-  
ბიც თეთრი ფერისაანი არიან და იშვიათად ნაცრისფერს ან შავ ფერს  
ატარებენ; შემდეგ სულები, რომლებიც დაფრინავენ, რომლებიც გამჭ-  
ვირვალენი არიან და რომლებიც თავიანთ ფორმას კარგავენ. სხვა  
ჯგუფი წერილებისა მოგვითხრობს უთავო ან უფეხო სულებზე და სხვა.  
ამგვარად, ამ ტიპიური მონაცემების მიხედვითაა დახარისხებული ეს  
წერილები ა.ი.აფფეს მიერ, რომელთაგან ჩვენ რამდენიმეს თუ მოვიყ-  
ვანთ თართოული ფენომენის საილუსტრაციოდ. მასალის (წერილების)

X К.Г.Диг, Психологические типы, М., 1924, стр.35.

XX БСЭ, т.19, М., 1975, стр.564-566

XXX როდესაც ვლაპარაკობთ «სიყალბეზე» პარაფსიქოლოგიაში, პირველ-  
ყოვლისა მხედველობაში გვაქვს შეგნებული ტყუილი ექსტრასენს-  
ივდენიუმი მხრიდან, რომლის მიზეზია ანგარება, პატივმოყვარე-  
ობა, დაკარგული უნარის შენარჩუნების სურვილი და სხვა. მაგ-

წარმოდგენის შემდეგ ჩვენ შევეცდებით მათ კომენტირებას. აქვე გვინდა დავძინოთ, რომ სულთა ეს გამოცხადებები ხდებოდა როგორც ცხადში, ასევე სიზმარში, და მასალის სიდიდის გამო ჩვენ უფრო პირველ შემთხვევებს შევეხებით.

ა. ს ი ნ ა თ ლ ი ს ს უ ლ ე ბ ი . პირველ ყოვლისა შევეხებით „სინათლის სულებს“. ეს ფენომენები ხშირად აღიწერება გარდაცვლილთა სულების სახისა და სხეულის გასხვივონებით, მათგან გამომავალი სინათლით. ხშირად მარტო სინათლეზეა საუბარი ყოველგვარი სხეულის გარეშე, რომელიც მაინც გარდაცვლილის იქ ყოფნას გვამცნობს. ხშირად ლაპარაკობენ ამ სულთა წარმოუდგენელ სიღამაზეზე. მაგრამ აღსანიშნავია ის გარემოება, რომ ასეთი სინათლის სულებად წერილების ავტორთა უმრავლესობას ევლინებათ მხოლოდ საპატივცემულო, ახლოებულ და საყვარელ გარდაცვლილთა სულები, მაშინ როდესაც უცხო და უცნობი სულები (მორჩენებები) მათ ევლინებიან ნაცრისფერ და შავ ჭერებში. მოვიყვანოთ რამდენიმე მაგალითს: ერთი მანდილოსანი იწერება: „ნეთე წელში ვიყავი, როდესაც მამა გარდამეცვალა. ძაღზე განვიცაღე ეს და მრავალი წლის განმავლობაში მივტიროდი მას... ეს მოხდა შობის დამეს. მე ვიწექი, მაგრამ ვაპირებდი ეკლესიაში წასვლას. როდესაც წამოდგომა დავაპირე, მკვეთრი ტკივილები ვიგრძენი მუცელში და განვაგრძე წოლა. რამდენიმე ხნის მერე შემიწყდა ტკივილები, მაგრამ ეკლესიაში წასვლა უკვე გვიანი იყო. ასე გან-“

რამ სწორედ მათ გამოვლადენებას ემსახურება პარაფსიქოლოგიის მეცნიერული მეთოდები. რაც შეეხება ზემოხსენებულ წერილებს, მათ სუბიექტური და ობიექტური ჭეშმარიტების მხარეს, ამაზე უკვე გვქონდა ზემოთ საუბარი.



ვაგრძობდი წოლას, როდესაც მომესმა კარების გაღებისა და ჩემი ნაბიჯების ხმა, რომელსაც თან ახლდა თავისებური კაკუნი. მე მარტო ვიყავი შინ და მეშინოდა. შემდეგ მოხდა საოცარი რამ. შემოვიდა და მომიახლოვდა ჩემი გარდაცვლილი მამა, რომელიც ძალზე ლამაზი იყო, ოქროსფერად ასხივებდა და ამასთანავე იყო გამჭვირვალე; როგორც ღრუბელი; იგი გამოიყურებოდა ისე, როგორც ყოველთვის იყო, მე შემეძლო ზუსტად გამერჩია მისი ნაკვთები. შემდეგ იგი შეჩერდა ჩემს საწოლთან, მიყურებდა ძალზე კეთილად და იღიმებოდა. ჩემში დაისადგურა ღრმა სიმშვიდემ და ვიყავი ისე ბედნიერი, როგორც არასდროს. შემდეგ იგი წავიდა ...»<sup>X</sup>.

ასეთი ტიპის წერილები მრავლადაა. ახლა მოვიყვანთ ისეთ მაგალიტს, სადაც სინათლე დაცვილებულია თვით სულის მოვლენისაგან. ამ წერილის ავტორი მუშაობდა გამზრდელად ბ.-ს ოჯახში: «ერთ დამეს გამომეღვიძა უჩვეულ სიკაშკაშისაგან და დავინახე ფიგურა ჩემი საწოლის წინ. მას ჰქონდა მამაჩემის სახის ნაკვთები. მე მომესმა სიტყვები, რომელსაც იგი ამბობდა: «მე მოვედი, რათა გაგაფრთხილო, რომ შენ გემუქრება საფრთხე აქ მყოფ დაბინთებულს». და იგი კვლავ გაქრა და კვლავ წყვედი და დისადგურა» (შემდეგ ამ წერილის ავტორი ადწერს იმას, თუ როგორ მიატოვა აღნიშნული ოჯახი და მალე როგორ გაიგო, რომ ქ-ნი ბ. თადლითობისა და ქურდობისათვის გაასამართლეს. სასამართლოზე იგი მიწვეული იყო როგორც მოწმე).

შემდგომი წერილი ასახავს მომაკვდავის გამოცხადებას სინათლის შუქში. «ერთ დამეს გამომეღვიძა ღერეფნიდან მომავალი ნაბიჯების ხმისაგან. მე წამოვხევი საწოლში და ისე ვუსმენდი. უკუნი დამე

<sup>X</sup> აქ და შემდეგ წერილების თარგმნისას შევიცადეთ დაგვეცვა



იყო. ის იყო დარეკა 2 საათმა. უეცრად დაგინახე უ ც ნ ა უ რ ს ი ნ ა თ ლ ე შ ი , თუ როგორ გაიღო ოთახის კარები და როგორ შემოვიდა ქ-ნი X-ი, ჩემი მეგობარი Vevey-დან. მას ეცვა თეთრი ლამის პერანგი, ზემოდან თეთრი მოქარგული შაკეტი და ასევე ეხურა არშეიებით ნაკეთი თავსაბურავი... ჩემი მეგობარი მომეჩვენა ისეთი - გარდა მისი უცნაური ჩაცმულობისა - როგორსაც მე მას ვიცნობდი და მენახა. მხოლოდ სინათლის ნათება იყო რაღაც არარეალური. იმ წამს მე სულ არ ვფიქრობდი იმაზე, თუ საიდან შეიძლება იქ სინათლე შემოსულიყო... (როდესაც მოვლენა გაქრა), ოთახი ისე დაბნელდა, როგორც უწინ იყო. მე ავანთე ნათურა. არავინ არ იყო ოთახში. კარები დაკეტილი იყო. ეს ნამდვილად არ იყო სიზმარი. მე სავსებით დარწმუნებული ვარ, რომ გამომეღვიძა დერეფნიდან მომავალი ფეხის ხმისაგან და ამის შემდეგ სრულიად გამოცხიზლდი. ასევე შემიძლია ვთქვა, რომ იმწამსვე ვიცოდი დანამდვილებით, რომ ჩემმა მეგობარმა თავისი გამოცხადებით თავისი სიკვდილი შემატყობინა (ქ-ნი X-ი მართლაც იმ დროს გარდაიცვალა. აგრეთვე ჩაცმულიც იმ-დაგვარადვე იყო).

შემდეგ არის რიგი წერილებისა, სადაც საკუთრივ «სულეები» კი არ გამოდიან, არამედ მხოლოდ ს ი ნ ა თ ლ ე , მაგრამ რომელიც ნიშანია ახლობელთა გარდაცვალებისა.

ახლა მოვიყვანთ ერთ ისტორიულად დადასტურებულ შემთხვევას, რომელიც ციტირებულია დანტეს «დვთაებრივი კომედიის» *Vindelin de Spiera*-ს წინასიტყვაობიდან (გამოიცა ვენეციაში 1477 წელს<sup>X</sup>). აქ ვკითხულობთ: « დანტეს გარდაცვალების შემდეგ შეამჩნიეს, რომ «დვთაებრივ კომედიას» აკლდა მე-13 სიმღერა. ოსტატმა იგი ნამდვილად დაასრულა; მაგრამ მიუხედავად დიდი გარჯისა, იგი ველარსად

ავტორთა სტილი.  
 X ციტირებულია: „Geisterseher“, Sammlung seltsamer Er- 65



ჰპოვეს. რვა თვის მერე დანტეს გარდაცვალებიდან მივიდა მისი შვილი იაკობ ალიგიერი პიეტრო ჯარდინოსთან, რომელიც წლების მანძილზე დანტეს მოწაფე იყო. როდესაც ისინი ერთად ისხდნენ ერთ მყუდრო ოთახში, იაკობმა მოუთხრო ჯარდინოს, თუ როგორ გამოეცხადა მას მამამისი გატაცებულ სახით...» (მან მისაწვება ადგილი; სადაც შემდეგ მართლაც იპოვეს ხელნაწერი).

ამჯერად მოვიყვანთ რამდენიმე მაგალითს სულელების ჩვენებებისას, სადაც ასევე ფიგურირებს სინათლე, რომელიც მხილველში იწვევს არა შევებას, განათლებასა და სულიერ სიმშვიდეს, როგორც ზემოთ აღწერილ შემთხვევებში, არამედ შიშსა და განგაშს, რადგან იგი გამოდის ბოროტი და დაუხსნელი სულელებიდან. ამასთან დაკავშირებით მოვესმინათ ერთი მამაკაცის მონათხრობს, რომლის მონაცული, ალბათ, ბევრ მოგონებას აღძრავს იმ მკითხველში, რომელსაც საქართველოს რომელიმე სოფელში თუნდაც ერთი ზალხული გაუტარებია. აი ისიც: «დაახლოებით 55 წლის წინათ, როდესაც 20 წლის ვიყავი, ვმუშაობდი რძის გამყიდველთან. ყოველდღე 1000 ლიტრზე მეტი რძე სოფლიდან ქალაქში უნდა ჩამეტანა. რძე დილის 8 საათზე მაინც უნდა მიგვეწოდებინა ვაჭრებისათვის. ამიტომ, სამუშაო შუა ღამისას უნდა დაგვეწყოს, რძე და კარაქი ოთხთვალაზე უნდა დაგველაგებინა და ცხენებისათვის გვეჭმია... სოფელში ყვებოდნენ, რომ სოფლის ქვემოთ მდებარე წისქვილში ადრე ცხოვრობდნენ და რომ იქ ქალმა თავისი ბავშვი მოკლა; გარკვეულ დროს, ღამით, შეიძლებოდა იმის დანახვა, თუ ბავშვით ხელში როგორ ჩაუვლიდა იგი წისქვილს. ბუნებრივია, ამან გამოიწვია ჩემი ცნობის მოყვარეობა. ყოველთვის, როდესაც

-----  
*-lebnisse berühmter Persönlichkeiten in Selbstzeugnissen und zeitgenössischen Berichten, München 1952.*

იქით ჩავივლიდი, წისქვილისაკენ ვიყურებოდი. და მართლაც, ერთ ლამეს, მთელი ჩემი ოთხთვალათი შეცრად აღმოვჩინდი ძ ღ ი ე რ ი, უ ზ ა რ მ ა ზ ა რ ი ს ი კ ა შ ი კ ა შ ი ს , ს ი ნ ა თ ღ ი ს კ ო ნ უ ს შ ი. ამ კონუსის გულს უშუალოდ ცხენების უკან, მიწაზე ვხედავდი. ეს მძაფრი ნათება, ალბათ, სულ 5 წამს გაგრძელდა. სამივე ცხენი ყალყზე დადგა (სხვა პირობებში ძალზე ლამაზი სურათი). როგორც სწრაფად მოხდა ეს ყველაფერი, ასე სწრაფადვე გაქრა იგი. უკუნი დამე გამეფდა ჩემს ირგვლივ. თვით ოთხთვალას სანათურებიც ჩაქრა. ცხენები კი გიჟურად გაიჭრნენ წინ . . . საბედნიეროდ აღვირებმა არ მიმტყუნეს...».

ერთი მანდილოსანი იწერება: «მე მაშინ ზუსტად თორმეტი წლისა ვიყავი. ერთ საღამოს სამზარეულო უნდა დამეღებინა. როგორც ეს ძველ სახლებშია ხშირად, სამზარეულოს სარკმელი კიბისაკენ იმზირებოდა. იმხანად იქ არ იყო ელექტრობა გაყვანილი და ღამით ნაცთის ღამა ანათებდა. როდესაც ასე ვმუშაობდი სამზარეულოში, კიბიდან სარკმელში გამოანათა კ ა შ ი კ ა შ ი ა ს ი ნ ა თ ღ ე მ. მე ავიხედე და რა დავინახე? ქალის ფიგურა გრძელ თეთრ პერანგში, თეთრი თავსაბურთით ჩამოდიოდა კიბეებზე. ხელში მას ეჭირა ღამა. მე გავაღე ფანჯარა. მან მე შემომხედა, მაგრამ მისი თვალები თითქოს შუშისა იყო. იგი თითქოს ჩასრილდა კიბეებზე მთავარ გასასვლელთან, დაუწყოს საფოსტო ყუთს წვალება ისე, რომ ყუთმა ხმა-მალღა დაიწყო რახუნი. მე, რასაკვირველია, შევვარდი ოთახში გადაფითრებული და ყველაფერი მოვყევი. - ჩვენ - ჩემმა მშობლებმა და ჩემმა ძმამ - ეს ფიგურა კიდევ ხშირად ვნახეთ, დიახ, ჩვენ მას თითქმის შევეჩვიეთ კიდევაც. იგი აღარ წარმოადგენდა ჩვენთვის სანინებლებას. მაგრამ რა იყო იმის მიზეზი, რომ ეს ქალბატონი ვერ ისვენებდა?»



მამაკაცის წერილი: „ის, რასაც ვიამბობთ, დედაჩემის თანხლებით შემემთხვა. ჩვენ შინ ვბრუნდებოდით ავაღმყოფის ნახვის შემდეგ. იყო ღამე, ხოლო ჩვენ მივდიოდით ტყეზე გამავალი გზით, რომლის გვერდით ნაკადული მიედინებოდა. უეცრად, იქ, სადაც ნაკადული გუბდებოდა, ჩვენ შევნიშნეთ ს ა ნ თ ლ ი ს ა ლ ი, რომელიც დიდდებოდა რა სულ უფრო და უფრო, ისეთ დიდ სინათლეს იგავდა, რომ მთელი არემარე ირგვლივ დღესაც ითგავნათა. ნაკადულთან, ამ სინათლის კონუსის ცენტრში, ჩვენ დავინახეთ ბუნებრივი სიდიდის, მამაკაცისა და ქალის მსხდომარე ფიგურები, რომლებიც მჭიდროდ იყვნენ ერთმანეთს ჩახუტებულნი. მოტოციკლისტმა, რომელიც ამ დროს გზაზე მიდიოდა, გააჩერა მოტოციკლი და ჩვენთან ერთად უყურებდა ამ სასწაულს. თუ რისი მაუწყებელი იყო ყოველივე ეს, ამის თქმა მე გარკვეულად არ შემიძლია. ვიცი მხოლოდ, რომ აღრეულ წლებში, იმ მიდამოში, ერთმა ქალიშვილმა სიყვარულის დრამის გამოსწყალში თავი დაიხრჩო.“

ბ. თეთრი სულელები . ამდაგვარი წერილების მერე მოდის წერილების სერია, სადაც ს ა ნ თ ლ ი ს სულელების მაგივრად ფიგურირებენ თ ე თ რ ი სულელები, რომლებიც წერილთა ავტორებს ევლინებიან ხანცხადად და ხან ს ი ზ მ ა რ შ ი და რომელნიც წარმოადგენენ ან თავად გარდაცვლილთ, ანდა წინასწარმეტყველებენ იმათ სიკვდილს, ვის სახესაც დებულობენ ისინი. მოვიყვანოთ რამდენიმე მაგალითი: ამერიკაში ყოფნისას ერთმა ქლ-მა განიცადა შემდეგი: „მე ძალზე ვიტანჯებოდი ნოსტალგიით, განსაკუთრებით მამისადმი, და დავიძინე დამძიმებული გულით. უეცრად მომესმა კარების გაღების ხმა და ჩემი საწოლის წინ დავინახე მამაჩემი თ ე თ რ ს ა ზ ა ფ ხ უ ლ ო კ ო ს ტ ი უ მ შ ი, თ ე თ რ ი ქ უ დ ი თ ა და

ტროსტი. «მე მსურს შენ «მშვიდობით» გითხრა, რადგან დიდი ხნის მანძილზე ველარ განახავ ...». ათი დღის შემდეგ მე მივიღე ცნობა, რომ მამაჩემი სწორედ იმ ღამეს და ზუსტად იმ დროს გულის ინფარქტით გარდაიცვალა».

სხვა მაგალითი: «დამესიზმრა დიდი ხნის გარდაცვლილი და (მე მას არ ვიცნობდი, რადგან მხოლოდ 2 წლის ვიყავი, როდესაც ის გარდაიცვალა). იგი მომეგვინა ს უ ლ თ ე თ რ შ ი გ ა მ ო წ ყ ო ბ ი ლ ი , მაღალი და მოხდენილი. იგი შემოვიდა ოთახში და თქვა: მოვედი დედის წასაყვანად. შემდეგ იგი ჩუმად დაჯდა და იცდიდა». ზუსტად ორი თვის მერე გარდაიცვალა დედა.

სხვა წერილში ვკითხულობთ: «დილის 2 საათზე დედაჩემმა სახელით დამიძახა. მე გამეღვიძა და საწოლიდან წამოვბტი. დედაჩემი იღვას აქ, მაგრამ ჩვეულებებისამებრ ა რ ა შ ა ე ე ბ შ ი , ა რ ა მ ე ლ თ ე თ რ ა დ გ ა მ ო წ ყ ო ბ ი ლ ი . იგი გადამეხეხია და გამომეხეხა. თუმცა მე მაშინ 31 წლისა ვიყავი, მაინც კანკაღმა ამიტანა და აღარ დამეძინა, რადგან ჩემთვის ნათელი გახდა, რომ დედის ამ გამომშვიდობებამ რაღაც მნიშვნელობა ჰქონდა». - მართლაც, მოკლე ხანში დედა გარდაიცვლება.

ერთი მანდილოსანი წერს: «ჩემი პატარა ძე მა ძალზე ავად იყო. იმ ღამეს, რომელიც მისთვის საბოლოო გამოდგა, მე შემემთხვა რაღაც იშვიათი რამ. მე უეცრად გამომეღვიძა და თვალი მოვაველე ღამით განათებულ ოთახს. ჩემი მზერა მიიპყრო სავარძელში მჯდომმა თ ე თ რ ე ბ შ ი ჩ ა ც მ უ ლ მ ა ქ აღმა, რომელსაც გრძელი თმები მხრებზე გადმოსდიოდა. როდესაც მას ასე ვაკვირდებოდი, იგი ადგა და წამოვიდა ჩემი საწოლისაკენ. მე შიშმა შემიპყრო და საბნის ქვეშ დავიმალე. როდესაც საბანი მოვიშორე, იგი ისევ იმავე ადგილას იჯდა. იმწამსვე იგი კვლავ ადგა და ისევ ჩემს წინ აღი-



მართა. ეს განმეორდა სამგზის. მესამეჯერ გაჩერდა იგი ჩემი საწოლის წინ. ახლა კი აღმომხდა ყვირილი. ამბაზე დედაჩემს გაეღვიძა და სწრაფად მოვიდა ჩემთან. იმწამსვე ის ქალიც გაუჩინარდა. დედას მოვუყევი ამის შესახებ და მან დამამშვიდა და მალე ღრმად ჩიღმა მომიცვა. დილას, როდესაც გამეღვიძა, ჩემი ძმა უკვე გარდაცვლილიყო.

გ. «თეთრი ქალის» მოჩვენება. ამის შემდეგ მოდის მრავალი წერილი «თეთრი ქალის» მოჩვენებაზე. მოგვყავს მამაკაცის წერილი: «ეს იყო მთვარით განათებული, მარტის ცივი ღამე. როგორც ეს ჩვენ ჩვეულებად გვექონდა, უკვე 9 საათზე საწოლში ვიყავით. მე და ჩემს ძმას ერთ ოთახში, ერთ საწოლში გვეძინა. მამა და დედა «შუა ოთახში» იწვნენ. მამაჩემს ჩვევად ექონდა ღამით, ერთსა და იმავე დროს ადგომა ... მე ყოველთვის მეღვიძებოდა მის ადგომაზე, ხოლო ჩემს ძმას უფრო ღრმად ეძინა. გავიგე რა მამის ნაცნობი ნაბიჯებიც ხმა, მე მინდოდა ძილი განმეგრძო, მაგრამ უეცრად შევნიშნე, რომ მამაჩემი თავისი «მარშის» დროს შეჩერდა. ეს იყო რაღაც უჩვეულო. შიში და მისი მსგავსი მამაჩემმა არ იცოდა, მაგრამ რაღაც ახლა მომესმა, მან ყურები დამაცქვეტიდა. «ბიჭებო», - დაიძახა მან - «ბიჭებო, ესლავე მოდით!» ჩვენ ვიყავით კუნთმაგარი, 16-17 წლის ბიჭები. ეღვის სისწრაფით წამოვხტით ლოჯინიდან, რაღაც გადავიცვიტ და გარეთ გამოვვარდით. აქ იდგა მამაჩემი და ხელით გვიჩვენებდა რაღაცას. მას მეტის თქმა აღარ დასჭირვებია, ჩვენ საკუთარი თვალებით დავინახეთ ეს. ხეზე მსუბუქად მიყრდნობილი იდგა ქ ა ლ ი , თ ე თ რ შ ი რ ა ც მ უ ლ ი , რომელსაც ნაწნავებად დაწნული თმები თავისუფლად ეკიდა. მამამ გვიბრძანა: « მიღით და დაიჭირეთ, შეიძლება იგი საიდანმე გამოქცეული»



მე და ჩემმა ძმამ სწრაფად მივირბინეთ ხესთან და ერთი მეტრის სიშორიდან მე მას ენერგიულად შევეკითხე, თუ რას აკეთებდა აქ. რაც შემდეგ მოხდა, მე არასოდეს დამავიწყდება. ორმა ბნელმა თვალი-ვა მომაპყრო მზერა. ნაღვლიანად და საყვედურით აღსავე მიმზერდნენ ისინი, თითქოს მთხოვდნენ, რომ მისთვის ხელი არ შეგვეშალა. კვლავ გაისმა მამარემის ენერგიული ბრძანება, რათა იგი შეგვეპყრო. როგორც კი დავაპირე მისთვის ხელის ჩავლება, ასევე ჩემმა ძმამაც, ხელში არაფერი შეგვჩა<sup>X</sup>. სუსტი, შემნდობი ღიმილით გაგვისხლტა იგი ხელიდან, რათა უახლოეს ხეს, თითქოს საფარველს ეძებსო, მიყრდნობოდა. ახლა უკვე მთელი სისწრაფით გადავხტი მისკენ და ნამდვილად უნდა დაგვეჭირა, რომ არ მომხდარიყო რაღაც საოცარი: თითქოს უხილავმა ძაღლმა აიყვანა იგი ხელში, უსწრაფესად გასრიალდა ჩვენგან და იმწამსვე, თითქოს მიწამ პირი უყო, გაუჩინარდა» (ამის შემდეგ ტელეფონით დაუკავშირდებიან შორიახლო მდებარე ფსიქ.საავადმყოფოს დირექციას და შეეკითხებიან, რომ ხომ არ გაქცევიათ მათ რომელიმე პაციენტი, რაზედაც უარყოფით პასუხს მიიღებენ. ამის მერე მდგდელს მიმართავენ).

დ. მიცვალებულთა გამცილებელი და ქონდრისკაცის მოჩვენება. ამ «თეთრი ქალის» გარდა წერილები კიდევ გვამცნობენ «მიცვალებულთა გამცილებლებზე» და «ქონდრისკაც-სულზე».

წერილი ერთი მანდილოსნისა მოგვითხრობს: «მამარემი. რომლის

X აქ ძალაუნებურად გვახსენდება დანტეს *Purgatorio* (მე-2 სიმღერა), სადაც იგი ხვდება მომღერალ გაზელას სულს, რომელსაც სამჯერ ეხვევა დანტე, მაგრამ სამჯერვე მისი ხელები მისხავე მკერდზე ეშვება სულის «სხეულის» გამტარობის გამო.



საყვარელი შვილი მე გახლდით ჩემს და-ძმებში, უკვე რამდენიმე თვე იყო, რაც ავადმყოფობდა, მაგრამ არავინ ფიქრობდა მის უეცარ გარდაცვალებას. მაშინ მე და ჩემი მეუღლე დასასვენებლად ვიყავით წასული. დილას, 15 აპრილს, უეცრად გამეღვიძა. მე თითქოს ვიგრძენი ცივი ჰაერის ნაკადის შემოჭრა ჩვენს დასაძინებელ ოთახში და სიცივემ ამიტანა. შორიდან მოისმა საათის რეკვა, რომელმაც ღამის სამი საათი გვამცნო. ჩემს მეუღლეს მაგრად ეძინა ჩემს გვერდით, მაგრამ მე საცხებით გამოფხიზლებული ვიყავი. განვაგრძობდი რა ასე წოლას, უეცრად ჩვენი საწოლების პირისპირ კედელზე დაკიდებულ სარკეში შევამჩნიე პატარა მრგვალი წერტილი. და რა საოცარია: ეს წერტილი სულ უფრო და უფრო გადიდდა და მიიღო ადამიანის ფორმა, რომელიც სარკიდან გადმოვიდა. ეს იყო მამარჩემი. მე მას ძალზე გარკვევით ვხედავდი, მის არწივისებურ ცხვირს, მის უღვაშებს - ყველაფერი ძალზე მკაფიოდ შევიცანი. მე შიშისაგან თითქოს პარალიზირებული ვიყავი და განძრევა არ შემეძლო. იგი დინჯად მომიახლოვდა, მაგრამ იგი მარტო არ იყო. იგი მოჰყავდა დ ი დ უ ც ხ მ მამაკაცს შავი ქუდით. მამარჩემი დაიხარა ჩემს საწოლზე და მიიხრა ჩემი, წადგლიანი ხმით: «მშვიდობით, ბერთელი, მე უნდა წავიდე. რუღისთანაც მინდოდა გამომშვიდობება, მაგრამ მას სძინავს!» მე ვიყავი გახევებული და სიტყვას ვერ ვძრავდი. მაშინ ჩასჭიდა მას ხელი იმ მეორემ და უთხრა: «წამოდი, ახლა ჩვენ უნდა წავიდე». შემდეგ ორივენი ისევ სარკესთან მივიდნენ, სულ უფრო და უფრო და-პატარავდნენ და შემდეგ მასში გაუჩინარდნენ ... დილის 9 საათზე დარეკა ტელეფონმა. რეკდა დედაჩემი, რომელმაც მიიხრა, რომ დილის 3 საათზე გარდაიცვალა მამარჩემი თავში სისხლის ჩაქცევისაგან».

მამაკაცის წერილი: «1940 წელს დაიღუპა ჩემი საუკეთესო მეგობარი. 21 წლის ასაკში. როდესაც მისი სიკვდილის შესახებ შევიტყვე კვლავ გამახსენდა ჩვენს შორის 3 წლის წინათ დადებული პირობა.

იგი შემდეგში მდგომარეობდა: ვინც ჩვენში პირველი მოკვდებოდა, იგი, იმის ნიშნად, რომ სიკვდილის შემდეგ სიცოცხლე არსებობს, ორ კვირაში უნდა მოვლენოდა ცოცხალს და მისთვის ხელი გაეწვდინა.

ის აზრი, რომ მკვდარს ხელი უნდა ჩამოერთვა ჩემთვის, მაჩინცა-დამაინც კარგ გუნებაზე არ მაცუნებდა. სამმა კვირამ გაიარა და არაფერიც არ მომხდარა. თუმცა მე ძალზე მიხაროდა, მკვდარმა რომ ხელი არ ჩამომართვა, მაგრამ აღმეძრა ეჭვი მარადისობის არსებობის შესახებ. ეს პირობაც მალე დამავიწყდა.

ეს იყო კვირას, ზუსტად 6 კვირის შემდეგ ჩემი მეგობრის გარდაცვალებიდან, დაახლოებით დღის 7 საათზე. გარეთ უკვე მზე ანათებდა, დღის სინათლე იჭრებოდა საძინებელ ოთახში და მე კარგად შემეძლო იქ ყოველი საგნის გარჩევა. მე კვლავ ჩამეძინა. უეცრად დავინახე ჩემი საწოლის წინ (მის ბოლოს) მდგარი ჩ ე მ თ ვ ი ს ს რ უ ლ ი ა დ უ ც ნ ო ბ ი მ ა მ ა კ ა ც ი, რომელიც გაღიმებული დაჟინებით მიცქერდა. მე ძალზე შემეშინდა და იმწამსვე გამოვფხიზლდი. მაგრამ მამაკაცი კვლავ იდგა იმავე ადგილზე და კვლავ მიცინოდა. თვალში საცემი იყო მისი პირისაქის ჯანმრთელი ფერი და ბედნიერი თვალები. მისი ამ კეთილი გამოსხედვის შედეგად მე ყოველგვარი შიში გამიქრა და კვლავ დავიმორჩილე ჩემი თავი. უეცრად ეს კაცი პირდაპირ ჩემსკენ წამოვიდა. იგი ჩვეულებრივი ძეხორციელი რომ ყოფილიყო, მას ამ მიმართულებით ჩემს საწოლზე უნდა გადმოეფლო. მაგრამ იგი ისე წამოვიდა ჩემსკენ, თითქოს არავითარი საწოლი არ არსებობდა და უსიტყვოდ ჩაიარა ჩემს მარჯვნივ და კედელში გაქრა. როდესაც მე კვლავ საწოლის ბოლოსაკენ გავიხედე, უფრო დიდმა გაოცებამ შემიპყრო, რადგან დავინახე ჩემი გარდაცვლილი მეგობარი. იგი არ იცინოდა, მხოლოდ სერიოზული ფეხლებით დიდხანს მიმზერდა და შემდეგ მანაც ისევე ჩამიარა და კედელში გაქრა. ეხლა ვიცი, რომ ჩვენ-



ვის, ადამიანებისათვის, სიკვდილი არ არსებობს».

ამის შემდეგ არის რიგი წერილებისა, რომლებიც აღწერენ «ქონდ-რისკაც-სულს» და რომლის მაგალითებს ჩვენ არ მოვიყვანთ, რადგან ეს აღწერილი აქვს ღვე ტოლსტოის თავის ცნობილ რომანში «ანა კარენინა» (ანას სიზმარი). მაგრამ აქ მოვიხსენიებთ იმ ღვეგენდას ნაპოლეონზე, სადაც ასეთი «კაცუნა» ფიგურირებს: «ნაპოლეონ ბონაპარტეს, ზოგიერთივით, თავისი თავი მიაჩნდა განგების იარაღად. მას სჯეროდა, რომ მას არაფრის არ უნდა შინებოდა იქამდე, სანამ განგება იყენებდა მას თავისი მიზნებისათვის. ასევე სწამდა, რომ მას იცავდა *spiritus familiaris*, რომ მას დემონი მართავდა, რომელიც გარკვეულ მომენტებში ანთებული სფეროს ფორმას ღებულობდა, რომელსაც იგი თავის ვარსკვლავს უწოდებდა, ანდა, იგი მას ეცხადებოდა წითლად გამოწყობილი კაცუნას სახით, რომელიც მას აფრთხილებდა...»<sup>X</sup>.

ე. ღაუხსნელი სულები. წერილების შემდგომი სერია ეთმობა და უხსენებენ ან მომანებელ სულებს. აქ იგულისხმება სულები, რომლებსაც ცოდვა აქვთ ჩადენილი ამქვეყნად და რომელიც მათ საიქიოსაც არ ასვენებთ. აქვე არიან ის სულები, რომელთაც მიწიერი სიცოცხლე თვითმკვლელობით დაამთავრეს. მოვიყვანოთ ამის ერთი მაგალითი:

მანდილოსანი იწერება: «მრავალი წლის განმავლობაში ვცხოვრობდი ერთ ქრისტიანულ საერთო საცხოვრებელში მარტოხელა ქალებისა და ქალიშვილებისათვის. იქ წლების მანძილზე შემოდგომის რამდენიმე კვირას, სულის გამოვლინებებს ვქონდა ადგილი. ხან ჩუმი, ხან ხმა-მაღალი კაცუნი ისმოდა კედლებზე, მაგრამ ყოველთვის ოთხსართულიანი

<sup>X</sup> Geisterseher. Eine Sammlung seltsamer Erlebnisse berühmter Persönlichkeiten . . . , München 1952.

სახლის პირველ სართულზე. თუკი სადამოს 10 საათზე იქ დერეფანში გაივლიდი, დროდადრო იგრძნობდი ყინეასავით ცივი ჰაერის<sup>X</sup> მობერვას სახეზე, რომელსაც თან ახლდა ხოლმე შიშინისებური ხმაური. სახლის უფროსს (ქალს), რომლის ოთახშიც ხმაური ყველაზე გარკვევით ისმოდა, ჯერ მიაჩნდა, რომ გვერდითა სახლში გვიან სადამოს ოთახებს ალაგებდნენ და სურათებს ადგილს უცვლიდნენ. მაგრამ გამოირკვა, მოპირდაპირე სახლში პირიქით ეგონათ და ჩივილსაც კი აპირებდნენ. ორივე სახლში ეს ხმაური წლების მანძილზე ისმოდა შემოღამისას. რაც შეეხება ცივი ჰაერის ნაკადსა და შიშინს - ეს მხოლოდ ჩვენს სახლში ხდებოდა. შემდეგ, ჩვენ «შემთხვევით» გავიგეთ, რომ მრავალი წლის წინ, სანამ ეს სახლი საერთო საცხოვრებელს კი არა, არამედ გასაქირავებელ სახლს წარმოადგენდა, სწორედ სახლის უფროსის ოთახში ახალგაზრდა მამაკაცმა შუბლში ტყვია იხაღა. მხოლოდ მრავალგზისი საერთო ლოცვის შემდეგ მოჩვენება გაქრა საცხები და შემდეგ წლებშიც აღარ გამოჩენილა».

კიდევ ერთი მაგალითი. მანდილოსნის წერილი: «ჯერ კიდევ ძალზე ახალგაზრდა მე დანიშნული ვიყავი. ოთხი თვის შემდეგ უნდა დავქორწინებულიყავით. მაგრამ უთანხმოებებისა და სიძნელების გამო ეს ჩაიშალა. მე შევეცადე ეს დამევიწყებინა, რაც მოვახერხე კიდეც, რადგან ღრმად მჯეროდა, რომ ამ კაცთან მე ბედნიერი ვერ გავხდებოდი. მას შემდეგ ექვსმა წელმა განვლო და მე უკვე დიდხანია, რაც ეს ისტორია მივიწყებული მქონდა, რომ ერთ მშვენიერ კვირა აღეს

-----

<sup>X</sup> ცივი ჰაერის ნაკადი ან ქროლვა განეკუთვნება იმ იშვიათობებს, რომელსაც ყოველთვის უკავშირებენ მოჩვენებებისა ან სულების გამოცხადებას. ბერძნულად *psychein* ნიშნავს სუნთქვას, *psychros* ცივს და *psychos* გრილს! საკუთრივ *Psyche*, როგორც სიტყვა გვამ-



არ მომხდარიყო შემდეგი:

ნაშუადღევს მე ისევ სამზარეულოში ვიყავი დასაქმებული, იტაურ-ბას ვალაგებდი, რომ უეცრად რაღაც თავისებური მოუხვეწრობა დამე-  
 უფლა. რაც შემდეგ მოხდა დღეს ეს ჩემთვის ისევ გაუგებარია, რად-  
 გან მე ვმოქმედებდი არა ჩემი ნებით, არამედ რაღაც უხილავი იძუ-  
 ლებით. ამ ჩემმა მოუსვენრობამ რაღაც ციებცხელებით მიბიძგა, რომ  
 ჩემი სამუშაო რაც შეიძლება სწრაფად დამესრულებინა. როდესაც იგი  
 დავამთავრე, მე ავიღე სხვენზე მყოფი ოთახის გასაღები, გავაღე  
 იგი და კარი მოვიხურე. ეს იყო ოთახი, სადაც მხოლოდ ძველი ჩემოდ-  
 ნები ინახებოდა. მე გავაღე ერთ-ერთი მათგანი და ამოვიღე პატარა  
 ყუთი, სადაც იყო წერილები ჩემი ყოფილი დანიშნულისა. ეს წერილე-  
 ბი იქ 6 წლის წინ დავმარხე წყენით აღსავსემ. მე ჩამოვჯექი ჩემოდ-  
 დანზე და დავიწყე ამ წერილების კითხვა. თანდათან მომერია უფრო  
 მეტი მოუსვენრობა და უეცრივ დავიწყე ტირილი, ისე შემებრალა ეს  
 ადამიანი, რომელიც თავის წერილებში სიყვარულს მეფიცებოდა. ასე  
 ვიყავი გრძნობაარეული რამოდენიმე ხანს. უეცრად, ისეთი გრძნობა  
 დამეუფლა, რომ თითქოს ოთახში კიდევ ვიღაც უნდა ყოფილიყო. შეში-  
 ნებულმა ზე ავიხედე და დავინახე ჩემი უწინდელი დანიშნული. იგი  
 იღვა ჩემს წინ, წყნარად მიყურებდა, მაგრამ თითქმის გამომწვევად  
 და შითხრა ისე, რომ მისი სახის ნაკვთები არც შერხებულა: «შენ უნ-  
 და ყველაფერი მაპატიო, რაც მე შენ გაგიკეთე. მე ვიყავი საწყალი  
 ადამიანი». მე მას შევცქეროდი, როგორც ჰიპნოტიზირებული, და ვთქვი  
 ხმამაღლა: «მე შენ ყველაფერი გაპატიე. შენ იყავი საწყალი ადამი-  
 ანი». როდესაც ჩემი სიტყვები დავასრულე, არარაობად იქცა მისი  
 ფიგურა. ჯერ მეგონა, რომ ეს დამესიზმება, მაგრამ გარეთ იყო ზაფხუ-

ცნობს, არის «გრილი ქროლვა». (ა. იაფფეს შენიშვნა)



ლის უმშვენიერესი დღე და მე ვიცოდი, რომ არ მძინებია. ძაღზე გულდამძიმებული ჩავწევი იმ საღამოს საწოლში, მტკიცედ დარწმუნებული, რომ ჩემი ნერვები რიგზე ვერ აჩის, თორემ დღისით-მზისით ასეთი ამბები არ დამემართებოდა.

მეორე დღეს, გაზეთში, ჩემი დანიშნულის გარდაცვალების განცხადება წაგიკითხე. როგორც შემდეგ მომიყვინენ, იგი გარდაცვლილ ნაშუადღევს, სწორედ იმ ნაშუადღევს, როდესაც მან მე სხვენზე მიიძულა, რომ მისთვის ყველაფერი მიბატონებინა...».

ვ. უთაძო და უსახო სულები. ასეთ სულებსაც «დაუხსნელ სულებს» მიაწერენ ხოლმე წერილების ავტორნი უმეტესად. მოგვყავს ორი მაგალითი.

წერილი შეიცავს ბავშვობაში განცდილის გახსენებას: «მე და ჩემს ძმას ცალკე ოთახში გვეძინა ხოლმე. მაშინ მთვარიანი ღამე იყო. სავსე მთვარე ოთახის შუაგულში ასხივებდა და ანათებდა მას. აქ მოხდა რაღაც ენით აღწერილი. ფანჯრის ფარდის უკან, რომელიც იატაკამდე ეშვებოდა, იდგა მამაკაცის გრძელი ფიგურა, რომლის ნაწილს ფარდა ვერ ფარავდა. იგი ნელა წამოვიდა ჩვენი საწოლისაკენ, გარშემოუარა მაგიდას, რომელიც ოთახის შუაგულში იდგა და მოვიდა ჩემი საწოლის კიდესთან. მე ვიგრძენი გულმკერდზე ჩემი ძმის ცივი ხელი, რომელიც ასევე უყურებდა ამ მოჩვენებას. მაგრამ ყველაზე საშინელი ის გახლდათ, რომ ფ ი გ უ რ ა უ თ ა ვ ო ი ყ ო . სპეკულარი თაღი მას მარცხენა ხელში ეჭირა, რომელიც ჩვენ მოგვშტრებოდა. ჩვენ შევძელით მისი სახის ნაკვეთების გარჩევა, რომელსაც ჩვენ ვერასოდეს დავივიწყებთ. მაშინ მე ვიყავი დაახლოებით 6 წლის. როგორც კი ფიგურა ასევე დინჯად გაბრუნდა უკან და ფარდის უკან გაუჩინარდა, ჩვენ მაშინვე გადმოვცვივდით საწოლიდან და



ავირბინეთ კიბეზე დედის ოთახში, საშინლად ზარდაცემულნი და სიტყვა დაკარგულნი. საბოლოოდ, ქვითინისა და კანკალის მერე ჩვენ ძლივს გუამბეთ ვშობლებს მომხდარის შესახებ. იმ დამეს, როგორც უმცროსი, დედამ ჩამიწვინა ლოგინში, ხოლო ჩემი ძმა - მამამ. მას მერე არავის დაუძინია იმ საშინელ ოთახში.

მამამ ეხლა იწყება რაღაც უცნაური. დაახლოებით 14 წლის შემდეგომ ამ შემთხვევიდან, მამარჩენი ქექავდა ძველ ქაღალდებსა და ფოტოებს და ჩვენ, მე და ჩემი ძმა, ამას ვუყურებდით. უცერად ძმას ყვირილი აღმოხდა და ძალზე ადელდა. შემდეგ მან მიჩვენა ერთი ფოტო და მართლაც, მეც ასევე შევიშინდი, რადგან შევიცანიო სახის ნაკვთები იმ დამის მოჩვენებისა. დიდი ხნის დაფიქრების მერე მამამ გვიამბო ისტორია იმ კაცისა, რომელიც ჩვენ გვეჩვენა. ამ კაცს დიდი გაფლანგვის მერე სხვა გამოსავალი ვერ უპოვია და თავი ჩამოუხრჩვია სწორედ იმ ოთახში.

კვლავ მამაკაცის წერილი: «დილაადრიან უცერად გამომეღვიძა, მამამ შეძრწუნებული საწოლს მივეჯახვე. ერთი ფიგურა იდგა ჩემს საწოლთან. ცალკეულ წვრილმანამდე შეიძლებოდა მისი ჩაცმულობის, ხელებისა და თავის გარჩევა. მამამ ზარდაცემულმა ამავე დროს შევნიშნე, რომ თ ვ ა ლ ე ბ ი ს , ც ხ ვ ი რ ი ს ა და ბ ი რ ი ს ა დ გ ი ლ ა ს ი ყ ო მ ხ ო ლ ო დ ს ი ბ რ - ტ ყ ე , თ ი თ ქ ო ს ბ ა მ ბ ი ს ა გ ა ნ წ ა რ მ ო ქ - მ ნ ი ლ ი . მთელი ფიგურა კი შედგებოდა მყარი, არაგამჭვირვალე მასალისაგან, რომელიც შექმნილი იყო თითქოს ნაცრისფერ-თეთრი მყარი ნისლისაგან».

ზ. შეუსრულებელი დაპირება. შეუსრულებელი დაპირება ასევე წარმოადგენს საფუძველს სულთა მოგვინებისათვის. წერილების შემდგომი

სერია ეხება იმ შემთხვევებს, როდესაც გარდაცვლილთა სულებს სიკვდილის მერე სურთ იმის შესრულება, რაც მათ ვერ გააკეთეს ამქვეყნად ყოფნისას.

ერთი ქალი იწერება: «1939 წელს, როდესაც ომი დაიწყო, ჩემი მშობლები ჯერ კიდევ ცოცხალნი იყვნენ. 1940 წელს გარდაიცვალა დედაჩემი, რაც მე მხოლოდ ორი კვირის შემდეგ გავიგე. ამან მე ძალზე დამბრუნა, მიუხედავად იმისა, რომ 1934 წლიდან, რაც მე და ჩემი ქმარი ამ სახლში ვცხოვრობდით, მიუხედავად მრავალი მოპატიჟებისა, ჩემს მშობლებს ერთხელაც არ ვუნახივართ. ამის შესახებ წერილებში შემგრივლე მამას და მან მომწერა, რომ დავწყნაერებულიყავი და როგორც კი ომი დამთავრდებოდა, იგი მომინახულებდა.

ეს მოხდა 1944 წლის ივლისში, საშინელი დაბომბვის ერთი დღის მერე: ჩემი ქმარი სამსახურში იყო და მე მარტო ვიყავი შინ. უეცრად მამაკაცის ხმამ კიბის ქვემოდან დამიძახა: «ღრნა, მე აქა ვარ!» მე ვუბასუხე: «ჰო, ეხლავე მოვდივარ». ამის შემდეგ რამდენ ჯერმე დავიძახე, მაგრამ პასუხი არავის გაუცია. უეცრად ტანში გამაცვივა შიშისაგან. მე დავხედე საათს, საღამოს 6 საათი იყო. მთელი სახლი დავიარე ზემოდან ქვემოთ, ცხადია, გულის ბაგა-ბუგით, მაგრამ არავინ იყო აქ. მაშინ ძალიან შევშინდი ჩემს ქმარზე, ვიფიქრე, რამე ხომ არ დაემართა მეთქი. მთელი საათი გავატარე ტრამვაის გაჩერებასთან და ამოვისუნთქე, როდესაც ბოლოს ის გამოჩნდა. იგი ძალზე განცვიფრდა, როდესაც დამინახა და მე მას მოვუყვიე ჩემი განცდილი. რადგან ჩვენ ეს შემთხვევა ვერაფრით აცხსენით, მალე დავგავიწყდა იგი. მხოლოდ მაშინ, როდესაც მამაჩემის გარდაცვალების ცნობა მივიღეთ, ეს შემთხვევა კვლავ გავვახსენდა. ეს იყო მამაჩემის გარდაცვალების დღე. მ ა ს ს ი კ - ვ დ ი ლ ი ს მ ე რ ე ს უ რ დ ა დ ა პ ი რ ე ბ ი ს

შ ე ს რ უ ლ ე ბ ა .

ეხლა მოგიყვანოთ იმის მაგალითი, რომ არა მარტო თავიანთი და-  
 მირების შესრულებას ღამობენ გარდაცვლილთა სულები, არამედ ამჟამე-  
 ნად მყოფთაგან იმავს მოითხოვენ. ქალის წერილი: «რაც უფრო ერე-  
 ოდა ავადმყოფობა ჩემს ქმარს, მით უფრო ეჭვიანი ხდებოდა იგი. იგი  
 ელოდა სიკვდილს, მაგრამ მძაფრი ეჭვიანობა მას ნამდვილად ანიჭებ-  
 და ფარულ ძალებს უფრო დიდხანს გაეძლო. გარდაცვალებამდე ცოტა  
 ხნით ადრე, მან საზეიმოდ ჩამომართვა პ ი რ ო ბ ა , რ ო მ  
 ა რ ა ს ო დ ე ს ს ხ ვ ა მ ა მ ა კ ა ც ი ს ა ა რ გ ა ვ -  
 ხ დ ე ბ ო დ ი . მე ეს დაუფიქრებლად დავპირდი მას, იმ იმედით,  
 რომ იგი მენუგეშებინა. გაიარა წლებმა. მე ვცხოვრობდი ძაღვზე გა-  
 რიყულად, თუმცა ჯერ კიდევ ახალგაზრდა ვიყავი. უკვე მერვე წელი  
 იყო ჩემი ქმრის გარდაცვალებიდან, რომ დედაჩემმა და დეიღამ ახალ-  
 გაზრდა ღურგალი გამაცნეს, რომელსაც თურმე მოვწონებოდი და უნდო-  
 და ცოლად შევერთე. ენაწყლიანი დეიღისა და დედაჩემის წაბიძგებით  
 მე კვლავ ცხოვრებისეულ სიხარულს ვუბრუნდებოდი, მითუმეტეს, რომ  
 არც მე ვფიქრობდი ღურგალს გულგრილად. ნიშნობა ჩვენ დავთქვით  
 აღდგომის კვირას. საზეიმო სუფრას ვიწრო წრე ვუსხედით, მხოლოდ  
 ხუთი პიროვნება. მას შემდეგ, რაც ლოცვა წარვთქვით, ჩვენ ავწი-  
 ეთ თეთრი ღვინით სავსე ჭიქები ერთმანეთის დასალოცად. და მაშინ  
 მოხდა ეს: როდესაც ჭიქა მაგიდაზე დავდგი, იგი ისე დაიმსხვრა,  
 რომ მხოლოდ ყუნწი შემრჩა ხელში. ასევე დაემართა ჩემი დანიშნუ-  
 ლისა და დედაჩემის ჭიქას. საბოლოოდ 5 ჭიქიდან 4 ნ ა მ ს ხ ვ -  
 რ ე ვ ე ბ ა დ ე ყ ა რ ა მ ა გ ი დ ა ზ ე . სიტყვა არავის  
 დაუძრავს. შპალერიან კედელზე დაიგრუხუნა ძაღვზე ხმამაღლა.  
 უცრად, ავტომატურად, სიტყვები წამომცდა: «ჩემი ქმარი - რობერ-  
 ტი!» ყველაზე მეტად მე შემეშინდა ამისა. ოთახში გამეფდა მტკივ-  
 ნეული დაძაბულობა. მონუსხულივით წამოვიჭერი მაგიდიდან და ოთა-

ხიდან გავიქეცი. ნიშნობა ჩაიშალა. ამ გაფრთხილების მერე მე არ მეყო გამბედაობა დამერღვია პირობა, რომელიც გარდმცვლილ ქმარს აღვუთქვი».

თ. ორეულები. წერილებში არიან ისეთებიც, რომლებიც აღწერენ «ორეულების» ფენომენს. რა იგულისხმება ამ ფენომენში? ესაა ადამიანებში, როგორც ჩანს, არცთუ ისე იშვიათად გავრცელებული მოვლენა «სულის გამოსვლისა» - «სულის ექსტერიორიზაცია». ამ შემთხვევაში სხეული აღიქვამს თავის «სულიერ სხეულს», როგორც მის გარეთ მყოფს, ან, უფრო ხშირად, ეს «სულიერი სხეულია» რომელიც აღიქვამს და ხედავს მის მიერ დატოვებულ სხეულს<sup>X</sup>. ამ უკანასკნელი შემთხვევის მაგალითი მოიყვანა იუნგმა თავის ნაშრომში<sup>XX</sup>, როდესაც აღწერა გულწასული პაციენტის მდგომარეობა. იუნგმა ხაზი გაუსვა იმ ფაქტს, რომ ტვინისა და გრძნობათა ორგანოებიდან «მოცილებული სული» (*~ losgelöste Seele ~*) თავისი აღქმის უნარით არაფრით ჩამოუვარდება საკუთრივ გრძნობათა ორგანოების აღქმის უნარს. ვერძოდ, აღნიშნული პაციენტი გაცნობიერებულად აღიქვამდა, რომ თითქოს იმყოფებოდა საავადმყოფოს პალატის ჭერზე, აღიქვამდა ოთახში მომხდარ ყოველ შემთხვევას, მაშინ, როცა მისი სხეული თვალდახუჭული იწვა საწოლზე.

შემდეგი წერილი აღწერს იმ შემთხვევას, როდესაც სხეული აღიქვამს თავის გარეთ მყოფ «სულიერ სხეულს» (*~ Geistleib ~*): «ეს

-----

X დაახლოებით ამდაგვარი რამ გვნიცადა ამ სიტყვების ავტორმა 7-8 წლის ასაკში.

XX ციტირებულია: ა.იაფფე, დასახ. ნაშრომი, გვ. 181



ისტორია შემემთხვა რამდენიმე წლის წინათ ერთ სასტუმროში. იდგა ზაფხული. დაახლოებით შვიდი საათი იქნებოდა, ღოღესაც ჩემს ოთახში შევედი. რადგანაც ცოტა ადრე იყო ვახშმობამდე, პირაღმა გავიშოტე ლოჯინზე, თავი გადავწიე ოდნავ მარჯვნივ (ვინაიდან კუჭის ნერვულ ტკივილებს ვუჩივოდი, ამიტომ ჩვეულებად მქონდა ჭამის წინ რამდენიმე წუთი დამესვენა). რამდენიმე წუთი ვიყავი ასე, ნახევრად ბურანში. როდესაც უცნობი გამეღვიძა, მქონდა კომიკური შეგრძნება შინაგანად დაცარიელებულად ყოფნისა. მსურდა წამოწევა, მაგრამ ვერ შევძელი. უბრალო მოძრაობაც ვერ შევძელი. არათუ თავის მოტრიალება, თითის განძრევაც არ შემიძლო. ჩემი თავი მკაფიოდ მუშაობდა და მეუბნებოდა, რომ მე მოვკვდი, რადგან ჩემი სხეულის შეგრძნება აღარ ძალმიძდა. დამწუხრებული არ ვიყავი ჩემდა გასაკვირად. იმაზე ცდიქრობდი, თუ ჩემი სული, ჩემი ჯერ კიდევ ნათელი გონება მკვდარ სხეულს როგორ მოშორებოდა. როდესაც მე ასე განუძრევლად ვიწექი და ჩემი თავი ამგვარი ფიქრებით იყო დაკავებული, მოხდა რაღაც უცნაური. ჩემგან მარჯვნივ ჩემსკენ დინჯად მონავარდობდა ბნელი ჩრდილი. ეს ჩრდილი თავისუფლად დაკიდებული იწევა პორიზონტალურად ჰაერში ღა ჰქონდა ზ უ ს ტ ი მ ო ხ ა - ზ უ ლ ო ბ ა და ს ი დ ი დ ე ჩ ე მ ი ს ხ ე უ ლ ი ს ა (ოთახი განათებული იყო და მე ყველაფერს მკაფიოდ ვხედავდი). ჩრდილი მოძრაობდა ჩემსავე სიმაღლეზე (ჩვენ ვიყავით ახლა როგორც ტყუპისცალნი ერთურთის გვერდით) და მან ნელა გაიარა ჩემში. ეს ჩემს შიგნით ჩასრიალება ჩემი მეორე მესი გრძელდებოდა ხუთიდან ათ წამამდე. მე ეს ყველაფერი სხეულებრივად ისე ვიგრძენი, როგორც დაახლოებით ვგრძნობთ ხოლმე მარჯვენა და მარცხენა ხელის ერთმანეთზე მიხახუნებას. იმწამსვე კვლავ ვიგრძენი თანდათანობით მარჯვნიდან მარცხენისაკენ ჩემი სხეულის სითბო და ასე შევძელი აგრეთვე



ჯერ ჩემი მარჯვენა ხელის ამოძრავება იმ დროს, როდესაც მარცხენა  
ჯერ კიდევ გაშეშებული იდო.

შემდგომი წერილი კიდევ უფრო უცნაურად ედერს. მაგრამ სანამ  
მას მოვიყვანდეთ (და სანამ კომენტარებზე გადავადო), მკითხველს  
გავახსენებთ, რომ ისტორიამ მრავლად უწყის ამდაგვარი მოვლენა.  
ფართოდაა ცნობილი, მაგ., რომანტიკოსების დამოკიდებულება ორეულ-  
თან. ეს მოტივი ხშირად დომინირებს მათში მოქმედებაში. ამიტომ ისინი  
თვლიან, რომ არიან «მოგზაურნი ორ სამყაროს შორის». ირაციონალ-  
ური, «ბუნების ღამეული მხარე» აგრძნობინებს მათ ამ ორეულს.  
ისინი გრძნობენ, რომ «ხან მიწისანი არიან და ხან ცისა». რაც  
შეეხება ორეულის «ღამეულ მხარეს», აქ ჰომეროსის «ქმა მედარდუ-  
სის» გახსენებაც კმარა მისი «ელიქსირიდან». თავის ორეულთან  
შეხვედრას ადასტურებს თვით გოეთე, რომლის აღწერასაც დაინტერე-  
სებული მკითხველი იპოვის მის «პოეზიასა და სიმართლეში» (მე-2  
ნაწ., წიგნი XI).

დავუბრუნდეთ წერილებს. მამაკაცი, რომელსაც თირკმელი აწუხებ-  
და, ვგაუწყებ: «ამინდი იყო მშვენიერი და მზიანი. მე მქონდებ  
იხეთი საშინელი ტკივილები, რომ თავს ვუთხარი: შენ როგორმე უნ-  
და დატოვო თავი შენი და მაშინ ტკივილებიც მოგშორდება. უცნობ  
ჩემს წინ დავინახე კაცი, რომელიც ბალის გასასცვლელისაკენ მიაბი-  
ჯებდა. მან გააღო ალყაფის კარი და ქუჩაში გავიდა. მე მას მო-  
წესხულივით ვადევნებდი თვალს, სანამ ცნობიერებაში აზრმა არ  
გამიეღვა: ეს თვითონ შენა ხარ! მე წამოვხტი ერთადერთი სურვი-  
ლით - როგორმე დავწეოდი ამ კაცს. მან უკვე გაუხვია ერთერთ ქუ-  
ჩაზე და ჩემს თვალთაგან გაქრა. მაშინ ამიტანა წარმოუდგენელი  
შიშმა. მე სირბილს ვუმატე და გიჟივით დავედევენი მას, დავეწიე,  
როგორც ჩანს, დავიჭირე და ყველაფერი მოგვარდა, თუ როგორ - ამის  
ახსნა მე არ შემიძლია. აგრეთვე ტკივილები, რომელთაგანაც განვ-



თავისუფლად ამ ხნის განმავლობაში, კვლავ დამიბრუნდა. ურევულო სიბრძნისაგან ქანცვაწყვეტილი ჩემი სახლის წინ მდგომ სკამზე ჩამოფეკეი. მალე ჩემი ცოლი გამოვიდა სახლიდან და მითხრა: «ქ-მა დ-მ და ბ-მა კ-მ ამწუთას დამირეკეს და შემეკითხნენ, თუ რა გჭირს შენ. შენ შეპყრობილივით დარბოდი ქუჩებში» ( ამ ხალხმა, როგორც ჩანს, მე დამინახეს, თუ როგორ მივრბოდი და არა ჩემი მ ე ო რ ე მ ე , რომელსაც მივსდევდი. ამიტომ წარმოვადგენდი მათთვის უცნაურ სანახაობას)».

ორეულის ნახვა ხშირად სიკვდილის მალწყებელია. ამის საილუსტრაციოდ მოვიყვანთ ე რ თ ი მანდილოსნის წერილს: « დაახლოებით 20 წლის წინ მყავდა ოცდაექვსი წლის ქალიშვილი, რომელიც პიანისტი იყო. ერთ საღამოს, როდესაც იგი ფორტეპიანოსთან იჯდა და ვარჯიშობდა, მე შევნიშნე, ჩემდა გასაოცრად, რომ მის მარცხენა მხარეს იჯდა ისევე ჩემი ქალიშვილი, ზუსტად ისევე ჩაცმული, მაგრამ სრულიად გამჭვირვალე. მე არაფერი ვუთხარი ჩემს ქალიშვილს. ნახევარი წლის შემდეგ იგი გარდაიცვალა ტრაგიკულ გარემოებებში. როდესაც დასაფლავებიდან დავბრუნდით და მე კარი გავაღე სასადილო ოთახში შესასვლელად, დავინახე ი გ ი , ზუსტად ჩვეულებრივსამებრ ჩაცმული, ოღონდ გამჭვირვალე; მან გვერდით ჩამიარა და მერე აღარასოდეს აღარ მიხილავს».

როგორც ჩანს, აღნიშნული მანდილოსანი დაჯილდოებულია გარკვეული ნათელხილვის უნარით, რადგან იგი ჩ ვ ე უ ლ ე ბ რ ი ვ ს ი ტ უ ა მ ც ი ა შ ი დ ა ა რ ა ე რ თ გ ზ ი ს ხ ე დ ა ვ ს ს უ ლ ე ბ ს , მაშინ, როცა სხვა წერილთა ანგოლებს ისინი ევლინებიან მხოლოდ ერთხელ და ისიც განსაკუთრებულ სიტუაციაში. იგივე მანდილოსანი აგვიწერს სხვა შემთხვევას: « ბოლო გაზაფხულზე ჩემი და სტუმრობდა ჩემთან. ჩვენ მოვემზადეთ ქალაქ-

ფი გასასვლელად. მე მას ვუთხარი: «შენ ჩადი და დამელოდე სახლის წინ, მე ეხლავე მოვალ». ჩემს დას ეცვა მუქი მწვანე კაბა და ეხურა თეთრი ქუდი. როდესაც ოთახი დაცტოვე და გასასვლელისაკენ გავემართე, დავინახე ჩემი და ხმ გასასვლელში ჩემგან ექვსი ნაბიჯით დაშორებული. იგი იდგა, მაგრამ თავისი ჩაცმულობით მთლიანად გამჭვირვალე იყო, როგორც მინა. მე მას თვალი მოვაშორე და კვლავ შევხედე, იგი კიდევ იქ იდგა. მეორედ გავიმეორე ეს და მაშინ მისი ფიგურა გაქრა. მე მოვუყევი მას ამის შესახებ, მაგრამ იგი მეჩხუბა და სისულელე უწოდებდა ამას. მე კი გავიფიქრე: «ჩემი და ნამდვილად დიდხანს აღარ იცოცხლებს». დაახლოებით ნახევარი წლის შემდეგ, ზაფხულის ბოლოს, მან მხოლოდ სამი დღე იავადმყოფა და გარდაიცვალა».

ი. სულები, რომელთა ფორმას ცოცხლებიდან ვერ ანსხვავებენ.

დასასრულ გვინდა მოვიყვანოთ რამდენიმე მაგალითი იმ წერილების სერიიდან, სადაც აღწერენ სულთა ისეთ გამოცხადებას, რომ მათ ვერ ანსხვავებენ ცოცხალთაგან და მხოლოდ მერე დგინდება, რომ ისინი სულები იყვნენ.

«ჩემმა ქმარმა», - იუწყება ერთი მანგლიოსანი - «უკიდურესად ფიზიკური გონებისამ, რომელიც სულთა ყოველგვარი გამოცხადების მიმართ სკეპტიკურად იყო განწყობილი, თავად გამოსცადა ის, რამაც ძალზე დააფიქრა და შეაცვლევინა უხილავი საგნებისადმი დამოკიდებულება».

რამდენიმე წლის წინ, როდესაც საღამო ხანს ქუჩაში მიდიოდა, მან უკვე შორიდან დაინახა წარმოსადეგი ფიგურა თავისი პოლკოვნიკისა, რომელიც ჩქარი ნაბიჯით უახლოვდებოდა მას. ჩემს ქმარს, მისი პოლკის ყოფილ ოფიცერს, ძალზე უყვარდა თავისი პოლკოვნიკი

და მასთან შეხვედრა ყოველთვის სიხარულს გვრიდა. როდესაც რამდენიმე ნაბიჯიღა დარჩა მათ შორის და ჩემმა ქმარმა ჩვეული მისალმებისათვის ქუდთან ხელი მიიტანა, პოლკოვნიკმა მას უცხოდ შეხედა, უეცრივ მარჯვნივ გადაუხვია და ქურა გადაჭრა. მთელი საღამო კლუბში ყოფნისას და შემდეგ შინ, სადაც ჩემმა მეუღლემ ყველაფერი დაწვრილებით მიაშმო, იტანჯებოდა იგი ამის გამო, იგი ამბობდა, რომ პოლკოვნიკს არ სურდა მას მისალმებოდა, დემონსტრაციულად აარიდა თავი მასთან შეხვედრას, რომლის დროსაც მისი ტურები დამცინავად იყო აპრეხილი და მთელი მისი სახე უცხოდ, სხვაგვარად გამოიყურებოდა, ვიდრე უწინ. მე ყოველი ღონე ვიხმარე ჩემი ქმრის დასამშვიდებლად. მეორე დილას, როდესაც იგი საუბრობდა და გაზეთს ათვალიერებდა, მომესმა მისი მუშტის დარტყმა მაგიდაზე და რაღაც წამოძახილი. როდესაც სამზარეულოდან გამოვქანდი, დავინახე თუ როგორ დაჰყურებდა იგი გაფითრებული გაზეთში დიდი ფორმატის სამგლოვიარო განცხადებას: განცხადება იუწყებოდა, რომ პოლკოვნიკი გარდაიცვალა კვირას ტვინში სისხლის ჩაქცევისაგან. ჩემმა ქმარმა დაბნეულად შემომხედა და თქვა: «ასე, რომ ეხლა იგი მკვდარია და გუშინ ჩემი მისალმება არ უნდოდა!...».

მე მას ვთხოვე, რომ ეს განცხადება მას კიდევ ერთხელ ყურადღებით გადაეკითხა. როდესაც იგი მიხვდა, რომ პოლკოვნიკი განცხადების თანახმად უკვე ორი დღის გარდაცვლილი იყო და მას გუშინ ვერ შეხვედებოდა, იგი, ამ გაუგებრობის გასარკვევად, დაუყოვნებლივ გაემართა იქ, სადაც მიცვალებული ესვენა. პოლკოვნიკი უკვე მრავალი წლის ქვრივი იყო და მისმა ერთადერთმა ვაჟმა და ხანშიშესულმა დამ ჩემს ქმარს უთხრეს, რომ პოლკოვნიკს აქეთ მომავალ მატარებელში დაჰმართა ეს და სადგურიდან იგი პირდაპირ საავადმყოფოში გაატანეს, სადაც იგი კვირა საღამოს გარდაიცვალა. ასე,



რომ განცხადება სწორი იყო».

ეხლა მოვიყვანთ ერთი მამაკაცის წერილს, რომლის მიხედვითაც გიცვალეულის სული ერთდროულად რამდენიმე ადგილზე ჩნდება: «ეს იყო 1940 წლის 18 ოქტომბერი. მე მივდიოდი, დაახლოებით 13.40-ზე, ჩემი ჩვეულებრივი გზით სამსახურში. როდესაც დაახ. 13.45-ი გახდა, მე უეცრად შემხვდა მამარჩემი. საოცარია, მამარჩემი ხომ უკვე 14 დღეა, რაც სხვა ქალაქში იმყოფება და ასე უცებ როგორ გაჩნდა ჩვენთან? მე ავარჩქარე ნაბიჯები და დავუძახე მას: «ჰეი, მამა». როგორც კი ესა ვთქვი, იგი იმწამსვე გაქრა. მე ყველა მხარეს გავიხედე და აღარ ვიციოდი: ცხადში ვიყავი თუ სიზმარში. მამარჩემი აღარსად ჩანდა. ასე განვაგრძე გზა სამსახურისაკენ ფიქრებში წასულმა. როგორც კი მივედი სამსახურში, ნათესავმა დამირჩქა და შემატყობინა, რომ მამარჩემი დამბლით გარდაცვლილა - წინა საღამოს. მე იმწამსვე დავურეკე ჩემს დას და შევატყობინე რაც მოხდა, თან ის უჩვეულო შემთხვევაც მოვუყვები. და რა გავიგონე მისგან? მე ჩემს ყურებს არ ვუჯერებდი. ზუსტად იმ დროს სადგურზე მამარჩემი მასაც შეხვედრია და გამქრალა. ერთი რამ გახდა ჩემთვის ცხადი. მამარჩემს, რომელსაც ჩვენ ძალიან ვუყვარდით, სურდა ერთხელ კიდევ გვჩვენებოდა ისე, როგორიც იყო სიცოცხლეში. ეს იყო მისი დამშვიდობება».

ეხლა ჩვენს მკითხველს გვსურს მოვუთხროთ ერთი ფაქტი ჩვენი, ქართული სინამდვილედან, რომელიც საკმაოდ გახმაურდა თავის დროზე. ეს მოხდა 30-იან წლებში, თბილისში. ცნობილ ფსიქიატრთან, პროფ. მიხეილ ასათიანთან მივიდა უცნობი ახალგაზრდა და სთხოვა, რომ პროფესორი მისულიყო ერთ მისამართზე, სადაც ავადმყოფს დახმარება სჭირდებოდა. პროფესორი არ დაზარდა ამას, ნახა ავადმყოფი და როდესაც გაკვირვებულმა ოჯახის წევრებმა ჰკითხეს, თუ ვინ მო-

ასწავლა მათთან გზა, მან კედელზე დაკიდებულ სკრატს მიამხრო თი-  
თი, რომელიც იმ ახალგაზრდას გამოსახავდა.

რამ აღმოჩნდა, რომ ის ახალგაზრდა კარგა ხნის გარდაცვლილი ყოფილა.  
როგორც ცნობილია, ამის ნიადაგზე დაეწყო მ. ასათიანს ფსიქიური აშ-  
ლილობა და ერთ წელიწადში გარდაიცვალა კიდეც.

ეს შემთხვევა ზემომოყვანილი წერილების სერიათა მსგავსია. თვით  
ის ფაქტი, რომ ამის შემდეგ პროფ. მ. ასათიანი ცოტა ხნის შემდეგ  
გარდაიცვალა, ეხმაურება იმ წერილებს, რომლებიდანაც მტკიცდება, რომ  
სულებთან შეხვედრა მალე გარდაცვალების მომასწავებელია<sup>X</sup>. ცნობი-  
ლია, რომ სულთა «გამტარი» მედიუმები მალე ავადდებიან და შედარე-  
ბით ხანმოკლე სიცოცხლე აქვთ<sup>XX</sup>. ა. იაფფეს დასახელებულ ნაშრომში  
მოიპოვება ერთი საინტერესო წერილი რუსეთში მცხოვრები შვეიცარი-  
ელისა, რომელსაც მოვიყვანთ ამის საილუსტრაციოდ. ეს შვეიცარიელი  
იტყობინება, რომ ერთ დამეს მისი თოთხმეტი წლის ბიჭი მეგობართან  
ერთად ახლომდებარე პატარა მდინარესთან წავიდა კიბორჩხალების და-  
საჭერად. იქ მათ «უეცრად გაურკვეველი ხმები მოესმათ», რომელიც შემ-  
დეგ აშკარად გამოიკვეთა როგორც საეკლესიო გუნდის ხმა. «შემდეგ  
ჩვენ უეცრივ თვით სიმღერის შუაგულში აღმოვჩნდით ისე, რომ შეუძლე-  
ბელი იყო იმის დადგენა, ხმები ქვემოდან, გვერდიდან თუ ზემოდან მო-  
დიოდა. რამდენიმე ხნის მერე ძალზე მკაფიოდ გაისმა მღვდლის ხმა,  
რომელსაც ისევ გუნდმა უპასუხა. ეს გრძელდებოდა დიდხანს, მუდმივი  
შენაცვლებით, როგორც ეს რუსულ ეკლესიაშია დადგენილი». მამის კით-  
ხვაზე, თუ მთელი ამ ხნის მანძილზე რას აკეთებდნენ ორივენი, შეილ-  
მა უპასუხა: «რა უნდა გავგეკეთებინა, ჩვენყ ვლოცულობდით». მამა ასე  
ამთავრებს თავის წერილს: «ორივე ბავშვი მალე გარდაიცვალა».

X დიდი გერმანელი კომპოზიტორი რ. შუმანი გარდაცვალებამდე ცოტა  
ხნით ადრე, სანამ მას ფსიქ. აშლილობა დაეწყო, ამტკიცებდა, რომ  
მას ეცხადებოდნენ შუბერტისა და მენდელსონის სულები, რომლებიც  
პირდაპირ კარნახობდნენ მას მუსიკალურ თემას.

XX H. Bouisson, *Ein seltsamer Beruf, Autobiographie*, hrsg. v. Prof. G.  
Frei, Luzern 1957.



თუკი სულელებთან შეხვედრა ჩქარი სიკვდილის მომასწავებელია, მეორე მხრივ, სასიკვდილოდ განწირულთა და სულთმობრძავე ხშირად ეხსენებათ უნარი სულთამხილაობისა. პარანესიკოლოგიაში დადგენილი ფაქტია ე.წ. «სასიკვდილო-სარეცლის-ფენომენები». (*Sterbe-bettphänomene*)<sup>x</sup> რომლის დროსაც მასზე მიჯაჭვულთ ენიჭებათ არა მარტო უნარი სულთამხილაობისა, არამედ გარკვეული ნათელხილვისაც. მომაკვდავთაგან ასეთი სულთამხილაობის საილუსტრაციოდ ჩვენ ამჟერად წერილებს არ მივმართავთ, არამედ მკითხველს გავაცნობთ სამიოდე მაგალითს უშუალოდ ჩვენი ცხოვრებისეული დაკვირვებიდან.

პირველი ასეთი შემთხვევა, რომელსაც მე შევესწარი, გახლდათ ჩემი ძალზე ახლო ნათესავის სიკვდილისწინა განცდები. ეს იყო 1969 წლის 27 აგვისტო. საავადმყოფოს პალატაში ავადმყოფთან მარტოდ-მარტო ვიყავი. დანიშნული ოპერაცია მესამე დღეს უნდა გაკეთებულიყო, რომლის წარმატების შემთხვევაში ავადმყოფი გადარჩებოდა, ე.ი. იმ დღეს ჯერ კიდევ არ იყო გადაწყვეტილი მისი ბედი. (ავადმყოფმა ოპერაცია ვერ გადაიტანა). მაგრამ სწორედ იმ დღეს - საღამო ხანი იყო - სხვა დროს ძალზე სადად მოაზროვნე მამაკაცს, შევატყვე გაფითრება და როდესაც ამის მიზეზი ვკითხე, მან ჩუმად დამისახებლა გარდაცვლილი საერთო ნაცნობი, რომელიც მან დაინახა პალატაში მოსიარულე.

მეორე შემთხვევა ეხება ჩემს ახლო მეგობარს, აწ უკვე ცნობილ პოეტ შოთა ჩანტლაძეს. მისი გარდაცვალების წინა დღეს ასევე მარტოდ-მარტო აღმოვჩნდი მასთან პალატაში. საღამოვდებოდა. პოეტი ბურანში იყო წასული. უეცრად იგი გამოერკვა, სიცხისაგან დაბინდული თვალები მომაპყრო და მითხრა: «ახლახან საიქიოში ვიყავი. თუ გადავრჩი, ყველაფერს გაიმბობა». ამივე დროს, აღსანიშნავია, რომ იგი სულაც არ იყო რელიგიური.

<sup>x</sup> P. Ringger, Parapsychologie, Zürich 1957, s. 103.



მესამე შემთხვევა საილუსტრაციოდ გამოდგება იმ ფენომენისათვის, როდესაც სულის გამოცხადება სწრაფი სიკვდილის მაუწყებელია. ეს იყო 1975 წლის აგვისტოს მიწურულს. ჩემთან მაშინ ხშირად სტუმრობდა შ.მ-ძე; ყოფილი სამხედრო. კარგმა მოსაუბრემ ბევრი რამ უწყობდა ისტორიულად საინტერესო, ბევრი რამ თვითონაც გადახდენოდა თავს. ამ საუბრებით ვატაცებული, მახსოვს, მაშინ ღამეებს ვათენებდი. ერთ ასეთ ღამეს, იქნებოდა დაახლოებით დილის 3 საათი, ჩემს პირდაპირ სანვარძელში მჯდომ გენერალს მზერა გაუშტერდა და ჩემს ზურგს უკან რაღაცას მიაჩერდა. იგი გაფითრდა. როდესაც ამაზე ჩემი შემოთქება გამოვთქევი, მან ხმამაღლა მითხრა: «ყმაწვილო, ახლახან გამომეცხადა გ.ფ-ს სისხლიანი ლანდი». ამის შემდეგ გენერალს დიღხანს აღარ უცოცხლია, იგი მომდევნო წელს გარდაიცვალა.

კ. სულთა ზემოქმედებანი ცხოველებზე, ფრინველებზე, მცენარეებსა და არაცოცხალ ბუნებაზე. ეხლა მოვიყვანთ რამდენიმე მაგალითს წერილების იმ სერიიდან, სადაც შენიშნულია სულთა ზემოქმედებანი არა მარტო ადამიანებზე, არამედ სხვა ცოცხალ და არაცოცხალ ბუნებაზე. ამ მხრივ პირველ ყოვლისა ფ რ ი ნ ვ ე ლ ე ბ ი იქცევენ: ყურადღებას და წერილების უმრავლესობა სწორედ მათ ეთმობათ. ამ წერილებში აღწერილია სხვადასხვაგვარ ფრინველთა ქცევიები, რომლებიც წერილების ავტორთ როგორღაც მიანიშნებენ მოსალოდნელ უბედურებას ან რაღაცას წინასწარმეტყველებენ და ყოველივე ეს მჭიდრო კავშირშია გარდაცვლილთა სულებთან. ამის საილუსტრაციოდ ეხლა მივმართავთ არა უცხოურ წერილებს, არამედ პირდაპირ მოვიყვანთ ამონაწერს ხობის რაიონული გაზეთიდან «კომუნისმის მშენებელი» (1984 წ. 29 ოქტომბრისა, № 180):



« ამბავი სიყვარულისა »

ნამდვილი ამბავი

რამდენია ამბავი სიყვარულისა და რამდენი გულის მომკვლელი, გაგეთაგან მოუთხრობელი . . . და მითუმეტეს ამბავი სიყვარულისა, თუ იგი ადამიანსა და სხვა ცოცხალ არსებას შორის წარმოიშვება. ასეთ შემთხვევას, როგორც ფაქტის თვითმხილველი, პირდაპირ, ყოველგვარი შელამამაზების გარეშე მოგითხრობთ.

ხაკაიას რაიონის სოფელ სახარბედიოს მკვიდრი, ოცი წლის ჭაბუკი ზაზა გულადის ძე ეჯობია მოსკოვში გარდაიცვალა ამა წლის აპრილში, სადაც ის მკურნალობდა გულის მანკის დაავადებაზე. გულგანგმირულმა მშობლიურ სოფელში ჩამოასვენეს მიცვალებული, ერთი საათიც არ იყო გასული, რომ ოთახში შავი მტრედი შემოფრინდა და ჭერს მიაწყდა. იქ მყოფთაგან ამას მხოლოდ მეზობლებმა მიაქციეს ყურადღება და როცა მტრედი ვერაფრით ვერ გადაეწინა ოთახიდან, ამას თვალი ჰკიდა მწიბარე დედამაც. იმდენად დიდი და თავზარდამცემი იყო მისთვის ამის ხილვა, რომ გაბმული გლოვა გაოცებად თუ გაოგნებად შეეცვალა დედას. მან ამ ყოვანივით შავ ფრინველში ამოიცნო ის მტრედი, რომელსაც დედა-შვილი საკენკს უყრიდა იქ მოსკოვში და რომელიც სხვა მტრედთაგან ფერიითაც გამორჩეული, შეჩვეული და მინდობილი იყო მათზე. მტრედი უმეტეს დროს ავადმყოფი ჭაბუკის პალატაში ან პალატის ფანჯრებთან ატარებდა. აღსანიშნავია ისიც, რომ აქ, ახლომახლო მტრედები საერთოდ არ არიან.

მტრედი დღეობით იჯდა გვერდითი ოთახის ფანჯარასთან, ფარდის-მიღმა, საიდანაც გარკვევით ჩანდა მიცვალებული. დილით, როცა ოთახში ატავინ იყო ჭირისუფალთაგან, მტრედი დააჯრინებოდა მიცვალებულს. და სახეზე ეაღერსებოდა ფრთებით, ნისკარტით. ასევე უაღერსებდა მიცვალებულის ოჯახის სხვა წევრებს - დედას, მეუღლეს და

შვილს. მიცვალებულის დედის ლუიზა თვაიოვის დაძახებაზე (იგი მტრედს შვილის სახელს ეძახის), ის კენკავდა საჭმელს იქვე, მისთვის მოწყობილი ჯამებიდან, რომლებშიც ყოველნაირი საჭმელი იყო. შემდეგ უბრუნდებოდა თავის წინანდელ სამყოფელს. დღეში ის რამდენიმეჯერ მიმოფრინავდა სახლსა და იმ სასაფლაოს შორის, სადაც უბედურ ჭაბუკს უმზადებდნენ საფლავს. მტრედი მიფრინდებოდა იმ ადგილთან, სადაც საფლავი უნდა გათხრილიყო და იმ ადგილებთან, სადაც ჭაბუკს უყვარდა სიარული, სადაც უდებოდა ხოლმე, იმ ადგილს უნისკარტებდა გამალებით, და მერე კვლავ ოთახში მობრუნებული, გარინდებული, მწუხარე, ფრთხილამოყრილი იჯდა. მოთქმისას კი ისე შეფრთხილდებოდა და ეხლებოდა ფანჯრის მინებს, რომ თითქოს სადაცაა მოკვდება და ძირს დაენარცხებაო. მთელ დამეს ისევე ფანჯარასთან ან მიცვალებულის შვილის სასაფლაოთან ატარებდა. ასე მეორედებოდა ყოველდღე ვიდრე არ დაასაფლავეს ჭაბუკი.

ამის შემდეგ მტრედმა თითქოს სიცოცხლისადმი ყოველგვარი ინტერესი დაკარგა - დამეებს ათევეს სასაფლაოზე, დღისით კი საოცრად მობუზული ზის მიცვალებულის დიდი, გარეთა სურათის კიდეზე და მშინდა თუ მოეგება გონს, როცა მას, როგორც ოჯახის წევრს, სადილზე მიუხმობენ „ზაზა, ზაზას“ ძახილით.

ერთხელ გარდაცვლილის მეუღლე ბავშვითურთ თავის სახლში წავიდა. შუაღამისას მას მოესმა ფანჯარაზე კაკუნისმაგვარი ხმა, თურმე მტრედს ბავშვი სახლში რომ ვერ დაუნახავს, მათ კვალს გამოიწყლია. მტრედი ჩვეულებისამებრ ბავშვის სასაფლაოთან ჩამოფრინდა და ასე დაჰყო მთელი ის დამე.

მტრედი განსაკუთრებით ნერვიულად რეაგირებს ყოველგვარ ხმამაღალ წალბაბარაკებაზე ოჯახში, მიაფრინდება და ნისკარტით ტანსაცმელს უწიწკნის მოჩხუბარს.



ამ გაუბედურებული ოჯახის მთელი იმედები ამ მტრედზეა, რომელ-  
გაც იკისრა და შეასრულა უკეთილშობილესი მისია: უზომოდ დამწუხრე-  
ბულთა ყურადღება გადაიტანა თავის თავზე და ამით განუზომლად შე-  
ანელა ის დიდი ფსიქოლოგიური სტრესი, რაც თან ახლავს ამგვარ ტრა-  
გედებს.

დასასრულ, აუცილებლად ვთვლი, მაღლიერებით მოვიხსენიო ჩხო-  
როწყუს რაიონის სახალხო სასამართლოს თავმჯდომარე ბატონი ჯემალ  
აღამია, რომლის მეოხებითაც ჯერ გავიგე და შემდეგ კი გავხდი ამ  
ამბის თვითმხილველი.

მერაბ ხუბუა

თბილისის სახელმწიფო უნივერსიტეტის ფილოსოფიისა და  
ფსიქოლოგიის ფაკულტეტის ასპირანტი, საზოგადოება  
«ცოდნის» ლექტორი

ფრინველების გარდა, როგორც ვთქვით, საკმაო წერილებია ცხო-  
ველებზე, უფრო მეტად ძაღლებზე, რომლებიც «გრძნობენ» და «ხედა-  
ვენ» გარდაცვლილთა სულებს, რაც შემდგომ პირდაპირ თუ ირიბად  
დასტურდება. ერთი მაგალითი (ვეტერინარის წერილი): არამდენიმე  
წლის წინ ერთი ქ-ნი, თავისი ფოქსტერიერთ (ქმრის საყვარელი  
ძაღლით), ქუჩაში მიდიოდა საყიდლებზე. უეცრად, შუა გზაზე, ძაღ-  
ლმა დაიწყო წკმუტუნ და ყმუილი ყოველგვარი მიზეზის გარეშე.  
სახლში მისვლისთანავე ცოლმა დაინახა თავისი მიუღღე იატაკზე  
დაგდებული.

იგი, როგორც ეტყობოდა, გარდაცვლილ სწორედ მაშინ, როდესაც  
ძაღლმა ყმუილი დაიწყო. ამდაგვარი წერილების გარდა არის კიდევ  
წერილები, სადაც ძაღლი და მისი პატრონი ერთდროულად ხედავენ  
სულებს და სხვა.

წერილები ხშირად იუწყებიან აგრეთვე ისეთ შემთხვევებზე, როდესაც ადამიანის სიკვდილი ემთხვევა მცენარის გახმობას. ერთი წერილის ანტორი გვამცნობს: «როდესაც ჩემი და, იგი 9 წლის იყო, სულ უფრო და უფრო ცუდად გახდა და საწოლს ვეღარ ტოვებდა, მაშინ მეზობლის ქალმა მას აჩუქა ოთახის ყვავილი. და გარდაიცვალა 3 აგვისტოს. იმწამსვე ყვავილმაც დაიწყო ტკნობა და რამდენიმე დღის შემდეგ სრულიად გახმა».

წერილების შემდეგი სერია ეხება სულთა კავშირს არაცოცხალ ბუნებასთან. მოვიყვანოთ ამისი მაგალითიც. ერთი მანდილოსანი იწერებოდა: «ეს შემთხვევა დიდი ხნის წინათ მოხდა. მაშინ უმცროსი კლასის მოწაფე ვიყავი და შეიძლება ამიტომაც მოახდინა მან ჩემზე წარუშლელი შთაბეჭდილება».

საკმაოდ ცივი საღამო იყო, ახალი წლის სიახლოვე. დედაჩემი ლამფის შუქზე კერავდა, მე კი გაკვეთილებს ვამზადებდი. მამაჩემი საჯინიბოში იყო, მაგრამ მალე გაისმა მისი ფეხის ხმა. ჩვენდა გასაოცრად მას თან შემოჰყვა ახალგაზრდა გლეხი მეზობელი სოფლიდან. ამ ახალგაზრდას შეუნიშნავს სინათლე ჩვენს საჯინიბოში და შესულა გასათბობად და თან გულის მოსაოხებლად, რადგან მას სწორედ იმ დღეს დაეწვინა ცოლი საავადმყოფოში სამშობიაროდ, რომელიც თბვის პირველ ბავშვს ელოდებოდა და რომელსაც, როგორც ჩანს, საქმე რიგზე ვერ მისდოდა. მე სამზარეულოში გამაგზავნეს ყავის მოსადუღებლად. როდესაც ოთახში დავბრუნდი, საუბარმა სხვა მიმართულება მიიღო. საბოლოოდ, როდესაც სტუმარმა გამომშვიდობება დააპირა, უცრად დაიწყო ლამფის პატრუქმა ციმციმი - ოთახში უმცირესი ნიავის გარეშე. ჩვენ ყველამ დავინახეთ, თუ ალი როგორ გამოეყო პატრუქს, გადიდდა და ციმციმით ჰაერში დაეკიდა. პატარა ალი, როგორც თოვლის ფიფქი, თითქოს ცეკვავდა მის გარშემო, შემდეგ მას



საესეებით გამოეყო, რათა ჩამქრალიყო. მამის ხელი კანკალებდა, როდესაც მან ღამფა კვლავ აანთო. ახალგაზრდა მამაკაცი კი სულ გაფითრდა და უსიტყვოდ დატოვა ოთახი. მეორე დღეს გავიგეთ, რომ მისი ცოლი ბავშვს გადაყვა, რის შემდეგ თვით ბავშვიც მალე გარდაიცვალა».

არაცოცხალ ბუნებაზე სულის ზემოქმედების მაგალითი მოჰყავს ცნობილ ფილოსოფოსს ნიკოლაი ლოსკის თავის წერილში<sup>X</sup>, სადაც იგი მის კომენტარებასაც ახდენს: «ჩემთვის ცნობილია შემთხვევა, როდესაც ერთმა პიროვნებამ დაასაფლავა თავისი საყვარელი ქალიშვილი და დასაფლავებიდან რამდენიმე თვის გასვლის შემდგომ, გაზაფხულზე, იდგა რა მის საფლავთან, ახედა ახლად ამწვანებულ არყის ხეებს ღურჯი, ვზით გასხივოსნებული ცის ფონზე, და ყოველივე ამაში დაინახა ღიმილი თავისი ქალიშვილისა. თუკი მივიღებთ ფ ე ხ ნ ე რ ი ს მოძღვრებას საიქიო ცხოვრებაზე, როგორც ფსიქიკური პროცესის შენარჩუნებას და თან მის უფრო მაღალ საფეხურზე ასვლას ყოფიერების სხვა პროცესებთან მისი უფრო რთული და უფრო სხვადასხვაგვარი შ ე ხ ა მ ე ბ ი ს გამო, ან, თუკი მივიღებთ კ ა რ ვ ე ნ ტ ე რ ი ს მოძღვრებას (მის წიგნში - «სიყვარული და სიკვდილი») იმის შესახებ, რომ ადამიანს სიკვდილის შემდეგ შეუძლია ბუნების მთლიანი რთული მონაკვეთის მიმართ ისეთსავე დამოკიდებულებებში იყოს, როგორც ადრე იგი თავისი სხეულის მიმართ იმყოფებოდა, მაშინ, ზემომოყვანილი შემთხვევა შეიძლება აიხსნას ობიექტივისტურად, როგორც აღქმა მატერიალურ ბუნებაში იმ მომენტ-

X ნ. ლოსკი, პირველყოფილი ადამიანისა და განათლებული ევროპელის ინტელექტი (თარგმნა და შენიშვნები დაურთო ვ. რცხილაძემ), «საღვთისმეტყველო კრებული» №3, თბილისი, 1984, გვ. 270-271.



ლ.წერილები, სადაც ცდებიან, ან სადაც შეგნებულ ტყუილსა აქვს ადგილი. აღსანიშნავია ის გარემოება, რომ წერილებში, სადაც «მოჩვენებაზე» შეცდომითაა ლაპარაკი, მას არასოდეს უკავშირებენ სიკვდილის ან ავადმყოფობის შემთხვევას. რაც შეეხება ტყუილს, იგი იმწამსვე ხდება შესამჩნევი თავისი არატიპიურობის გამო. ასეთი ტყუილი ისტორია ვერ ჯდება იმ სტერეოტიპულ ჩარჩოებში, რასაც წერილთა უმრავლესობა გვამცნობს და თავისი ჩახლართული და გადაჭარბებული ხასიათით მკვეთრად გამოირჩევა მათგან.

ამ ტყუილი ისტორიებით მკითხველს: თავს არ მოვაწყენთ, ოღონდ მოვიყვანთ ერთ მაგალითს, რომელიც საკმაოდ გახმაურდა. საინტერესოა, რომ ა.იაფფეს წიგნში (რომელიც 1958 წელსაა გამოცემული) მოყვანილი ეს ტყუილი ისტორია თბილისში გავრცელდა ამ ორი-სამი წლის წინ მცირედენი სახეცვლილებით. შემდეგ, როგორც ჩანს, იგი მთელ საბჭოეთს მოედო (ან თბილისში შემდეგ შემოვიდა) ისე, რომ საკავშირო ტელევიზიით, სერიაში «*слевинное, невероятное*», გამოსვლა მოუხდა პროფ. კაპიცას, რომელმაც სამართლიანად უარყო იგი. აი ეს ისტორიაც. მისმა შემთხვევებმა მას უწოდა: «ჩამატარებ სასაფლაოსთან».

«ერთ წვიმიან საღამოს, - ასე იწყება ეს ისტორია - იქნებოდა დაახლოებით ცხრა საათი, როდესაც რესტორან «პელენდოორში» ერთმანეთს შეხვდა სამი დამეგობრებული ოფიცერი. მათგან ცოტა მოშორებით იჯდა დაახლოებით ჩვიდმეტი წლის ახალგაზრდა ქალიშვილი. რადგან იგი მარტოდ-მარტო იყო, ოფიცრებმა ნებართვა ითხოვეს, რათა გაეზიარებინა მას მათი საზოგადოება. ქალიშვილი დათანხმდა და ასე



გადასხდნენ ოფიცრები მის მაგიდაზე. მაგრამ საუბარი კარგად ვერ აეწყო, რადგან ქალიშვილი შესამჩნევად ნერვიულობდა და ფიქრებით სხვაგან იმყოფებოდა; აღელვებისაგან მას ჭიქა წაექცა და ღვინო დაესხა თეთრ კაბაზე<sup>X</sup>. როდესაც საათის ისარი თერთმეტს მიუახლოვდა, ახალგაზრდა ქალი ფეხზე წამოდგა. ორმა მამაკაცმა მას გაცილებდა შესთავაზა, ხოლო მესამე სახლისაკენ გაემართა. ქალიშვილმა ოფიცრებს დაუსახელა თავისი ბინის მისამართი, მაგრამ თან თხოვნა დააყოლა, რომ გზად იგი ჩაეტარებინათ სასაფლაოსთან, თუმცა ეს ნიშნავდა გრძელი გზის შემოვლას, რადგან მისი ბინა საპირისპირო მხარეს მდებარეობდა. მიუხედავად ამისა, მისი თხოვნა დაკმაყოფილდა; როდესაც ერთი ოფიცერი მანქანას მართავდა, მეორე ცდილობდა მასთან საუბრის გაბმას. სასაფლაო *«Kembang Koening»*-თან (რაც ყვითელ ყვავილს ნიშნავს), ქალიშვილმა ითხოვა, რომ მანქანა შეეჩერებინათ, რადგან მას კიდევ რაღაცა ჰქონდა მოსაკვებებელი. რა უცნაურადაც არ მოეჩვენათ ოფიცრებს ასეთი თხოვნა, მათ მაინც შეუსრულეს მას სურვილი, რადგან ამ ნაზ არსებას სულ მკვდრისფერი დაედო და უწინდელთან შედარებით სულ უფრო და უფრო ნერვიულობდა. მეგობრებმა დაინახეს, თუ როგორ გაუჩინარდა იგი წყვდიადში. ძებნამ შედეგი არ გამოიღო.

მეორე დღეს ორივე ოფიცერი მივიდა აღნიშნულ მისამართზე და იკითხა ქალიშვილის შესახებ. როდესაც მათი კითხვა ვერ გაიგეს, მათ დაიწყეს ახალგაზრდა ქალიშვილის ზუსტი აღწერა. ქალიშვილის მშობლებმა, რადგან სწორედ მათ ესაუბრებოდნენ ოფიცრები, ტირილი მოართვეს. ტირილით შემოიტანა დედამ იმ ქალიშვილის ფოტოსურათი, რომელზედაც ოფიცრებმა უდავოდ გუშინდელი ქალიშვილი იცნეს. აღმოჩნდა, რომ ეს ქალიშვილი ერთი წლის წინ დაიღუპა და გუშინ სწორედ

X. თბილისურ ვარიანტში აქ ყავა დიკუფიცივს.



მისი გარდაცვალების დღე იყო. აღწერილობა ზუსტად ემთხვეოდა გარდაცვლილს - დაწყებული სახის გამომეტყველებიდან მისი თეთრი კაბით გათავებული.

მშობლები ისე აღელდნენ, რომ მათ ხელისუფალაგან ნებართვა გამოითხოვეს სამარის გახსნისა, რომელსაც ოფიციალური წარმომადგენლები და ექიმები ესწრებოდნენ. როდესაც კუბოს თავი ახადეს, ნახეს ქალიშვილი სრულიად გაუხრწნელი, თავისი თეთრი კაბით, რომელსაც აშკარად ემჩნეოდა იმ ღამეს დასხმული ღვინის ლაქა. თეთრი ფეხსაცმელები ტალახში იყო გასვრილი».

X        X  
X

ამით ჩვენ ვამთავრებთ წერილების ციტირებას და ამჯერად გვსურს მკითხველს ვაუწყოთ ზოგი რამ სულთა გამოცხადებებისა და სულთმსხილაობის ისტორიიდან. სულთა გამოწვევანი და მათი გამოცხადებანი, როგორც ვთქვით, უძველესი დროიდანაა დამოწმებული სხვადასხვა ხალხში და სხვადასხვა განედზე. მაგ. ტერტულიანეს ცნობით<sup>X</sup>, მისი დროის რომელი ქურუმები (მე-2 საუკუნე) გარდაცვლილთა სულებს იწვევდნენ მაგიდის დახმარებით, რომლის გარშემოც იკრიბებოდნენ ისინი და წრეს კრავდნენ. ასევე ძველთაგანვე იწვევენ სულებს ჩინეთში. გარდაცვლილთა სულები იქ პატარა ჯოხით ქვიშაზე წერენ პასუხებს, რომელიც მაგიდაზეა გაბნეული<sup>XX</sup>. მაგრამ ჩვენი მიზნების გათვალისწინებით ჩვენ ასე ფართოდ (დროსა და სივრცეში)

X Тертулиан, Защита христиан, пер. св. Афанасия, 1862, стр. II6.  
XX С.М. Георгиевский, Принципы жизни Китая, СПб., 1888.

არ განვიხილავთ ამ მოვლენებს, არამედ შემოვიფარგლებით ჩრდილო-  
ეთ ამერიკისა და ევროპის არეალით, სადაც, როგორც ცნობილია,  
ყველაზე მეტად პპოვა სპირიტუიზმმა გავრცელება.

რაც შეეხება ევროპას, აღსანიშნავია, რომ იქ მთელი შუა სა-  
უკუნეები აღსავსეა ამდაგვარი ფაქტებით, რომლებიც დამოწმებულია  
სხვადასხვაგვარ დოკუმენტებში, იქნება ეს ჯადოქართა გასამართლე-  
ბის ოქმები თუ სამონასტრო ქრონიკები. მაგალითად, ე ნ გ ე ლ -  
ტ ა ლ ი ს ქ რ ო ნ ი კ ა გვამცნობს, რომ «დ ი ე მ უ ტ  
ე ბ ნ ე რ ი ნ ს ნ ი უ რ ნ ბ ე რ გ ი დ ა ნ ე ს მ ა ს ა -  
უ ბ ა რ ი გ ა რ დ ა ც ვ ლ ი ლ ი დ ი ს ა : ჩვენი უფალის  
მშვენიერების შესახებ კი მსურს შედარება მოგიყვანო - რასაკვირ-  
ველია, იგი ისეთსავე მიმართებაშია სინამდვილესთან, როგორც თეთ-  
რი შავთან - : რომ ყოფილიყო ეკლესია წმიდა ოქროს პრიალა ზოდე-  
ბით ნაგები და მასზე ამოსულიყო ასი მზე, ხოლო თითოეული შვიდ-  
ჯერ უფრო მშვენიერი და კაშკაშა, ვიდრე ის, რომელიც ეხლა ცაშია,  
ეს იქნებოდა დიდებული ბრწყინვალება, მაგრამ ეს ოდნავადაც ვერ  
შეედრებოდა იმ მშვენიერებას, რაც ღმერთს გააჩნია»<sup>X</sup>. ვიმეორებთ  
სულთა გამოცხადებებისა და სულთა უწყებების ასეთი და მსგავსი  
მაგალითებით აღსავსეა შუა საუკუნეები, რომელთა ფართო წარმოჩე-  
ნა ჩვენს მიზნებს სცილდება.

ახალ დროში ღირსაღსანიშნავია გამოჩენილი შვედი მედიკოსისა  
და ბუნებისმკვლევარის, ემანუელ სვედენბორგის (1688-1772) სულ-  
თამხილაობის უნარი, რომელმაც მასში თავი იჩინა, როდესაც იგი

<sup>X</sup> გერმანელი მისტიკოსები (ტექსტები), გამოცემა გუნდოლფ გიერა-  
თისა, (გერმანულიდან თარგმნა, წინასიტყვაობა და შენიშვნები  
დაურთო ვიქტორ რცხილაძემ), «საღვთისმეტყველო კრებული» №3  
თბ., 1983, გვ.142



55 წლისა გახდა. მაგრამ ჩვენ არ შევუღებებით აქ სვედენბორგის ისტორიის გადმოცემას, მითუმეტეს, რომ ეს შეუძლია დაინტერესებულმა მკითხველმა თავად კპოვოს ვლ. სოლოვიოვის შესანიშნავ სტატიასი, რომელიც დაბეჭდილია მის თხზულებათა მე-9 ტომში, ან უფრო ხელმისაწვდომ ბროკჰაუზ-ეფრონის ძველ ენციკლოპედიაში. ვიწყვიტო მხოლოდ, რომ სვედენბორგიანელთა საზოგადოებანი დღესაც ათასობით წევრს ითვლის<sup>X</sup>. რაც შეეხება კანტის დამოკიდებულებას მასთან, ვფიქრობთ, რომ მან სვედენბორგი თავის კრიტიკულ ფილოსოფიას «მსხვერპლად» კი არ შესწირა, როგორც ამას ბენცი<sup>XX</sup> ამბობს, (მითუმეტეს, რომ როგორც ზემოთ ვთქვით, მის «ლექციებში მეტაფიზიკაზე», რომელიც კანტის სიკვდილის მერეა გამოსული, 1821 წელს, იგი სვედენბორგის მსგავს აზრებს ავითარებს სულის უკვდავებაზე), არამედ კანტის მიერ სვედენბორგის კრიტიკა გამოწვეული იყო იმით, რომ «განმანათლებლობის» ეპოქაში ფილოსოფიის დამწყებ პროფესორს არ სურდა «სულთა მორწმუნის» სახელი დარქმეოდა. გარდა ამისა, მას უარყოფითად განაწყობდა სვედენბორგის ნაწარმოებებში მოცემული დიდაქტიკური სისტემატიზირება იმ სფეროსი, რაც, მისი აზრით, ტრანსცენდენტურ სამეუფოს არ შეეფერებოდა<sup>XXX</sup>.

სულთა გამოცხადებების კარგად დამოწმებული შემთხვევებია აღწერილი ცნობილი გერმანელი მწერლისა და ექიმის, იუსტინუს კერნერის (1786-1862) ექვსას გვერდიან წიგნში «ნათელმხილველი პრედფორსტიდან»<sup>XXXX</sup>. კერნერი გატაცებული იყო «ბუნების დამეული მხარით» - შებ-

X B C 3, მე-3 გამოცემა.

XX Ernst Benz, Swedenborg in Deutschland, s. 268.

XXX P. Ringger, Parapsychologie, Zürich 1957, s. 23.

XXXX Justinus Kerner, Die Seherin von Prevorst, Reclam-Ausgabe, Leipzig.



ყრობილებით, სომნამბულებით, შედიუმებით. მათ შორის განსაკუთ-  
რებით გამოირჩევა ქ-ნი ფრიდერიკე ჰაუფი (1801-1829), ნათელ-  
ფხილველი პრეფორსტიდან. მას, გარკვეული ნერვიული დაავადებით  
შეპყრობილს, კერნერი ჰიპნოზით მკურნალობდა. ამით ჰაუფმა გარ-  
კვეული შვეება იგრძნო, მაგრამ პარალელურად მას განუვითარდა მე-  
დიუმური უნარი. ტელეპათიურ და ნათელმხილველურ მონაცემებთან  
ერთად ჰაუფმა შეიძინა უნარი სულთამხილაობისა. არაერთგზის მოხ-  
და ჰაუფის მონაცემების შემოწმება ამ მხრივ. ერთხელ კერნერმა  
განგებ სთხოვა მას «დაკავშირებოდა» ერთი *გარდუყვლილი ნაფნონის*  
სულს, რომელიც სინამდვილეში ცოცხალი იყო. პასუხი შესაბამისი  
აღმოჩნდა - ჰაუფი ვერ დაუკავშირდა მას. არა მარტო კერნერი იკ-  
ვლევდა ფ.ჰაუფის ფენომენებს. მის მონაცემთა სისწორეში დიდი  
ცნობილი დავიდ ფრიდრიხ შტრაუსიც დარწმუნდა. რას ხედავდა ფ.ჰა-  
უფი? მისი თქმით, მას ეწვეოდნენ ხოლმე «საწყალი სულები», რომ-  
ლებსაც სხვადასხვა დანაშაულის გამო მოსვენება ჰქონდათ დაკარგუ-  
ლი და ამიტომ მას მათთვის უნდა ელოცა, რათა დაეხსნა ისინი, რი-  
გორც იგი ამბობდა - «შუა სამეფოდან». აღსანიშნავია, რომ ჰაუ-  
ფისადმი სულთა ამ გამოცხადებებს მესამე პირნიც ადასტურებენ და,  
მათივე მოწმობით, ამ სულებს ცხოველებიც ხედავდნენ. როდესაც  
რამდენინე კვირას დაჰყოფდნენ სულები ჰაუფთან, ისინი, ჰაუფის  
ლოცვის შედეგად, მოჩვენების მუქ ნაცრისფერს კარგავდნენ და დე-  
ბულობდნენ ნათელ, გასხივოსნებულ იერს.

მაგრამ ახლა გადავიდეთ იმ ფაქტის განხილვაზე, საიდანაც სა-  
კუთრივ ს პ ი რ ი ტ ი ზ მ ი ლებულობს სათავეს. ეს მოხდა 1846  
წელს ამერიკის შეერთებულ შტატებში, ნიუ-იორკის შტატში, სოფ.  
ჰაიდესვილში. ვინმე უიკმანმა საღამოს თავისი სახლის კარებზე  
კაკუნნი გაიგონა. როდესაც მან კარი გააღო, იქ არავინ აღმოჩნდა.

ასე განმეორდა რამდენჯერმე. ამის შემდეგ მთელ სახლში გაისმოდა და კაკუნი და მალე თავზარდაცემულმა მაცხოვრებლებმა დაინახეს, თუ თავისით როგორ გადაადგილდებოდა ხოლმე მაგიდა და სკამები. იმავე წელს უკივანი ტოვებს ამ სახლს და იქ შესახლდება ფოქსების ოჯახი, რომელიც შედგებოდა ვშობლების გარდა სამი ქალიშვილისაგან: კეთისა, მარგარეთისა და ლეასაგან. მალე მათაც ესმით ეს კაკუნი და აი, 1848 წლის მარტში, ქ-ნი ფოქსი გადაწყვეტს გასაუბრებას კედელთან, საიდანაც კაკუნი ისმოდა. «ვინ ხმაურობს? - არავითარი პასუხი. - ცოცხალი არსებაა, რომელიც ხმაურობს? - სიჩუმე. - იქნებ ის გარდაცვლილია? - ერთი დარტყმა. - რამდენი წლისაა ჩემი უფროსი ქალიშვილი? - თოთხმეტი დარტყმა. - უმცროსი? - თორმეტი დარტყმა». დარტყმების რაოდენობა შეესაბამებოდა წლებს. მალე, უკვე დღისით, სხვების თანდასწრებითა და ალფავიტის მეშვეობით (თითოეულ ასოს როდესაც კაკუნი ადასტურებდა) ნამდვილი ურთიერთობა დამყარდა გარდაცვლილის სულთან, იგი აღმოჩნდა სული ვინმე ჩარლზ როზმასი, რომელიც სწორედ ამ სახლში (მოუკლავთ და გაუძიებდაც. როგორც ამ კაკუნისაგან ამოიკითხეს, იგი იტყობინება, რომ მისი გვამი დამარხული იყო ამ სახლის სარდაფში. 1848 წლის 3 აპრილს ფოქსებმა და მათმა მეზობლებმა სარდაფი გათხარეს და იპოვეს მხოლოდ ადამიანის თავის ქალა. საბოლოოდ, ეს ფაქტი მხოლოდ 1904 წელს დადასტურდა, როდესაც იქაურობა ფოქსებს უკვე დიდი ხანია მიტოვებული ჰქონდათ. როდესაც ამ მიტოვებულ სახლთან ბავშვები თამაშობდნენ, იქ უეცრად ჩამოიქცა ძველი კედელი და გამოჩნდა თავისუფალი არე, რომელშიაც იპოვეს ადამიანის ჩონჩხი უთავოდ<sup>X</sup>. დები ფოქსები შემდეგ ცნობილ მედიუმებად იქცნენ, რომელთაც ყველა იწვევდა გარდაცვლილების სულებთან კონტაქტის და-

X ეს შემთხვევა სპირიტუზმთან კავშირში ბევრ ცნობარშია მოყვანილი.

სამყარებლად. მალე ეს მოვლენა მთელ შეერთებულ შტატებში გავრცელდა და შემდეგ ევროპასაც მოედო. სულებთან კონტაქტებს ამყარებდნენ მედიუმების მეშვეობით, ხოლო რადგან მათი დაქირავება ძვირი უდებოდა (აქედან გასაგებია, თუ რამდენი შარლატანი ასალებდა თავს მედიუმად), ამიტომ უფრო ხშირად მიმართავდნენ მაგიდის ტრიალსა და მისი ფეხების ბაკუნს (სენანსში მონაწილენი მაგიდაზე ხელებს დააწყობდნენ და წრეს კრავდნენ, რის მერეც მაგიდა ამოძრავდებოდა. მაგიდის ფეხების დარტყმების რიცხვს აღფაციტის ასოებს უთანადებდნენ), ან მაგიდაზე თეფშის ტრიალს, რომლის დანიშნული მხარე ამა თუ იმ ასოსთან ჩერდებოდა და სხვა. ამგვარად, სულთა გამოწვევამ «დემოკრატიზაცია» განიცადა: ქურუმთა და ნეკრომანტთა ელიტის ნაცვლად მათი გამოძახება მოსახლეობის ფართო ფენებში დაიწყო. ამან ისეთი მასშტაბი მიიღო, რომ შეუძლებელი ხდებოდა მეცნიერების მხრივ მისი უყურადღებოდ დატოვება. და აი, 1882 წელს, ლონდონში დაარსდა «ფსიქიკურ მოვლენათა შემსწავლელი საზოგადოება», საიდანაც შემდეგ აღმოცენდა დღევანდელი «პარაფსიქოლოგია». მისი მიზანი იყო გამოკვლევა «გარკვეულ ბუნდოვან ფენომენთა იმათი ჩათვლით, რომელთაც ჩვეულებისამებრ უწოდებენ ფსიქიკურს, მესმერიულს ან სპირიტისტულს». აქედან მოყოლებული პარაფსიქოლოგიურ კვლევას აწარმოებდნენ ისეთი ცნობილი მეცნიერები, როგორც იყვნენ ფსიქოლოგი ჩეზარე ლომბროზო, ფსიქოლოგი და ფილოსოფოსი ფეხნერი, ფიზიკოსი ოლივერ ლუჯი, ვ. ვებერი, ასტრონომი ციოლენერი, ფლამარიონი, ნობელის პრემიის ლაურეატები ჩარლზ რიშე, ანრი ბერგსონი (1913 წლიდან ლონდონის საზოგადოების პრეზიდენტი), ჟოლ-ქმარი კიური და სხვები. დღეს დასავლეთის თითქმის ყველა უნივერსიტეტშია პარაფსიქოლოგიის კათედრა.

ნილი. ის აგრეთვე P. Ringger დასახ. ნაშრომი, გვ. 90-91



გავეცნოთ ამ გზით მოპოვებული რამდენიმე ფაქტი, რომელიც  
 ა რ ა ვ ი ს ა რ უ მ ხ ე ლ ი ა რ ო გ ო რ ც ს ი ყ ა ლ  
 ბ ე .

სულის ექსტერიორიზირების («გამოსვლის») საილუსტრაციოდ მო-  
 ციყვანთ მკვლევარ *Ellen R. Maexie*-ს ცნობას<sup>X</sup>, რომელმაც აღწერა  
 იშვიათი განცდები, მას რომ ჰქონოდა ნარკოზის დროს: «პირველ  
 ყოვლისა კონსტატირება მოვახდინე ფენომენისა, რომელიც მაშინ ჩემ-  
 თვის თეორიულადაც უცნობი იყო და რომელიც შემდეგ ტიპიური აღმოჩ-  
 ნდა, როდესაც სხვათა აღწერებს გავეცანა: მე მქონდა ისეთი შეგ-  
 რძნება, რომ თითქოს ჩემი «მე» როგორც ღრუბელი იყო დაკიდებული  
 ჩემს მკერდზე, და ასე შემდეგ დამშვიდებით ჩემი თავის გარედან  
 დაკვირვება. რაც პირველ რიგში თვალში მომხვდა, ეს იყო სავსებით  
 უჩვეულო გამომეტყველება ჩემი ცხვირისა, რომელსაც ბუნებრივია,  
 ამ კუთხიდან არასოდეს დავკვირვებდით. ...» შემდეგ მკვლევარი  
 აღნიშნავს, რომ იგი ყველაფერს აღიქვამდა იქ «სრული ცნობიერებით»,  
 მაგრამ ეს ცნობიერება თითქოს სხეულის გარეთ იმყოფებოდა.

პარაფსიქოლოგიაში აღწერილია შემთხვევა<sup>XX</sup>, როდესაც ექსტაზში  
 მყოფი ტ ე რ ე ზ ა ნ ო ი მ ა ნ ი ქრისტეს ვნებების განც-  
 დის დროს ა რ ა მ ე უ ლ ა დ ა ლაპარაკდა, თუმცა მანამდე ამ  
 ენაზე მას ერთი სიტყვაც არ ჰქონდა განაგონი (თვით მაცხოვარი,  
 როგორც ცნობილია, დასავლურ არამეულზე **მეცყველად**).

ეხლა შევეხებით სულთა გამოცხადებების იმ შემთხვევებს, რომელ-  
 ნიც ხორციელდებიან მედიუმების მეშვეობით. ამასთან დაკავშირებით  
 შევეცდებით უფრო ახლოს დავახასიათოთ მედიუმური მოღვაწეობა. სპი-

X „*Neue Wissenschaft*“, 1907, II, 63 f.

XX P. Ringger, *Parapsychologie*, Zürich 1957, 5.47.



რიტისტებს მიაჩნიათ, რომ გარდაცვლილთა სულები თავის გამოვლენას (გამოცხადებას) ელტვიან იქ, სადაც ყველაზე ნაკლებ წინააღმდეგობას აწყდებიან. ასეთ გამოვლენ საშუალებად ხდება გარკვეული ტიპი ადამიანისა, რომელსაც მედიუმს უწოდებენ. როგორც ხე ვერ ატარებს ელექტრობას და რკინა კი მისი კარგი გამტარია, ასევე მედიუმი კარგ «გამტარად» ითვლება გარდაცვლილის სულის უწყებისა. ეს უწყება მედიუმში ვლინდება ავტომატური მეტყველებითა და წერით, რომლის დროსაც თვით მედიუმი ექსტაზის, ან, უფრო სწორად, ტრანსის მდგომარეობაში იმყოფება. ამ დროს, სპირიტისტების თქმით, ხდება მედიუმის სულის «შეცვება» გარდაცვლილის ფსიქიკით. «ტრანსის დროს ნორმალური ცნობიერება და ნორმალური პიროვნება სრულიად ქრება, და ყველა კითხვაზე ისინი პასუხობენ «ავტომატურად», ხან სიტყვით, და უფრო ხშირად - წერილობით. ხდება ხოლმე, რომ ისინი ერთდროულად მეტყველებენ და წერენ, რომლის დროსაც მედიუმის ხმას ერთი სული წარმართავს, ხოლო მის ხელს - მეორე სული. ამიტომ, მედიუმები, ხშირად ერთმანეთისაგან დამოუკიდებელ ორ საუბარს აწარმოებენ. იშვიათად ხდება, როდესაც ხმასაც და ორივე ხელსაც ერთდროულად სამი სული განაგებს - მაშინ ადგილი აქვს სამ სხვადასხვა უწყებას». ხშირად ჩაუტარებიათ აგრეთვე ე.წ. «ჯვარედინი მიმოწერა»: «ექ მდგომარეობა იცვლება; აქ ჩვენ საქმე აღარა გვაქვს სხვადასხვა, მეტად თუ ნაკლებად მრავალრიცხოვან სულებთან, არამედ ერთ სულთან, რომელიც თითქმის ერთდროულად ვლინდება რამდენიმე მედიუმის მეშვეობით, რომელნიც საგრძნობლად არიან ერთმანეთისაგან დაშორებულნი და წინასწარ არ არიან შეთანხმებულნი. თითოეული ეს წერილობითი გამოცლინება, ცალკე აღებულე, ძალზე ხშირად გაუგებარია. მას აზრი ენიჭება მხოლოდ მაშინ, როდესაც იგი საგულდაგულოდაა სხვებთან კომბინირებული»<sup>X</sup>.

<sup>X</sup> М. Метерлик, Смерть, СПб 1914, стр. 55-56; 79.



სპირიტისტები იუწყებიან<sup>X</sup>, რომ მედიუმები ამ დროს ხშირად ლევიტაციას აღწევენ - ისინი ლახავენ დედამიწის მიზიდულობის ძალას და ყველას დასანახად ჰაერში ჩერდებიან და ოთახის ჰერზე წერენ «ავტომატურად». მაგრამ ყველაზე საინტერესოა მედიუმების მეშვეობით სულთა მატერიალიზაციის შემთხვევები. აქვე ხაზგასმით აღვნიშნავთ, რომ ამ შემთხვევებს (რომელთაც ამოწმებენ გამოჩენილი მეცნიერები) ჩვენ აღვწერთ მხოლოდ და მხოლოდ პარაფსიქოლოგიის (და არა სპირიტუზმის) მხრიდან.

პირველი ასეთი შემთხვევა მეცნიერთა მხრიდან აღწერა გამოჩენილმა ფიზიკოსმა ვილიამ კრუკსმა ჯერ კიდევ გასულ საუკუნეში. მას განაგონი ჰქონდა მედიუმ დანიელ ჰომის (გარდაიცვალა 1886 წელს) - არაჩვეულებრივ ფენომენზე და დაინტერესებულმა იგი თავის ლაბორატორიაში მოიწვია. ამ სეანსებს კრუკსის გარდა ესწრებოდა მისი ძმა, ორი პროფესორი და ასისტენტი. ექსპერიმენტთა სიზუსტე ყველა დამსწრემ დაადასტურა. კრუკსი გვაუწყებს<sup>XX</sup>, რომ ჰომის თანდასწრებით საგნები თავიანთ წონას კარგავდნენ. შეინიშნებოდა ლევიტაციის სხვადასხვაგვარი ფენომენი. მაგრამ ამ სეანსების მწვერვალზე იყო მატერიალიზაციის მოვლენა; მაშინ, როდესაც კრუკს მხარად ეკავა ჰომის ხელები და ფეხები, მაგიდის მცირე ჭრილიდან უცნაოდ აღმოცენდა უჩვეულო სილამაზის პატარა ხელი, რომ

X. Prof. Capponi, *Urotismo e Spiritismo, studio medicocritico*; ციტირებულია: G.W. Surya, *Moderne Rosenkreuzer*, 1930, s.151

XX. W. Crookes, *Der Spiritualismus und die Wissenschaft. Experimentelle Untersuchungen über die psychische Kraft*, 2 Auflage, Leipzig 1898.





გელმატ მეცნიერს ყვაველი მიაწოდა და გაქრა. ამის შემდეგ ეს ხელი კიდევ ერთხელ გამოჩნდა. «მე სრული შესაძლებლობა მქონდა», - ამბობს კრუკსი - «რათა დავრწმუნებულიყავი, რომ იგი ისევე ნამდვილი იყო, როგორც ჩემი საკუთარი».

ასეთივე ფენომენს აცვირდებოდნენ<sup>X</sup> ამერიკელ მედიუმ ჰენრი სლაიდთან (გარდაიცვალა 1909 წელს) ცნობილი მეცნიერები და ფილოსოფოსები: ფრ.ციოლნერი, ვ.ვებერი, გ.ფეხნერი და სხვები. მაგიდის კიდვიდან აღმოცენებული ხელის მატერიალიზაცია მთელი ორი წუთის განმავლობაში გრძელდებოდა. ციოლნერი გვაუწყებს: «ყველა თითი სწრაფად მოძრაობდა. ფერი ოდნავ მოლურჯო იყო, რომელიც მწვანეში გადადიოდა. უცნაურად ხელი ეღვის სისწრაფით ამოიწია და მაგრად მომიჭირა თითები იდაყვის ზემოთ, რაც მთელი წუთი გაგრძელდა». როდესაც ხელი ისევ გაქრა, მან შემდეგ მაგიდის ქვემოთ ისე მაგრად უჩქმიტა ციოლნერს მარჯვენა ხელზე, რომ ამ უკანასკნელმა ხმა-მაღლად შეჰყვირა.

ასეთივე ფენომენები ახლდა ცნობილ მედიუმს ევზაპია პალადინოს (გარდაიცვალა 1918 წელს) სეანსებს, რომელსაც ესწრებოდნენ განთქმული მეცნიერები ჩ.ლომბროზო, ა.ბერგსონი, ცოლ-ქმარი კიური, ჩ.რიშე, თ.ლოჯი, ა.შრენკ-ნოტცინგი და სხვები. მასთანაც მატერიალიზდებოდა ხელები, რომლის ანაბეჭდებიც კი გააკეთეს თაბაშირშიდა რომელიც სეანსზე დამსწრეთა არცერთის ხელის ანაბეჭდს არ წარმოადგენდა. გარდა ამისა, ევზაპია პალადინოს სეანსებზე შეინიშნებოდა თავისთავადი წარმონაქმნები (მატერიალიზაციები)<sup>XX</sup>. სპირიტისტულ სეანსზე, რომელსაც პროფ. ლაპონი აღწერს, ღრუბლისმაგვარი წარმონაქმნიდან მატერიალიზაცია მიიღო ადამიანის ფიგურამ წელს

X. Fr. Zöllner, *Wissenschaftliche Abhandlungen*, 4 Bände, Leipzig 1878-1881.  
 XX. P. Ringier, *დასახ. ნაშრომი*, გვ. 58.

ზემოთ, რომელიც სრულიად გამჭვირვალე იყო: ჩანდა ფილტვები, გულის მუშაობა; ფიგურა ლებულობდა სხვადასხვა ფერს, სახე იღიმებოდა<sup>X</sup>. სხვადასხვა სპირიტისტულ სეანსზე შეინიშნება სულთა გამოცხადება მხოლოდ ხმით - საუბრით, ყოველგვარი ვიზუალური ფენომენის გარეშე.

პირველი მსოფლიო ომის შემდეგ პარაფსიქოლოგიაში ნაკლებად ფიგურირებს სულთა (მატერიალიზაციის) გამომწვევი უნარის მქონე მედიუმის სახელი. ამას პარაფსიქოლოგები იმით ხსნიან<sup>XX</sup>, რომ ხშირ შემთხვევაში სპირიტისტები მათ უფრო მეტ გასაარჯილოს აძლევენ, ვიდრე პარაფსიქოლოგები. გარდა ამისა, მედიუმს გაცილებით უფრო სიამოვნებს ის ფსევდო-რელიგიური ატმოსფერო, რომელსაც სპირიტისტები ქმნიან მათ გარშემო. გამორიცხული არ არის, რომ ზოგიერთი მედიუმი იქ გზას იიოლებს (განსხვავებით პარაფსიქოლოგია წრეებში მათი მოღვაწეობისა, რომლებიც შეცნობილი სიმკაცრით ამოწმებენ მედიუმთა ფენომენებს) და ხშირად სიყალბეს მიმართავენ. მაგრამ ყველაზე მთავარი მიზეზი ამისა მაინც ისაა, როგორც პარაფსიქოლოგი პ.რინგერი ფიქრობს, რომ თანამედროვე პარაფსიქოლოგებმა (სპირიტისტებისაგან განსხვავებით) ვერ ისწავლეს მედიუმთა გამოზრდა<sup>XXX</sup>.

ეხლა გვინდა მოვიყვანოთ შემთხვევა, რომელიც საკმაოდ ტიპური სპირიტისტულ სეანსზე სულის იდენტიფიკაციის საილუსტრაციოდ, საქმე ეხება ისტორიულად კარგად დამოწმებულ შემთხვევას, რომელიც აღწერა ცნობილმა რუსმა მკვლევარმა ალექსანდრე აკსაკოვმა.<sup>XXXX</sup>

X Prof. Lapponi, *Spnotismo e Spiritismo* . . . . 151.

XX P. Ringger, იქვე, გვ. 60

XXX იქვე, გვ. 61.

XXXX A.N. Aksakow, *Animismus und Spiritismus*, 5 Aufl., Leipzig 1919, s. 697 ff.



1885 წლის 22 იანვარს, ერთ-ერთ სპირიტისტულ სეანსზე, რომელსაც ატარებდა აკსაკოვის რძალი ქ-ნი ფონ ვიეზლერი და მისი ქალიშვილი სოფია (რომლებიც არ იყვნენ პროფესიონალი მედიუმები); პლანშეტის დახმარებით<sup>X</sup> გამოცხადდა სული ახლად გარდაცვლილი ალექსანდრა. N. N - ისა, რომელსაც ორივე მანდილოსანი მხოლოდ შორიდან იცნობდა. იგი იყო ანარქისტი, კეთილშობილი ოჯახიდან, რომელმაც ერთი კვირით ადრე (1885 წლის 15 იანვარს) თავი მოიწამლა, მას შემდეგ, რაც ახალგაზრდა რევოლუციონერი მიხაილ X-ი რევოლუციური საქმიანობის გამო ჯერ დააპატიმრეს და შემდეგ, გაქცევის მცდელობისას, დახვრიტეს. ალექსანდრას სულმა საკმაოდ ენერგიულად მოსთხოვა სოფია ვიეზლერს, რომ იგი შეხვედროდა ნიკოლაის, მიხაილის ძმას, რათა მას ალექსანდრას სახელით გაეფრთხილებინა იგი, რომ მორიდებოდა გარკვეულ ანარქისტულ ელემენტებს. არც ქალბატონმა ვიეზლერმა და არც მისმა ქალიშვილმა არ იცოდნენ ნიკოლაის ნიჰილისტური გატაცებების შესახებ. გარდა ამისა, ორ ოჯახს შორის ნაცნობობა საკმაოდ ზედაპირული იყო, რომ ალექსანდრას დაუინებთი მოთხოვნა აესრულებინათ და ნიკოლაი მოეწვიათ სპირიტისტულ სეანსზე - ამით ირღვეოდა საზოგადოებრივი ეტიკეტი. სოფიას ამ მოთხოვნის შესრულების გაჭიანურებამ ალექსანდრას მხრიდან არაერთი უცენზურო გამოთქმა დაიმსახურა, რომელიც მისთვის სიცოცხლეშიაც დამახასიათებელი ყოფილა თურმე. მაგრამ ამან საქმეს ვერ უშველა. საბოლოოდ, 46 თებერვალს ჩაიწერეს ალექსანდრას უკანასკნელი სიტყვები: «უკვე დაგვიანდა; შენ ამას მწარედ ინანებ ... ელოდე მის დაპატიმრებას».

X პლანშეტი წარმოადგენს პატარა მაგიდას სპეციალურად სპირიტისტული სეანსისათვის, რომელზედაც ორი ან ოთხი ხელი ეტევა, ორ პატარა გრძოლაზე მოძრაობს, და მესამე საყრდენად აქვს ფანქარი, რომელიც მედიუმური ხელის შეხებისას «ავტომატურად» იწყებს ჩაწერას.

მადე ყველაფერი ისე წარიმართა, როგორც ამას ალექსანდრას სული იუწყებოდა.

პარაფსიქოლოგიაში დადასტურებულია სულთა გამოცხადებები ყოველგვარი მედიუმისა და სპირიტისტული სენანსების გარეშეც. როდესაც ამ სულთა იდენტიფიკაცია დგინდება გარდაცვლილის პიროვნებასთან, ხშირად აღმოჩნდება ხოლმე, რომ ამ სულის სპონტანური გამოცხადებები გამოწვეულია რაღაც წუხილით, ვალით, ან იმ პრობლემათ, რომელიც სიცოცხლეში გადაუწყვეტი დარჩენია მას. ხშირად ესაა ძალდატანებითი სიკვდილი ან თვითმკვლელობა. ასეთი შემთხვევები ხშირად მოყვანილ წერილებშიცაა ასახული, მაგრამ ეხლა ამის ილუსტრირებას მოვახდენთ პარაფსიქოლოგიის მხრიდან, კერძოდ, მისი ერთ-ერთი დაუღალავი მკვლევარის, იოანეს ილიგის აღწერით<sup>X</sup>. აქ აღწერილი შემთხვევა მოგვიხსრობს გარდაცვლილ ქ-ნ ფ-ზე, რომლის სიკვდილის შემდგომ მის სახლში სხვადასხვა ადგილას, გარკვეული ხნის განმავლობაში, ხმამაღალი კაკუნი ისმოდა. იმავე დროს ხშირად იმ სახლის მაცხოვრებლები ხედავდნენ ანთებულ ბურთს - ბილიარდის ბურთის ოდენას, იგი კიბეზე დაეშვებოდა ხოლმე და ვესტიბიულის იატაკზე სკდებოდა. ამას ახსნა ეძებნებოდა იმით, რომ ქ-ნ ფ-ს სისხლი ჩაექცა სწორედ კიბეზე და იქვე განუტევა სული ისე, რომ გრძნობაზე აღარ მოსულა.

მეორე შემთხვევა, იმავე ილიგის ცნობით<sup>XX</sup>, ეხება თვითმკვლელს. უკვე პირველსავე დამეს თვითმკვლელობის შემდეგ დაიწყო იმ სახლში სულის მოვლენები. ეს გამოვლინებანი შეესაბამებოდა გარდაცვლილის ჩვევებს: ნაბიჯების იგივე ხმა, იმავე კარების ჭრანჭუნა და სხვა. პირველ ხანებში ეს; მეორედებოდა ყოველ დამე. შემდეგ - პაუზებით. ზოგ დამეს მოჩვენება ჩნდებოდა სახლის გარეთ, მის სახურავზე;

X Johannes Yllig, *Ewiges Schweigen?* 4 Aufl., Stuttgart, S. 115

XX „*Zeitschrift für Parapsychologie*“, 1929, S. 72

გუსტად იმ ადგილას, სადაც თვითმკვლელობა მოხდა. მოჩვენებას  
 ჰქონდა კაშკაშად მოელვარე ფორმა, რომელსაც ხშირად აკვირდებოდ-  
 ნენ მეზობლები ზოგჯერ მთელი თხუთმეტი წუთის განმავლობაში.

აქვე უნდა აღვნიშნოთ, რომ შარაფსიკოლოგია ანსხვავებს<sup>X</sup> ად-  
 გილზე მიჯაჭვულ სულს (ე.ი. იმ სულს, რომელიც მხოლოდ გარკვეულ  
 ადგილას ჩნდება, იქნება ეს სახლი, ბუნებაში რომელიმე გამოჩრეუ-  
 ლი ადგილი თუ სხვა) იმ სულისაგან, რომელიც მხოლოდ პიროვნებას-  
 თან, ე.წ. მედიალურ პიროვნებასთანაა დაკავშირებული. ზემოაღწე-  
 რილი ორი შემთხვევა სწორედ ადგილზე მიჯაჭვულ სულთა ფენომენებს  
 წარმოადგენს. ისინი მეორეთაგან კიდევ იმით განსხვავდებიან, რომ  
 მათი ყოფნა ამ ადგილებზე საუკუნეების მანძილზე შეიძლება გაგრ-  
 ძელდეს, მაშინ როდესაც მედიალური სული (სხვანაირად «მტანჯველი  
 სული») იშვიათად გაჰყვება ხოლმე ადამიანს სიბერემდე. თუ მედია-  
 ლურად «დაჯილდოებული» პიროვნება დასახლდება სახლში, სადაც მოჩ-  
 ვენებები არიან, მაშინ ეს უკანასკნელნი უფრო აქტიურებიან და  
 მათთან დაკავშირებული ფენომენები უფრო ძლიერდება<sup>XX</sup>.

X X  
 X

დიდი საბჭოთა ენციკლოპედიის (მე-3 გამოც.) ცნობით, ჯერ კი-  
 დევ გასული საუკუნის ბოლოს სპირიტისტების რაოდენობა მართლ დიდ

X P. Ringger, დასახ. ნაშრომი, გვ. 92-94

XX სწორედ ასეთი რამ უდევს საფუძვლად ამერიკელი რეჯისორის,  
 სტენლი კუბრიკის შესანიშნავ ფილმს «Shining»-ს.

ბრიტანეთში რამდენიმე მილიონს აღწევდა, ხოლო ამერიკის შეერთებულ შტატებში - 10 მილიონზე მეტს. ადესაც მრავალრიცხოვანი სპირიტისტული საზოგადოებები და ასოციაციები გავრცელებული დასავლეთში (ამერიკის ნაც. ასოციაცია სპირიტისტულ ეკლესიათა, ინგლისის ნაც. სპირიტისტული კავშირი, საერთაშორისო სპირიტისტული ფედერაცია და სხვა). ისინი აქვეყნებენ ჟურნალებსა და გაზეთებს, ხოლო შეკრებებზე, რომელთაც «მსახურება» (service) უწოდებენ, სპირიტისტები თავისებურად ლოცულობენ და გალობენ. მოვიყვანოთ რამდენიმე ადგილი სპირიტისტთა (სპირიტუალისტთა) დეკლარაციიდან, რომელიც ჯერ კიდევ 1874 წელს გამოაქვეყნა ლონდონის «სპირიტუალისტთა» საზოგადოებამ («British National Association of Spiritualists»):

«სპირიტუალიზმი აღიარებს ადამიანის შინაგანი ბუნების არსებობას. მას საქმე აქვს ფაქტებთან, რომელიც ამ შინაგან ბუნებას ეხება... იგი განსაკუთრებულ ყურადღებას აქცევს ამ შინაგანი ბუნების გარკვეულ გამოვლინებებს, რომელთაც აკვირდება განსაკუთრებული ორგანიზაციის მქონე პიროვნებებზე, ამებამად რომ «მედუმიზმ» ან «სენსიტივების» სახელით არიან ცნობილნი, და რომელთაც ძველად უწოდებდნენ წინასწარმეტყველთ, ქურუმებსა და ნათელმხილველთ. სპირიტუალიზმი ამტკიცებს, რომ მან ადამიანის უცვდავების საკითხი მყარ საფუძველს დააფუძნა, რომ მან დაამტკიცა ადამიანის პიროვნების მარადიული ყოფიერება და ასევე დაამტკიცა შესაძლებლობა ურთიერთობისა, ხელშემწყობ პირობებში, ცოცხლებსა და ეგრეთ წოდებულ მკვდრებს შორის; რომ იგი, და ბოლოს, წარმოადგენს ნიდაგას უფრო სრულყოფილ სულიერ მდგომარეობათა რწმენისას - არსებობის ახალ სფეროებში».

«სპირიტუალიზმი წარმოადგენს ყველა რელიგიის, ძველისა და ახლის, უკეთ გაგების გასაღებს. იგი განმარტავს ზემთაგონების აზრს



(the philosophy of inspiration) და სასწაულებზე ჩვეულებრივ

წარმოადგენას ცვლის აქამდე არ აღიარებულ კანონთა მოქმედებით».

ქრისტიანული რელიგიის მისამართით ამ დეკლარაციაში ნათქვამია შემდეგი: «გულითადად თანაუგრძნობს რა იესო ქრისტეს მოძღვრებას, ასოციაცია, მიუხედავად ამისა, არ ცნობს არავითარ დოგმატებსა და უცილობელ (finality) ჭეშმარიტებებს, როგორც რელიგიური, ასევე ფილოსოფიური ხასიათისას. იგი კმაყოფილება კარგად დამოწმებული ფაქტების მხოლოდ დადგენითა და ახსნებით, რომლებზედაც მხოლოდ შესაძლებელი რაიმე ჭეშმარიტი რელიგიის ან ფილოსოფიის დაფუძნება».

სხვა სიტყვებით, ქრისტიანულ რელიგიას სპირიტისტები არ მიიჩნევენ «ჭეშმარიტ» რელიგიად. ასეთივე პოზიცია იგრძნობა გასული საუკუნის ფრანგი სპირიტისტების წინამძღოლის, ალან კარდეკის «სულთა წიგნში» (არსებობს რუსული თარგმანი), სადაც ნათქვამია, რომ «პირველი ცოდვა და მონანიება არ არსებობს». ინდუიზმის, ბუდიზმისა და ზოგიერთი ეზოტერული მოძღვრების მსგავსად, კარდეკი აღიარებს სულის რეინკარნაციას (სულის კვლავ განსხეულებას), რომლის დროსაც სული მით უფრო «უკეთეს» სხეულს მოიპოვებს, რაც უფრო დამსახურებული გახდება იგი თვითსრულყოფის მეშვეობით (ე.ი. ადამიანის ხსნა მონანიებით ს გზით აქ უარყოფილია).

კარდეკისაგან დიდად არ განსხვავდება თანამედროვე ადვოკატი სპირიტუიზმისა არლანდი<sup>X</sup>. აღიარებს რა რეინკარნაციის თეორიას, ამავდროს იგი ქრისტეს განიხილავს ერთი მხრივ როგორც მედიუმს, რომელიც, როგორც გარკვეული «შუამავალი», «ღვთაებრივ სიტყვებს» თავისი პიროვნული ნების გარეშე წარმოთქვამს; მეორე მხრივ, მას

X V. C. Arland, Die ewigen Geheimnisse, Bünden (Oberfessen) 1956.



მიაჩნია, რომ ქრისტე წარმოადგენს «თავდაპირველი მონადის»<sup>X</sup> (ლმერთის) ნაწილს, რომელმაც განუმეორებელი მიწიერი ინკარნაცია მიიღო და შემდეგ კვლავ თავდაპირველ მონადას დაუბრუნდა. მაგრამ არღანდი აქედან შემდეგ იმ დასკვნას აკეთებს, რომ ქრისტეს წამება მხოლოდ «გარეგნული» იყო, რადგანაც იგი არა მის მონადას, არამედ მხოლოდ მის ადამიანურ გარსს ეხებოდა და ამგვარად, მოჩვენებითი გახლდათ.

შემდეგი, რითაც არღანდი ქრისტიანობას უპირისპირდება, ესაა ეშმაკის (სატანის, დემონის) უარყოფა<sup>XX</sup>. მისი აზრით, ღმერთი, ანუ ყოვლადძლიერება (*Allmacht*) მოიცავს ყოველივეს» და ამდროს მისი უარყოფელი, საპირისპირო პრინციპის არსებობის დაშვება - ყოვლად გამორიცხულია. დემონები, არღანდის მიხედვით, ესაა იგივე «უფსკრულები» ადამიანში, რომლებიც «შექმნის აქტით მის თავისუფალ ნებაში აღმოცენდნენ და ამიტომ ისინი ადამიანის გონების პროდუქტს წარმოადგენენ და არა ყოვლადძლიერების დამოუკიდებელ ქმნილებას». მსგავსად სვედენბორგისა, არღანდსაც მიაჩნია, რომ უხილავი სულიერი სამყარო შედგება მხოლოდ გარდაცვლილ ადამიანთა ბოროტი და კეთილი სულებისაგან, და რომ თავისი თავისუფალი ნების კარნახით ინვოლუციის (გადაგვარების) გზაზე მდგომი ადამიანის სული, საბოლოო ჯამში, ღვთისაგან ისპობა.

რაც შეეხება სპირიტისტულ სეანსებს, აქ, არღანდის აზრით, სენსზე დამსწრე პიროვნებებზეა (არღანდის თქმით: «ინკარნირებულ

X საერთოდ არღანდი სიტყვად «მონადას» ხმარობს «სულის» გაგებით - იქნება ეს ცოცხალი, თუ გარდაცვლილი ადამიანის სული, და მას არავითარი საერთო არა აქვს ლაიბნიცის მონადასთან.

XX ამ მხრივ არღანდი მართო არაა. მასთან ერთად ამ აზრს იზიარებს ზოგიერთი «ქრისტიანი» თეოლოგი თანამედროვე დასავლეთში.



მონადეებზე) დამოკიდებული, თუ მედიუმში როგორი სულის გამოხმა-  
 გას შექმნება, საიქიოდან: თუ დამსწრეში სიკეთე სჭარბობს, მაშინ  
 ასეთი სული მას მოეველინება, თუ არა და - პირიქით. ამგვარად,  
 ზეინკარნირებულ მონადეებს გამოცხადებისათვის გარკვეული გო-  
 ნებრივი მხარდაჭერა სჭირდებათ სეანსზე მყოფ ინკარნირებული მონა-  
 დებისაგან. მეტიც: საკმარისია სპირიტ.სეანსზე დამსწრეთა შორის  
 უწმუნონი სჭარბობდნენ, რომ მედიუმს ეს გარემოება გარდუვალ  
 ვეზირად ეღობება სულთა გამოვლინებისათვის<sup>X</sup>. მაგრამ არა მხოლოდ  
 სეანსზე დამსწრე პიროვნებებისაგან (მათი «მონადებისაგან») სჭირ-  
 დება მედიუმს მხარდაჭერა, არამედ-საიქიოდანაც, იქ მყოფი სული-  
 საგან («მონადისაგან»), რომელიც «შუამავლობას» კისრულობს მედი-  
 უმსა და არამქვეყნიურ არსებებს შორის. ერთ-ერთ ასეთ «შუამა-  
 ვალს» განსაკუთრებით გამოჰყოფს არლანდი. ესაა მონადა «Nell»,  
 რომელიც დაბადებულა 1656 წელს და გარდაცვლილა 1713 წელს. მონა-  
 და «Nell», არლანდის თქმით, თავის თავს «დვთის ძლიერ სულს»  
 უწოდებს და აკავშირებს, აზრების გადაცემით, ამქვეყნიურ «მონა-  
 დებს» ( ადამიანებს ) იმქვეყნიურ სულებთან - როგორც «ხსნილებ-  
 თან», ასევე «დაუხსნილებთან» (თავად «Nell»-ის გადაწყვეტილე-  
 ბით). რაც შეეხება სეანსზე დამსწრე პიროვნებათაგან («მონადები-  
 საგან») სულთა გამოვლინებების მხარდაჭერას, ესეც, არლანდის  
 თქმით, სჭირდებათ მხოლოდ დაბალ საფეხურზე მყოფ მონადებს. ზე-  
 სფეროებში მყოფი სულები არ საჭიროებენ თავიანთი გამოვლინებისა-  
 თვის სეანსზე მყოფთაგან დახმარებას, რომელიც ხორციელდება «ზ-  
 რობრივი ასოციაციის»მეშვეობით. ასეთ სულებს თავად შეუძლიათ გა-  
 მოვლინება ერთსა და იმავე დროს სხვადასხვა სეანსებზე აზრობრივ-

X როგორც ვხედავთ, სპირიტუზმის მხრიდან ასე იხსნება ზოგიერთი  
 წარუმატებელი ცდა პარაფსიქოლოგიაში.



სულიერი ფორმით. ასეთი სულების გამოყვანა სეანსზე თვით მონადა

**«Nell»** - საც არ შეუძლია ( თუმცა, ცოტა ზემოთ, არლანდი მას ქრისტეს ადარებს!); მაგრამ მას შეუძლია მათი მდგომარეობის შესახებ გვაუწყოს. აქვება აღსანიშნავი, რომ აღიარებს რა რეინკარნაციას, არლანდი გვამცნობს, რომ «მონადის» (გარდაცვალებულის სულის) ვიზუალური გამოვლინების ფორმა (ამ შემთხვევაში ე.წ. «ასტრალური სხეული», რომელზედაც ჩვენს «კომენტარებში» კიდევ გვექნება საუბარი), არასოდეს შეესაბამება თავად მონადას, მითუმეტეს, მის არსს. ეს აიხსნება ჯერ ერთი იმით, რომ მონადამ მრავალი განსხვავებული განიცადა თავისი განვითარების მანძილზე და მისი ერთ-ერთი ამქვეყნიური ცხოვრების ფორმა მისთვის მხოლოდ ერთი ეპიზოდია. ამავდროულად, თავისი გარდასხეულებების მანძილზე მონადა არა მარტო სხეულებს იცვლის, არამედ - სქესსაც. მეორე მხრივ, მონადა თავის არსში წმინდა სულიერი იდეაა, რომელსაც ნებისმიერად ორგანიზირება ძალუძს და ამიტომ მისი თავდაპირველი გამოვლენის ფორმა ჩვენთვის მიუწვდომელი დარჩება. ამიტომ ცდილობს მონადა, რომ სპირიტუალ სეანსზე დამსწრეთ გამოეცხადოს მათთვის გასაგები ფორმით (იქნება ეს სხეული, რომელიც იქ მყოფთ ახსოვთ, თუ იქნება ეს რაიმე სიმბოლური ფორმა, მაგ. «რძისფერი ბურთი», რომელიც იქ მყოფთ რაღაცაზე მიანიშნებს და სხვა). როდესაც ჩვენს სეანსებზე, ამბობს არლანდი, გამოდიან დიდი სულები (მაგალითად: ჯორჯანო ბრუნო, ნოვალისი, გოეთე, ბეთშოვენი, მოცარტი, ლეონარდო და ვინჩი და სხვები), ჩვენ მათი სახელები მხოლოდ და მხოლოდ სიმბოლურ აღნიშვნებად უნდა მივიღოთ და არ დავუკავშიროთ მათ ადრე განსხვავებულ პიროვნულ გარსს, არამედ მხოლოდ და მხოლოდ მათ მონადებს. მაგალითისათვის არლანდი ასახელებს ფილოსოფოს სოკრატეს მონადას. ამ მონადის ცნობით (რომელიც წერილობით ჩაიწერეს 1954 წლის I ივნისს) იგი აღარ განსხვავებულა მას შემდეგ, რაც ერთხელ იყო ინ-

კარნირებული როგორც სოკრატე. ამიტომ იგი, «უკეთ გაგების» მიზნით, გამოცხადდება ხოლმე მაშინდელი სხეულებრივი ფორმით, როგორც «ძველი». მაგრამ ამისაგან დამოუკიდებლად, ამ მონადის «ასტრალურ სხეულს» შეუძლია სრულიად სხვა შესახებდამობის მიღება.

თვით საიქიოდან მიღებულ ცნობებს არღანდი სამ ნაწილად ჰყოფს: 1. ისეთებად, რომელნიც ადამიანის შემეცნებას ემსახურებიან; 2. რომელნიც მიმართულნი არიან გრძნობაზე, ხელშესახებად აღქმადზე და 3. ისეთებზე, რომელნიც შეგნებულ ტყუილს შეიცავენ.

მოვიყვანთ რამდენიმე მაგალითს იმ მედიუმური ჩანაწერებიდან, რომლებსაც აქვეყნებს არღანდი და სადაც ასახულია მხოლოდ და მხოლოდ «დიდი სულებიდან» მიღებული უწყებები. ეს ჩანაწერები არჩეულია 1600 კარნახიდან, გვაუწყებს არღანდი, რომლებიც მიღებული იყო 200 სენანსის დროს 1922-1936 წლებში მედიუმ მარია ზილბერტის მიერ, ხოლო 1946-1955 წლებში მედიუმ პრისკა ჰოგატშნიკის მიერ. ამ სენანსებზე, როგორც ამბობს არღანდი, ადგილი ჰქონდა აგრეთვე ფიზიკურ გამოვლინებებს, მატერიალიზაციებს, ლევიტაციებს და «ბევრ სხვა რამეს», მაგრამ არღანდი მხოლოდ ამ ჩანაწერების გამოქვეყნებით იფარგლება.

«მონადა Nell, 19.12.1932: გადალახავთ რა საათებს, დღეებს, კვირეებს, თვეებსა და წლებს, თქვენ ითვლით მხოლოდ ერთს: ერთია დაბადება, სიცოცხლე, სიკვდილი და ყოველივე - ესაა მარადიულობა.

გოეთე, 28.8.1948: უმთავრესია, რომ გქონდეს სული, რომელსაც შეშმარიტება უყვარს და აიღებს მას, სადაც კი ჰპოვებს.

Nell, 23.3.1949: ყოველივე წარიმართება ღვთისაგან და მიხი წყალობით; თუ თქვენ იცხოვრებთ ღვთის კანონების მიხედვით, თქვენ მისი წყალობა არ მოგაკლდებათ.

გოეთე, 1.1.1951: ვინც იტნობს საბოლოო მარტოობას, მან უწ-



ყის საბოლოო საგნების შესახებ.

**Nell**, 25.2.1951: რაც თქვენს სულთა სიღრმეში ძევს, ჩვენთვის არაა დამალული, მაგრამ თქვენი ნების თავისუფლება რომ არ ხელგყობ, ჩვენ ღუმელს ვარჩევთ.

ქერუბიმი, 22.5.1954: სიყვარულს არა აქვს სამზღვარი უკუნი-  
თი უკუნისამდე.

სერაფიმი, 23.7.1954: ბუნება არის ღმერთი: ღმერთი არის უმაღ-  
ლესი, უდიდესი მარადიული სავანე!

ნოვალისი, 7.8.1954 : რა ნეტარებაა იყო სული და წმინდა მარა-  
დიულად!

**Resi**, 26.2.1955: სიწყნარიდან და წმინდა სიჩუმიდან მე მო-  
მაქვს განახლებული გული და განახლებული ნება».

სურათის სრულყოფის მიზნით აღვნიშნავთ კიდევ იმ გარემოებას, რომ ინგლისსა და ამერიკაში უამრავი სექტებია, რომლებიც სპირიტუზმს ქრისტიანობას უხამებენ. მათი ღვთისმსახურების კულმინაციური მომენტია, როდესაც სასულიერო პირი ან ნედლეუმი ტრანსში ამეტყველება<sup>X</sup>. გერმანიაში არსებობს სექტა «ე ვ ა ნ გ ე ლ უ რ - ი ო ა ნ ე ს ე უ ლ ი ე კ ლ ე ს ი ი ს ა», რომლის ღვთისმსახურებაში ასეთი ტრანსში ამეტყველება დიდ როლს თამაშობს. ამ სექტის დამაარსებელია იოზეფ ვაიზენბერგი (დაიბ. 1855 წ. - გარდაიცვალა ?), რომელიც მის მიმდევრებს მიაჩნიათ სული წმიდას ინკარნაციად. ამ სექტის ერთ ასეთ საკვირაო ღვთისმსახურებას დაესწრო რელიგიათა ცნობილი მკვლევარი ჰელმუტ ფონ გლახენაპი, რომელმაც აღწერა კიდევაც აგი<sup>XX</sup>. გლახენაპი მოგვითხრობს, რომ ბრანდერბურგის პროვინციაში ტრეზბინთან, ვაიზენბერგის ერთ-ერთ «მშვიდობის ქა-

X Helmuth von Glasenapp, Die fünf Grossen Religionen, Teil II, Düsseldorf 1957, s. 372.  
XX ი ძ ვ ე , გვ. 372-373





ლაქში», იგი მოწმე გახდა იმისა, თუ როგორ აჰიპნოზებდა იოზეფ ვაიზენბერგი მედიუმს, რომლის პირითაც შემდეგ ისტორიულ პიროვნებათა სულები მიტყველებდნენ. მედიუმი უმეტეს შემთხვევებში იყო და ვრეტა მიულერი, რომელიც ვაიზენბერგმა ორი შვილით დაასაჩუქრა. სულები ღალატებდნენ მედიუმის პირით: «თავადი ოტტო ფონ ბისმარკი, ოდესღაც კანცლერი გერმანული რაიხისა, ამჟამად კანცლერი სულთა სამეფოში». ასევე ღალატებდნენ ნაბუქოდონოსორი, სოლომონ ბრძენი, წმ. პეტრე, ფრიდრიხ დიდი, დედოფალი ლუიზა, ნაპოლეონი და სხვები. ეს მიტყველება ძალზე ჰგავდა იმავე ვაიზენბერგის მუზეუმში (სადაც ამ სულთა სურათებია გამოფენილი) ექსკურსიამდღოლის მიტყველებას, როდესაც იგი ამ სურათებს განმარტავდა. მედიუმის ეს ტრანსში უწყებული ტექსტი შემდეგ ჟურნალ «*Der Weiße Berg*» - ში ქვეყნდებოდა. თვით ამ სეანსის დროს ზოგიერთი მსმენელი უცნაურ ხმებს გამოსცემდა. მათთან მივიდოდა ხოლმე ვაიზენბერგი, ზურგზე ხელს დაარტყამდა და დაიძახებდა: «განვედ, სატანა!» - რის შერეც შეპყრობილი თავისუფლდებოდა. ვაიზენბერგმა და-აარსა აგრეთვე სამხედრო გაერთიანება «მარადიული სიცოცხლე», რომლის წევრები ჰუსარებისა და ულანების ფორმაში იკრიბებოდნენ და რომელთაც ერთხელ ვაიზენბერგს, მისი დაბადების დღის აღსანიშნავად, ნამდვილი ქვემეხი აჩუქეს. ვაიზენბერგმა «მარადიული მშვიდობის» წევრებს აღუთქვა ამ ქვემეხის ზარებად ჩამოსხმა «მშვიდობის» ეკლესიისათვის.



კომენტარები

საყუარელნო, ნუ ყოველი სული  
გრწამენ, არამედ გამოიცადენით სულნი,  
უკუეთუ ღმერთისაგან იყვნენ ...

I ი თ ა ნ ე 4, I

მართლმადიდებლური ეკლესიის წევრებს და საერთოდ, ქრისტიანებს, პრინციპულად არავითარი საფუძველი არა გვაქვს ეჭვი შევიტანოთ სპირიტუზმისა და, მითუმეტეს, პარაფსიქოლოგიის მონაცემებში. ჩვენს პოზიციას ამ საკითხში განსაზღვრავს ის, რომ წმ. წერილში ფართოდაა დამოწმებული ამდაგვარი მოვლენები. ის, რითაც წმ. მარტო მადიდებლური რწმენის მოძღვრება შეიძლება დაუპირისპირდეს სპირიტუზმსა და პარაფსიქოლოგიას, არის არა ეჭვის შეტანა მათ წმ. მენებში, არამედ ამ მოვლენათა განსხვავებული შეფასება, იქნება ეს სულების გამოწვევის ფაქტი, თუ თავად სულები.

პირველ ყოვლისა მივმართოთ წმ. წერილს: ძველი აღთქმა გვაძლავს აენდორელ ჯადოქარზე, რომელსაც მიმართა მეფე საულმა, რათა მას გამოეწვია სული სამოველისა (I მეფეთა 28, 7-14): „მეშინდა ჰრქუა საულ მონათა მათ თჳსთა: მიძიეთ მე დედაკაცი ერთი ულუკი, მივიდე და ვიკითხო მისგან სიტყუაჲ. და ჰრქუეს მონათა მისთა: აჰა, ესერა, არს დედაკაცი ერთი ულუკი აენდორსა შინა.

და შეიმოსა საულ სხუაჲ სამოსელი და ვერღარა საცნაურ იყო იგი მეფედ; და დაიბურა თავი თჳსი და თანაწარიყვნა ორნი მონანი. და მივიდა იგი დედაკაცისა მის ღამე და ჰრქუა დედაკაცსა



მას: მიმისნე მე უღუკებიტა შენითა და აღმოყვანე ჩემს წინაშე, რომელსა ვეძიებ მე.

და ჰრქუა დედაკაცმან მან: შენ თუთ უწყი, რაჲ ყო საბულ, რამეთუ მოსრნა მან ყოველნი მეტნოიერნი და ნისანნი და უღუკნი და ქუეყანით მეტყუელნი. აჲ შენ რად მოინადირებ სულსა ჩემსა, რა თამცა მომაკუდინა მე?

ეფუცა მას საულ დმროთისა მიმართ და ჰრქუა: «ცხოველ არს უფალი ჩემი! არა შეგემთხვოს შენ ბოროტი სიტყუასა ამას ზედა.

და ჰრქუა დედაკაცმან მან: ვინ აღმოვიყვანო შენდა? და ჰრქუა მას საულ: სამოველ აღმომგვარე მე!

და იხილა დედაკაცმან სიკრულასა მას შინა თუსსა ბირველად საულ, კმა-ყო კმითა დიდითა დედაკაცმან და ჰრქუა საულს: რაჲსათჳს შემოიტყუე მე, რამეთუ შენ თავადი თვით საულ ხარ?

მიუგო მეფემან დედაკაცსა მას და ჰრქუა: გარქვი შენ ბირველ-ვე, ვითარმედ, ნუ გეშინინ შენ, არამედ რა იხილო, ვითხარ მე! რქვა დედაკაცმან საულს: ვხედავ მე კერბთ მრავალთა აღმომავალთა ქუეყანით.

და ჰრქვა საულს: რა გულისხმა-ყავ ? რქვა დედაკაცმან: ვხედავ მე კაცსა ერთსა მაღალსა აღმომავალსა ქუეყანით და ჩუდკეცი სამოსელი მოუბლარდნიეს მას! და გულისხმა-ყო საულ, ვითარმედ სამოველ იყო იგი, დადრკა ქუეყანასა ზედა და თაყუანი-სცა მას».

როგორც ამ ციტატიდან (და ასევე წმ.წერილის სხვა ადგილებიდანაც) ჩანს, სულთა გამოწვევა (ნეკრომანტია) მიიჩნევა დანაშაულად, რადგან : I. სულებისაგან სურთ იმის გაგება, რაც დღის გაღწევებით დაფარული უნდა ყოფილიყო; ანდა - 2. დღის სიტყვას უფრო ნაკლები მნიშვნელობისად მიიჩნევენ, ვიდრე პასუხს სულთა სამეუფოდან (იხ.ესაია 8, 19-20). ყოველივე ამის გამო წმ.წერილის მიხედვით იკრძალება სულთა ყოველგვარი გამოწვევა (იხ.ღე-

ვიტელთა 19,31,20,7. წიგნი მეორე სჯულისა 18,11. II მეფეთა 21,6; 23,24). ამისათვის დაისაჯა თვით საული (I ნეშტთა,10;იხ. აგრეთვე: II ნეშტთა 33,6; ესაია 19,3; 29,4; 65,4).

ბიბლიაში არა მარტო სულთა გამოცხადებებია დადასტურებული, არამედ ხელთა მატერიალიზაციებიც, როგორც ამას ადგილი აქვს ჩვენთვის უკვე ცნობილ სპირიტისტულ-პარაფსიქოლოგიურ სეანსებზე. მეფე ბალთასარმა ნადიმის დროს იხილა კედლიდან გამოსული ხელი, რომელმაც კედელზე სამი საბედისწერო სიტყვის წარწერით მას ამცნო მისი და მისი სამეუოს ახლო აღსასრული (წინასწარმეტყველება დანიელისა, თავი 5): «ბალთასარ მეფემან უქმნა სერი დიდი დიდებულთა მისთა მამრთა ათასთა ... სუმიდეს ღვინოსა და აქებდეს ღმერთთა ოქროსათა და ვერცხლისათა, და რვალისა და რკინისათა, და ძეღლისათა და ქვისათა. მას უამსა შინა გამოვიდეს თითნი ხელისა კაცისაჲსანი, და წერდეს პირის პირ ლამპრისა, საგოზელსა ზედა კედლისასა სახლისა მეფისაჲსა და მეფე ხედვიდა თითთა მათ ხელისა მწერლისასა. მაშინ შესახედავი მეფისა შეიცვალა, და გულის ზრახვანი მისნი აღშოთებულ იქმნეს, და სამწევრონი წელთა მისთანი ყოველითურთ დაიხსნებოდეს და მუხლნი მისი ერეკებოდეს».

აქვე აღვნიშნავთ, რომ ბევრი ბიბლიური სასწაული (იქნება: ეს ლევიტაცია, ნეკრომანტია, მატერიალიზაციები, ნათელხილვა თუ სხვა) დადასტურებულია არა მარტო თანამედროვე სპირიტისმცოდნეობაში და პარაფსიქოლოგიაში, არამედ კარგად დამოწმებულ ისტორიულ დოკუმენტებშიც. ბევრ ასეთ დოკუმენტში შესაბამისი ახსენებაცაა მოცემული სასწაულის აღწერისას. მაგ., წმ.თომას აქვინელის მე-13 საუკუნის ბიოგრაფი როდესაც მოგვითხრობს, რომ სალერნოს მონასტერში ბერებმა თავად იხილეს, თუ საკურთხევლის წინ მლოცველი წმ.თომა აქვინელი როგორ ასცდა მიწას და ლოცვის დროს ჰაერში გაჩერდა, არ კმაყოფილდებოდა მხოლოდ ამ ფაქტის აღწერით და მას ურთავს სათანა-



დო ახსნას: «შესაბამისი იყო სწორედ, რომ სხეული მის სულს, რომელიც არ იყო დაზიანებული არავითარ ვნებათაგან, მორჩილად მიჰყვებოდა, რადგან მან მისი მიდრეკილებანი აღკვეთა»<sup>X</sup>. მსგავსი ფენომენები შეინიშნებოდა მთელ შუა საუკუნეებში (და ამჟამადაც) მისტიკოსებთან. მაგ., გერმანული მისტიკოს მკვლევარი, გუნდოლფ გიერათი წერს: «ექსტაზების გათვალისწინება შეიქცევა არა როგორც წინაპირობისა, არამედ როგორც გვერდითი მოვლენებისა ან როგორც შედეგებისა, რადგან სული მისტიური მიმადლებიას იმდენად არის უმადლესი ჭეშმარიტებით დაკავებული, რომ გრძნობანი წყვეტენ ყოველგვარ ქმედებას და ხშირად სხეული მიწაზეა განრთხმული როგორც უსიცოცხლო; ასევე არ შეიძლება წინაპირობად მივიჩნიოთ ხილვა, რითაც ახალი ჭეშმარიტებანი უმეტესად განსაკუთრებული შემეცნებისეული ხატების მეშვეობით მიენიჭებათ. ამისი მონათესავეა მომავლის ჭგრეტა, გულის საიდუმლოთა წვდომა, ჭეშმარიტ და ყალბ რელიქვიათა განსხვავების უნარი და ცოდნა გარდაცვლილთა ვითარების შესახებ. შესაძლოა აგრეთვე სასწაულებრივ მომენტთა დადგომა, როგორცაა ჰაერში გაჩერება ანდა ბუნებრივად შეუძლებელ პოზაში გახვევა. რადგან ამ მოვლენებს ადგილი აქვთ უმრავლეს მისტიკოსებთან, ისინი ჩვეულებრივ მისტიურად აღინიშნებიან. მაგრამ არც წინაპირობებში, არც ამ გვერდით მოვლენებში და არც შედეგებში არა. ძვეს არსი მისტიური გამოცდილებისა. ისინი უფრო მოჩუქურთმებულ ორნამენტს განეკუთვნებიან»<sup>XX</sup>. რაც შეეხება ამ ცნობების ჭეშმარიტებას, იგივე მკვლევარი ამის თაობაზე, მაგ., შემდეგნაირად

<sup>X</sup> Das Leben des heiligen Thomas von Aquino erzählt von Wilhelm von Tocco und andere Zeugnisse zu seinem Leben, St. Benno-Verl., Leipzig 1967, S. 130.

<sup>XX</sup> გერმანელი მისტიკოსები, გამოცემა და შესავალი გუნდოლფ გიერათისა (გერმ. თარგმნა, წინასიტყვ. და შენიშვნ. დაურთო ვ. რცხილაძემ) «საღვთ. კრებული» №13, თბ. 1983 წ. გვ. 93.

დასძენს: «წინასწარგანზრახულ ტყუილზე ან შეგნებულ გადაჭარბებაზე მონაზვნებთან არ შეიძლება ლაპარაკი. აქამდე არ დაეშვებოდნენ ელზბეტ შტაგელი, კატარინა გებგაილერი ან ქრისტინა ებნერი, რომ ღმერთს ამდაგვარი ნუგეშისცემათა მინიჭება ძალუძს, რომ იგი მათ დროდადრო ანიჭებს კიდევ, ეს ყველა კათოლიკესათვის ევგვგარეშება»<sup>X</sup>.

ყოველივე ამის ვერგაგებასა და უარყოფას წარმოადგენს სახარების ე.წ. «დემითოლოგიზირების» სავალალო მოძღვრება, რომლის ავტორია მარბურგელი ეკზეგეტი რუდოლფ ბულტმანი (გარდაიცვ. 1976წ.). მისი აზრით, ახალი აღთქმის სამყაროს სურათი, ისევე, როგორც წარმოდგენები დემონებზე და ზებუნებრივ ჩარევებზე, სასწაულებზე, იესო ქრისტეს არსებობაზე მის განსხეულებამდე, ქვეყნის აღსასრულზე და სხვა - შეუთავსებადნი არიან თანამედროვე ადამიანის სინამდვილის გაგებასთან. ამიტომ ბულტმანი ცდილობს «გაწმინდოს» ახ.აღთქმა მითოლოგიისაგან, მოახდინოს მისი «დემითოლოგიზირება» და ახსნას ამ «მითოლოგიურ გამოთქმათა» ნამდვილი აზრი, გამოავლინოს მათში დამარბული ეგზისტენციალური შინაარსი.

ცხადია, ამ ავტორისათვის უცხო უნდა ყოფილიყო არა მარტო უმარტივესი მისტიური ფენომენები, არამედ ლოცვის დროს განცდილი ნეტარების ზე ბუნებრივი მაღლიც. ამიტომ მისი «ეკზეგეზა» არათუ მცდარია, არამედ იგი ვერ უახლოვდება თვით რელიგიის ზოგადო არსის გაგებასაც.

X X

X

სანამ შემდეგ საკითხზე გადავიდოდეთ, შევეხოთ სულთა მოვლი-

X აქვე, გვ. 93.





ნებების იმ ახსნას, რომელსაც უხსოვარი დროიდან გვთავაზობს ოკ-  
კულტურ-ეზოტერული მოძღვრებები და რომელიც, განსაკუთრებით  
ადამიანის აგებულების საკითხში, გარკვეულ თანხმობაში იმყოფები-  
ან წმ.მართლმადიდებლური რწმენის მოძღვრებასთან (აქ შეგნებულად  
ალარ შევეხებით ზემოხსენებულ მოვლენათა გაშუქებას ფიზიკის მეც-  
ნიერების მხრიდან, რომელიც მარტოოდენ ჰიპოთეზების რკალში ტრი-  
ალებს).

ადამიანის აგებულება ძველ ეგვიპტელთა მოძღვრების  
მიხედვით<sup>X</sup> (XVIII დინასტია, 1500 წ.

ქ.შ.წ.):

- 1. ხ ა ტ ანუ სხეული
- 2. კ ა - ორმაგი
- ხ უ - გონიერი სუბსტანცია
- 3. ბა-ბაი - ნათელმოსილი არსი

ადამიანის აგებულება ზოროასტრის მიხედვით:

1. ფ ი ზ ი კ უ რ ი ს ხ ე უ ლ ი

- |   |  |   |   |  |   |  |
|---|--|---|---|--|---|--|
| { | 2.   | <table border="0"> <tr> <td style="vertical-align: middle; font-size: 2em;">{</td> <td style="vertical-align: middle;"> <p>ინარჩუნებს სხეულის ფორმას და ასევე წესრიგს და ჰარ-<br/>მონიას ყველა ნაწილში</p> </td> </tr> <tr> <td style="vertical-align: middle; font-size: 2em;">{</td> <td style="vertical-align: middle;"> <p>ადამიანის პიროვნება, რომელიც შეიცავს:<br/>გონებას ( ბ ო კ ), განსჯასა და წარმოდგენას (რუან)<br/>და სამშვიინველის წმინდა სუბსტანციას ( ფ ე რ უ ე რ )</p> </td> </tr> </table> | { | <p>ინარჩუნებს სხეულის ფორმას და ასევე წესრიგს და ჰარ-<br/>მონიას ყველა ნაწილში</p> | { | <p>ადამიანის პიროვნება, რომელიც შეიცავს:<br/>გონებას ( ბ ო კ ), განსჯასა და წარმოდგენას (რუან)<br/>და სამშვიინველის წმინდა სუბსტანციას ( ფ ე რ უ ე რ )</p> |
|   | {  | <p>ინარჩუნებს სხეულის ფორმას და ასევე წესრიგს და ჰარ-<br/>მონიას ყველა ნაწილში</p>  |   |  |   |  |
| { | <p>ადამიანის პიროვნება, რომელიც შეიცავს:<br/>გონებას ( ბ ო კ ), განსჯასა და წარმოდგენას (რუან)<br/>და სამშვიინველის წმინდა სუბსტანციას ( ფ ე რ უ ე რ )</p> |   |   |  |   |  |
- 3. აკკო {
  - სუცველი ღვთაებრივი საწყისი, რომელიც აღძრავს კეთი-
  - ლის ქმნისაკენ და არიდებს ბოროტს და რომელიც ამც-

<sup>X</sup> Marius Fontane - „Les Egyptes“; Папюс, Окультизм,  
3 изд., стр. 211-212.



ნობს მომავალ უკეთეს ცხოვრებაზე.

ადამიანის აგებულება კაბალაში:

- 1. ფ ი ზ ი კ უ რ ი ს ხ ე უ ლ ი
- 2. ნეფეში - მაფორმირებელი საწყისი, გამოსახულება რუაჰ - სამშვინველი
- 3. ნეშმა - წმიდა სული

ადამიანის აგებულება ო ვ ი დ ი უ ს ი ს მიხედვით

- 1. სხეული - მიწაში გარდამავალი
- 2. მოჩვენება - დაძრწის საფლავთან ახლოს არჩდილი - ეშვება ქვესკნელში
- 3. ს უ ლ ი - ზეცად მაღლდება

ადამიანის აგებულება პარაცელსის მიხედვით

- 1. სხეული - მატერიალური ნაწილი
- 2. ერვესტრუმ - ასტრალური ადამიანი არქეი ანუ მუშია - ცხოველური სული
- 3. სულიერი სამშვინველი

როგორც ვხედავთ, მოყვანილი მაგალითები ძალზე ახლოს დგანან იმ სქემასთან, რომელსაც გვასწავლის წმ.მართლმადიდებლური რწმენის მოძღვრება ადამიანის აგებულების შესახებ (იხ. ზემოთ)\*. დაახლოებით ამასვე გვთავაზობს თანამედროვე ანთროპოსოფია. მისი დამაარსებელი გვაუწყებს: «მხედველისათვის» სხეულბრივი ადამი-

\* აქ ჩვენ შეგნებულად აღარ დავამძიმებთ ტექსტს პლატონის, ტერ-

ანი წარმოადგენს მხოლოდ ნაწილს მთლიანი ადამი-  
 ანი ს ა ს . სხეული, როგორც ყველაზე უხეში წარმონაქმნი, ძვეს  
 სხვა წარმონაქმნთა შორის, რომელნიც მას და თავიანთ თავს ურთი-  
 ერთ განმსჭვალავენ. ეთერული სხეული, როგორც სიცოცხლისეული ფორ-  
 მა, ფიზიკურ სხეულს ალავსებს; მას ყოველი მხრიდან სცილდება და  
 შესამჩნევი ხდება მშვინვეიერი სხეული (*Seelenleib*). [ასტრალუ-  
 რი გარეგნობა - *Astralgestalt*]. და კვლავ ამას სცილდება შემ-  
 გრძნები სამშვინვეილი (*die Empfindungsseele*), შემდეგ - განსჯის  
 სამშვინვეილი (*die Verstandesseele*), რომელიც მით უფრო დიდი ხდე-  
 ბა, რაც უფრო მეტად მიიღებს იგი თავის თავში ჭეშმარიტებასა და  
 სიკეთეს, რადგან ეს ჭეშმარიტება და სიკეთეა ის, რაც იწვევს გან-  
 სჯის სამშვინველის გაფართოებას. ადამიანი, რომელიც მხოლოდ და  
 მხოლოდ თავისი მიდრეკილებებით, თავისი სიამოვნებებითა და უსი-  
 ამოვნებებით იცხოვრებდა, იქნებოდა ისეთი განსჯის სამშვინველის  
 მფლობელი, რომელიც საცხებით დაემთხვეოდა მისი შემგრძნები სამ-  
 შვინველის ზღვრებს. ამ წარმონაქმნებს, რომელთა შორისაც ფიზიკუ-  
 რი სხეული ისე მოსჩანს, როგორც ღრუბელში, შესაძლოა ვუწოდოთ  
 ა დ ა მ ი ა ნ უ რ ი ა უ რ ა .<sup>X</sup> საბოლოოდ, დოქტორი შტაინერი ადა-  
 მიანის აგებულების შემდეგ სქემას გვთავაზობს:

1. ფიზიკური სხეული
2. სიცოცხლისეული სხეული (იგივე ეთერული სხეული)
3. ასტრალური სხეული (იგივე შემგრძნები მშვინვეიერი სხეული)
4. მე, როგორც სამშვინველის ბირთვი
5. თვით-სული (*Geistselbst*), როგორც გარდაქმნილი ასტრალური  
 სხეული.

-----  
 ტულიანეს, აგვუსტინესა და სხვათა შეხედულებებით ადამიანის აგე-  
 ბულებასზე, რომელთა აღწერასაც დაინტერესებული მკითხველი ყველა  
 სულიდურ «ფილოსოფიის ისტორიის» კურსში ვპოვებთ.  
<sup>X</sup> Dr. Rudolf Steiner, *Theosophie*, Stuttgart 1922, s. 32.

6. სიცოცხლისეული სული (*Lebensgeist*), როგორც გარდაქმნილი სი-  
ცოცხლისეული სხეული.

7. სული-ადამიანი (*Geistesmensch*), როგორც გარდაქმნილი ფიზი-  
კური სხეული<sup>X</sup>.

«სიკვდილის შემდეგ» - დასძ ენს დ-რი შტაინერი სხვა ავგიდას-  
«ადამიანის ასტრალური სხეული რამდენიმე ხანს ჯერ კიდევ შეერთე-  
ბული რჩება ეთერულ სხეულთან<sup>XX</sup>. როგორც ჩანს, სულთა მოვლინების  
დროს სწორედ ამ ეთერულ-ასტრალური სხეულის (წმ.მართლმადიდებლური  
მოძღვრების მიხედვით: სამშვიინველ-სიცოცხლისეული საწყისის) გან-  
კვრივება ხდება, რის შედეგადაც ისინი ფიზიკური თვალისთვისაც  
შესამჩნევი ხდებიან. ეს ეთერულ-ასტრალური სხეულია აგრეთვე, რ-  
მელიც სულის ექსტერიორიზაციის დროს (ორეულების შემთხვევები)  
ტოვებს ადამიანის სხეულს. «გარდაცვლილი არსების გამოძახებისას  
ძალზე ფრთხილად უნდა ვიყოთ და ვიცოლოთ - აცხადებს ოკულტიკისტი  
შაპიუსი - თუ ვისთანა ვვაქვს საქმე - ასტრალურ გამოსახულებას-  
თან, თუ მის წამდვილ «მესთან». პირველ შემთხვევაში გამოწვეული  
არსება მოგვეჩვენება თითქოს სარკეში არეკლილად, იგი იქნება ხი-  
ლული, გააკეთებს შესტებს და შესაძლებელი იქნება მისი ფოტოგრა-  
ფირებაც კი, მაგრამ იგი არ ი ლ ა პ ა რ ა კ ე ბ ს. ასეთია ბან-  
კოს მოჩვენება «მაკბეტში», რომელსაც მხოლოდ მეფე ხედავს, მაგ-  
რამ რომელიც ხმას არ იღებს. მეორე შემთხვევაში გამოწვეული სუ-  
ლი ი ლ ა პ ა რ ა კ ე ბ ს , და მისი დანახვა ერთდროულად

X იქვე , გვ.45

XX Rudolf Steiner, *Die Geheimwissenschaft im Umriss*,  
Dornach/Schweiz 1962, S.422.



გვერს შეეძლება. ესაა ჰამლეტის მამის მოჩვენება შექსპირთან<sup>X</sup>.

ახლა განვიხილოთ ზემოხსენებული ფენომენი ტერეზა ნოიმანისა, რომელიც ექსტაზის დროს (ქრისტეს ვნებების განცდისას) მისთვის სრულიად უცხო არამეულ ენაზე აღაპარაკდა. აქ რამდენიმე ახსნაა შესაძლებელი. პირველი ასეთი «ახსნა» იქნება, თუკი ზოგიერთ მოაზროვნესთან ერთად დავუშვებთ სამყაროს ცნობიერების, სამყაროს სუბიექტის ან სამყაროს მეხსიერების არსებობას. მაშინ შეიძლება დავუშვათ, რომ ტერეზა ნოიმანი ამ მეხსიერებით «სარგებლობდა» ექსტაზის დროს. პარაფსიქოლოგიაში არაერთი ამდაგვარი შემთხვევა აღწერილი. მიგ., საკმაოდ გახმაურებულია ის ფათერაკი, რომელიც თავს ვადახდა ორ ინგლისელ მასწავლებელ ქალს. 1901 წელს ვერსალის სიახლოვეს<sup>XX</sup>. მათ აქ განიცადეს სცენები დედოფალ მარიამ ანტუანეტას დროისა, რომელიც მის დაპატიმრებას უძღოდა წინ. ასეთივე რამ განიცადა ასევე ორმა ინგლისელმა 1951 წლის 4 აგვისტოს საფრანგეთის კურორტ დიეპთან<sup>XXX</sup>. მათ იქ ესმოდათ (დილის 4 საათიდან 7 საათამდე) ჯარისკაცთა ყვირილი, თვითმფრინავების გუგუნე, ბომბების გასკდომის ხმა, ქვემეხების სროლა და მთელი ბრძოლის ხმაური. მეორე დღის გამოკითხვამ დაადგინა, რომ მთელი ეს ხმაური მხოლოდ მათ გაიგონეს; არავითარი სამხედრო მანევრები იქ არ ყოფილა; ახლო-მახლო არც კინოთეატრი მდებარეობდა, საიდანაც შესაძლებელი იქნებოდა ასეთი რამის მოსმენა. მაგრამ ყველაზე საინტერესო ის იყო, რომ ზუსტად 9 წლის წინ, 1942 წლის 19 აგვისტოს დიეპთან მომხდარა ბრძოლა, რომელიც სწორედ დილის 4 საათიდან 7 საათამდე გრძელდებოდა.

<sup>X</sup> Пашюс, Окультизм. 3 изд., стр. 245.  
<sup>XX</sup> L. Fremonger, The Ghosts of Versailles, London 1957.  
<sup>XXX</sup> A. Jaffé, Geistererscheinungen ..., S. 150-151.

ამრიგად, ამ პირველი «ახსნით» შეიძლება იმის თქმა, რომ აღნიშნული მიანურ ურთიერთობათა მძაფრი დრამები სამყაროს ამ «მეხსიერებით» ინახება. მეორე ახსნა ტერეზა ნოიშანის ფენომენისა იმაში მდგომარეობს, რომ შესაძლებელია მას თავისი ცოდნა არამეული ენისა მიეღოს იმ გარდაცვლილის სულისაგან, რომელიც ქრისტეს წამების მოწამე იყო. მესამე ახსნას გთავაზობს რეინკარნაციის თეორია, რომელიც აღიარებს სულის კვლავგანსახეულების იდეას და ამ სახით სულის მოგზაურობას დროში. ვინაიდან ამ მოძღვრებას თანამედროვე სპირიტუიზმიც იზიარებს, აქ საჭიროდ მიგვაჩნია ამ მისამართით გამოვთქვათ შეხედულება წმ. მართლმადიდებლური რწმენის მოძღვრებისა, ქრისტიანულ სამყაროში «სულის არსებობის იდეას მის განსხეულებამდე» აღიარებდა გამოჩენილი ღვთისმეტყველი და ფილოსოფოსი ორიგენე (185-254). პლატონიდან აღებულ ამ მოძღვრებაში იგი უარყოფდა სულის გადასახლებებს (მეტემფსიქოზს) და განსაკუთრებით გონიერი სულის გადასახლებებს ცხოველთა სხეულებში. მიუხედავად ამისა, თვით ასეთი სახით «მოძღვრება სულის არსებობისა მის განსხეულებამდე» დაგმო მეხუთე მსოფლიო საეკლესიო კრებამ 553 წელს. მის ნაცვლად აღიარეს სულის გაჩენის კრეაციონული იდეა, რომელიც უშვებს, რომ ყოველი სხეულის დაბადებისას ღმერთი მასში ახალ სულს ქმნის. განსხეულებამდე სულის არსებობის იდეას მართლმადიდებლური მოძღვრება უშვებს დიდი კაბადოკიელი მამის, გრიგოლ ნოსელის (გარდაიცვ. 394) გაგებით. გრიგოლი ფილონ ალექსანდრიელზე და ადრეულ ბერძენ მამებზე დაყრდნობით ასწავლიდა ადამიანის გარკვეულ არსებობას მის დაბადებამდე იმ აზრით, რომ ამქვეყნად პირველი ადამიანის შექმნამდე ღვთაებრივ სულში ჯერ იდეალური ადამიანი იყო შექმნილი<sup>X</sup>.

X ზემოხსენებულ საკითხთან დაკავშირებით იხ. Фараф, Жизнь и



აიღა გადავიდეთ სპირიტუზმის იმ დებულებათა განხილვაზე, რომელთაც უარყოფს წმ.მართლმადიდებლური რწმენის მოძღვრება. პირველ ყოვლისა თვალშისაცემია ის გარემოება, რომ სპირიტუზმი იგივეობის ნიშანს სვამს სპირიტ.სუანსების მედიუმთა და ბიბლიურ წინასწარმეტყველთა შორის. წმ.მართლმადიდებლური რწმენის მოძღვრების თანახმად ასეთი აზრი მკრეხელობაა. როგორ შეიძლება იგივეობის ნიშანი დაისვას ფულით დაქირავებულ (ან თუნდაც უანგარო) მედიუმსა და იმ წინასწარმეტყველებს შორის, რომლებიც, წმ.წერილის მიხედვით, თავად უმაღლეს ზნეობრივ საფეხურზე მდგომნი, უშუალოდ ღვთისაგან ღებულობდნენ ინსპირაციას და რომლებიც ხშირად მთელი ერის (და ერების) ბედ-იღბალს წყვეტდნენ? ქვემოთ დავინახავთ, რომ მედიუმები ხშირ შემთხვევებში უარყოფითი ძალის (სატანის) სათამაშო თოჯინებად გვევლინებიან, რაც გამორიცხებულია წმ.წინასწარმეტყველთა მხრივ. ამას გრძნობს ფილოსოფიური ინტუიციაც, როდესაც ისეთი ფილოსოფოსი, როგორც ოტტო ვაინინგერია, სპირიტუზმის მისამართით აცხადებს; «სპირიტუზმი და მატერიალიზმი ერთი და იგივეა, ისინი მხოლოდ განსხვავებულ ფაზებს წარმოადგენენ, რომლებშიაც თანმიმდევრულად იმყოფება ერთი და იგივე ადამიანი. სულიერი დაკარგავდა მთელ თავის ღირსებას, მას რომ მატერიალიზაცია მიეღო<sup>X</sup>. ერთი მართლმადიდებელი მწერლის სწორი განცხადებით «ქრისტიანობის სასწაულები - მხოლოდ და მხოლოდ სიკეთეა; სპირიტუზმის სასწაულები კი - ზებუნებრივი მოვლენებია, რომლებიც მხოლოდ გაოცებას იწ-

-----  
 Труды свв.отцов и учителей Церкви, СПб., 1890; А.Гарнак, История догматов, СПб., Вл.Соловьев, Ориген (собр.соч.Т.ІХ, СПб., 1900); Н.Мeyer, Abendländische Weltanschauung, II Bd. (Vom Urchristentum bis zu Augustin), Paderborn 1952; В. Hägglund, Geschichte der Theologie, Berlin 1983.  
<sup>X</sup> O.Weininger, Über die letzten Dinge, Wien 1930, s.89.

მეფენ<sup>X</sup>. ამასთან დაკავშირებით მახსენდება ერთი ლამაზი ძველი ინდური ლეგენდა «სიდჰასა და სპილოზე»<sup>XX</sup>, სადაც აწრთხილებენ ყველა «სულთა გამომწვევსა» და «მაგიური ძალების» შექმნის მსურველთ.

«იყო ერთი სიდჰა, რომელიც ძალზე ამაცობდა თავისი მაგიური ძალებით. იგი კარგი ადამიანი და ასკეტი იყო. ერთხელ მასთან მივიდა თვით უფალი წმინდანის სახით და უთხრა: «პატივცემულო ბატონო, მე გავიგე, რომ შენ გაგაჩნია საოცარი ძალები». სიდჰამ იგი კარგად მიიღო და მასთან მოსვენება შესთავაზა. ამ დროს იქვე სპილო მიდიოდა. წმინდანმა იკითხა: «ბატონო, შენ თუ მოისურვებ, შეგიძლია ამ სპილოს მოკვლა? «დიახ, შემიძლია» - უპასუხა სიდჰამ, აიღო მტვერი მიწიდან, წარსთქვა მასზე მანტრამი და შეაყარა იგი სპილოს. ცხოველმა დაიღრიალა, მიწაზე დაეცა და სული განუტევა. ამის მნახველმა წმინდანმა შეჰყვირა: «რა გასაოცარ ძალებსა აქვლობ! შენ წამში მოჰკალი ასეთი დიდი ცხოველი! მაშინ შენ უნდა გაგაჩნდეს იმისი ძალაც, რომ მას სიცოცხლე დაუბრუნო». სიდჰამ უპასუხა: «დიახ, ესეც შესაძლებელია». მან ხელახლა აიღო მტვერი ხელში, წაიმღერა მანტრამი და შეაყარა სპილოს. სპილოს სიცოცხლე დაუბრუნდა. ამის შემყურე წმინდანი კვლავ გაოცდა და ხელახლა შეჰყვირა სიდჰას: «საოცარია ძალნი შენნი! მაგრამ ნება მომეცი ერთი რამ შეგეკითხო. შენ მოჰკალი სპილო და დაუბრუნე მას სიცოცხლე, მაგრამ შენ ამით რა მოიგე? განიცადე შენ ღმერთი?»

X Н.Астафьев, О духе времени, СПб., 1900, стр.77.

XX «სიდჰა» ნიშნავს ადამიანს, რომელსაც გააჩნია აბსოლუტური მბრძანებლობა მაგიურ მოვლენებზე. თვით ლეგენდა აღებული მათგან: Провозвестие Рамакришны, СПб., 1914, стр.219.

აქვა თუ არა ეს, წმინდანი გაქრა».

როგორც ვხედავთ, ინდურ სიბრძნესაც შეგნებული აქვს ის, რომ ვინც მაგიური ძალების შეძენას ელტვის, მას უძნელდება ღვთის განცდა, ღმერთთან მიახლება. მაგიური ძალების მქონეს სიამაყე იპყრობს, რომელიც გარდუვალ ჯებირად აღიმართება ხოლმე ამის მისაღწევად.

შემდეგი დებულება სპირიტუიზმისა, რომელსაც მართლმადიდებლური მოძღვრება ვერაფრით ვერ გაიზიარებს, არის არღანდის ზემონახსენები აზრი, რომ ქრისტეს წამება მხოლოდ «გარეგნული» იყო, რადგანაც იგი არა მის მონადას, არამედ მხოლოდ მის ადამიანურ გარსს ეხებოდა და ამგვარად, მოჩვენებითი გახლდათ. ესაა აშკარა ერესი, მწვალებლობა, რომელსაც ავრცელებდნენ გნოსტიკოსები ჯერ კიდევ მე-2 საუკუნეში და რომელიც ცნობილია დოკეტუიზმი (ბერძ. «მოჩვენებითი») სახელწოდებით. ამ შეხედულების მიხედვით ქრისტემ «მოჩვენებითად» მიიღო ადამიანის გარეგნობა, მხოლოდ «მოჩვენებითად» ეწამა და თავისი აღდგომის შემდეგ დაუბრუნდა თავის უსხეულო, სულიერი არსის მდგომარეობას. დოკეტუიზმი გნოსტიკოსებთან სხვადასხვა ფორმებს ღებულობს, მაგრამ უმთავრესი მაინც ისაა, რომ ისინი ქრისტეს უყურებდნენ როგორც ერთ-ერთ უმაღლეს სულიერ არსებას, ოცდაათ ეონს შორის უმაღლესი ეონიდან აღმოცენებულს, რომელსაც ადამიანთათვის ხსნა მოაქვს მხოლოდ და მხოლოდ იმისი მემშვეობით, რომ იგი ხელშემწყობია შ ე მ ე ც ნ ე ბ ი ს ა (გნოზისი), რომელიც ადამიანს სჭირდება სინათლის სამეფოში ანუ სულიერ სამყაროში (პლერომაში) დასაბრუნებლად. ამგვარად, გნოსტიკოსების აზრით, ადამიანის ხსნისათვის ქრისტეს მიერ აღსრულებულ საქმეებს, მათ შორის თვით ქრისტეს წამებასა და სიკვდილს არავითარი მნიშვნელობა აღარ ენიჭება. ამიტომაც მათი

ქრისტოლოგია «დოკეტური» ხასიათის. ამიტომ მიაჩნიათ გნოსტიკოსებს (მაგ., კერინოს), რომ ერთ-ერთი უმაღლესი სული «ქრისტე» მიწიერ «იესოში» ჩასახლდა, რომელიც მან დასტოვა ჯვარზე წამების წინ.

გნოსტიკოსთა შეხედულება, რომ ზეციური სულიერი არსება ქრისტე მკაცრად განსხვავდება ადამიანი იესოსაგან, რომელშიაც მან მხოლოდ დროებით დაიდო ბინა, ენერგიულად იქნა უარყოფილი ჯერ კიდევ საეკლესიო მამათაგან. მე-2 საუკუნეში წმ. ირენეოსი აღნიშნავდა (და ასეთია მართლმადიდებლობის აზრიც ამ საკითხზე), რომ სწორედ იოანეს სახარება უარყოფს გნოსტიკოსებს, როდესაც იგი პირდაპირ აცხადებს: «სიტყვა იგი ხორციელ იქმნა» (I, 14); «ვინ მე არს მტყუარი იგი? ანუ არა, რომელმან უარ-ყოს, ვითარმედ იესო არა არს ქრისტე?» (I იოანე 2, 22); «ამით უწყოდით სული ღმრთისაჲ: ყოველმან სულმან აღიაროს იესო ქრისტე ხორციელად მოსრული, იგი ღმრთისაგან არს; და ყოველმან სულმან რომელმან არა აღიაროს იესო ქრისტე ხორციელად მოსრული, იგი არა ღმრთისაგან არს» (I იოანე 4, 2-3).

აქედან კი ის გამომდინარეობს, რომ მატერიალური ეწამა არა მოჩვენებითად, მოჩვენებითად კი არ დაითმინა წამება და სიკვდილი, როგორც ამას გნოსტიკოსები და სპირიტისტები ამტკიცებენ, არამედ ჭეშმარიტად, რითაც პირველი ცოდვა ადამისა გამოისყიდა ღვთის წინაშე.

შემდეგი პუნქტი, რითაც სპირიტოზმი მართლმადიდებლობას უპირისპირდება, ესაა ეშმაკის (სატანის, დემონების) არსებობის უარყოფა. მაგალითად, ზემონახსენებ არლანდს, მსგავსად სვედენბორგისა, მიაჩნია, რომ უხილავი სულიერი სამყარო შედგება მხოლოდ ბოროტ და კეთილ გარდაცვლილ ადამიანთა სულებისაგან. მაშასადამე,

ბოროტი სული, ამ მოსაზრებით, უნდა გარჩენილიყო, ყოველ შემთხვევაში, რამდენიმე ადამიანის გარდაცვალების შემდეგ. მაგრამ ჩვენ ვიცით, რომ ჩვენი რწმენის თანახმად მან უკვე აცდუნა პირველი წყვილი ადამიანებისა, ჩვენი წინაპრები(დაბადება 3,1-5). აგრეთვე იგია კაცისმკვლელი დასაბამიდან, რომელიც კაცის პირველი მკვლელობის (აბელისა კაინის მიერ) ინსპირატორი იყო. ამიტომ ბრძანებს მაცხოვარი: «თქვენ მამისა ეშმაკისანი ხართ და გულის თქუმათა მამისა თქუენისათა გნებავეს ყოფად; რამეთუ იგი კაცის-მკვლელი იყო და დასაბამითგან და ჭეშმარიტებასა არა დაადგრა, რამეთუ ჭეშმარიტებაა არა არს მის თანა» (იოანე 8,44). ასევე: «არა ვითარცა-იგი კაინ, რომელი-იგი უკეთურისაგან იყო და მოკლა ძმაა თჳსი» (I იოანე 3,12).

სპირიტისტების მხრიდან ეშმაკის არსებობის უარყოფა მით უფრო გასაკვირია (რბილად თუ ვიტყვი), რომ მათ სენსებლებზე «ამა ქვეყნის თავადს» არა ერთგვის გამოუმუშავებია თავი. ამასთან დაკავშირებით ისტორიკოსი ნ.ასტაფიევი გვაუწყებს შემდეგ შემთხვევებს.<sup>X</sup> მეცნიერმა სტურდზამ, რომელიც სპირიტიზმის ფენომენებს იკვლევდა, ერთ-ერთ სენსზე სულს შექთავაზა სამი კითხვა, დაწერილი ქაღალდზე, რომლებზედაც პასუხის გაცემა მან მოითხოვა «ქრისტეს სახელით». აი ეს კითხვები: 1) გწამს შენ იესო ქრისტე?, 2) გეშინია მისი? 3) გიყვარს იგი? - პასუხები შემდეგნაირები გახლდათ: პირველ კითხვაზე: «მწამს», მეორეზე - «<sup>XX</sup>მძრწი», და მესამეზე: «არ მიყვარს». - «ცინა ხარ შენ? - «სატანა», იყო პასუხი. ეს წერილი წაიკითხა დ.ვ. პ-მაც, რომელიც მაშინ კიდევ სპირიტიზმით იყო დაკავებული

X Н. Астафьев, О духе времени, СПб 1900, стр. 81-83.

XX შდრ. იაკობ 2,19: «შენ გრწამს, ვითარმედ ერთ არს ღმერთი, ერთილად იქმ, და ეშმაკთაცა, ჰრწამს და ძრწიან მისგან».



და მოისურვა თვით გაემეორებინა სტურჯზას ცდა. ერთ-ერთ უახლეს სიანსზე მან მედიუმის წინ მაგიდაზე დაღო დაგორგლილი ქალაღი იმაცე სამი კითხვით. მედიუმის ხელი რაღაცა ძალამ დაღრიცა - იგი თითქოს ცდილობდა სამდურაცი ქალაღის გადაგდებას. «მაგრად გეჭიროთ ხელი!» - წამოიძახა პ-მ. მაშინ სულმა დაიწყო ჩივილების გამოთქმა ქალაღზე, რომელიც მედიუმის წინ იღო: «რა სასტიკი ხარ! რატომ მაწვალებ? მოაშორე ქალაღი». როდესაც ქალაღი მოაშოძეს, სულმა თავისი კმაყოფილების გამოხატვა დაიწყო: «რა თავისუფლადა ვარ, რა კარგია!» შემდეგ ქალაღი ისეც ლადეს და ისეც განახლდა ძველი ჩივილებიც. პ-მ ეხლა პასუხი მოითხოვა თავის კითხვებზე. პასუხი იგივე იყო, როგორც სტურჯზასთან: «მწამს», «გძრწი», «არ მიყვარს». ეკითხებიან: «ვინა ხარ შენ?» პასუხი: «სატანა». შემდეგ დაუმატა: «მე თქვენთან ყოველთვის ახლოს ვარ, მე ვისურვებდი თქვენზე გამარჯვებას, მაგრამ არის ვინმე, რომელიც თქვენ გიცავთ»<sup>X</sup>.

«მეორე დღეს პ-მ, - აგრძელებს ნ. ასტაფიევი, - რომელიც მანამდე თავის კაბინეტში ატარებდა სპირიტისტულ სიანსებს, გადაწყვიტა ხელი აეღო სპირიტიზმზე; მოიწვია თავის სახლში მღვდელი; გადახდილ იქნა პარაკლისი წყალკურთხევით; ოთახებს, მათ შორის კაბინეტს, მოასხურეს ნაკურთხი წყალი. რამდენიმე საათის შემდეგ, როდესაც პ. თავის კაბინეტში შევიდა, მან დაინახა მრგვალი მაგიდა (რომელზედაც ჩვეულებისამებრ ატარებდნენ სპირიტისტულ სიანსებს) სულ დაგრეხილი, დაჭიმუწნული, დამახინჯებული (შეიძლება ვიგულისხ-

X შდრ. I პეტრე 5, 8: « განიფრთხვეთ, მღვრიძარე იყვენით, რამეთუ წინა - მოსაჯული თქუენი ეშმაკი ვითარცა ლომი მყვირალი მიმოვალს და ეძიებს, ვინმცა შთანთქა».





მით, რომ ამ მაგიდასაც დაეცა რამდენიმე წვეთი ნაკურთხი წყლისა)». იგივე ნ. ასტაფიევი მოგვითხრობს სხვა შემთხვევაზე, რომელიც ასევე მის ნაცნობს გადახდა თავს. მანდილოსანი, რომელიც პარიზში ცხოვრობდა, «სამი თვის მანძილზე ყოველ საღამოს, ჩვეულებრივი ხერხით ურთიერთობას ამყარებდა სულთან, რომელიც თავს ასალებდა მისი ერთი გარდაცვლილი ნაცნობის სულად. როდესაც ამ მანდილოსანმა იგრძნო, რომ ამისაგან მას ნერვები სულ უფრო და უფრო მოეშალა, მან რჩევისათვის მიმართა რუსული ეკლესიის მამონდელ წინამძღვარს პარიზში მ. ვასილიევს. მ. ვასილიევმა ამ ქალბატონს ურჩია, რომ ქრისტეს სახელით შეკითხვოდა თავის იდუმალ მოსაუბრეს, თუ ვინ იყო იგი. ორი-სამი საღამოს განმავლობაში მან ვერ გადაწყვიტა შეკითხვოდა სულს ამის შესახებ, მითუმეტეს, რომ ეს უკანასკნელი ჩიოდა, ჩვენი საუბრები, ალბათ, მალე დამთავრდებაო. საბოლოოდ, მანდილოსანმა გადაწყვიტა და შეეკითხა სულს ისე, როგორც ეს მას ურჩია მ. ვასილიევმა. სულმა პასუხად დაწერა, რომ იგი ბოროტი სულია და დაასახელა თავისი სახელი».

როდესაც სულთა გამოცხადებებზე ვლაპარაკობთ, იქნება ეს სპირიტისტულ სეანსებზე თუ ისეთ ვითარებებში, როგორც ეს ზემოთხსენებულ წერილებშია აღწერილი, მათი სიაყარგე კიდევ იმითი დგინდება, რომ ნათლად უნდა განვსაზღვროთ, თუ რა მიზანს ემსახურებიან ისინი ან რა შედეგები ახლავს თან მათ გამოცხადებას. ამასთან დაკავშირებით მარად უნდა გვახსოვდეს მაცხოვრის სიტყვები: «რამე თუ ნაყოფისაგან ხე იგი საცნაურ არს» (მათე 12, 33)<sup>X</sup>.

X ესაა ბოროტის შეცნობის უტყუარი ხერხი, რომელიც ყველას შეუძლია გამოიყენოს. თუმცა არ არის გამორიცხული, რომ სატანამ სხვა მხრივაც ვასცეს თავისი თავი. ბონვესინის (1240-1315) ერთ ლექსში აღწერილია შემთხვევა, თუ როგორ გამოავლენს ერთი ღვთისმოსავი ეპისკოპოსი სატანას რაინდის სახლში, რომელთანაც იგი სტუმრობს. დასაძინებლად ვასელის წინ იგი ეკითხება მსახურს,



მაგალითად, ხელი, რომელიც კედლიდან გამოდის და ცოფებში ჩაძინებულ  
 რულ მეფე ბალთაზარს მის აღსასრულს ამცნობს (დანიელის წინასწარ-  
 მეტყველება), ესაა განგების მიერ მოვლენილი სასწაული; ხოლო ის  
 ხელი, რომელიც სპირიტისტულ სეანსზე მატერიალიზაციას განიცდის  
 და შემდეგ პროფ.ციონერს ჩქმეტისაგან დააყვირებს - ესაა ბორო-  
 ტის «ხუმრობა», მეფისტოფელის ოინები. ასევე სულ სხვაა, როდესაც  
 მონასტერში მყოფ მონაზონს ესმის გარდაცვლილი მონაზვნის ხმა,  
 რომელიც მხოლოდ ღვთის სადიდებლად მეტყველებს და სულ სხვაა, რო-  
 დესაც ასეთი ხმები ან ჩვენებები მათ მსმენელს ან მნახველს მხო-  
 ლოდ შიშის ზარსა სცემს ან რაიმე უხამსობას მიანიშნებს. სპირი-  
 ტისტულ სეანსზე მყოფთ ხშირად უცვირთ ხოლმე, თუ იქ მოვლენილი  
 სული მათ აზრებს გამოიცნობს, ან ისეთ რაიმეს ამცნობს მათ, რაც  
 მხოლოდ სეანსზე მყოფმა და მისმა გარდაცვლილმა ნათესავმა იცოდა.  
 მაგრამ ეს სრულიადაც არ ნიშნავს იმას, რომ სეანსზე გამოცხადე-  
 ბული სული აუცილებლად გარდაცვლილი ნათესავია იქ მყოფისა. უნდა  
 გიცოდეთ და გვახსოვდეს, რომ ამდაგვარები სატანასაც ძალუძს,  
 «ტყუილის თავადს». ასევე არ უჭირს მას ზოგიერთი მოსწრებული თუ  
 ლამაზი ფრაზის დაწერა. ავიღოთ, მაგალითად, არლანდის მიერ გა-  
 მოქვეყნებული რამდენიმე ჩანაწერი იმ სულთა («მონადების») უწყე-  
 ბებისა, რომლებსაც იგი «დიდ სულთა» უწყებებს უწოდებს და ამით  
 მათ, როგორც ჩანს, მიიჩნევს სიბრძნისა და სილამაზის ეტალონად.  
 (ამავე ღროს თვითონ არლანდიც აღიარებს, რომ «მონადების» უწყე-  
 ბები ხშირად შეგნებულ ტყუილსაც შეიცავენ. ჩვენი აზრით, ზოგიერთ  
 ასეთ უწყებას შეიძლება მართლაც ეწოდოს ლამაზი ან მახვილგონივ-  
 რული; მაგრამ უმეტეს შემთხვევებში მათი სახით ჩვენს წინაა ტრი-

რომელიც მთვარეს გაჰყურებს, თუ რომელ ჟაზაში იმყოფება მთვარე.  
 მსახური გაუფრთხილებლად პასუხობს: «ისეთში, როგორადაც იგი იყო  
 სამყაროს შექმნის დღეს»- «საიდან იცი შენ ეს? - ეკითხება ეპის-



ვიალური «სიბრძნე» ან საეჭვო ხასიათის «სიღამაზე». ასევე ძალზე საეჭვოა, რომ უმაღლესი ანგელოზი სერაფიმი, როგორც არღანდი გვარწმუნებს ამასში, სპინოზასავით ასკვნის: «ბუნება არის ღმერთი» (*deus sive natura*). სპირიტისტების მიერ ეშმაკის არარსებობის მტკიცებებს უარყოფს არა მხოლოდ ეკლესია და თეოლოგია, არამედ უშუალოდ სტატისტიკური მონაცემებიც. ამ სიტყვების ავტორი პირადად იცნობდა ერთ სათნოებით აღსავსე მორწმუნეს, რომელიც უმაღ ამჩნევდა უკეთური ძალის გამოჩენას.

მოვიყვანთ მაგალითს სულიერი სამყაროს ხილვისას (ამჯერად ანგელოზის ხილვისას) წერილების ზემოხსენებული სერიიდან. ერთი მანდილოსანი იწერება: «მშვენიერი დამე იყო, ვარსკვლავებით მოჭვდილი ცა, როდესაც მე ფანჯრიდან გავიხედე, სოფლის ბოლომდე ყველაფერი კარგად მოჩანდა. უეტრად, ჩვენი მეზობლების სახლთან, დავინახე დიდი ანგელოზი. იგი თითქმის იმ პატარა სახლის სიმაღლისა იყო. დილას გავიგეთ, რომ იმ სახლში ბავშვი დაბადებულა, მაგრამ დამის სამ საათზე გარდაცვლილა. ამ ბავშვის დედა ჯერ ძალზე იყო დანადგლიანებული. როდესაც შემდეგ მას მოუყვებოდა, რომ ის და მისი ბავშვი იმ დამეს ანგელოზის მფარველობის ქვეშ იმყოფებოდნენ, იგი დამშვიდდა».

ეხლა ორიოდ სიტყვა ე.წ. «ქრისტიანულ სპირიტუალიზმზე». თავი რომ დავანებოთ ჰელმუტ ფონ გლაზენაპის მიერ ზემოხსენებული ბუფფონადის აღწერას, რომელსაც ჩადიან ე.წ. «ევანგელურ-იოანესულ» სექტაში და რომელიც აშკარად მეფისტოფელური ოინბაზობის კვალს ატარებს, თვით პრინციპი ქრისტიანული წირვის დროს მღვდლის ტრანსში ამეტყველებისა - მკრეხელობაა ჭეშმარიტი ქრისტიანობის გაგე-

კომოსი. «იქიდან», - პასუხობს მსახური - «რომ მე მაშინ იქ ვიყავი». აქ უკვე ეპისკოპოსი აშკარად ხვდება, თუ ვისთანა აქვს მას საქმე.



ბით. წმ.მართლმადიდებლურ რწმენას მიაჩნია, რომ ეკლესია იმყოფება სული წმიდას განუწყვეტელი ზეგავლენის ქვეშ და ამიტომ მას არ სჭირდება მღვდლის დაჰიპნოზება და შემდეგ მისი ტრანსში ლულული.

დასასრულ აღვნიშნავთ იმ გარემოებას, რომ არის შემთხვევები, როდესაც პროფანები აწარმოებენ სულთა გამოწვევებს, რომ მათ, სპირიტული სეანსის შემდეგ, აედევნებათ ხოლმე ე.წ. «მეანჯველი სული», რომელსაც ხშირად ახლავს შედეგად შეპყრობილობა, სიგიჟე, თვითმკვლელობა და სხვა. ჩვენს ათეისტურ საზოგადოებაში ამ დროს ბეჭდება არ უწყის ეგზორციზმის (დემონთა განდევნა ადამიანიდან) პრაქტიკის შესახებ, რასაც ხშირად მიმართავს ხოლმე ჩვენი დედა ეკლესია, «რამეთუ არა არს ბრძოლა ჩუენი სისხლთა მიმართ და ხორცთა, არამედ მთავრობათა მიმართ და ხელმწიფებათა, სოფლის მპყრობელთა მიმართ ბნელისა ამის საწუთრომსათა, სულთა მიმართ უკეთურებისათა, რომელნი არიან ცასა ქუეშე» (ეფესელთა მიმართ, 6, 12).

შეიძლება სპირიტულმა სეანსმა, ნ.ასტაფიევისა არ იყოს, ზოგიერთ მატერიალისტს მართლაც უბიძგოს ქრისტიანობისაკენ (როდესაც იგი დარწმუნდება სულთა გამოცხადების რეალობაში); მაგრამ ასეთ სეანსებზე მოწმუნე ქრისტიანის დასწრება ყოვლად დაუშვებელია, რადგანაც, როგორც ეს ზემოთ აღვნიშნეთ, ამას თვით წმ.წერილი კრძალავს (იხ. ლევიტელთა 19, 31; 20, 7; წიგნი მეორე სჯულისა 18, 11; II მეფეთა 21, 6; 23, 24; I ნეშტთა, 10; II ნეშტთა 33, 6; ესაია 19, 3; 29, 4; 65, 4).

X            X  
X

ეხლა ირიოდე სიტყვა ზემომოყვანილ წერილებზე. პირველ ყოვლი-

სა თვალში საცემია ის გარემოება, რომ წერილების ავტორთა უმეტესობას გარდაცვლილთა სულები ევლინება მაშინ, როდესაც საუბარია ახლად გარდაცვლილებზე. ამ გარემოებას მთლიანად ითვალისწინებს წმ. მართლმადიდებლური რწმენა: „სულს გარდაცვალების შემდეგ ორი დღის განმავლობაში ეძლევა საშუალება თავის მფარველ ანგელოზთან ერთად იაროს დედამიწაზე სადაც მას სურს. მაგრამ სული, როგორც დროებითი ტყვე თავისი სხეულისა ტრიალებს ისევე თავისი სხეულის ირგვლივ, როგორცაა სახლი, სადაც განემორა სხეულს, კუბოსთან, რომელშიაც ჩასვენებულია მისი სხეული და ამ ორ დღეს სული ფრინველს წააგავს, რომელიც თავის ბუდეს დაეძებს. მესამე დღეს, მსგავსად მკვდრებით აღდგომილი ქრისტესი, სული ყოველი ქრისტიანისა აღიყვანება ზეცად, რათა თაყვანი სცეს ყოვლისშემძლე ღმერთს, რის შემდეგ სულს ექვსი დღის განმავლობაში ეძლევა საშუალება იხილოს ყოველივე ნეტარება სამოთხისა, სადაც განისვენებენ წმინდანნი.

სამოთხის მხილველ სულს ავიწყდება მწუხარება, რომელიც განიცადა სხეულთან განშორებისას, მაგრამ თუ სული გრძნობს თავის თავს ცოფვილად, წმინდანების ნეტარი ცხოვრების ხილვით იწყებს სინანულს იმის გამო, რომ ცუდუბრალოდ გაატარა თავისი ცხოვრების წლები და ჭეშმარიტად არ ემსახურა ღმერთს. მეთე დღეს გარდაცვალებულის სული ხელმეორედ აღიყვანება ზეცად, რათა თაყვანი სცეს ღმერთს, ყოვლისგამჩენის ბრძანებით სული ეშვება ჯოჯოხეთში, რათა იხილოს ყოველი ადგილი ცოდვილთა სატანჯველისა. სული ეცნობა ჯოჯოხეთის ვაებასა და ტანჯვა-წამებას, ოცდაათი დღის განმავლობაში თრთის, რათა იგიც არ იყოს განკუთვნილი ამ სატანჯველისათვის. მეორმოცე დღეს სული კვლავ აღემართება ღმერთთან და მაშინ მსაჯული უწესებს მას განკუთვნილ ადგილს.

ყოველი ზემოთ ნათქვამი გასაგებს ხდის იმას, რომ წმინდა ეკ-

ლესია ორმოცი დღის განმავლობაში იხსენიებს მიცვალებულთ, რასაც ეწოდება ორმოცდღიანი ღოცვა».<sup>X</sup>

შემდეგი გარემოება, რომელიც ამ წერილების კითხვისას აშკარად შეიმჩნევა, ესაა მათი მსგავსება ზოგიერთი ზღაპრის სიუჟეტთან. აქედან იმ დასკვნის გაკეთება შეიძლება მხოლოდ, რომ ზღაპრსაც ხშირად ჭეშმარიტი განცდა უდევს საფუძვლად.

როდესაც წერილები გვამცნობენ «სინათლის სულებზე», «თეთრ სულებზე» და სხვა ფენომენებზე, აქ ზოგადად ვიტყვით მხოლოდ, რომ ყოველივე ეს უკავშირდება ადამიანის იმ აგებულებასა და იმ წარმოდგენებს, რასაც უხსოვარი დროიდან გვთავაზობენ რელიგიები (დაწყებული ძველევგვიპტური და ტიბეტური «მკვდართა წიგნიდან» და გათავებული ქრისტიანული მოძღვრებით). აქაც, ამ სულთა ჭეშმარიტებისა და სიავკარგის დადგენის ეტალონად უნდა იყოს მათი «ნაყოფთაგან» შეცნობა: თუ ისინი ავის მომტანნი არიან და შიშის მომგვრენი - აქ ბოროტების გამოვლინებასთან გვაქვს საქმე. ხშირად სულთა გამოვლინების შესახარი ფორმა (უთავო, უფეხო და ა.შ.) შეიძლება განხილულ იქნას ამ სულთა ერთგვარ კანონზომიერ დასჯად, რომელსაც ისინი საამქვეყნო ცოდვების გამო ღებულობენ (მსგავსად ოსკარ უაილდის «დორიან გრეისა», სადაც ადამიანი ამქვეყნიური ცოდვებით თავის «შინაგან ხატებას» აზიანებს, რომელიც შესაზარ ფორმებს ღებულობს ცოდვების უ რ ო პ ო რ ც ი უ ლ ა დ ). ასეთ სულთა სპონტანური გამოცხადებების საფუძველი ხშირად მსგავსია ღედი მაკბეტის დამეული ხეჭიალისა - როგორც მას, ისე ამდაგვარ სულებს არ ასვენებთ მათი «ავადმყოფი სინდისი». აქვე უნდა აღვნიშნოთ, რომ «ღამაზი» სახითა და სხივმტენი ფიგურით გამოცხადე-

X «საქართველოს ეკლესიის კალენდარი» 1979, გვ.181-182.



ბა ეშმაკეულსაც ძაღუძს - ამიტომ მათი შეცნობა კვლავ «ნაყოფთა  
 გათთაგან» შეიძლება. ხშირად ახლობელი გარდაცვალებულის სახით  
 (ან «საიქიოს გამცილებლად») შეიძლება კეთილი ანგელოზი წარმო-  
 გვიდგეს, რომლის შედეგი ასევე-სიკეთე იქნება.

X            X  
 X

ეხლა მკითხველს გვსურს წარმოვუდგინოთ წმ.მართლმადიდებლური  
 რწმენის შეხედულება ადამიანის საიქიო ცხოვრებაზე<sup>X</sup>. მართლმადი-  
 დებლური ეკლესიის მოძღვრების მიხედვით «სიკვდილი წარმოადგენს  
 სულის დაშორებას სხეულისაგან», რის მერცე სული აგრძელებს სი-  
 ცოცხლეს, ხოლო სხეული იშლება და იხრწნება. ამქვეყნად ადამიანის  
 ბოლო სიკვდილია და ბიბლიის თანახმად - «მიიქცეს მიწა ქუეყანასა  
 შინა ვითარცა იყო და სული მიიქცეს ღუთისა მიმართ, რომელმან  
 მისცა იგი» (ეკლესიასტე, 12,7). უფრო ზუსტი გაგებით, სხეული-  
 საგან სულის დაშორება სიკვდილს არ წარმოადგენს - ეს მხოლოდ  
 სიკვდილის შედეგია. ნამდვილ სიკვდილად მართლმადიდებლური რწმე-  
 ნა მიიჩნევს სულის დაშორებას ღვთისაგან. ასე, რომ ამქვეყნიურ  
 სიცოცხლეშივე ღვთისაგან დაშორებული ადამიანი მკვდრად შეიძლე-  
 ბა ჩაითვალოს. ამას გულისხმობს მაცხოვრის სიტყვები მოწაფისად-  
 მი: «აბადენ მკუდარნი დაფლვად; თვისთა მკუდართა» (ლუკა 9, 60).  
 ასევე: «ჩუენ უწყით, რამეთუ მივიცვალენით სიკუდილისაგან ცხო-  
 რებად, რამეთუ გვიყუარან ძმანი. რომელსა არა უყუარდეს ძმაჲ,  
 სიკუდილსა შინა დადგრომილ არს» (I იოანე 3, 14).

<sup>X</sup> შდრ. «სადღვისმეტყველო კრებული» №4. თბ., 1984, -ვ.რცხილაძე,  
 ღმერთი, ადამიანი და ს უ ლ ი ე რ ი სამყარო წმ.მართლმადი-  
 დებლური რწმენის მოძღვრების მიხედვით.



მაშასადამე, მართლმადიდებლური რწმენით სიკვდილის მერე მკვდრად შეიძლება ჩაითვალოს მომსახურე ნაწილი ადამიანისა - მისი სხეული. რაც შეეხება სულს - იგი ცოცხალია და აგრძელებს სიცოცხლეს იმ ქვეყნად. ამას ადასტურებს თვით იესო ქრისტე, როდესაც ამბობს, რომ იგი არ არის ღმერთი მკვდართა, არამედ - ცოცხალთა. ძველი აღთქმიდანვე ღმერთი თვით უცხადებს ადამიანებს, რომ იგი არის «ღმერთი აბრაამისა, ისააკისა და იაკობისა», ხოლო ასეთი განცხადება უაზრობა იქნებოდა, თუ იგი იგულისხმებდა აბრაამის, ისააკისა და იაკობის მხოლოდ ფერულსა და ნეშტს. «არა არს ღმერთი მკვდართაჲ, არამედ ღმერთი ცხოველთაჲ. ხოლო თქუენ ფრიად სცდებით» (მარკოზ 12, 27). იმქვეყნიური სიცოცხლე წარმოადგენს ამქვეყნიურის გაგრძელებას, მაგრამ ახალ პირობებში. იმქვეყნიური ცხოვრება არის შემდგომი განვრძობა ადამიანის ზნეობრივი განვითარებისა, რომელიც ამქვეყნად იწყება. თუ უკვე ამქვეყნად დაშორდა ადამიანი ღმერთს, იგი იმქვეყნად ამის გამო მარადიულ ჯოჯოხეთურ სატანჯველს განიცდის, ხოლო გაწმენდილი სული, პირიქით - მარადიულ სამოთხისეულ ნეტარებას. ამგვარად, სული უკვდავია, იგი ინარჩუნებს თავის ცნობიერებასა და პიროვნულობას. რაც შეეხება მარადისობას, ეს დროის სიგრძეა, რომელსაც არ გააჩნია არც დასაბამი და არც დასასრული, მას არა აქვს არც წარსული და არც მომავალი, არამედ, იგია მარტოოდენ აწმყო უცვლელი ახლანდელი დრო.

იესო ქრისტეს სიკვდილმა სიკვდილს დააკარგვინა ძველი ძალა: მან ადამიანებს გარდაცვალების შემდეგ მოუპოვა მარადიული ნეტარი სიცოცხლე - ღმერთთან შერიგების გზით. მაგრამ სიკვდილი მაინც საშინელია, რადგან იგი დასჯაა. ამიტომ თვით მაცხოვარი ასე ეგვიძრებოდა მამა ღმერთს: «მამაო ჩემო, უკეთუ შესაძლებელ არს, თანაწარმხედინ ჩემგან სასუმელი ესე; ხოლო არა ვითარ მე მნებავს,

არამედ ვითარცა შენ» (მათე 26, 39).

როდესაც სული შორდება სხეულს, ამ დროს მომაცდევთან ყოველთვის მოგროვდებიან ერთი მხრივ კეთილი ანგელოზები, მეორე მხრივ - დემონები. იმისდა მიხედვით, თუ რამდენადაა სული გაწმენდილი ცოდვათაგან, ან კეთილი ანგელოზები წარიტაცებენ მას ზე სფეროთაკენ, ან ბოროტი ანგელოზები დაეუფლებიან მას. სიკვდილის უამს სული გებულობს ახლობელთა მოთქმასა და ქვითინს, მაგრამ თვით მას რაი-ყეს გამობატვა არ ძალუძს. იგი იმავე დროს შეძრულია ბოროტი სულების ხილვით და უკრ არ უწყის, თუ როგორ გადაწყდა მისი საიქიო სამსჯავრო. თუკი სული ამქვეყნად ყოველნაირად მიდრეკილი იყო ქვენა გრძნობებისაკენ და მათით ხელმძღვანელობდა თავის მიწიერ ცხოვრებაში, იგი, გარდაცვალების შემდეგაც, ამავე გრძნობათა მონა ხდება და ამგვარად, საკუთარი სინდისი თვითვე ხდება მსაჯული სულისა, სანამ საშინელ სამსჯავროში თვით მაცხოვარი იტყოდეს მასზე საბოლოო სიტყვას. ამასთანავე, საიქიოს სული გამგვირვალე ხდება ზნეობრივ პლანში სხვა სულთათვის და ყოველი ცოდვა (ან ამქვეყნიური დამალული აზრი) მასზე ნათლად მოჩანს. ამგვარად, ხდება ერთგვარი სირცხვილისეული წვა სულისა სხვა სულთა წინაშე. ამიტომ, უკვე ამქვეყნად, სიკვდილზე ფიქრი და მისდამი მზადება ცოდვათა გაწმენდილობის უდიდესი სიბრძნეა. «ყოველთა შინა სიტყვათა შენტა მოიხსენებდი უკანასკნელსა შენსა და უკუნისამდე არა სცოლო» (წიგნი ისო ზირაქისა, 7, 39). ღმერთს სიკვდილი არ შეუქმნია (წიგნი სიბრძნისა სოლომონისა I, 13), აღამიანმა თვით განუშხადა თავის თავს იგი და ამიტომ ვალდებულია თავისი ამქვეყნიური ცხოვრებით მისი კვალი წაშალოს. სხეულის სიკვდილი, როგორც ვთქვით, არ წარმოაგდენს ყოფიერების არც მოსპობას და არც დროებით შეწყვეტას. სულმა გამოიცვალა (გ ა რ დ ა ი ც ე ა ლ ა) მხოლოდ თავისი მდგომარეობა და ადგილსამყოფელი, მან შეინაოხუნა თავისი თვისებები და ცნობიერე-

ბა. განსხვავება აქ ისაა, რომ გარდაცვალების მერე სული კარგავს თავის თვითნებურ და დამოუკიდებელ არსობას. იგი იქ იმკის იმას, რაც დათესა სააქაო ცხოვრებაში. «ნუ სცთებით, ღმერთი არა შეუ-რაცხ იქმნების. რამეთუ რაიცა—იგი სთესოს კაცმან, იგიცა მოიმკოს. რამეთუ რომელმან სთესოს ხორცთა შინა თვისთა, ხორცთა მიერ თვის-თა მოიმკოს ხრწნილებამ; ხოლო რომელმან სთესოს სულსა თვისსა, სუ-ლისაგან თვისისა მოიმკოს ცხოვრებამა საუკუნოთა» (გალატელთა მიმართ, 6,7-8).

სული, როდესაც მოშორდება სხეულს, დასახლება იმ არსებათა სამეუფოში, რომელნიც მისი მსგავსნი არიან. ასე რომ ამქვეყნიურ ცხოვრებაში თუ სული იძენდა კეთილ თვისებებს, იგი კეთილ არსება-თა სამეუფოში დასახლება, ხოლო თუ მასში ბოროტი თვისებები სჭარ-ბობს — ბოროტ არსებათა სამეუფოში. ამქვეყნიურ ცხოვრებაში სულს ძალუძდა საკუთარ ქმედებათა ხასიათის შეცვლა: ბოროტისა — კეთილ-ზე და პირიქით. გარდაცვალების შემდგომ სულს აღარ ექნება ამის შესაძლებლობა: იქ მოხდება მხოლოდ განვითარება და გაღვივება იმ თვისებებისა, რომელნიც სულმა შეიძინა ამქვეყნიად. კეთილი თვისე-ბები თავის მაქსიმუმს მიაღწევენ, ხოლო ბოროტი — სულ უფრო და უფ-რო გაღვივდება და გაფართოვდება და მონანიებაც აღარ იქნება, რო-მელიც ამქვეყნიად სულს ათავისუფლებს ცოდვითაგან.

როგორც ვთქვით, გარდაცვალების მერე სულს ეცხადება კეთილ და ბოროტ არსებათა გუნდები. კეთილი ანგელოზები სულის ხსნას ცდილო-ბენ და მის ამადლებას თავიანთ სამეუფოში. მაგრამ ამ სულში თუ სჭარბობენ ბოროტი თვისებანი, მაშინ ეს უკანასკნელნი დამაბრკო-ლებელ ჯებირებად აღიმართებიან და ამდაგვარი სულის სამოთხისაკენ ზედღსვლას აბრკოლებენ. თითოეული ცოდვა სულისა თავის მტანჯველს პოულობს ბოროტი ღემონის სახით. სულის ეს ტანჯვანი სხვა არაფე-

რია, თუ არა კერძო სამსჯავრო სულზე, მეორედ მოსვლის უდიდესი სამსჯავროს წინ. როდესაც საბოლოოდ დადგინდება, რომ სადავგარ-  
დაცვალებულის სულში სიბოროტე სჭარბობს, მაშინ ასეთ სულს მოეს-  
მის საშინელი ხმა: «მოისპენ უღმრთო, რათა არა იხილონ დიდება  
უფლისა» (წინასწამეტყველება ესაიასი 26,10).

ამქვეყნად ყოფნისას ადამიანის სული განიცდის როგორც კეთილ  
(მფარველი ანგელოზის), ასევე ბოროტ სულთა ზემოქმედებას. ამ  
უკანასკნელთ ადამიანის სულზე არავითარი ძალა არ გააჩნიათ, გარ-  
და იმისა, რომ მათ შეუძლიათ შთააგონონ მას ბოროტი აზრები. მაგ-  
რამ აქ ადამიანის თავისუფალ ნებაზე და მოკიდებული, აძყვება იგი  
მათ თუ არა. მთელი ძალა ბოროტ სულთა ადამიანზე ზემოქმედებისა  
იმაში მდგომარეობს, რომ ისინი პოულობენ ადამიანის სულში მსგავს  
იდებებსა და აზრებს და ყოველნაირად აღვივებენ მათ და ხარობენ  
ადამიანის დაცემით. თვით ბოროტ სულთა ქმედება ეწინააღმდეგება  
ღვთის ნებას. მათი ქმედება აღსავსეა ღვთისა და ყოველი ადამიან-  
ისაღმი სიძულვილითა და ღვარძლით. მათი უდიდესი სურვილია, რომ  
დაცემული ადამიანი თავიანთ განწირულ ბედს აზიარონ; მაგრამ, რო-  
გორც ვთქვით, ისინი ამას ახერხებენ მხოლოდ მაშინ, თუ თვით  
ადამიანი ისურვებს და განეწყობა ცოდვის მისაღებად. ამიტომ,  
«ნუვინ განცდილთაგანი იტყვიან, ვითარმედ ღმრთისა მიერ განვიცა-  
დები, რამეთუ ღმერთი გამოუცდელ არს ბოროტისა და არავის განსც-  
დის იგი. არამედ კაცად-კაცადი განიცდების თვისისაგან გულის  
თქუმისა, მიიზიდვის და სცთების» (იაკობ, 1,13-14). ბოროტ აღა-  
მიანს ბოროტი სულები დასტრიალებს თავს - «სადაცა ხორცი, მუნცა  
ორბები შეკრბეს» (ლუკა 17,37).

რაც შეეხება თვით ბოროტ სულთა ბუნებას, ისინი მოციქულის თქ-  
მით, «უხორცონი» არიან (ეფესელთა მიმართ, 6,12), მაგრამ გააჩ-  
ნიათ ყველა ის გრძნობა, რაც ადამიანს აქვს (ხოლო თვით ადამიან-



ში ეს გრძნობები ბუფობენ მის სულში და არა სხეულში. ამიტომაც, რომ სიკვდილის მერე ადამიანის სულს თან გადააქვს ეს გრძნობანი საიქიოს). ბოროტ სულთა ადგილსამყოფელი, ჩვეულებისამებრ, ჰაერია - «მთავრისა მისებრ ხელმწიფებისა ჰაერისა» (ეფესელთა მიმართ 2,2). ბოროტ სულთა ძალა ღვთის მიერ რომ არ იზღუდებოდეს, იგი ყველაფერს წალეკავდა. მაგრამ, ამავ დროს, ღვთის ნებადართვის გარეშე ისინი არათუ ადამიანს, არამედ ცხოველსაც ვერას აგნებენ. ამას ამტკიცებს მათი ვედრება იესო ქრისტესადმი, როდესაც ისინი ითხოვნენ შეპყრობილთაგან ღორის ჯოგში გადასვლას და რაც მათ მხოლოდ ღვთის ნებადართვის შემდეგ შესძლეს (მათე 6,31-32). ასევე, ბოროტ სულთა ბედი ჯერ საბოლოოდ არაა გადაწყვეტილი, ისინი ჯერ კიდევ ელოდებიან თავიანთ სამსჯავროს. ამას მოწმობს რიგი ადგილები სახარებიდან. ასე შეჰყვირეს ეშმაკებმა იესო ქრისტეს: «მოხუდ აქა უწინ არ ეს უამისა ტანჯვად ჩუენდა» (მათე 8,29). სხვა ადგილას ნათქვამია, რომ ეშმაკთა ლეგიონი «ვედრებოდეს მას, რათა არა უბრძანოს მათ უფსკრულთა შთასვლად» (ლუკა 8,31).

ღმერთზე ყოველი გაღიქრებისას ეშმაკნი შიშისაგან ძრწიან მომავალი სასჯელის გამო (იაკობ 2,19). მეორე მხრივ, ღვთის უსასრულო სიკეთე გულისხმობს იმას, რომ ღმერთი ამ ბოროტ სულებსაც აძლევს გამოსწორების შესაძლებლობას. მაგრამ მათში იმდენადაა გამჯდარი ეს მარად ჯიუტი ბოროტება, რომ ისინი არ ისურვებენ გამოსწორებას და არ მოინანიებენ.

იესო ქრისტეს ჯვარცმამდე და მისი მკვდრეთით აღდგომამდე ყოველი ადამიანის სული, ადამის შეცოდების გამო, გარდაცვალების შემდეგ ჯოჯობეთში ისადგურებდა. ეს ეხებოდა როგორც ცოდვილ, ასევე მართალ ადამიანთა სულებს. «დაიპო იაკობ სამოსელი



თესი და შეიმოსა ძაძა წელთა მისთა და ეგლოვდა ძესა თვისსა დღე-  
თა მრავალთა. შეკრბეს ყოველნი ძენი მისნი და ასულნი და მოვიდეს  
ნუგეშინისცემად მისა. და არა უნდა ნუგეშინისცემისა და თქუა,  
ვითარმედ: შთავიდე ძისა ჩემისა თანა გლოვით ჯოჯოხეთად» (დაბა-  
ღება, 37, 34-35). მაგრამ მაცხოვარმა იესო ქრისტემ შეაჩივრა ღმე-  
რთი ადამიანებთან, ზეცა - მიწასთან და თავისი სიკვდილის შემდეგ  
შთავიდა ჯოჯოხეთში და იხსნა იქიდან ძველი აღთქმის წმინდანები.  
ზეცად ამადლების მერე კი მაცხოვარმა ყველა ადამიანს მისცა შე-  
საძლებლობა ზეციურ სასუფეველში დამკვიდრებისა. «მე წარვიდე -  
თქვა მან - განგიზადო თქუენ ადგილი. და უკუეთუ წარვიდე და  
განგიზადო თქუენ ადგილი, კუალად მოვიდე და წარგიყვანე თქუენ  
თავისა ჩემისა თანა, რაჟთა, სადაცა მე ვიყო, მუნცა თქუენ იყვ-  
ნეთ. და ვიდრე - იგი მე მივალ, უწყით და გზაჟცა იგი იცით»  
(იოანე, 14, 2-4). სხვა ადგილას: «არამედ მე ჭეშმარიტსა გეტყვი  
თქუენ: უმჯობეს არს თქუენ-და, რაითა მე წარვიდე; უკუეთუ მე  
არა წარვიდე, ნუგეშინის-მცემელი იგი არა მოვიდეს თქუენდა; უკუ-  
ეთუ მე წარვიდე, მოვაფდინო იგი თქუენდა. და მოვიდეს იგი და ამ-  
ხილოს სოფელსა ცოდვისათეს და სიმართლისათვის და სასჯელისათვის.  
ცოდვისათეს ესრეთ, რამეთუ არა ჰრწმენა ჩემდა მომართ; ხოლო სი-  
მართლისათეს, რამეთუ მე მამისა ჩემისა მივალ და არღარა მხედვი-  
დეთ მე. ხოლო სასჯელისათეს, რამეთუ მთავარი იგი ამის სოფლისაჲ  
დასჯილ არს» (იოანე 16, 7-II).

რაც შეეხება ახალი აღთქმის დროინდელ ცოდვილთა სულებს, მათი  
სიკვდილის შემდეგდროინდელი სიცოცხლე ორ, არსებითად სხვადასხვა  
პერიოდად იყოფა. პირველი პერიოდი მოიცავს დროს იესო ქრისტეს  
აღდგომიდან მის მეორედ მოსვლამდე. ეს სწორედ ის პერიოდია, რო-  
მელშიაც ჩვენ ამჟამად ვცხოვრობთ. მეორე პერიოდი სულთა იმქვეყ-  
ნად ცხოვრებისა დაიწყება ქრისტეს მეორედ მოსვლის, საშინელი



სამსჯავროს შემდეგ. პირველი პერიოდი სულთა იმქვეყნად ყოფნისა ჟერ კიდევ არ ატარებს აბსოლუტურ ხასიათს, ჟერ კიდევ ძალდთ მათ მოქცევა ტანჯვათა გაცლის შემდეგომ. ხოლო საშინელი სამსჯავროს შემდეგ ჟოჯობეთში მყოფ სულებს ი მ ე დ ი ც დაეკარგებათ თავიანთი ხსნისა. ეკლესიის მოძღვრების თანახმად, საშინელი სამსჯავროს დადგომამდე, ჟოჯობეთში მყოფ სულებს შეებას ნიანიცებს თვით ეკლესიისა და გარდაცვლილთა ახლობლების ღოცვა, რადგან ყოველი თხოვნა ღვთისადმი, რომელიც რწმენით იქნება მისდამი აღდგენილი, დაკმაყოფილდება: «უკუეთუ ძალ-გიც რწმენებად, ყოველივე შესაძლებელ არს მოწმუნისა» (მარკოზ 9,23). ხოლო თვით მოწმუნენი ყოველგვარ სასჯელს ასცდებიან და ხსნას მოიპოვებენ. «ამინ, ამინ გიბყვი თქუენ, რამეთუ რომელმან სიკუყუანი ჩემნი ისმინნეს და პრწმუნნეს მომავლინებელი ჩემი, აქუნდეს ცხოვრებაა სასუქუნოა, და სასჯელსა იგი არა შევიდეს, არამედ გარდაიცვალოს იგი სიკუფილისაგან ცხოვრებად» (იოანე 5,24). ამავე დროს, თვით სასჯელი ცოდვათა სიმძიმის მიხედვით ნაწილდება. «ხოლო მონამან რომელმან იცის ნებაა უფლისა თვისისაა და არა განემზადოს ნებისაებრ მისისა, იტანჯოს იგი ფრიად. ხოლო რომელმან არა იცის და ქმნეს რაიმე ღირსი ტანჯვისაა, იგუემოს მცირედ, რამეთუ ყოველსა რომელსა მიეცა ღიდად, ღიდადცა მიეღოს მისგან, და რომელსა მიეცა ფრიად, უმეტესი მოჰხადონ მას» (ლუკა 12,47-48).

ჟოჯობეთში ორგვარი სასჯელია განკუთვნილი ცოდვილ სულთათვის— გარეგანი და შინაგანი ტანჯვა. გარეგან ტანჯვას გამოხატავს ცოდვილი სულის მოქმედა ჟოჯობეთში: «ვიტანჯები მე აღითა ამით ცეცხლისაათა» (ლუკა 16,24). შინაგან ტანჯვას ის სატანჯველი განეკუთვნება, რომელიც სულის ვნებებთანაა დაკავშირებული: ის, რაც ამქვეყნიურ ცხოვრებაში აღამიანს გააჩნდა ამ ვნებების დასაკმაყოფილებლად.



ფილებლად - ადამიანის სხეული - იმ ცხოვრებაში მას უკვე აღარ აქვს და რჩება შიშველი ნდომა-ვნებაანი, რომელთა დაუკმაყოფილებლობა სულს სასოწარკვეთილებაში აგდებს. ამ ქვეყნად ამ ვნებათა ჩამოშორება შეიძლება ნათლისღებით, ზიარებით, ლოცვით, მარხვით, თავშეკავებით და სხვა. მაგრამ იქ, იმქვეყნად, ეს უკვე აღარ შეიძლება და რადგან იქ ყველაფერი ვითარდება, როგორც სულის კეთილი, ზნეობრივი თვისებაანი, ასევე - მისი ვნებაანი, მაშინ, ამ უკანასკნელ შემთხვევაში, სულის ტანჯვა სულ უფრო და უფრო იზრდება, ისე, რომ მას უკვე თავისი არსონის მოსპობა სურს და რადგან მას ეს უკვე აღარ შეუძლია, ეს აბოროტებს და აახლოვებს მას ბოროტ სულებთან. ამიტომ ადამიანი ყოველნაირად უნდა ცდილობდეს, რომ უკვე აქ, ამქვეყნად აღხოცოს თავისი ცოდვები პირისაგან მიწისა. «ნეტარ არიან, რომელთა მიეტევინ უსჯულოებანი და რომელთა დაეფარენ ცოდვანი» (რომაელთა მიმართ, 4,7).

როგორც ზემოთ აღვნიშნეთ, ყოველივე ამის შემდგომ უნდა მოხდეს ქრისტეს მეორედ მოსვლა, საშინელი სამსჯავრო, სადაც ს ა ბ ო - ლ ო ო დ იქნებიან განსჯილნი ზნეობრივი უნარის მქონე არსებანი. მაგრამ როდის მოხდება ეს, არავინ უწყის. «ხოლო ღლისა მისთვის და უამისა არავინ იცის, არცა ანგელოზთა ცისათა, გარნა მამამან ჩემმან მხოლომან» (მათე, 24, 36). ამიტომ «იხილეთ და მღვიძარენი იყვენით, და ილოცევდით, რამეთუ არა იცით, ოდეს იყოს უამი იგი. ნუუკუე მოვიდეს მეცსეულად და გპოვნეს თქვენ მძინარენი» (მარკოზ, 13, 33-36).

ადამიანის დაცემის შემდეგ დაირღვა აგრეთვე ის ჰარმონია, რომელიც სუფევდა მანამდე ადამიანსა და ბუნებას შორის. ამიტომ ეს ხილული ბუნებაც განწირულია. «დასაბამსა შენ, უფალო, ქუეყანა დააფუძნე, და ქმნილნი ხელთა: შენთანი ცანი არიან. იგინი წარხდებიან, ხოლო შენ ჰკიე» (დავითი, 101, 26-27). იგი შეიცვლება ახალ

ბუნებად. «და ვიხილე ცაჲ ახალი და ქუეყანაჲ ახალი, რამეთუ პირ-  
ველი იგი ცაჲ და პირველი ქუეყანაჲ წარხდეს, და ზღუაჲ არღარა  
არს» (გამოცხ.იოანესი, 21,1).

ამის შემდეგ განწმენდილი სულები სამარადისო სამოთხეს მოიპო-  
ვებენ, ხოლო ცოდვილნი – ს ა მ უ დ ა მ ო სატანჯველს. ღოგმატი  
მუდმივი სატანჯველის შესახებ ყველა საეკლესიო კრებაზე ერთხმად  
იყო მიღებული და ამას ადასტურებს მრავალი ადგილი ბიბლიიდან (  
(მარკოზ 16,16; ლუკა 16,26; იოანე 3,36; დავითი 8,17; გამოსვლ.  
33,14).

«მაშინდა აღსასრული, რაჟამს მოსცეს სუფევაჲ ღმერთსა და მამა-  
სა, რაჟამს განაქარგნეს ყოველნი მთავრობანი და ყოველნი ხელმწი-  
ფებანი და ძალნი. რამეთუ ჯერ-არს მისა სუფევაჲ, ვიდრემდის და-  
ისხნეს ყოველი მტერი მისნი ქეუშე ფერხთა მისთა. უკუნაისკნელი  
მტერი იგი განქაოდეს – სიკუდილი» (1 კოინთელთა 15,24-26) 6

ეხლა ორიოდ სიტყვა მფარველ ანგელოზთა შესახებ. ყველა ადა-  
მიანს ჰყავს თავისი მფარველი ანგელოზი უხილავ სამყაროში. «არა  
ყოველნივე არიანა მოხარკე სულებ, მსახურად მოვლინებულ მათთვის  
რომელთა-იგი დამკვიდრებად არს ცხოვრებაჲ?» ( ებრაელთა მიმართ,  
I,14). ისინი ერთ წამს არ ტოვებენ ადამიანს უმეთვალყუროდ და  
ესწრებიან მის სიკვდილს და მისი სულის გადასვლას საიქიო ცხოვ-  
რებაში. მფარველი ანგელოზი ყოველნირად მონაწილეობს ადამიანის  
კეთილ განვითარებაში და ნიადაგ შთაბგონებს მას კეთილ აზრებს.  
და თუკი ადამიანი მაინც ბოროტი სულის შთაბგონებას მიუგდებს ყურს  
და მისი გავლენის ქვეშ ექცევა, ეს მფარველი ანგელოზის ბრალი  
არაა, რადგან ადამიანი იშვა თავისუფლად და მისი ნება და არჩე-  
ვანი არაა შეზღუდული.

როგორც ზემოთ აღვნიშნეთ, მფარველი ანგელოზი არა მარტო ადა-  
მიანებსა ჰყავს, არამედ სახელმწიფოებსაც, ოლქებს, ქალაქებს,



მონასტრებს, ეკლესიებს. ისინი განაგებენ დედამიწის ოთხივე მხარეს (2 სჯული 32,8; გამოცხ.იოანესი 7,1). კეთილ ანგელოზთა გამოცხადების შესახებ მრავლადაა მოთხრობილი ბიბლიაში. როგორც წესი, ადამიანებს ისინი ეცხადებოან ადამიანის სახით. ამიტომ, მეშვიდე მსოფლიო საეკლესიო კრებაზე წმ.მამებმა დაადგინეს, რომ მათი გამოსახვა ხატებზე შეიძლება. ისინი იქ წარმოგვიდგებიან უღამაზეს, კეთილშობილ არსებებად.

მაგრამ ყველა ადამიანს ერთნაირად არ ეკიდებიან ანგელოზები. ეს უკანასკნელნი ხშირად ღვთაებრივი მართლმსაჯულების იარაღად გვევლინებიან ცოდვილთა დასასჯელად. ამ დროს ისინი არა მარტო ცალკეულ ცოდვილს სჯიან (საქმე 12,23), არამედ მთელ ქალაქებსა და ერებს (II მეფეთა 14,15-17).

განწმენდილ სულთა სამოთხეში ყოფნას, სამოთხისა და სამოთხისეული ნეტარების აღწერას - ამას, ჩვენი, მიწიერი ენით, ვერ ვადმოვცემთ. ამის გაგება შეუძლია მხოლოდ მას, ვინც ამქვეყნად უკვე მიადწია წმინდანობის გარკვეულ საფეხურს, სიკეთის გზით სულიერ სამყაროსთან ვინც დაამყარა ურთიერთობა და ვინც გამოსცადა იგი. «სასუფეველი ღმრთისაჲ შორის თქუნესა არს» (ლუკა 17,21). ამიტომ, სამოთხისეული ყოფნის ყოველ გარეგნულ წარმოდგენას უნდა ვერიდოთ, რადგან ამას ხშირად იყენებენ დაცემული სულები ადამიანის საცდუნებლად. წმ.მართლმადიდებლური ეკლესიის მოძღვრების თანახმად სამოთხეში ნეტართა სულები ორგვარ ნეტარებას განიცდიან: შინაგანსა და გარეგანს. შინაგანი ნეტარება შედგება: ა) სულის ღმერთთან დამოკიდებულებისა და ბ) თავის თავთან ურთიერთობისაგან. გარეგანი ნეტარებაა: ა) სულის დამოკიდებულება სხვა სულიერ-ზნეობრივ არსებებთან, მის ირგვლივ მყოფ წმინდა და ნეტარ სსულებთან, და ბ) მისი დამოკიდებულება ქოველივე ღვთის მიერ შექმნილთან. ამასთანავე, არსებობს ნეტარების სხვადასხვა ხარისხი, ხოლო ის



სიხარული და სიკეთე, რომელიც სულს ეუფლება სამოთხეში ყოფნისას, განვითარდება და გაგრძელდება უსასრულოდ.

წმ.მართლმადიდებლური რწმენის თანახმად დიდი მნიშვნელობა ენიჭება ცოცხალთა ზრუნვას გარდაცვლილთა სულებზე. განსაკუთრებული მნიშვნელობა აქვს მიცვალებულთათვის უსისხლო მსხვერპლის შეწირვას წმინდა წირვის დროს. წმ.სვიმონ საღუნელი გვაუწყებს: მსხვერპლის შეწირვის დროს მიცვალებულის სახელის მახსენება შეაერთებს სულს ღმერთთან და აძლევს საშუალებას უხილავად გახდეს ღმერთის 'ზიარი': დ. იყოს კავშირში მასთან. ამასთანავე მკვიდროდ დაკავშირებული მოწყალეობა დ. სიკეთე მიცვალებულთა მოსახსენებლად. წმ. წერილი მიგვითითებს, რომ მოწყალეობის გაღება იხსნის სულს სიკვდილისაგან და განწმენდს ყოველი ცოდვისაგან. მოწყალეობის გაღების დროს ჩვენ სიკეთეს ჩაედვივართ მათი სახელით და მათთვის.

გარდა წირვისა, არსებობს მიცვალებულთა მოსახსენებლად პანაშვიდი, რაც სიტყვა-სიტყვით ნიშნავს - მთელი ღამე ვმღერო. ასეთი წესის შესრულებას თავისი ისტორია აქვს: ჯერ კიდევ პირველი ქრისტიანები, რომლებიც განიცდიდნენ დევნას, მიცვალებულებს ღამით მარხავდნენ და მთელი ღამე მღეროდნენ. პანაშვიდის შესრულება წლის ყოველ დროს შეიძლება. გაძლიერებული ღოცვა მიცვალებულთათვის უნდა სრულდებოდეს გარდაცვალებიდან მესამე, მეცხრე და მეორმოცე დღეს. აგრეთვე, მასი დაბადების, ანგელოზის და გარდაცვალების დღეებში(წლისთავი).

მიცვალებულთა ხსენებას წმინდა ეკლესია უთმობს წლის განსაკუთრებით დღეებს, რომელთაც ეწოდება მსოფლიო მიცვალებულთა შაბათები, ასეთებია:

- 1) ხორციელი შაბათი (ყველიერის წინა შაბათი)
- 2) სამების შაბათი (სულიწმიდის შაბათი)
- 3) დიდი მარხვის მეორე, მესამე და მეოთხე შაბათი.



4) მიცვალბულთა საადღომო მოხსენიება (თომა მოციქულის კვირის ორშაბათი ან სამშაბათი)

5) იოანე ნათლისმცემლის თავის კვეთის დღე (II სექტემბერი ახალი სტილით)<sup>X</sup>.

**ვიქტორ რცხილაძე**

X „საქართველოს ეკლესიის კალენდარი“ 1979 წლისა, გვ.181-182.

ი ე ს ო ი ს ტ ო რ ი უ ლ ი თ უ

ქ რ ი ს ტ ე ა წ მ ყ ო ს ი ?

ამჟამად თითქმის საყოველთაოდ მიღებულია ის აზრი, რომ ქრისტიანული რელიგიის დამაარსებელი ებრაელი ხალხის წიაღიდან გამოსული რეალური, ისტორიული ადამიანი იყო. მაგრამ იყო დრო, როდესაც იესო ქრისტეს პიროვნება საერთოდ არარსებულად და მითად ცხადდებოდა. «ივან, ივან – ასე არიგებს რედაქტორი ბერლიოზი პოეტ ბეზდომნის მ. ბულგაკოვის ცნობილი რომანიდან «ოსტატი და მარგარიტა» – შენს პოემაში შენ ამტკიცებ, რომ იესო ცუდი კაცი იყო, ხოლო შენ კი უნდა დაგემტკიცებინა, რომ იგი საერთოდ არ არსებობდა, რომ ყველა მოთხრობა მასზე – უბრალო გამონათგონია, ნამდვილი მითი».

ისმის კითხვა, რამდენად სწორია თვით ათეისტთა შორისაც კი დამკვიდრებული აზრი, რომ იესო რეალურად, ისტორიულად არსებობდა, ოღონდ ის ჩვეულებრივი ადამიანი იყო?

ჯერ კიდევ ჩვენი საუკუნის დასაწყისში დიდმა გერმანელმა თეოლოგმა და ისტორიკოსმა, ადოლფ ფონ ჰარნაკმა, სწორედ ისტორიულ მეცნიერებაზე დაყრდნობით (მის ლექციებში – «ქრისტიანობის არსი», 1900წ.), დაამტკიცა



ქრისტეს პიროვნების რეალური, ისტორიული არსებობა, და შედეგად ჩაწვდომოდა მისი ქადაგების ნამდვილ ა რ ს ს, რომელიც, მისი დასკვნით, წარმოადგენდა ზედროულ ჭეშმარიტებასა და იდეალურ რელიგიას. ჰარნაკის აზრით, მაცხოვრის ქადაგება შეიძლება დაყვანილ იქნას სამ ასეთ ზედროულ ჭეშმარიტებაზე:

1. სასუფიველი ღვთისა როგორც ადამიანის გულში ამჟამად უკვე გამოცხადებული სინამდვილე;
2. ღმერთი როგორც მამა და როგორც აბსოლუტური ფასეულობა ადამიანისა;
3. უმაღლესი სამართლიანობა, რომელსაც იესო ქადაგებდა, ე.ი. სიყვარულის მცნება.

ჰარნაკის წიგნი იმ ხანად რუსეთში გააკრიტიკა ცნობილმა ფილოსოფოსმა ვლადიმირ ერნმა, რადგან ჰარნაკს ორჭოფული პოზიცია ეკავა ს ა ს წ ა უ ლ ი ს საკითხში. ერნის აზრით ისტორიულ კვლევებად სავლდარი გააჩნია და სიტყვა „არსი“ მეტაფიზიკური ბუნების ცნებას წარმოადგენს. ამიტომ „არსი“, როგორც ასეთი, არცერთი მეცნიერების კომპენტენცია არაა; რაიმე საგნის არსი რომ გავარკვეოთ, ამ საგანზე უნდა გამოვთქვათ რამდენადმე აბსოლუტური მსჯელობა. ხოლო ასეთი მსჯელობა, ისტორიას, როგორც მეცნიერებას, თავისი სპეციფიკის წყალობით, ყველაზე ნაკლებად ძალუძს. ქრისტიანებს, რომელთაც გააჩნიათ ცოცხალი რელიგიური გამოცდილება, უფრო უკეთ ძალუძთ იმ ისტორიაში გარკვევა, რომელსაც ქრისტიანობის ისტორიას უწოდებენ, ვიდრე ისტორიკოსს, რომელსაც ამდაგვარი გამოცდილება არა აქვს. ჰარნაკის წიგნის წარმატების საწინდარია, ვლ. ერნის აზრით, ის გარემოება, რომ თვითონ ჰარნაკი დიდი რელიგიური

° Методы исторического исследования и книга Гарнака «Сущность христианства», М.: Издательство: Владимир Эри, Борьба за Логос, СПб.



ინდივიდუალობა და ამიტომ, სადაც კი იგი ავითარებს რამდენიმე აბსოლუტურ მსჯელობას, რომლებიც დიდი სიღრმითა და მოქნილობით გამოირჩევიან, ამას იგი ახერხებს თავისი რელიგიური განცდის, და არა მშრალი მეცნიერების საფუძველზე.

ჰარნაკის ლექციებამდე ცოტა ხნით ადრე, 1892 წელს, გერმანიაში გამოვიდა პატარა წიგნი პროფესორ მარტინ კელერისა (M. Kähler) სათაურით: „ეგრეოდებული ისტორიული იესო და გადმოცემის ბიბლიური ქრისტე“ („Der sogenannte historische Jesus und der geschichtliche biblische Christus“). კელერი ამ წიგნში ამტკიცებდა, რომ ყოველგვარი ცდა ისტორიული იესოს სურათის კონსტრუირებისა იმთავითვე განწირული; ასეთი სურათი სინამდვილის გაყალბება იქნებოდა, რადგან არსებული წყაროები, და ეს პირველრიგში სახარებას ეხება, არ წარმოადგენენ იესოს ბიოგრაფიას თანამედროვე გაგებით: მათი მიზანი პიროვნების ცხოვრების მეცნიერული აღწერა კი არაა, არამედ ეკლესიის დამაფუძნებელი და რწმენის შემქმნელი ქადაგება. ქრისტე, რომელსაც რწმენა მოიცავს, იდეატურია „გადმოცემის“ („geschichtliche“) ქრისტესი, რომელსაც მთელი ბიბლია ადასტურებს. „ისტორიული“, კელერის აზრით ისაა, რაც მოპოვებულ იქნა ისტორიული კვლევის საშუალებებით, უბრალო ფაქტები, რომლებიც შეიძლება დაეურათ „გადმოცემის“ ქრისტეს სურათს. ხოლო რწმენა აქ ეხება არა ისტორიულ ქრისტეს, არამედ „ზეისტორიულს“, მარადიულს, რომელიც მაინც, ისტორიულ უამთავლაში იქნა გამოცხადებული. მაშასადამე, ცნება „ზეისტორიული“ არ უარყოფს ქრისტეს ისტორიულობას.

რაც შეეხება „ისტორიული“ იესოს სურათს, იგი, კელერის აზრით, წარმოადგენს ბოლოდროინდელ კონსტრუქციას, რომელიც გაყალბებაა ევანგელეთა. ნამდვილი, ბიბლიური ქრისტე არის ნაქადაგები, ცოცხალი მეთუფე, რომელიც ყოველწამს იმყოფება ქრისტიანულ საზოგადოება-



ში. ეს ერთი და იგივე ქრისტია, რომელსაც ადასტურებს სახარება და რომელიც სწამთ ქრისტიანებს. ტექსტთა ისტორიული კრიტიკით, კელერის აზრით, ჩვენ მაქსიმალურად მხოლოდ იმას მივაღწევთ, რომ შევხებით თავდაპირველი რწმენის მოწმობებს, ნაწილს იმ ქადაგებისას, რომელსაც ადგილი ჰქონდა უძველეს ქრისტიანულ საზოგადოებებში. რაც შეეხება სახარების ე.წ. „წინააღმდეგობებს“, ისინი მხოლოდ მოჩვენებითაა. სინამდვილეში ეს სხვადასხვანაირი გადმოცემა ჰქმნის იესოს ერთიან სურათს, ხოლო ეს ერთიანობა, თავის მხრივ, მეტყველებს მის გამოუგონარ ხასიათზე. აი როგორ მსჯელობს ამაზე თვით მ.კელერი (დასახ. ნაშრომი, გვ.88): „ამ ფრაგმენტალური გადმოცემებიდან, ამ გაუგებარი გახსენებებიდან, ამ აღწერილობებიდან, რომლებიც შევერადებულა ავტორის თავისებურებისდა მიხედვით, ამ გულიდან ამოვრქვეული აღსარებებიდან და ამ ქადაგებებიდან რომლებიც ქადაგებენ მის მაცხოვრისეულ მნიშვნელობაზე, შემოგვყურებს ჩვენ სიცოცხლით აღსაცემ, თავის თავში ჰარმონიული, მარად საცნობი ადამიანის სურათი. ასე, რომ შესაძლებელი ხდება დასკვნის გაკეთება: აქ ადამიანმა თავისი შეუდარებელი და მძლავრი პიროვნებით, თავისი მოქმედებითა და უმაგალითო განცლით, თავისი მკვდრეთით აღდგომის დადასტურებით, თავისი სურათი ისეთი მკვეთრი, ისეთი ღრმად შთაბეჭდავი ნიშნებით შთაბეჭდა ახლობლების გრძნობასა და მხსნიერებაში, რომ იგი არ ქრება და არც საბუნს იცვლის“.

მარტინ კელერის მიერ გამოთქმული აზრები უაღრესად აქტუალური არიან XX საუკუნეშიც. ე.წ. „კერიგმატული“ (Kerygma - ბერძნ., განქვეყნება, ქადაგება) თეოლოგია, რომლის თვალსაჩინო წარმომადგენლებია კარლ ბართი, ოსკარ გულმანი და სხვები, აქედანღებულაბს სათავეს.

ყოველივე ზემოთქმულიდან ერთი რამ უდავოა, კერძოდ ის, რომ იესო ქრისტეს კაცთა შორის გამოცხადების ისტორია ბურუსი-



თბა მოცული. რიგი თეოლოგის აზრით ეს არცაა გასაკვირი, რადგან ღვთის განკაცება მოხდა სივრცისა და დროის ერთ, განუმიერებელ წერტილში, იგი იმოსება ბურუსით, და ეს განგებ ხდება: ადამიანებმა უნდა „იწამონ“ ეს, რის შემდეგ ხდება ღვთის „გულში“ დამკვიდრება. მეორე მხრივ, თუკი სახარება „წარმოაღგენდა უჩვეულო, უმაგალითო ენერჯისა და დაძაბულობის ისტორიულ ძალას, ეს იმიტომ, რომ იგი გამოვიდა ისტორიიდან, დაიბადა ცოცხალი ხალხის წიაღში, იყო ცოცხალი მომენტი ცოცხალი შემოქმედებისა, იგი იყო არა გამოგონილი აზრი, არამედ ორგანიული განცდა, იგი იყო ხალხური რელიგიური ცნობიერების გარდაქმნა პირად-რელიგიურ თვითშემეცნებაში.“<sup>\*</sup> ამგვარად, ჩვენ იმ ფაქტის წინაშე აღმოვჩნდით, რომ ერთი მხრივ ქრისტიანული რელიგიის დამაპრსებლის პიროვნების ისტორია ბურუსითაა მოცული, ხოლო მეორე მხრივ, მისი გამოვლენა ისტორიაში დღევანდულობის ჩათვლით საოცარ რეალურ ძალას ინარჩუნებს მილიონობით მორწმუნეში. რით აიხსნება ეს?

საქმე ისაა, რომ საუკუნეთა მანძილზე ღვთის შემეცნების ფილოსოფიური, მეტაფიზიკურ-რაციონალური (გამოთქმა ვაქს შელერისაა)<sup>\*\*</sup> გზის გარდა, რომელიც იფარგლებოდა მცირერიცხოვან მოაზროვნეთა წრით, არსებობდა კიდევ ღვთის შემეცნების უშუალო, ინტუიციური წედომის გზა, ე.წ. რელიგიური გამოცდილება, რომელიც მილიონობით მორწმუნეში ხორციელდებოდა, მართალია, სხვადასხვა ხარისხით.<sup>\*\*\*</sup> ადამიანის სულის

\* Проф. М. Тареев, Основы Христианства, СПб., стр. 39.  
 \*\* Max Scheller, Vom Ewigen im Menschen, München 1954.

\*\*\* უფრო ფართოდ რელიგიურ გამოცდილებაზე და ისტორიული კვლევისა და რელიგიის ურთიერთმიმართებაზე იხ. ჩვენი წერილი „რელიგია და ისტორიული კვლევა“, „სადღვთ-კრებული“ №4, თბ., 1984 წ.





ეს მდგომარეობა ფსიქოლოგიური მეცნიერების მხრიდან პირველად გამოიკვლია და აღწერა დიდმა ამერიკელმა ფილოსოფოსმა და ფსიქოლოგმა უილიამ ჯემსმა თავის კლასიკურ ნაშრომში „მრავალსახეობა რელიგიური გამოცდილებისა“ („The Varieties of Religious Experience“ 1902). აქ, რელიგიის ფსიქოლოგიის ემპირიულ მასალაზე დაყრდნობით, ხაზგასმით იქნა დადასტურებული ის ფაქტი, რომ „ბევრ ადამიანს საკუთარი რწმენის საგანი ეგლინება არა განყენებული ცნების ფორმით, რომელსაც გონება თვლის ჭეშმარიტად, არამედ რეალობის ფორმით, რომელსაც წვდებიან უშუალოდ, თითქმის გრძნობად აღქმამში... უშუალო, ინტუიტური დარწმუნებულობა იმალება ჩვენი სულის სიღრმეში, ხოლო ლოგიკური არგუმენტები მის მხოლოდ ზედაპირულ გამოვლინებებს წარმოადგენენ. ინსტინქტი ბრძანებლობს და წარმართავს, - გონება მორჩილად მიჰყვება მას. თუ ვინმე ამდგვარად შეიგრძნობს ცოცხალი ღმერთის მყოფობას, მაშინ ვერავითარი კრიტიკული განაზრებანი ვერ შესძლებენ მისი რწმენის შერყევას... ადამიანი, რომელიც ამ გრძნობის (რელიგიურის) მიღმა დგას, ვერასოდეს ვერ შესძლებს იმ ღვთაებრივი მდგომარეობის გაგებას, რომელიც მყარდება სულში ამ იდუმალი მადლის მყოფობით. ყველაფერი, რაც გვერდიდან მოჩანს ასე გაუგებრად და ბნელით მოცულად, ხდება უბრალო და ნათელი იმ უუქში, რომელიც სულში დანთებული ცეცხლიდან იფრქვევა.“ (დასახ. ნაშრომი, გვ. 56, 66, 317).

უ.ჯემსის მერე ამ პრობლემამ საფუძვლიანი დამუშავება განიცადა იმავე რელიგიის ფსიქოლოგიის, რელიგიათა შედარებითი კვლევის და რელიგიის ფილოსოფიის მხრიდან. მოვიყვანთ რამდენიმე, თანამედროვე ავტორიტეტული მეცნიერის გამონათქვამს ამ საკითხზე.

იოაჰიმ ვახი: „თავდაპირველად სიტყვა „გამოცდილება“ თითქოს მიანიშნებს ადამიანურ და არა ღვთაებრივ აქტიუობაზე. მისი მიზანია ყურადღების კონცენტრირება თავად გამოცდილებაზე, და არა

გამოცდილების ობიექტზე, და მიუხედავად ამისა, იგი მაინც მაინც  
შნებს გამოცდილების საგნის დამოუკიდებელ არსებობაზე და ამგვარად  
სუბიექტივიზმი თავიდანაა აცილებული. პირველი კრიტერიუმი რელიგიური  
გამოცდილებისა მდგომარეობს ამთვისებლობაში იმისადმი, რაც განიც-  
დება როგორც „საბოლოო რეალობა“ რელიგიურ გამოცდილებას ჩვენ განვი-  
საზღვრავთ როგორც პასუხს და ამიტომ არ არის იგი მარტოდენ სუბიექ-  
ტური: ჩვენ ვპასუხობთ ა რ ს ე ბ უ ლ ს ( *wir antworten  
auf e t w a s* ). პასუხი აღიქმება როგორც ნაწილი  
შეხვედრისა. რელიგიური გამოცდილება ყოველთვის გვაძლევს ჩვენ სუ-  
ბიექტსა და ობიექტს, ორივეს ერთად ან არცერთ მათგანს. ნამდვილი  
რელიგიური გამოცდილება წილად ერგო ყველა ასაკისა და მსოფლიოს  
ყველა ნაწილის *homines religiosi*-ს (რელიგიურ  
ადამიანს: ვ.რ.) და როგორც ასეთი აღწერა კიერეკეგორმა, ებნერმა,  
შელერმა, ბუბერმა, ბრუნერმა, ბაილმა, მარსელმა (თავისი კატეგო-  
რიებით „დაძახება“ და „პასუხი“) და სხვა მრავალმა.“<sup>o</sup>

ფრიდრიხ შაილერი: „ეს ურთიერთობა არ წარმოადგენს რელიგიუ-  
რი ადამიანისათვის ადამიანურ გამოწვევას, იქნება ეს გონებისა  
თუ გულის კარნახი; იგი ეფუძნება არა ადამიანურ, არამედ ღვთაებრივ  
ინციპტივას. რელიგიაში ადამიანი კი არ მიდის ღმერთთან, არამედ  
პირიქით, ღმერთი მიდის ადამიანთან... თუმცა რელიგია ქმედობაა,  
იგი საბოლოო ჯამში არის არა მიღწევა, არამედ მაღლი... ამგვარად,  
რელიგიის არსი წარმოადგენს ღვთაებრივი მაღლის გამოცდილებიდან  
მომდინარე ადამიანის ერთობას ტრანსცენდენტულ სინამდვილესთან.“<sup>o</sup>

• *J. Wach, Vergleichende Religionsforschung, Stuttgart 1962,*  
§. 54-56. ციტატები შემოკლებულია.

•• *Fr. Heiler, Erscheinungsformen und Wesen der  
Religion, Stuttgart 1961, §. 563-564.*



მირცეა ელიადე: „ყოველი რიტუალი, ყოველი მიოსი, რწმენის ყოველი წარმოდგენა ან ღვთაებრივი ფორმა, ასახავს სიწმინდის გამოცდილებას (*die Erfahrung des Heiligen*) და ამრიგად თავის თავში შეიცავს აგრეთვე ცნებებს ყოფიერებისას, მნიშვნელობისას, ჭეშმარიტებისას. შემეცნება ნამდვილი და აზრიანი სამყაროსი მჭიდროდაა დაკავშირებული სიწმინდის აღმოჩენასთან. რადგან სიწმინდის გამოცდილების მეშვეობით შეიცნო ადამიანურმა გონებამ განსხვავება იმისი, რაც თავის თავს ამჟღავნებს როგორც ნამდვილი, ძლიერი, მნიშვნელოვანი და აზრიანი და მისი საპირისპიროსი - საგანთაქაოსური და საშიშროებით აღსავსე დენისა, ამ დინების შემთხვევითი, უაზრო აღმოცენება და მოსპობა.“<sup>6</sup>

ვერნერ გრუნი: „რასაკვირველია, მარტო ფუნქციონალური მხარე, რელიგიის პიროვნული მხარე არ ახასიათებს რელიგიურ განცდას. იგი როგორღაც ღმერთზე მოცემული აზრიდან აღიძვრება. სხვა სიტყვებით, რელიგიური განცდა ყოველთვის გვიჩვენებს პიროვნულ და აზრობრივ მხარეს, იგი წარმოადგენს იღუმალებით აღსავსე შეკავშირებას „მეს“ ფუნქციისას და აზრისას: რელიგიური განცდის ორივე მხარე (კომპონენტები) არსებითია, რათა ცოცხალი ღვთისმოსაობა (*Frömmigkeit*) იყოს მოცემული. ღმერთზე აზრის გარეშე „მეს“ განცდა შინაარსისაგანაა დაცლილი ან სულაც არ ხორციელდება. „მეს“ ფუნქციის გარეშე კი არ იქნებოდა რელიგიური განცდა, არავითარი ცოცხალი ღვთისმოსაობა. შესაძლოა თუმცა რელიგიური აზრების ქონა მეს მონაწილეობის ვარგშე, შესაძლებელია თეოლოგიზირება, ქადაგება, მაგრამ ამ პროცესებს აკლიათ ცოცხალი ნაპერწკა-

• Mircea Eliade; *Geschichte der Religiösen Ideen*, Bd. I, Freiburg 1978, §.7.

ლი, სინამდვილე ჭეშმარიტი ღვთისმოსაობისა“.\*

სანამ უშუალოდ ქრისტიანულ რელიგიურ გამოცდილებას შევხვებოდეთ (კიერკეგორის გამოთქმით რელიგიურობა B -ს რელიგიურობა A -სგან განსხვავებით, რომელიც ადამიანის ზოგად რელიგიურობას ახასიათებს), საჭიროდ მიგვაჩნია მოკლედ განვიხილოთ რამდენიმე კრიტიკული მოსაზრება, გამოთქმული ზემოთხსენებულ მსჯელობათა საწინააღმდეგოდ. აქ პირველ რიგში დავასახელებთ გერმანელ ფილოსოფოს ლუდვიგ ფიეერბახს (1804 - 1872 ), რომელსაც მიაჩნდა, რომ ადამიანის რწმენის ღმერთი ეს იგივე ადამიანის არსია, განთავისუფლებული პიროვნული საზღვრებიდან, რომელსაც გაიდევალებული ფორმით წარმოისახავს იგი. „ღვთაებრივი არსება სხვა არაფერია, თუ არა თვით ადამიანური არსება;“ „თეოლოგიის საიდუმლოება ანთროპოლოგიაა.“ მაგრამ აქ თავისთავად გასაგებად იკვლისხდება ის, რაც ადამიანის გამოცანასა და სასწაულს წარმოადგენს: რომ იგი თავისი ემპირიული ყოფიერებიდან საერთოდ ანსხვავებს თავის იდეალურ არსებას და მათ ურთიერთდამოკიდებულებათა კონფლიქტებს განიცდის. სინამდვილეში, როდესაც ადამიანი თავის გაიდევალებულ „არსს“ მიმართავს, სწორედ მაშინ ხდება მისი ღვთისაგან მოწოდება, ღვთისაკენ სვლა. მის ამ სულიერ აქტში შემდეგ უკვე თავად ღვთაება ახდენს მანიფესტირებას, თვითგამოცხადებას. ამიტომ იყო, რომ ისეთი რელიგიური ფილოსოფოსი, როგორც კიერკეგორია, ეთანხმებოდა ფიეერბახს იმ თეზაში, რომ „თეოლოგიის საიდუმლოება ანთროპოლოგიაა.“\*\*

\* W. Gruehn, Die Frömmigkeit der Gegenwart, (Grundtatsachen der empirischen Psychologie), Münst, 1956, §.37.

\*\* K. Löwith, Von Hegel zu Nietzsche (Marx und Kierkegaard), Stuttgart 1953, §.383.



ასევე ამიტომაც, რომ ჩვენი დროის თეოლოგი პ.ალტჰაუსი პირუტყუ ატრიალებს ამ თეზას და ამტკიცებს: „ანთროპოლოგიის საიდუმლოება თეოლოგიაა.“<sup>\*</sup>

საკითხის ასევე თავდაყირა დაყენებაა, როდესაც ღვთის რწმენას ზიგმუნდ ფროიდის ფსიქონალიზი ხსნის „იდეალიზირებული მამობის კომპლექსი.“<sup>\*\*</sup> რადგან აქაც, რაც თითქოს თავისთავად გასაგებია - „მამობის იდეალი“ და ის, რაზედაც სურთ დაიყვანონ ღვთის ცნება, როგორც წმინდა იმანენტურზე, თვითონ მოითხოვს ახსნას. მარტაც, როდესაც ყოველ მიწიერ მამობაზე მაღლა ჩვენ ვქმნიდ მამის იდეალს, ამით ჩვენ ვადასტურებთ რაღაც კანონს, რომელიც განმსჭვალავს ყოველ მიწიერ მამობას, უფგენს მას ნორმას და განსჯის. მაგრამ ეს ნორმა უკვე აღარაა რაღაც იმანენტურში, არამედ ტრანსცენდენტის შემოსვლაა ჩვენს ცხოვრებაში.<sup>\*\*\*</sup>

ჩვენთან, საქართველოში, ზემომოყვანილ მსჯელობებს რელიგიურ გამოცდილებაზე ხშირად დ.უზნაძის „განწყობის“ კონცეფციას უპირისპირებენ. მოკლედ შევახსენებთ მკითხველს, თუ რაში მდგომარეობს იგი. „უზნაძისეული კონცეფციის თანახმად, სუბიექტის მთლიანი მდგომარეობა - განწყობა - იქმნება ორი ფაქტორის ერთდროული მოცემულობის პირობებში: სუბიექტის მოთხოვნილებებისა და მისი შესატყვისი გარემოს (სიტუაციის) მოცემულობის პირობებში. თუ ერთ-ერთი ამ ფაქტორთაგანი არ არის მოცემული, განწყობაც არ აღმოცენდება. სუბიექტი განწყობა გარკვეული სიტუაციის შესატყვისი მოქმედების შესასრულებლად მხოლოდ სათანადო მოთხოვნილების საფუძველზე, მაგრამ, მეორეს მხრივ, იგივე მოთხოვნილება ვერ განაწყობს მას შესა-

\* Paul Althaus, Grundriss der Dogmatik, Berlin 1952, §.25.  
 \*\* S. Freud, Die Zukunft einer Illusion, Wien 1928.  
 \*\*\* P. Althaus, Grundriss der Dogmatik, Berlin 1952, §.26.

ტყვისი სიტუაციის გარეშე... გარკვეულ პირობებში ხდება განწყობის  
ისეთი განმტკიცება, ისეთი ფიქსაცია, რომ ახალ სიტუაციაშიც მოქ-  
მედებს ისევ ეს წინათ შექმნილი ფიქსირებული განწყობა, რის გამოც  
ადამიანის ქცევა ამ ახალ (შეცვლილი) სიტუაციის შესატყვისი აღარ  
არის. ამ სახის განწყობის, ე.ი. ფიქსირებული განწყობის გამოვლენა  
წარმოადგენს აღქმის განწყობისეული ილუზიები... ტყეში ბურქს  
ადამიანი იმიტომ კი არ აღიქვამს მგლად, რომ მგლის წარმოდგენა  
თავისადავად დაუკავშირდება აღქმას, არამედ იმიტომ, რომ მგლის შე-  
ხვედრის შიშის გამო ა დ ა მ ი ა ნ ი ა გ ა ნ -  
წყობილი მგლის დასანახად და ამ განწყობის საუბრეებზე,  
კერძოდ, მისი ფანტაზიაც, სათანადო მიმართულებით ამოქმედებული,  
აღქმის პროცესში ამ განწყობის შესატყვისი ხატის შექმნაში მონა-  
წილეობს.”\*

აი, ამ კონცეფციას უპირისპირებენ, როგორც ვთქვი, რელიგი-  
ურ გამოცდილებას. კერძოდ: სუბიექტის მოთხოვნილება (ღმერთთან ურ-  
თიერობის დამყარება) + შესატყვისი გარემო (ვთქვამთ, ეკლესიის  
გარემოცვა) ჰქმნის განწყობას რელიგიური განცდისას, რომელიც შემ-  
დეგ იწვევს აღქმის ილუზიას (ღვთის ან ანგელოზის ხილვასა და სხვად).

გონების დიდი დაძაბვა არაა საჭირო, რომ უკუვაგდომ ეს კონ-  
ცეფცია და მისი არასწორი გამოყენება რელიგიურ გამოცდილებასთან  
კავშირში. როდესაც ადამიანი შიშის გამო განწყობილია ტყეში ბურ-  
ქის ნაცვლად მგელი დაინახოს, მას მგელზე უკვე აქვს გარკვეული  
წარმოდგენა. რელიგიურ გამოცდილებაში კი ჩვენ საქმე გვაქვს თვი-  
სობრივად სრულიად ახალ შინაარსთან, რომელსაც ვერ ეძებნება ვერა-  
ვითარი ანალოგია ხილულ ბუნებაში. იგი არც მგელია და არც ექსპე-

\* რევან ნათაძე, ზოგადი ფსიქოლოგია, თბილისი 1956 წ., გვ.176,  
533, 534. ციტატები შეკვეცილია.





რიმენტატორის ბურთი ფსიქოლოგიის კაბინეტში. როგორადაც არ უნდა  
 გ ა ნ ე წ ყ ო ს დაბადებით ბრმა, იგი ვერ აღწერს ვერც ერთ ფე-  
 რს, რადგან მას მათზე წარმოდგენა არ გააჩნია, მაგრამ ეს არ ნიშ-  
 ნავს, რომ ფერები არ არსებობენ მხილველთათვის. მართალია, რელი-  
 გოური განცდა არ არის დაზღვეული ილუზიისაგან, მაგრამ აქ, მ.შე-  
 ლერისა არ იყოს, რაც უფრო მაღალია სულიერი აქტის სახეობა, მ.ათ  
 უფრო მეტია შეცდომის საშიშროება (თეოლოგის ენით თუ ვიტყვი, რე-  
 ლიგოურ გამოცდილებაში ხშირად უარყოფითი ძალაც იჭრება, რომელიც  
 შეგნებულად წარმართავს მას შეცდომისაკენ). რომელ განწყობისეულ  
 აღქმის ილუზიაზე შეიძლება იქ ლაპარაკი, როდესაც ფაქტიურად უსწა-  
 ვლელი წმინდანის ხილვებიდან იგება მთელი სისტემა მისტიკური ღვ-  
 თისმეტყველებისა? ამასთან დაკავშირებით, მაგალითად, მოვუსმინოთ  
 ცნობილ ისტორიკოსსა და ფილოსოფოსს ლევ კარსავინს. ახასიათებს  
 რა ნეტარი ანჯელას გამოცხადებებს, იგი ამბობს: „ბევრი ბოლომდე  
 ართქმულია, შეუცნობელია ანჯელას ამ გამოცხადებებში. და მისი  
 სიტყვები გვამცნობენ ნაკლებს, ვიდრე ის გრძნობდა, არ ვადმოსცე-  
 მენ მთელ ზრვეულ სიმდიდრეს მისი მისტიკური ცდისას. ბევრი რამ  
 მხოლოდ მინიშნებულა მის მიერ და შემდეგ ვახსნილია გვიანდელ  
 მისტიკოსთაგან, ბევრი რამ მხოლოდ წინასწარ გვაგრძნობინებს გონე-  
 ბაჭვრეტით ფილოსოფიას მაისტერ ეკჰარტისას და იაკობ ბიომესას.  
 მაგრამ მისი მისტიკის საფუძვლების გამეორებას ჩვენ ვპოვებთ გვი-  
 ან, როდესაც იგი სხვებსაც გამოცხადდა, და ძალზე მცირედი მიაღ-  
 წვევენ ყველაურის ერთიანობისა და შეკავშირების ესოდენ ცოცხალ შე-  
 გრძნებას, მოგვემენ ასეთ „ცოცხალ“ სისტემას მისტიკური ღვთისმე-  
 ტყველებისას, როგორც ამას იძლევა მორჩილი და უსწავლელი დედა  
 ანჯელა“\*

\* Откровения бл. Анжелилы (Библиотека Мистиков), пер.  
 Л. Карсавина, СПб., стр. 53-54.



მეორე მხრივ, თუკი პიროვნება ფსიქოლოგიურ ექსპერიმენტს ჩაატარებს რელიგიური გამოცდილების მისაღებად და ამ მიზნით იგი შეეცდება მიაღწიოს შეგნებულ **გ ა ნ წ ყ ო ბ ა ს**, რომლის აღმძვრელი ფაქტორი იქნება მარტოდენ მეცნიერული ცნობისმოყვარეობა (სუბიექტის მოთხოვნილება) + შესატყვისი გარემოს მოძებნა (ვლქვამ, ეკლესია), მას არაფერი გამოუვა. მაშასადამე, აქ მთავარია ისეთი განწყობა, როდესაც სუბიექტს ჭეშმარიტი რელიგიური მოთხოვნილება გააჩნია და არა მეცნიერული ცნობისწაღილი. ამიტომ, თავისთავად **გ ა ნ წ ყ ო ბ ა** რელიგიური გამოცდილებისათვის უცხო არ არის. მაგალითად, იეზუიტთა ორდენის დამაარსებელი იგნაციუს ლოიოლა თავისი ორდენის წევრებს სთავაზობს მის მიერ შედგენილ სულიერ ვარჯიშებს (*Exerzitien*), რომლის დროსაც ის ძალზე ზუსტ მიფითებებს იძლევა, თუ ლოცვის დროს როგორი წესით უნდა ჩაისუნთქონ და ამოისუნთქონ, სხეულის როგორი პოზაა ამ დროს მიზანშეწონილი, როდის უნდა დააბნელონ სენაკი, როდის უნდა დააკვირდნენ ადამიანის ჩონჩხის ნაწილებს და ახალი ყვავილების ცქერით კვლავ როდის უნდა შეიქმნან წარმოდგენა „სულიერი ცხოვრების გაფურჩქვნაზე.“<sup>\*</sup> დიახს, ყველაფერი ეს, თუ ვნებათა შეგნებული განწყობაა, მაგრამ ყველაფერი ეს ნაკარნახევია ჭეშმარიტი რელიგიური მოთხოვნილებით, და, თუ შეიძლება ასე ითქვას, ის, რაც ამით მიიღწევა, ილუზიას არ წარმოადგენს, არამედ თვისობრივად სრულიად სხვა რეალობას, **რ ე ღ ი გ ი უ რ ი გ ა მ ო ც დ ი ლ ე ბ ი ს შ ი ნ ა ა რ ს**.

ხშირად ასეთი **გ ა ნ წ ყ ო ბ ა**, რომელსაც აღწევდნენ გარკვეული წესების დაცვით, შესაძლებელს ხდიდა რელიგიური გამოცდილების შინაარსის დანახვას სხეულებრივი თვალბით. ამას აღგილი ჰქო-

<sup>\*</sup> Ignatius v. Loyola, *Geistliche Briefe und Unterweisungen*, München 1922.



ნდა ისიხაზმის (ბერძნ. *hēsychia* - ღუმილი) აღორძინებ-  
სას ათონის მიის ბერთა და დაყუდებულთა შორის XIV საუკუნეში.

ისინი გულში განუწყვეტლივ იმეორებდნენ ერთ ლოცვას: „იესო ქრის-  
ტე, ძეო ღვთისაო, შემიწყალე მე“ და ეღირსებოდნენ იმ ბრწყინვალე-  
ბის ხილვას, რომელმაც განანათლა მაცხოვარი თაბორის მთაზე. ისი-  
ხაზმის ამ ტექნიკას ასე აღწერს კონსტანტინოპოლის ქსენოკერსკის  
მონასტრის ბერი ს ვ ი მ ე ო ნ ი XI საუკუნეში: „ჩარაზე კარი  
შენი სენაკისა, დაჯექ კუთხეში და განაშორე აზრი შენნი ყოველივე  
მიწიერს, სხეულებრივსა და სწრაფწარმავალს. შემდეგ დახარე შენი  
ნიკაპი მკერდზე და მიაპყარ გრძნობადი და სულიერი თვალი შენს  
ჭიპს; შემდეგ მოკუმი ნესტოები ისე, რომ ოდნავ შეიძლებოდეს სუნ-  
თქვა, და თვალებით მოძებნე დაახლოებით ის ადგილი გულისა, სადაც  
თავმოყრილია სულის ყველა უნარნი. თავდაპირველად შენ ვერაფერს  
დაინახავ შენი სხეულის გამჭოლ; მაგრამ როდესაც გაატარებ ამ  
მდგომარეობაში დღესა და ღამეს, მაშინ, ჰოი სასწაულო, დაინახავ  
იმას, რაც შენ არასოდეს გიხილავს, დაინახავ ძალზე მკაფიოდ, რომ  
შენი გულის ირგვლივ ვრცელდება ღვთაებრივი სინათლე.“ კალაბრიის  
ბერმა ვარლამიმას სწორედ ეს აიგდო სასაცულოდ, უწოდა რა ამ მეთოდს  
„ჭიპგონებიოთა ან ჭიპსულიერება“ - *ομφαλοφυχία*.

I34I წლის საეკლესიო კრებაში, რომელზედაც გამოვიდა წმ. გრიგოლ  
პალამა, დაგმო ვარლამი. ეს შეხედულება შეიძლება ჩამოყალიბდეს  
შემდეგნაირად. ღმერთი თავისი არსით არის ერთი, მაგრამ მასში  
არის მრავალი ენერჯია. ამ ენერჯიათა რიცხვს განეკუთვნება მადლი  
ღვთისა და ღვთაებრივი გაბრწყინება - *ἐλλαμχίς*.  
ეს გაბრწყინება იყო აღამში მის დაცემამდე, მაგრამ ადამის დანა-  
შაულის შედეგად დაიკარგა. იგი კვლავ გამოვლინდა თაბორზე, რათა  
ვიცოდეთ, თუ რანი ვიყავით და რანი კაცობებით. მხოლოდ ეს გაბრ-  
წყინება აძლევს ადამიანს შესაძლებლობას გახდეს სრულყოფილი ღვ-

თის მსგავსად. ღირსეულ ღმერთი ანიჭებს გამღმრთებ მადლს, რომელიც არის ავითმყოფი სინათლე. ეს სინათლე, ეს ჭამადი ანგელოზთა, არის დიდება ღვთაებრივი ბუნებისა და მშვენიერება ზომავლის უამისა. მისი დანახვა შეიძლება სხელეებრივი ავადი.

რელიგიური გამოცდილება გულისხმობს ს ა ს წ ა უ ლ ი ს ცნებასაც, იგი გადადის სასწაულში, როგორც ეს ხდება ზემოთ აღწერილ შემთხვევაში, ხოლო ეს კი უკვე გამორიცხავს ყოველგვარ იმანენტურობას და აქ გ ა ნ წ ყ ო ბ ა ზ ე და მიუხედავად მის ი ლ უ ზ ი ე ბ ზ ე აღარ შეიძლება დაპარაკი, რაზედაც ჩვენ სიტყვას აღარ გავაგრძელებთ.

იესო ქრისტე არსებობდა არა მარტო გამოცხადებამდე, არამედ დროთა შექმნამდე. იოანეს სახარებაში იგი ამბობს: „უწინარეს აბრაამისა მე ვიყავი;“ „მე და მამა ვართ ერთი.“ იგი იყო და არის სამპიროვნული ღმერთის ერთი პიპოსტაზი. ესაა წმ.სამების დიდი საიდუმლო (*mysterium trinitatis*). ქრისტე წარმართთათვის ემსგავსებოდა მზეს, რომელიც ათბობს ბრმას, მაგრამ მისი თვალისათვის იგი უჩინარი რჩება.<sup>••</sup> ამიტომ იყო, რომ ისინი, როგორც ბრმები, ვრძნობდნენ ჭეშმარიტი ღმერთის არსებობას, მაგრამ ვერ ხედავდნენ და ვერ იმეცნებდნენ მას. სხვაგვარად იყო საქმე

• Нол. Энци. Сл., СПб., т. XIX, стр. 683

•• გამოქმეა შევინგისაა.



ღვთის რჩეულ ხალხთან - ებრაელებთან: „მთელი ძველი აღთქმა წარმოადგენს პირადი ურთიერთობების ისტორიას გამოცხადების ღმერთისას (ლოკოსისა ან იეჰოვასი) იუდეველი ხალხის წარმომადგენლებთან, - მათ პატრიარქებთან, ბელადებთან და წინასწარმეტყველებთან. ამ პირად ურთიერთობებში, რომელიც შეადგენს ძველი აღთქმის რელიგიას, შეინიშნება სამი ხარისხის თანმიმდევრობა. პირველ შუამავლებს ებრაელ ხალხსა და მის ღმერთს შორის, ძველ პატრიარქებს - აბრაამს, ისააკს და იაკობს, სწამთ პიროვნული ღმერთი და ამ რწმენით ცოცხლობენ; მათი მომდევნო წარმომადგენლები იუდეველობისა - მოსე ღვთისმხილველი, დავით წინასწარმეტყველი და სოლომონი, აღმაშენებელი დიადი ტაძრისა, ღებულობენ პიროვნული ღმერთის აშკარა გამოცხადებებს და ცდილობენ ეს გამოცხადებანი გაატარონ თავისი ხალხის საზოგადო ცხოვრებასა და რელიგიურ კულტში; მათი სახით იეჰოვა ღებს რაღაც გარეგან აღთქმასა თუ ხელშეკრულებას ისრაელთან, როგორც პიროვნება პიროვნებასთან. უკანასკნელი რიგი იუდეველობისა, წინასწარმეტყველნი, რომელთაც შეგნებული ჰქონდათ არასაკმარისობა ამ გარეგანი კავშირისა, წინათგრძნობენ და აცხადებენ სხვა, შინაგან შეერთებას ღვთაებისას ადამიანის სულთან მესიის სახით, რომელიც არის ძე ღვთისა და ძე დავითისა, და ამ შესიას ისინი წინათგრძნობენ და აცხადებენ არა მხოლოდ როგორც იუდეველობის უმაღლეს წარმომადგენლად, არამედ როგორც მთელი აღორძინებული კაცობრიობის წარმომადგენლად და თავად.“<sup>6</sup>

ქრისტეს გამოცხადების, მისი განკაცებისა და მკვდრეთით აღდგომის შემდეგ კაცობრიობის ისტორიაში ყველას, როგორც ებრაელებს, ასევე წარმართებს, შეეძლოთ თავიანთ სულში შეერთებოდნენ ღვთაებას, ძეს ღვთისას და ძეს დავითისას. ამის მავალითა მთელი

\* Вл. Соловьев, Чтения о Богомеловечестве, собр. соч., т. III, СПб., стр. 149.

ქრისტიანობის ისტორია, როგორც სხიზმამდე, ასევე მას შემდეგ. მაგრამ, როგორც ეს თავიდან აღვნიშნეთ, ჩვენს სულში ღვთის ეს შემოსვლა (ფსიქოლოგია ენით „რელიგიური გამოცდილება“) სხვადასხვა ხარისხისაა. სულ სხვაა ჩვეულებრივი მორწმუნის მიერ ღოცვით განცდილი სიხარული და სულ სხვაა ნეტართა და წმინდანთა მისტიური ზეალსვის მწვერვალები. მაგრამ მიზანი ისტორიისა არის სრული დამკვიდრება ქრისტესი ყოველი ადამიანის ცნობიერებაში. ეს მოხდება მაშინ, როდესაც „დაიხსნეს ყოველი მტერი მისნი ქუეშე ცერხთა მისთა“ (I კორინთელთა 15, 25).

ადამიანის წრფელი მიმართვა ქრისტესადმი უპასუხოდ არ რჩება. რელიგიური ცდა ქრისტეს განცდისა, მისი სუფევა სულში, უნივერსალური სიყვარულია, რომელსაც თან მოაქვს უნივერსალური შემეცნებითი მნიშვნელობა – ერთი მხრივ ქვეყნისა და ადამიანთა, მეორე მხრივ კი ღვთის ღვთის შემეცნება, უსასრულო მისტიური ზეალსება,

Ἐσοῦσθε αἱ (თეოგნოსია)... ცდა ამისა ყველა ქრისტიანის ვალება, თორემ წარმართნი მაინც გრძნობენ ქრისტეს, როგორც ბრმა გრძნობს მზეს, და ალბათ ამით აიხსნება, რომ მათშიც არის ბევრი კეთილი ადამიანი...

ამგვარად, ისტორიული ქრისტე მკვდრეთით აღდგომის შემდეგ ხდება ზ ე დ რ ო უ ლ ი ქ რ ი ს ტ ე , რომელიც ა წ მ ყ ო შ ი გვეცხადება. ასე შეიძლება მივუსადაგოთ ქრისტეს გერმანელი ფილოსოფოსის თეოდორ ლიტის სიტყვები: „ისტორიულად გაიგება არა მხოლოდ აწმყო წარსულისაგან, არამედ აგრეთვე წარსული აწმყოსაგან: რაც გასაგები უნდა გახდეს, პრინციპში არც ერთია და არც მეორე,

---

\* შელინგი, XXIV ლექცია, გვ. 12-17. იხ: Куно Фишер, Шеллинг, СПб 1905, стр. 856.





არამედ ის შ ი ნ ა გ ა ნ ი , რაც ორივე მოვლენაში ხდება.“<sup>•</sup>

ეხლა ისმის ყველა მორწმუნეთათვის ძალზე საგულისხმო კითხვა: თუკი ღმერთი ყველგან და ყველადღმერთია, თუკი იესო ქრისტე წრფელი ღოცვის დროს სულში ისადგურებს, მაშინ რაღა საჭიროა მ ი ს ი პურის სახით მიღება ზიარების დროს?

ამაზე პასუხის გასაცემად საჭიროა მივმართოთ რწმენის დიდ ავტორიტეტს. ამჯერად ეს იქნება ზემოხსენებული ნეტარი ანჯელა. „ერთი მეორეს არ გამორიცხავს“ – უპასუხა მას უჟალმა ამ შეკითხვაზე, და ვაიგო მან, რომ სხვაგვარადაა ღმერთი სულში და სხვაგვარადაა იგი საკურთხეველზე. საკურთხეველზე ძე ღვთისა არა მარტო ღვთაებრივად, არამედ თავისი კაცობრივობითაცაა, „გარშემორტყმული ანგელოზთა გუნდით.“ ამაცე კაცობრივობით ღმერთში ყველას აერთიანებს ერთიანი ევექარისტია, რომელიც სრულდება მრავალ საკურთხეველზე და თვით ანგელოზთა საკურთხეველზე. იგია დაკავშირებული ღვთის განსხეულების საიდუმლოსთან.“<sup>••</sup>

ჩვენი საუკუნის დასაწყისში რუსული სიტყვის ორ მეტრს – ვასილი როზანოვსა და ნიკოლაი ბერდიაევს შორის პოლემიკა გაიმართა. როზანოვმა, ამ „გენიალურმა ობივატელმა“, წამოაყენა დილემა: „ქრისტე ან ქვეყანა“: ქრისტე დაუნდობელია ამ ქვეყნის მიმართ, იგი უარყოფს ყოველივე ამქვეყნიურს, მაშინ როცა როზანოვს სურს ოჯახური ბედნიერება, წყნარი, ბედნიერი ცხოვრება, „მურაბის ჭამა თავის ოჯახში“, და ეს მაშინ, როცა ქრისტე ითხოვს ყოველივე ამის უარყოფას. როზანოვი მზადდაა მიიღოს ქრისტიანობა, როგორც ისტორიული სინამდვილე, მისი დაშორებებით ცოლ-ქმრისა, ძეებრებით, მუ-

• Th. Litt, Geschichte und Leben, Leipzig 1918, s. 9.

•• Откровения бл. Ангелы, СПб, стр. 34.



რებით, მაგრამ ქრისტეს გარეშე. ვისთვისაც ქრისტე ტკბილია, მისთვის ეს ქვეყანა ხდება მწარე, რადგან ქრისტეს რელიგიის მიხედვით მხოლოდ ერთი რამაა მშვენიერი - გარდაცვალება და სიკვდილი, მწუხარება და ტანჯვა.

ბერდიაევი ამბობს, რომ როზანოვი მაშინ იქნებოდა მართალი, თუ „ქვეყანა“ არის მხოლოდ ის, რადაც როზანოვი მას სახავს: ყოფიერების დადებითი სისხვედრე და უცხოობელი სიკეთე. მაგრამ სინამდვილეში ეს ასე არაა. „ქვეყანა“ არის შენარევი სიკეთისა ბოროტებასთან, სინამდვილისა მოჩვენებითობასთან, ყოფიერებისა არყოფნასთან, მარადიულობისა ხრწნასთან. საიდან შემოვიდა სიკვდილი ამ ქვეყანად? არა ქრისტესგან! ქრისტე მოვიდა სწორედ იმიტომ, რომ „ქვეყანა“ იხსნას სიკვდილისაგან და არა მის წარსაწყვედად. ეს ქვეყანა ბოროტებაში ძვეს, მაგრამ მას მაინც დარჩა კავშირი ღმერთთან და ეს კავშირი არის ძე ღვთისა, ღმერთყავი, ისტორიაში განსხეულებული ქრისტეს პიროვნება.<sup>99</sup>

ქრისტიანული ღვთისმეტყველება მატერია - სულის დუალიზმიდან ერთად აღიარებს სხვაგვარ დუალიზმს: ესაა გარჩევა, რომელიც უპირისპირებს შეუქმნელ ყოფიერებას, ღმერთს, ქმნილ ყოფიერებას. ნუთუ ღმერთი მხოლოდ სულთა ღმერთია და იგი ასევე არაა „ღმერთი ყოველთა სხეულთა?“<sup>100</sup> ამიტომაც გვპირდება უფალი თავის მთრედა მოსვლას, ადამიანთა სხეულბრივ აღდგომას და მათ საბოლოო განსჯას.

ამგვარად, ქრისტე იყო წარსულში, არის აწმყოში და იქნება მომავალში: „იესო ქრისტე გუშინ და დღეს და იგი თავადი არს უკუ-

\* Ник. Бердяев, Христос и мир, წიგნში: Духовный кризис интеллигенции, СПб 1910.

<sup>99</sup> ვლ. ლესკის გამოთქმაა.



ნისამდე“ (ებრაელთა I3,8). იგი დროთა მიღმა დგას. მასთან კავშირის დამყარებით ჩვენ მარადიულობას ვეზიარებით. მხოლოდ იგია ხიდი ჩვენსა და ღმერთს შორის.

პლოტინეს ენეადების ბოლო სიჯყვით რელიგია არის „გაქცევა მარტოხელასი მარტოდმარტოსთან“ ( *φύγε μόνη πρὸς μόνη* ). საბოლოოდ ჩვენ ქრისტეს წინაშე მარტოდმარტო ვრჩებით. იგია ჩვენი მზსნელი - იესო უტკბილესი, ქრისტე მაცხოვარი.

უფალო იესო ქრისტე, შეგვიწყალე და დაგვიფარე ჩვენ!

ვ ი ქ ტ ო რ რ ც ხ ი ლ ა ძ ე

შ ი ნ ა ა რ ს ი

ვ. რ ც ხ ი ლ ა ძ ე , სულთა გამოცხადებანი და სპირიტუზმი წმ.  
მართლმადიდებლური რწმენის შუქზე ..... 3

წინასიტყვაობა ..... 3

თავი პირველი. რამდენიმე მოსაზრება სულთა უკვდა-  
ვებასთან დაკავშირებით..... 4

თავი მეორე. პარაფსიქოლოგია, სპირიტუზმი და  
თანამედროვე სტატისტიკა სულთა გამოცხადებების  
შესახებ .....55

თავი მესამე. კომენტარები .....120

ვ. რ ც ხ ი ლ ა ძ ე , იესო ისტორიული თუ ქრისტე აწმყოსი? 156

F 8-34

1986

